

মোক্ষদা

(উপন্যাস)


শ্রীমনোমোহন চট্টোপাধ্যায়

প্রণীত

কলিকাতা

১৩২৯

মূল্য ১৫০



প্রণত-প্রশান্তলচন্দ্র ভট্টাচার্য
মানবী প্রেস
১৪১এ, বামতনু বঙ্গবন্ধু লেন, কলিকাতা।

মোক্ষদা

আত্মকথা

বাঙ্গালার দরিদ্রলোক আরও দরিদ্র হইয়া পড়িতেছে ~~বাঁচিয়া~~।
গার ধনী জমিদার কুলও ক্রমে ধনহীন হইয়া পড়িতেছেন।
জমিদারগণের ধনহীনতার অনেক কারণ আছে ; আমরা একটি
মাত্র কারণ এই উপস্থানে বুঝাইতে চেষ্টা করিয়াছি। এই ধন-
হীনতা হইতে কিরূপে পরিত্রাণ লাভ করা যাইতে পারে তাহাও
বড় ঠাকুরানীর চ'রিত্রে বুঝাইয়াছি। রানী ভবানীর দেশের
লোককে, মহারানী স্বর্ণময়ীর স্বদেশবাসীকে, রানী শঙ্করী বা রানী
রাসমণির ভক্তগণকে বোধ হয় বুঝাইয়া বলিতে হইবে না যে
এই বাঙ্গালা দেশে, অনেক জমিদারগৃহিণীই, বড়বধূঠাকুরানীর
ন্যায়, জমিদারী রক্ষা করিতে, এবং উহার উন্নতি সাধন করিতে
সমর্থ। এই অস্তঃপুরচ'রিত্রীগণ কোথা হইতে এই শক্তিলাভ
করেন, তাহা চিন্তা করিবার বিষয়।

. আশ্রম, হুগলি

১লা আশ্বিন, ১৩২৯

শ্রীমনোমোহন চট্টোপাধ্যায় ।

মোক্ষদা

প্রথম পরিচ্ছেদ

তাজপুরের জমীদারী।

আমরা তাজপুরের কারস্থ জমীদারদিগের কথা বিবৃত করিব;
তোমরা শ্রবণ কর।

হুইটি উপযুক্ত ও শিক্ষিত পুত্র রাখিয়া বৃদ্ধ জমীদার বাবু
স্বর্গারোহণ করিলে, পুত্রগণ তাজপুর জমীদারীর পুরুষানুক্রমিক
কীর্তি গৌরব অশুভ রাখিয়া পিতার শ্রদ্ধ কার্য সুচারুরূপে সম্পন্ন
করিলেন; এবং পিতার পরিত্যক্ত স্থাবর অস্থাবর সম্পত্তির
স্বাধিকারী হইলেন।

ছোষ্ঠ শ্রীযুক্ত বরগজ্জ সিংহ মহাশয় ছোষ্ঠ বশতঃ সমুদায়
জমীদারী তত্ত্বাবধান করিতেন, এবং জমীদারীর আয় হইতে
সংসারিক ব্যয় সকল নির্বাহ করিতেন। কনিষ্ঠ শ্রীযুক্ত অরুণ
জ্জ সিংহ মহাশয় আপন হাত খরচ জ্ঞাত জমীদারী তহবিল
হইতে কেবল মাত্র মাসিক একশত টাকা গ্রহণ করিয়া সমস্ত
খরচ করিতেন। এইরূপে কয়েক বৎসর অতীত হইল।

ইদানিং কিন্তু, অরুণ বাবুর হাত খরচ জ্ঞাত অধিক টাকার প্রয়োজন হইল। এবং করুণ বাবু উৎসবাদিতে ব্যয় সংক্ষেপ করায়, এবং অন্যান্য অনেক বিষয়ে অরুণ বাবু জ্যেষ্ঠ করুণ বাবুর সহিত একমত হইতে পারিলেন না। সুতরাং তিনি সম্পূর্ণ স্বাধীন ভাবে জীবন যাত্রা নির্বাহ করিবার জন্য অভিলাষ হইলেন। এবং অন্য হিতৈষী লোকের দ্বারা আপন মনোভিলাষ জ্যেষ্ঠের কর্ণগোচর করাইয়া জমীদারীর অর্দ্ধাংশ এবং অন্যান্য স্থাবর অস্থাবর সম্পত্তির অর্দ্ধ অংশ পৃথক করিয়া লইলেন।

তাজপুর গ্রামে তাজপুরের জমীদারদিগের দুইটি বাগী ছিল। একটি নহবত শালা, দেবালিন্দ, চব্বর, অক্ষুপু, অঙ্গন, খিড়কী প্রভৃতি দ্বারা পরিশোভিত শুবুহৎ বসতবাগী। অন্যটি বসতবাগীর অনতিদূরে উত্তান মধ্যে ক্ষুদ্র দ্বিতল বাগী। ভদ্রাসন বাগীটি জমীদার বাগী বলিয়া তৎপ্রদেশে প্রখ্যাত ছিল। উত্তান মধ্যস্থিত অন্য বাগীটিকে লোকে জমীদারদিগের বাগান বাগী বলিত।

জ্যেষ্ঠ শ্রীযুক্ত করুণচন্দ্র সিংহ মহাশয়, কনিষ্ঠের প্রতি যেরূপ বশতঃ এবং কনিষ্ঠের প্রতি জ্যেষ্ঠের ব্যবহারের উচিত্য অনুভব করিয়া শুবুহৎ ভদ্রাসন বাগী দুইভাগে বিভক্ত না করিয়া, সমুদায় অনিভক্ত অংশ কনিষ্ঠকে প্রদান করিলেন; এবং আপনি উত্তান মহা ক্ষুদ্র বাগানবাগীটি গ্রহণ করিলেন।

অরুণ বাবু বৃহৎ ভদ্রাসন বাগীর সমুদায় অংশ পাইয়া আপনাকে বিশেষ লাভবান মনে করিয়া অত্যন্ত প্রীত হইলেন বটে, কিন্তু একটি বাগানবাগীরও অভাব বিলক্ষণ অনুভব করিলেন

এবং তখনই মনোমধ্যে স্থির করিয়া ফেলিলেন ~~যে, এই জমিদারী~~
বাগান বাটী অপেক্ষা শ্রেষ্ঠ বাগানবাটী তিনি অবিলম্বে ~~প্রস্তুত~~
করিয়া লইবেন।

কনিষ্ঠের প্রতি স্নেহ প্রযুক্ত জ্যেষ্ঠ করুণ বাবু আর একটি
সদাশয়তার কার্য করিয়াছিলেন।

জমিদার ভ্রাতাদিগের পিতা মৃত্যুকালে যথেষ্ট ঋণ রাখিয়া
গিয়াছিলেন। জ্যেষ্ঠ করুণ বাবু চিন্তা করিয়া দেখিলেন যে,
কনিষ্ঠ অরুণচন্দ্র আপন অংশের সম্পত্তির আয় হইতে আপন
ব্যয়ভার বহন করিলে, অতঃপর তিনি সহজেই আপন ব্যয়
লাঘব করিতে পারিবেন; এবং আপন অংশের উদ্ধৃত্ত আয়
হইতেই সহজেই সমুদায় ঋণ পরিশোধ করিতে পারিবেন। ইহা
মনে করিয়া, তিনি ঋণদাতাকে বলিয়া, পিতৃঋণের সমুদায় ভার
আপন স্বন্ধে গ্রহণ করিলেন; এবং এই ঋণের দায় হইতে কনিষ্ঠ
ভ্রাতাকে সম্পূর্ণ মুক্তি প্রদান করলেন। পিতৃঋণ হইতে সহজে
মুক্তিলাভ করিয়া অরুণ বাবু ভাবিলেন যে, এক্ষণে উৎকৃষ্ট বাগান
বাটী প্রস্তুত করা তাঁহার পক্ষে অত্যন্ত অনায়াসসাধ্য হইবে।

তাজপুরের জমিদারদিগের সমুদায় জমিদারীর আয় বাৎসরিক
পনের হাজার টাকা ছিল। এক্ষণে সম্পত্তি বিভক্ত হওয়ার প্রত্যেক
ভ্রাতার বার্ষিক আয় হইল—সাত্বে সাত হাজার টাকা।

পিতৃঋণের পরিমাণ পঞ্চাশৎ সহস্র মুদ্রা; এবং ইহার
বাৎসরিক সুদ তিন হাজার টাকা দিতে হইত। উভয় ভ্রাতা
পৃথক হইবার পূর্বে, করুণ বাবু দোম-দুর্গোৎসব প্রভৃতি উৎসবের

ব্যয় ভ্রাতার সনির্বন্ধ অনুরোধে সংকুচিত করিতে পারেন নাই ;
 এজন্য এ যাবত স্ত্রী বাতীত মূল ঋণের কিছুই পরিশোধ হয়
 নাই। এক্ষণে পৃথক হইয়া তিনি উৎসবদির ব্যয় একেবারে
 বন্ধ করিয়া দিলেন ; এবং কর্তব্যময়ী ও বুদ্ধিমতী পত্নীর সহায়তায়
 অন্যান্য সাংগরিক ব্যয়ও বহুল পরিমাণে সংযত করিয়া ফেলিলেন।
 এইরূপে, জমীদারী বিভাগের পর, প্রথম বৎসরেই তিনি সমুদায়
 স্ত্রী পরিশোধ করিয়া, মূল ঋণের কিয়দংশ কমাইতে সমর্থ
 হইয়াছিলেন ; এবং আশা করিয়াছিলেন যে দশ পনের বৎসরের
 মধ্যে সমুদায় ঋণ পরিশোধ করিয়া, ক্ষুদ্র বাগানবাটীতে নূতন
 কক্ষ সকল সংযুক্ত করিয়া তাহার আয়তন, জমীদার পরিবারের
 বসবাসের উপযুক্ত করিয়া বর্ধিত করিয়া লইতে পারিবেন।

কিন্তু মানুষ যাহা আশা করে, তাহা সফল কবিবার ক্ষমতা
 ভগবান মানুষের গাতে প্রদান করেন নাই। বিষয় সম্পত্তির
 বিভাগের দেড় বৎসরের মধ্যেই সঙ্কটাপন্ন রোগে করুণ বাবু
 শয্যাশায়ী হইলেন। স্ত্রী চিকিৎসকের চিকিৎসায়, পাতব্রতা
 পত্নীর প্রাণপণ সেবায়, শিশুপুত্রের কোমল হস্তের শীতল প্রলেপে
 সে রোগের উপশম হইল না। করে ৬ দিন রোগযন্ত্রণা সহ্য
 করিয়া তিনি সংসারের নিকট চিরবিদায় গ্রহণ করিলেন।
 তাঁহার অকাল মৃত্যুর সংহিত তাঁহার সকল আশা নির্বাণিত
 হইয়া গেল। তাঁহার ভক্তিমতী গৃহিনী ছয়বৎসরের এক শিশু
 পুত্রকে ক্রোড়ে লইয়া জনের মত স্বামীহারা হইলেন।

জ্যেষ্ঠের মৃত্যুর পর কনিষ্ঠ শ্রীবুদ্ধ অক্ষয়চন্দ্র সিংহ মহাশয়

পত্নীর সহিত দুই চারি দিন দাদার বাটীতে আসিয়া পারিবারিক শোক ক্রন্দনে যোগদান করিয়াছিলেন ; দাদার শ্রাদ্ধ কার্য্য কিরূপ ব্যয়ে সম্পন্ন করিলে তাজপুর জমীদারদিগের দেশপরিব্যাপ্ত স্নানঃ অব্যাহত থাকিবে, ভ্রাতৃজায়াকে তদ্বিষয়ে যথোচিত উপদেশ প্রদান করিয়াছিলেন ; কিন্তু কিরূপে দাদার পরিত্যক্ত জমীদারী রক্ষা পাইবে, কি উপায়ে ভ্রাতৃজয়া স্বামীর ঋণদায় হইতে মুক্তি লাভ করিবে, কিরূপে দাদার শিশুপুত্রের বিদ্যালিক্ষা সুচারু রূপে সম্পন্ন হইবে, তদ্বিষয়ে কোনও সত্বপদেশই খুঁজিয়া পান নাই।

যথাকালে মৃত করুণ বাবুর শ্রাদ্ধকার্য্য হইয়া গেল। কিন্তু নির্বেধ ভ্রাতৃজয়া পূজনীয় স্বামীর শ্রাদ্ধে, অরুণ বাবুর সত্বপদেশ মত দশহাজার টাকা ব্যয় না করিয়া কেবলমাএ পাঁচ শত টাকা মাত্র ব্যয় করায়, জমীদার অরুণ বাবু শ্রাদ্ধ বাড়ীতে মুখ দেখাইতে পারেন নাই।—তাহার ভোষ্ঠের শ্রাদ্ধে পাঁচ শত টাকা ব্যয়!— ছি! ছি! তিনি জন-সমাজে মুখ দেখাইবেন কিরূপে? কিরূপে তাহার দাদার বিবাহিতা বনিতা এত নীচ হইতে পারিল; তাই তিনি ভাবিয়া ঠিক করিতে পারিলেন না; তিনি যাহাকে যাহাকে সেই অত্যাশ্চর্য্য কথা জানাইলেন, তাহারাও তাহা ভাবিয়া ঠিক করিতে পারিল না।

কাশীধামের এক তপঃপ্রভ বহুশাস্ত্রজ্ঞ যতির নিকট করুণা বাবু কয়েক বৎসর পূর্বে সহধার্ম্মণী সহ দীক্ষা গ্রহণ করিয়াছিলেন। স্বামীহীনা হইয়া নিতান্ত অসহায় অবস্থায় পড়িয়া গৃহিণী গুরুদেবকে স্মরণ করিলেন। তিনি তাজপুরে আগমন করিয়া

পরলোকগত শিষ্যের পারলৌকিক ক্রিয়া সম্বন্ধে ষে রূপ ব্যবস্থা করিলেন, কার্যতঃ সেইরূপই নিষ্ফল হইল।

গুরুদেব শিষ্যকে আরও উপদেশ প্রদান করিয়াছিলেন। সর্বদশী গুরুদেবের উপদেশ শিরোধার্য্য করিয়া স্বামীহীনা বড়বধূঠাকুরাণী আপন অংশের বাৎসরিক আর সাড়ে সাত হাজার টাকা হইতে পুত্রের বিদ্যাশিক্ষার এবং গ্রামাচ্ছাদনের সংক্ষিপ্ত ব্যয় নির্বাহ করিয়া, স্বর্গগত স্বশুরের ঋণ পরিশোধ করিতে যত্নবতী হইলেন। আমরা যথা কালে দেখিব, সদ্গুরুর পরামর্শ এবং নিজের ঐকান্তিক যত্নে তিনি বিরূপ সুফল লাভ করিতে পারিয়াছিলেন।

করুণ বাবুর একমাত্র পুত্রের নাম কৃষ্ণকিশোর, আর অরুণ বাবুর জ্যেষ্ঠ পুত্রের নাম রাধাকিশোর। দুই জনই সমবয়স্ক। বৃদ্ধ জমাদার বাবু দুই পুত্রের কৃষ্ণরাধা নাম রাখিয়া মনে করিয়াছিলেন যে, পুত্রদের নাম উচ্চারণ করিলেই ফাঁকিতে ভগবানের নাম লওয়ার মহাপুণ্য সঞ্চিত হইয়া যাইবে।

কৃষ্ণকিশোর পিতার মৃত্যুর পর কয়েক বৎসর বাটীতে থাকিয়া মাতার তত্ত্বাবধানে বিদ্যাশিক্ষা করিল। তাহার পর, অধিক বিদ্যালভ জন্ম কলিকাতায় যাইয়া, গ্রামের অল্প এক বালকের সহিত পটলডাঙ্গা অঞ্চলে এক ছাত্রবাসে বাস করিতে লাগিল। রাধাকিশোরও পাঠের উন্নতির জন্ম কলিকাতায় প্রেরিত হইয়াছিল।

দ্বিতীয় পরিচ্ছেদ

শ্রীযুক্ত ছোটবাবু মহাশয় ।

দ্বিতলে বৃহৎ; বৈঠকখানা ঘর। তাহার ছাদে বিচিত্র ফটিক ঝাড় সকল ঝুলিতেছিল, তাহার ভিত্তিগাত্রে বৃহদাকার চিত্র সকল লিখিত ছিল, তাহার মেঝেতে শপের উপর সতরঞ্চ এবং সতরঞ্চের উপর জাজিম বিস্তৃত ছিল। সেখানে তাকিয়া, পানপাত্র, নানাপ্রকারের ধূমপান বস্তু এবং ফরমাইস গুনিবার জন্ত একজন পরিচারক সর্বদা বিদ্যমান থাকিত। সেখানে সন্ধ্যাকালে গ্রাম্য পুরোহিত মহাশয়, এবং গ্রামস্থ অন্যান্য বিজ্ঞগণ সমবেত হইতেন। সেখানে শ্রীযুক্ত অক্ষয়চন্দ্র সিংহ মহাশয়, ছোটবাবু মহাশয় বলিয়া সম্বোধিত হইয়া কর্ণ-বিবরে মধুর সুখ উপভোগ করিতেন। সেখানে বিজ্ঞগণ যে বাক্য সুধা বর্ষণ করিতেন তাহা তিনি সত্য—অতি সত্য বলিয়া গ্রহণ করিতেন।

- একদিন এক বিজ্ঞব্যক্তি প্রস্তাব করিলেন,—“দেখুন ছোটবাবু মহাশয়, এবার কিন্তু কলিকাতা থেকে, এই দুর্গোৎসব উপলক্ষে একজন বিখ্যাত বাইজিকে আনতে হবে।”

উদারাত্মা ছোটবাবু মহাশয় তৎক্ষণাৎ বুঝিলেন যে, ইহা সত্য—অতি সত্য!—একজন মুসলমান বারবানিতা আসিয়া

অঙ্গভঙ্গিমা সহকারে পলাণ্ডু সুবাসিত শ্রীমুখে যদি শ্রেয়সরাগিনীর
লীলা না দেখাইল, তবে পবিত্র দেবীপূজা একবারে অক্ষয়
হইয়া যাইবে।

পুরোহিত মহাশয় শব্দ শাস্ত্রজ্ঞ ব্যক্তি; তিনি বুঝাইয়া
দিলেন, “আহা-হা! যখন ‘উৎসব’ কথাটার অর্থই নৃত্যগীত,
তখন পূজার নৃত্যগীতের প্রয়োজন আছে বই কি!”

তদবধি শ্রীযুক্ত অক্ষয়চন্দ্র সিংহ মহাশয়ের পৈতৃক ভদ্রাসনে,
হুর্গোৎসবের আসরে বাইনাচের ব্যবস্থা হইল। তাহা দেখিয়া,
শতশত মুখ হইতে শ্রাবণের জলধারার গায়, প্রসংগা ছোটবাবু
মহাশয়ের উৎকর্ষ কর্ণে বর্ষিত হইতে লাগিল। শুনিয়া ছোটবাবু
মহাশয়ের কর্ণ জুড়াইয়া গেল।

আর একদিন অন্য এক প্রাজ্ঞব্যক্তি কহিলেন,—“ছোটবাবু
মশাই, আপনার কাছে আমাদের একটা নিবেদন আছে। বড়
বাবু বেঁচে না থাকায়, বিশেষতঃ ও বাড়ীর কর্তী ঠাকুরের
মনে কিছুমাত্র ধর্মভাব না থাকায়, ওখানে যখন হুর্গোৎসব হই
না, তখন এ বাড়ীর হুর্গোৎসবে বিসর্জনের দিন কিছু আতস বাজী
পোড়ান নিতান্ত আবশ্যিক।”

• ছোটবাবু মহাশয় বুঝিলেন যে, কথাটা সত্য — অতি সত্য!
এবং বিজ্ঞজনোচিত বটে।— কারণ পূজ্যা দেবীকে বিদায় দিবার
সময় যদি পটকা সকল সহস্র সহস্র করতালির গায় পট্ পট্ শব্দ
না করিল, যদি হাটই সকল বহুমুখী নাগিনীর গায় গগন পথে
বিচরণ না করিল, তবে আর প্রতিমা বিসর্জনের সুখ কি?

শ্রীযুক্ত ছোটবাবু মহাশয়

৯

পঞ্জিকা-শাস্ত্রজ্ঞ পুরোহিত মহাশয় বুঝাইয়া দিলেন,—“শাস্ত্রে যখন বলছে যে প্রদোষে বহুৎসব, তখন বাজি পোড়ানোর আবশ্যক আছে বই কি।”

কৃষ্ণকিশোর বিদ্যাশিক্ষার জন্য কলিকাতায় প্রেরিত হইলে, ছোটবাবু মহাশয় ভাবিলেন যে রাধাকিশোরও তাহার কনিষ্ঠ ভ্রাতাগণকেও কলিকাতায় পাঠাইতে হইবে। তখন গ্রামস্থ স্ত্রীগণ সমবেত হইয়া তাঁহাকে সৎপরামর্শ প্রদান করিলেন,—“দেখুন ছোটবাবু মহাশয়! আপনার ছেলেরা হল জমিদারের ছেলে, পাঁচ জনের সঙ্গে মেসের বাড়ীতে থাকা ওদের পোষাবে না; ওদের জন্তে একটি বাড়ী ভাড়া নেওয়া আর গাড়ী ঘোড়া রাখা নিতান্ত আবশ্যক।”

ছোটবাবু মহাশয় অনায়াসে বুঝিলেন যে, কথাটা সত্য—অতি সত্য।—কারণ কলিকাতায় বাড়ীভাড়া লওয়া হইলে, তিনি নিজে মাঝে মাঝে সেখানে যাইয়া অবস্থিতি করিতে পারবেন; এবং গাড়ী চাড়া খিয়েটার বায়োস্কোপ প্রভৃতি দেখিয়া বেড়াইতে পারিবেন।

পুরাণ-পারদর্শী পুরোহিত মহাশয় বুঝাইয়া দিলেন যে পুরাণোল্লিখিত সকল রথারই যখন রথ ছিল, আর যখন ছোটবাবু মহাশয়ের কুমারেরা দেবী ভারতীর সাক্ষাৎ বরপুত্র, তখন তাহাদেরও রথ অর্থাৎ গাড়ী থাকার প্রয়োজন আছে বই কি!

অতএব যখন সামুজ রাধাকিশোর পল্লীগ্রামের পাঠ সমাধা করিয়া কলিকাতায় গেল, তখন মাসিক পঞ্চাশ টাকা ভাড়ায়

একটি অনতিবৃহৎ বাটী ভাড়া লওয়া হইল; "এবং অশ্বসহ একখানি অশ্ব শকট ক্রয় করিয়া ঐ বাটীর আস্তাবলে রাখা হইল।

এইরূপে জ্যেষ্ঠের পিতৃহীন পুত্র কৃষ্ণকিশোর যখন কলিকাতায় সামান্য ছাত্রবাসে থাকিয়া পদব্রজে বিদ্যালয়ে যাইত, তখন শ্রীযুক্ত ছোটবাবু মহাশয়ের ভাগাবান পুত্র শ্রীমান রাধাকিশোর কনিষ্ঠগণের সহিত তেজোদীপ্ত অশ্বসংস্কৃত রমণীয় গাড়ীতে চড়িয়া আপনাদিগের ভাড়াটীয়া বাটী হইতে বিদ্যালয়মন্দিরের দিকে ধাবিত হইত।—এই অপূর্ব ধ্যান দেখিবার জন্ত, আমাদের মনে হয়, স্বয়ং বিদ্যাদেবী স্বর্গীয় কোচের উপর বৈশাখী ফেলিয়া, আলু থালু বেশে অস্তরীক্ষের গবাঙ্কপথে ছুটিয়া আসিতেন। এইরূপে যখন কৃষ্ণকিশোর পূজার অবকাশে পল্লীগ্রামে ফিরিয়া আপনাদের অপরিমিত গৃহ ও মাতার চির-বিষাদময় মুখ অবলোকন করিত, তখন ছোটবাবু মহাশয়ের ভাগ্যবর বংশধরগণ কলকল কোলাহলপূর্ণ বিস্তীর্ণ অট্টালিকাতে আসিয়া, উৎসবালোকোজ্জ্বল আসরে বসিয়া বাইজীর অশ্ব ভাগ্যমায় সঙ্গীতোচ্ছাস শ্রবণ করিত, এবং প্রাতমা বিগর্জনের দিনে তড়াগ-পার্শ্বস্থিত পল্লবপ্রসূন শক্তিত বিচিত্র উচ্চ মণ্ডপে বসিয়া চর্ষোৎফুল্ল লোচনে বহু বাছোদাম মধ্যে বিচিত্র অগ্নিক্রীড়া নিরীক্ষণ করিত, তৎকালে শ্রীমান রাধাকিশোরের পরম সৌভাগ্যের কথা স্মরণ করিয়া পল্লীবাসী অত্র যুবকগণ মনে করিত, আহা! না জানি রাধাকিশোর পূর্ব জন্মে কত তপস্যা

করিয়াছিল, বাহার ফলে ছোটবাবু মহাশয়ের শ্রায় ক্রিয়াকাণ্ড-
পরায়ণ অসাধারণ পিতা লাভ করিতে পারিয়াছে।

জ্যেষ্ঠের শ্রাদ্ধের বার সম্বন্ধে ভ্রাতৃজ্ঞায়ার সহিত মতান্তর
হইবার পর হইতে শ্রীযুক্ত ছোটবাবু মহাশয় ভ্রাতৃজ্ঞায়া বা
তৎপুত্রের সহিত সকল সংস্রবই ত্যাগ করিয়াছিলেন। দুর্গোৎ-
সবানিতে তাঁহারা অন্তের শ্রায় পত্র দ্বারা নিমন্ত্রিত হইতেন বটে,
কিন্তু কেহই তাঁহাদের বাটীতে আসিয়া, আত্মীয়ের শ্রায় তাঁহাদের
আহ্বান করিয়া লইয়া যাইত না। পরন্তু কৃষ্ণকিশোরের মাতা
অন্যায়ের শ্রায়, বাঃব নতার নৃত্য দেখিতে যাওয়া শ্রাঘার কথা
মনে করিতেন না। তিনি ভাবিতেন, ভগবান যে জাতিকে
জননী করিয়া সৃষ্টি করিয়াছেন, তাহারা কিরূপে আপনাদের
কুৎসিত অঙ্গভঙ্গী পুরুষগণকে প্রদর্শন করায়; আর কিরূপেই
বা সমাজপাত পুরুষগণ জগন্মাতার পূজার আসরে বাঁসয়া আঁকুক
সদয়ে মাতৃজাতির এই ঘৃণ্য অধঃপতন চাছিয়া দেখে!

শ্রীযুক্ত ছোটবাবু মহাশয় বড় বধুঠাকুরাণীর সহিত সকল
সম্পর্কই ত্যাগ করিয়াছিলেন বটে; কিন্তু তাঁহার নিন্দা ত্যাগ
করিতে পারেন নাই। কেন জানি না, এই নিন্দায় তিনি
একটা আনন্দ উপভোগ করিতেন। গ্রামস্থ যে সকল বিজ্ঞব্যাক্ত
তাঁহার বৈঠকখানা ঘরে সমবেত হইতেন, তাঁহারা তাঁহার
জ্যেষ্ঠের বিধবা পত্নী সম্বন্ধে কোন একটা নিন্দা উত্থাপন করিলে
তিনি হাস্যপ্রসন্ন মুখে সে নিন্দায় যোগদান করিতেন। তিনি
বুঝিতে পারিতেন না যে, একজন সদরওয়ালার কথা হইয়

এবং এইরূপ উদার ও প্রখ্যাত জমিদার কুলের প্রথম কুলবধু হইয়া তাঁহার ভ্রাতৃজায়া বিরূপ এরূপ নীচমনা হইতে পারিলেন ; পদের উপর পদ সংস্থাপিত করিয়া বাহার পরিত্যক্ত সম্পত্তি উপভোগ করিতেছেন, তাঁহারই শ্রাদ্ধে যখন এক পয়সা খরচ করিতে পারিলেন না, তখন বড় বধূঠাকুরাণী অর্থ সংকয়ের জন্য সবটাই করিতে পারেন।

তৃতীয় পরিচ্ছেদ

বড় বধূঠাকুরাণীর নিন্দা

শ্রীযুক্ত ছোটবাবু মহাশয়ের বৈঠকখানায় বড়বধূঠাকুরাণীর কিক্রপ নিন্দা শুঁত আমরা তাহার একটু পরিচয় দিব।

একদিন কয়েকটি গ্রাম্য পার্শ্বচর পরিবেষ্টিত হইয়া ছোটবাবু মহাশয় তারাদল মধ্যবর্তী শশধরের স্নায় বৈঠকখানা ঘরে বিরাজ করিতেছিলেন। এবং নিকটবর্তী এক ভদ্রের নিকট শুঁতে আপন যুক্তিস্ততার ও উদারতার শ্রবণসুখকর যশোগান শ্রবণ করিতে করতে অন্ধানমোলত নেত্রে ধূমপান করিতেছিলেন। তখন অত্র একটি পার্শ্বচর প্রিয় ব্যক্তি, আর একটি ভ্রাতার মত সভাঞ্জেহে উদ্ভে হইয়া কহিল,—“আপন শুনেছেন, ছোটবাবু ?”

ছোটবাবু মহাশয় আপন কোতুহলোদ্দীপ্ত অঁথি বিক্ষারিত করিলেন ; এবং আলবোলায় স্বর্ণময় মুখনলটি মুখ হইতে অপসারিত করিয়া কুণ্ডলীকৃত স্নগন্ধ ধূমরাশি বায়ুপথে ছাড়িয়া দিলেন। ধূম অল্প উচ্চে উঠিয়া বায়ুপথে বিলীন হইয়া গেল ;—বুঝা পৃথিবীর লোককে বুঝাইয়া দিয়া গেল যে, মানব-মুখের যশোরাশি অমনই অসার—অমনই ক্ষণভায়া সৌরভ বিস্তার করিয়া অনন্ত আকাশে মিলিয়া যায়। অতঃপর তিনি স্মৃষ্টি নুতন সংবাদ শুনিবার প্রত্যাশায় হর্ষান্বিত হইয়া জিজ্ঞাসা

করিলেন,—“কি হে, ও বাড়ীর বড়বৌঠাক্করণের কোন কথা নাকি ?”

সন্দেশবহু ভদ্র বিশেষ উল্লাস প্রদর্শন করিয়া কহিল,—“ছোট বাবু মহাশয় ঠিক অনুধাবন করেছেন। আপনার অনুধাবন শক্তি দেখে মনে হচ্ছে যে পূর্বেজন্মে আপনি নিশ্চয় একজন বিশিষ্ট গণংকার ছিলেন।” এই বলিয়া সেই ব্যক্তি ভাবিল যে, সে আজ যেমন তোষামোদ বাক্য প্ররোগ করিয়াছে তাহাতে সমবেত সকলকেই তাহার নিকট পরাভব স্বীকার করিতে চাইবে; অতএব সে সকলের মুখের দিকে বিজয়ীর হাথ গর্কিত দৃষ্টি নিক্ষেপ করিতে লাগিল।

কিন্তু এই তোষামোদের কাছে সত্যই পরাভূত হইতে হইবে এই আশঙ্কায় অন্ত এক পক্ষ হইল,—“ওহে! আমাদের ছোট বাবু মহাশয় কেবল গতজন্মে গণংকার ছিলেন না! উনি এ জন্মেও গণংকার এবং পর জন্মে নিশ্চয়ই গণংকার হইবেন।”

পরজন্মে জন্মদার না হইয়া গণংকার হইবার আশায় বিশেষ মুখ অনুভব করিতে না পারিয়া ছোটবাবু মহাশয় একটু কষ্ট হাসি হাসিয়া কহিলেন,—“কিন্তু বড়বৌঠাক্করণের কি কথা বলছিলে ?”

পূর্বেকৃত ভদ্র কহিল;—“হাঃ হাঃ হাঃ! এমন হাসির কথা আপনি কখনও কোন জন্মে শোনেন নি, জানরাও জানিনি।”

ছোট বাবু মহাশয় বিলক্ষণ উত্তেজিত হইয়া উঠিলেন; অধীর কণ্ঠে জিজ্ঞাসা করিলেন,—“কিন্তু কথটা কি ?”

ভদ্র। আজ সাত বছর হ'ল বড় বাবু মারা গেছেন, এই সাত বছরের মধ্যে বাগানবাড়ীর বড়গিন্নীঠাকরুণ কোন কাপড়ওয়ালাকে একটি ছোট কানাকড়িও দেন নি।

ছোটবাবু। কাপড়ওয়ালারা এত দিনের টাকা বাকী ফেল রেখেছে কেন ?

ভদ্র। বাকী থাকলে ত বাকী ফেলবে! কাপড়ওয়ালারা এই সাত বছরের মধ্যে ও বাড়ীতে একখানি গানছাও বিক্রি করতে পারেনি। আজ শুনলাম, বড়গিন্নীঠাকরুণ এই সাত বছর, এক পয়সারও কাপড় কেনেন নি।

ছোটবাবু। বল কি ? ভূমি যে আমাকে অর্থাৎ করে দিলে। কাপড় কেনেন ন শু পয়েন কি ? মেয়েমানুষ, কাপড় নষ্টলে ক'চবে না। তারপর ছেলেটা বড় হয়েছে; কল্কাতার পড়ছে, তার কাপড় আনা চাই।

ভদ্র। আপনার মত এত না থাক, কিন্তু বড়বাবুর কতকগুলো জামা কাপড় ছিল। তার মধ্যে দামী দামী শাল রুমাল গুলো ধারণ' টাকায় বিক্রি করেছেন। আর কোট পিঞ্জাণ যা ছিল তা' ক্রমে ক্রমে কাটিয়ে ছোট ক'রে ছেলেকে পরতে দিয়েছেন। আর কাপড় যা ছিল, তার পাড় ছিঁড়ে ফেলে নিজে পরেছেন।

ছোটবাবু। তাঁর নিজের যে সকল ভাল ভাল সাদী ছিল, সে গুলো কি করলেন।

ভদ্র। শুনলাম দামী রেশমী কাপড় গুলো বিক্রয়পূরে দিয়ে আটশ' টাকা বাজাড়া করেছেন। আর স্ত'ত কাপড় গুলো পাড়ার

ছোটলোকদের মেয়ে গুলোকে পরতে দিয়েছেন। তারা সেই কাপড় প'রে ভদ্রঘরের মেয়ে বৌ মেজে আপনার পূজার দালানে জুর্গোৎসবের সময় আরতি দেখতে আসে। তা' ছুঁড়ীগুলোকে মন্দ দেখায় না। হাঃ হাঃ হাঃ।”

ছোটবাবু ও অন্যান্য পার্শ্বচরগণও সেই হাসিতে যোগদান করিয়া হাসিতে লাগিলেন, —“হাঃ হাঃ হাঃ।”

দেবরের বৈঠকখানায় বড়বধূঠাকুরাণীর এই রূপ নিন্দা প্রায় প্রত্যহই কীর্তিত হইত। বলাবাহুল্য, এষ্ট সকল নিন্দা ক্রমে বড়বধূঠাকুরাণীর কর্ণে প্রতিধ্বনিত হইত। তিনি জানিতেন যে গ্রামের লোকে তাঁহাকে ব্যয়কুণ্ঠ বলিয়া নিন্দা করিয়া থাকে; এবং বাহুর পিতার ঋণ পরিশোধ জন্য তিনি নানা অভাব সহ করিয়া সকল প্রকার ব্যয় সংকুপ্ত করিয়াছেন, তিনিও ঐ সকল নিন্দায় যোগদান করিয়া থাকেন। জানিয়াও তিনি ঐ সকল নিন্দায় বিচলিত হইতেন না। তিনি বাহ্যাস্বর বিবর্জিতা এবং অতিশয় বুদ্ধিমতা রমণী; তিনি বুঝিয়াছিলেন যে বাহ্যাস্বরের কণিক মোহ এবং তজ্জন্য অস্থায়ী বশঃপ্রাপ্তির লিপ্সা ত্যাগ করিতে না পারিলে, তিনি কখনও স্বর্গীয় স্বপ্নের ঋণ পরিশোধ করিতে পারিবেন না; এবং পুত্রকেও সুশিক্ষিত করিবার সুবিধা পাইবেন না। তিনি বুঝিয়াছিলেন যে, লোকমুখে যে বশোগান উথিত হয় তাহা অবিলম্বে মৃত্যুপের কঠিনঃসূত সঙ্গীতের স্থায় পথের ধূলায় বণীন হইয়া যায়; সেই আকালন জলবুদ্বুদের স্থায় একটি ক্ষুদ্র নিঃশ্বাসের মূহ ফুৎকারে ফাটিয়া যায়।

ঠাহার শুরুদেবে একবার দেশ পর্যটনে বাহির হইয়া, ঠাহার নিকটে আসিয়া তাহাকে আশ্বাস দিয়া বলিয়াছিলেন,—“মা, একদিন ভক্তশ্রেষ্ঠ গাণ্ডীবধারী পার্থ কুরুক্ষেত্রে ভগবান শ্রীকৃষ্ণকে জিজ্ঞাসা করেছিলেন, হে সখা, স্বার্থ ভগবদ্ ভক্তকে আমি কিরূপে চিনব! অর্জুনের প্রশ্ন শুনে ভগবান শ্রীকৃষ্ণ ভগবদ্ভক্তের কতকগুলি লক্ষণ বলে দিরােছিলেন। সেই লক্ষণগুলির মধ্যে তিনটি প্রধান লক্ষণ কি জান ?—

‘তুল্যানিন্দাস্তুতিমৌনী
সন্তুষ্টো যেন কেনাচিৎ’

অর্থাৎ নিন্দা ও স্তুতি যার পক্ষে সমান, যে মুখ বুজে কাজ করে, আর যে যাতে তাতে সন্তুষ্ট থাকে, সেই আমার ভক্ত।

বড়বধুঠাকুরাণী শুরুর বা ভগবানের উপদেশ বালী চিরদিন ভক্তিপূর্বক আপন হৃদয়ে পোষণ করিয়াছিলেন; এবং আপন অবস্থাতে সন্তুষ্ট থাকিয়া মৌনভাবে অপরের নিন্দাস্তুতি শুনিয়া বাইতেন; কিন্তু তাহাতে বিচলিত হইতেন না।

চতুর্থ পরিচ্ছেদ

বড়বধূঠাকুরাণীর অপকর্ম ।

স্বামীগতপ্রাণা বড়বধূঠাকুরাণী ছয়বৎসর বয়স্ক শিশু কৃষ্ণ-কিশোরকে কোড়ে লইয়া স্বামীকে জন্মের মত হারাইয়াছিলেন। আজ সেই কৃষ্ণকিশোরের বয়স চৌদ্দ বৎসর হইয়াছে। সুতরাং প্রায় আট বৎসর কাল তিনি সম্পূর্ণ অসহায় অবস্থায় আপনাদেবৈষ্য জীবন অতিবাহিত করিয়াছেন। এই অসহায় অবস্থায় তিনি ধর্মের সহায়তা গ্রহণ করিয়াছিলেন। গুরুর আদেশে এবং স্বর্গগত স্বামীর পবিত্র স্মৃতিতে হৃদয় পবিত্র করিয়া, কুটম্ব-কুটম্বিনী ও পল্লিবাসিগণের নিন্দা স্ততির দিকে লক্ষ্য না রাখিয়া তিনি আপন করণীয় কর্তব্যগুলি অত্যন্ত দৃঢ়তার সহিত সম্পন্ন করিয়া যাইতেন।

এই রূপে তিনি পুত্রের সম্পত্তি অক্ষুণ্ণ অবস্থায় রক্ষা করিয়া, অত্যন্ত দক্ষতার সহিত তাহার আয় বর্দ্ধিত করিয়াছিলেন। এইরূপে তিনি প্রজাগণের অভাব অভিযোগের প্রতীকার করিয়া, তাহাদিগকে পরিতুষ্ট রাখিয়াছিলেন। এইরূপে তিনি পুত্রকে বিদ্যার্জনের পথে অগ্রসর করিয়া দিয়াছিলেন। এবং সর্বোপরি, এইরূপে তিনি খণ্ডের সমুদায় ঋণ পরিশোধ করিতে পারিয়াছিলেন।

কিন্তু শ্রীযুক্ত ছোটবাবু মহাশয় বড়বধুঠাকুরাণীর সকল কার্যকেই অপকর্ম বলিয়া বিবেচনা করিতেন।

কৃষ্ণকিশোরের মাতার প্রথম অপকর্ম—শাড়ী, শাল রুমাল, গাজালঙ্কার বিক্রয় করা। কিন্তু এই অপকর্মের দ্বারাই তিনি প্রথমেই ঋণের ভার অনেকটা লঘু করিয়া লইতে পারিয়াছিলেন। এবং এইরূপে প্রথম বৎসরের শেষেই মূল ঋণের প্রায় অর্ধাংশ পরিশোধ হওয়ার সুদের পরিমাণ অনেক কমিয়া গিয়াছিল। এবং বৎসরের পর বৎসর মূলঋণ আরও ধর্ম হওয়ার সুদের পরিমাণ উত্তরোত্তর কমিয়া আসিয়াছিল, এবং অল্প দিকে মূলঋণ পরিশোধের পরিমাণ উত্তরোত্তর বৃদ্ধিপ্রাপ্ত হইয়াছিল। অবশেষে, অষ্টম বৎসরের শেষে, তিনি পঞ্চাশ হাজার টাকা ঋণ সমুদয় পরিশোধ করিয়াছিলেন।

কৃষ্ণকিশোরের মাতা আরও দুইটি অপকর্ম করিয়াছিলেন, আমরা পরে পরে তাহা বিবৃত করিব।

তাজপুরের জমীদারদিগের পঞ্চাশ বিঘা ধানের জমী ছিল। সমুদয় সম্পত্তির সহিত এই ধান্য ক্ষেত্র সকল বিভক্ত হওয়ার, কৃষ্ণকিশোরের অংশে পঁচিশ বিঘা ধান্য ক্ষেত্র হইয়াছিল। কৃষ্ণকিশোরের মাতা আপন অংশের ধান্য ক্ষেত্র সকল ভাগে বিলি করিয়াছিলেন। ইহাতে বিনা খরচে তিনি প্রতিবৎসর একশত মণেরও অধিক ধান পাইতেন।

খাজানা আদায় জন্ত, দ্রব্যাদির ক্রয় বিক্রয় জন্ত এবং আয়ব্যয়ের হিসাব রাখিবার জন্ত একজন গোমস্তা, একজন সরকার ও দুইজন

পাইক নিযুক্ত ছিল; ইহারা আপন আপন বাটীতে আহার করিত। এতদ্ব্যতীত কৃষ্ণকিশোরের মাতার সংসারে দুইটি পরিচারিকা এবং একজন পরিচারক ছিল; পাচিকা বা পাচক মোটেই ছিল না। কৃষ্ণকিশোরের মাতা স্বহস্তে রন্ধন করিয়া আপন সন্তানকে এবং আপন সন্তানতুল্য পরিচারক ও পরিচারিকা-গণকে আহার করাইতেন। ইহাতে তিনি যেমন পরিতৃপ্ত লাভ করিতে পারিতেন, পাচিকা নিযুক্ত থাকিলে, বোধ হয়, তেমন পরিতৃপ্ত হইতেন না। সদরওয়ালার কন্যা এবং জমীদারের কুলবধু হইলেও, তিনি বারমাস অগ্নি তাপে থাকিয়া পাপ রন্ধন নামক অপকর্মটা নিজেই সম্পন্ন করিতেন। তাঁহার ক্ষুদ্র সংসারে মোট পাঁচটি লোক আহার করিত; এজন্য ধাত্তক্ষেত্র হইতে তিনি বৎসরে যে একশত মণ ধাত্ত পাইতেন, তাহার এক তৃতীয়াংশও ব্যয় হইত না; বেশী পরিমাণ ধানই সঞ্চিত থাকিত। এইরূপে আট বৎসরের শেষে প্রায় পাঁচ শত মন ধাত্ত সঞ্চিত হইয়াছিল।

কৃষ্ণকিশোরে মাতা গোমস্তা, সরকার প্রভৃতির দ্বারা সর্বদা প্রাজ্ঞাদিগের অবস্থা সম্বন্ধে সংবাদ লইতেন। একবার গোমস্তা আসিয়া তাঁহাকে সংবাদ দিল,—‘মা, এবার গ্রামের গৃহস্থ লোক ধেতে না পেয়ে মারা যাবে। ধানের বাজার একবারে আশুন হয়ে উঠেছে—একমন ধানের দাম পাঁচ টাকারও বেশী হয়েছে।’

শুনিয়া কৃষ্ণকিশোরের মাতা কহিলেন,—‘আমার প্রজারা প্রতিমন ধান চারটাকা হিসাবে কিনতে পাবে। আমাদের গোলার বে ধান আছে, তা তুমি চারটাকা মণ হিসাবে আমার

প্রজাদের বিক্রী করবে। কিন্তু একটু সতর্ক হয়ে কাজ করতে হবে; দেখো, কেউ যেন ব্যবসা করবার জন্যে এই ধান না কেনে, কেবল যাদের সংসার নিত্যকাল অচল হয়েছে, তারাই ঐ ধান পাবে।”

সঞ্চিত ধান্য বিক্রয় হইল। প্রজারা সন্তুষ্ট হইল। জমীদারী তহবিলে দুই সহস্র মুদ্রা সংগৃহীত হইল।

যে বৎসর ভাদ্র ও আশ্বিন মাসে ধান্য বিক্রীত হইয়াছিল, সেই বৎসর আশ্বিন মাস চইতে আর বৃষ্টিপাত হইল না। চৈত্রমাসের প্রথমে রৌদ্রে আমাদের বঙ্গমাতার শ্রাম মেহুর মূর্তি লান হইয়া গেল; আকাশ যেন ক্রুদ্ধ হইয়া অগ্নিবর্ষা-নেত্রে চাহিয়া রহিল; ক্ষেত্র সকল ফাটিয়া গেল,—পাতাল যেন পিপাসিত হইয়া, সহস্রমুখ ব্যাদান করিয়া পানীর প্রত্যাশায় স্বর্গের দিকে চাহিয়া রাইল। গোমতী আসিয়া কৃষ্ণকিশোরের মাতাকে সংবাদ দিল,—
“মা, এবার সাপুরের প্রজারা জলের অভাবে মারা পড়বে। গ্রামে প্রায় চারশ ঘর প্রজার বাস; কিন্তু তাদের খাবার মত জল এক বিন্দুও নেই।”

.. তারুপুর জমীদারীর যে অর্দ্ধংশ কৃষ্ণকিশোর পাইয়াছিল, তার মধ্য সাপুর গ্রামই প্রধান মহল। এই মহল হইতে বৎসরে প্রায় সাড়ে ছয় হাজার টাকা তহসিল হইত; এবং সদর মালজুয়ারি বাদে এই মহলের বাৎসরিক আয় চারি হাজার টাকারও অধিক ছিল। এই গ্রামের মধ্যভাগে খুব বড় একটা দীঘি ছিল; এই দীঘিতে অসংখ্য পদ্মফুল ফুটিত, এজন্য ইহাকে লোকে

পদ্মপুকুর বলিত। তাজপুরের জমীদার বাটীতে বখন দুর্গোৎসব হইত, তখন দেবীর পূজার জন্ত এই দীর্ঘিকা হইতে শত শত শতদল সংগৃহীত হইত। কৃষ্ণকিশোরের মাতা এ সকল বিষয়ই অবগত ছিলেন। তিনি গোমস্তাকে জিজ্ঞাসা করিলেন,—“কেন? আমি ত শুনেছিলাম যে সাপুরে পদ্মপুকুর বলে একটা বড় দীঘি আছে।”

গোমস্তা বলিল,—“সে দীঘির জলও এবার শুকিয়ে গেছে, কেবল মাঝখানে একটু কাদার গোলা জল আছে। গ্রামের অপর সব পুকুর ডোবা শুকিয়ে গেছে।”

তিনিয়া কৃষ্ণকিশোরের মাতার কণ্ঠ যেন ঐ জলশূন্য পুকুরের তলার মতই শুষ্ক হইয়া গেল। তিনি তৎক্ষণাৎ আজ্ঞা দিলেন,—ধান বিক্রি বাবত আমাদের হাতে দু’হাজার টাকা মজুত আছে, ঐ টাকা থেকে পদ্মপুকুরটা ভাল করে কাটিয়ে দাও; আরও গ্রামের ভিন্ন ভিন্ন জায়গায় তিন চারটা কুয়ো কাটিয়ে দাও। দু’ একদিনের মধ্যেই বাতে কাজটা আরম্ভ হয় তার বিশেষ চেষ্টা কর।

পুষ্করিণীর পঙ্কোদ্ধার হইল; তাহাতে আবার ভূগর্ভস্থিত স্বচ্ছ শীতল জল সঞ্চারিত হইল। কৃপ সকলও ধনন করা হইল। গ্রামবাসীর জলকষ্ট নিবারিত হইল; নিম্মল স্থপের জলপানে তৃষ্ণার্তের বিগুঞ্চ কণ্ঠ সরস হইল। সেই সরস কণ্ঠে পল্লিবাসিগণ আপনাদিগের কৃতজ্ঞ হৃদয়ের সমস্ত আশীর্বাদ তাহাদের কৃপানয়ী বর্জী ঠাকুরাণীকে ওদান করিল। কেবল মুখের আশীর্বাদ

নহে ; তাহারা স্বেচ্ছায় টাকা প্রতি দুই পয়সা জলকর দিতে স্বীকৃত হইল। ইহাতে মহলের আয় বৎসরে দুই শত টাকা বৃদ্ধি প্রাপ্ত হইল।

বলাবাহুল্য, শ্রীযুক্ত ছোটবাবু মহাশয় পার্শ্বচরগণ পরিবেষ্টিত হইয়া উপরিউক্ত দুইটি সংবাদই শ্রবণ করিলেন। ধাত্য বিক্রয়ের কথা শুনিয়া বলিলেন,—“বড় বৌ ঠাকুরগণ শেষে ধানওয়ালী হলেন।” পুকুরিণীর পক্ষোদ্ধারের কথা শুনিয়া বলিলেন,—“ওহে, বুঝেছ ? এই সাপুরের পদ্মপুকুরটা নূতন করে কাটানর একটা মংলব আছে। জান ত আমাদের দুর্গোৎসবের সময় ঐ পুকুর থেকেই পদ্ম আসত। ডাঁর মহলের পুকুর থেকে আমার পূজোর পদ্ম আসবে এটা বড় বৌ ঠাকুরগণ সহ করতে পারলেন না। একবারে পদ্মগাছের গোড়া শুদ্ধ খুঁড়ে তুলে ফেলে দিয়েছেন। উঃ কি হিংসা !”

পঞ্চম পরিচ্ছেদ

মাতা ও পুত্র ।

কৃষ্ণকিশোর পূজার ছুটিতে বাড়ী আসিয়াছিল। কৃষ্ণকিশোরের মাতা পুত্রের জন্ম বহু পূর্বেক নানা ব্যঞ্জন রন্ধন করিয়া-
ছিলেন। কৃষ্ণকিশোর তাহা আহার করিতে করিতে কহিল,—
“মা, তোমার রান্নাটা কি মিষ্টি ! আমাদের মেসের বামুনটা পনের
টাকা মাইনে নের, কিন্তু সেও তোমার মত এমন ভাল রান্না
রাখিতে পারে না।”

মাতা হৃদয়ানন্দে আলিত হইয়া মুহু হাসিয়া জিজ্ঞাসা করিলেন,
—‘তাহ’লে আমার কত টাকা মাইনে হওয়া উচিত বল দেখি,
কেউ ?’

কৃষ্ণকিশোর কিছু বিব্রত হইয়া কহিল,—“আচ্ছা দাঁড়াও, মা,
আগে আমি একটা হিসাব করে দেখি। এই ধর, মেসের বামুন-
ঠাকুর রাঁধে ছুটো তরকারী, একটা ভাজা, একটা মাছের ঝোল,
আর একটা অন্ন, আর তা ছাড়া কোন কোন দিন আলু ভাতে
কি বেগুন পোড়া হয়। তাহ’লে দেখা যাচ্ছে যে মোটের উপর
সে আমাকে সাত রকম জিনিষ খেতে দেয়। এখন তুমি কত
রকম জিনিষ রেখেছ, তা একবার গুণে দেখি। এই ধর, প্রথমে
এই এটা হ’ল, কলমী শাক ভাজা, তারপর ~~কচুসাকের ঘণ্ট,~~

তারপর হ'ল বরবটির ডালনা, তারপর হ'ল ইলিশমাছের তেলের ছেঁচড়া, তারপর করলা মাছের ঝাল—এটা কি চমৎকার খেতে হ'য়েছে, মা,—তারপর পলুতার বড়া ভাজা, তারপর বড়ি ভাজা, তারপর এই আম্‌সির চাটনি ; আর এদিকে এই সব বাটিতে, এটা হল নুতন মূলোর স্ক্রানি, তারপর এই ছোট বাটিতে অড়হড় দাল, তারপর মাগুর মাছের ঝোল, তারপর কলায়ের দাল, তারপর চিংড়িমাছের অস্থল, তারপর এই সাদা পাথর বাটিতে দই ইলিশ। এই মোটের উপর চৌদ্দ রকম হ'ল। বামুন ঠাকুর রাধে সাত রকম, আর তুমি রাধ চৌদ্দ রকম। তাহ'লে তোমার মাইনে একবারে ডবল হওয়া উচিত।”

মাতা হাসিলেন ; হাসিয়া জিজ্ঞাসা করিলেন,—“তাহ'লে, কেউ তোমার মতে আমার মাইনে ত্রিশ টাকা হওয়া উচিত ?”

কৃষ্ণকিশোর কহিল,—“কিন্তু তুমি যে, মা, বামুন ঠাকুরের চেয়ে দশগুণ ভাল রাধ ?”

মাতা পুত্রের অনিন্দ্য মুখের দিকে স্নেহপূর্ণ দৃষ্টি নিক্ষেপ করিয়া আবার প্রশ্ন করিলেন,—“তাহ'লে তুমি বলছিস্ আমার উপযুক্ত মাইনে মাসে তিনশ' টাকা। কেমন ?”

কৃষ্ণকিশোর মাতার বন্ধনের মাসিক মূল্য তিন শত টাকা ধাৰ্য্য হওয়াতেও সম্বুট হইতে পাবিল না। সে কহিল,—“কিন্তু, মা, তুমি যে আমাকে একশ' গুণ যত্ন ক'রে ধাওয়াও ?”

পুত্রের বাক্যে মাতার অঙ্গে অঙ্গে স্নেহের তরঙ্গ উচ্ছ্বসিত হইয়া উঠিল। মহানন্দে ‘স্নেহময়ী’ হৃদয় যেন নন্দনে পরিণত হইল।



তাঁহার প্রকুল নয়ন হইতে স্নেহের নির্মল ধারা বর্ষিত হইতে লাগিল। সেই নির্মল পবিত্র ধারায় পুত্রকে স্নাত করিয়া কহিলেন,—“তাহ’লে যে আমার মাইনেটা একবারে ত্রিশ হাজার টাকা হ’রে যায়, কেউ। তুই কি আমাকে অত টাকা মাইনে কখনও দিতে পারবি ?”

কৃষ্ণকিশোর সভয়ে কহিল,—“তাত কখন দিতে পারবো না, মা।”

নবীন নবপ্রসূতির পরোধরে কীরোচ্ছাসের স্রাব নাগর মেহ-রাশি উছলিয়া পড়িল। মাতা উচ্ছ্বসিত কণ্ঠে কহিলেন, “তা আমাকে কখন দিতে হ’বে না, কেউ। তুই শুধু আমাকে মা ব’লে ডাকিস্; আর আমার বরণের সময় আমার মুখে একটু গজাভঙ্গ দিস্। তার দাম ত্রিশ কোটি টাকারও বেশী, কুবেরের ঐশ্বর্যের চেয়ে বেশী! সেই আমার স্বর্গ; তার বেশী আর কিছু চাইনে।”

মাতার শেষ অভিলাষের কথা শুনিয়া কৃষ্ণকিশোরের কণ্ঠ রুদ্ধ হইয়া গেল। সে কিয়ৎকাল কথা কহিতে পারিল না। তাহার পর দুগ্ধ পান জন্ত মাতা কতক অনুরুদ্ধ হইয়া কহিল, “মা, এখন আর আমি দুধ খেতে পারব না; পেট বড় ভরে গেছে। তুমি দুধটা রেখে দাও, আমি বিকালে জল খাবারের সময় খাব।”

মাতা পুত্রের দুগ্ধের বাটীটি টাকা দিয়া গরম জলে বসাইয়া রাখিলেন। কিন্তু দুগ্ধটা অপরাহ্নে পুত্রকে খাইতে দিতে পারিলেন না।

পল্লীপ্রতিবেশিনীগণ পূজা ব্রত প্রভৃতি উৎসব উপলক্ষ্যে ছোটবাবুমহাশয়ের নিকট অস্ত্রপুরমধ্যে সমাগত হইত বটে, কিন্তু কোন সাংসারিক দ্রব্যের অভাব হইলে তাহারা বাগান-বাটীতে বড়বধূঠাকুরাণীর নিকট আসিত। সম্প্রতি, এক প্রতিবেশিনীর শিশু-পুত্রের পীড়া হইয়াছিল। চিকিৎসক ব্যবস্থা করিয়াছিলেন যে পীড়িত শিশু সদ্যসমাহৃত নিজ্জল দুগ্ধের সহিত কোনও ঔষধ মিশ্রিত করিয়া তাহাই পথ্যরূপে ব্যবহার করিবে ; ঐরূপ দুগ্ধ ব্যতীত অন্য কোনও প্রকার পথ্য পাইবে না। শিশুর জননী গ্রামমধ্যে লোক-পাঠাইয়া এবং বিগুণ মূল্য দিতে স্বীকৃত হইয়াও কোন স্থানে নিজ্জল দুগ্ধ ক্রয় করিতে পারিলেন না। যে সকল গ্রামবাসী গৃহস্থের গাভী ছিল, তাহারা কেহই অসময়ে মাঠ হইতে গাভী আনিয়া অনুসন্ধান করিয়া দোহাল ডাকিয়া, গাভী দোহন করিতে স্বীকৃত হইল না।—যে পবিত্র খাত্তদ্রব্যে পল্লিশিশুর প্রাণরক্ষা হইয়া থাকে, কি পরিভাণ! পল্লিগ্রামেও তাহা আর পাইবার উপায় নাই। অবশেষে শিশুজননী বড়বধূঠাকুরাণীর কথা স্মরণ করিলেন। তিনি বিবেচনা করিলেন, যে এসময় কৃষ্ণকিশোর বাটী আসিয়াছে, সে দুগ্ধপান করিতে ভালবাসে; তাহার জন্ত, বড়বধূঠাকুরাণী নিশ্চয়ই উৎকৃষ্ট দুগ্ধ সংগ্রহ করিয়া রাখিয়াছেন। পরন্তু তিনি শিশুদিগের প্রতি, বিশেষতঃ পীড়িত শিশুদিগের প্রতি সর্বদা স্নেহময়ী। তাহার নিকট প্রার্থনা করিলে অবশ্যই দুগ্ধ পাওয়া যাইবে। এইরূপ বিবেচনা করিয়া পল্লীসিনী শিশুজননী কৃষ্ণকিশোরের

মাতার নিকট আনিয়া পীড়িত পুত্রের জন্ত দুঃখ প্রার্থনা করিলেন।

পরদুঃখকাতরার হৃদয়, ভগবানের শব্যাতসস্থিত তরঙ্গিত ক্ষীরসমুদ্রের হৃদয় উষ্মলিত হইয়া উঠিল। কৃষ্ণকিশোরের কথা তিনি একবারে ভুলিয়া গেলেন। বিকালে খাইবার জন্ত সে যে দুঃখ রাখিয়া দিতে বসিয়াছিল, তিনি তাহা অবিলম্বে অস্মান বদনে শিশুজননীকে আনিয়া দিলেন।

হঠাৎ পাল্লিবানিনী কৃতজ্ঞহৃদয়ে তাহা গ্রহণ করিয়া, বাটীভে ক্ষিপ্রিয়া আপন পীড়িত পুত্রের সুরিবারণ করিলেন; এবং স্বর্গের দিকে চাহিয়া কৃষ্ণকিশোরের মাতাকে কাশমনোবাক্যে আশীর্বাদ করিলেন।

প্রতিবেশিনী প্রহিতা হইয়া, কৃষ্ণকিশোরের মাতা, গ্রামমধ্যে দুঃখাভাব সম্বন্ধে যে সকল কথা শুনিয়াছিলেন, তাহা স্মরণ করিয়া নিতান্ত বিবল হইয়া পড়িলেন। ভাবিলেন, ইহার কি কোনও প্রতীকার নাই? ভাবিলেন, তাহারাজাজপুত্রের জন্মদার, তাহাজপুত্রের প্রজারা পীড়িত শিশুর জন্ত অধিক মূল্য দিয়াও দুঃখ ক্রয় করিতে পার না, ইহার প্রতীকার কে করিবে? হৃৎকের অভাবে যদি প্রজাদের একটি শিশুরও প্রাণহানি হয়, তবে সে শিশুহত্যার জন্ত দায়ী কে? দয়াময়ের কনার অক্ষর ভাণ্ডারে এই শিশুহত্যার জন্ত কি এতটুকু কনা আছে? এই গ্রামবাসীরা তাহাদেরই প্রজা, তাহাদেরই আশ্রিত, তাহারা অপর গ্রামে যাইয়া, 'আমরা তাহাজপুত্রের লোক' একটা গর্ব অমুভব

করিয়া থাকে ; তাহাদের শিশু, তাজপুরের শিশু খাড়াভাবে মারা পড়িবে, আর তাজপুরের জমীদার নীরবে বিস্তৃত নেত্রে তাহা অবলোকন করিবে ? না, ইহা হইতে পারে না। জমীদার আশ্রিত-পক্ষকে অবশ্যই রক্ষা করিবে ; যাহাতে প্রজারা উপযুক্ত খাড়াভাবে মারা না পড়ে, তাহার প্রতিবিধান জমীদারকেই করিতে হইবে। গ্রামবাসীরা যাহাতে উপযুক্ত মূল্যে অবিকৃত দুগ্ধ গ্রামমধ্যেই ক্রয় করিতে পার, তাহার ব্যবস্থা করা জমীদারেরই কর্তব্য কর্ম।

অতএব কর্তব্যময়ী বড়বধূঠাকুরাণী সেই দিন সংকল্প করিলেন যে, গ্রামবাসীগণ শিশু ও পীড়িতগণের জন্য যাহাতে স্বল্প মূল্যে অকৃত্রিম গো-দুগ্ধ গ্রামমধ্যেই সর্বদা ক্রয় করিতে পার, তিনিই তাহার ব্যবস্থা করিবেন। এ বিষয়ে কয়েকদিন ধরিয়া তিনি পুত্রের সহিত পরামর্শ করিলেন।

তাহার পর একদিন গোমস্তা ও সরকারকে ডাকিয়া আদেশ করিলেন,—“তোমরা গ্রামে আর কাছাকাছি গাঁয়ে সন্ধান করে রাখ ; আমি চার পাঁচ মাসের মধ্যেই কতকগুলি ছুখওয়াল গাই কিনতে চাই। কোথায় কি দরে, কি রকম গাই কিনতে পাওয়া যাবে, আমাকে তার খবর দেবে।”

সেইদিন হইতেই গোমস্তা ও সরকার ক্রয়যোগ্য পছন্দিনী পাল্লীর অনুসন্ধান গ্রামে গ্রামে ঘুরিয়া বেড়াইতে লাগিল।

কুক্কিশোর পুত্র বা, গ্রীষ্মাবকাশে বাটী আসিলে, মাতা জাহাকে কেবল মাত্র দুগ্ধ রূপক ব্যঙ্গনই আহার করাইতেন

না, ইদানীং তিনি তাহাকে জমীদারী ও গৃহস্থালী সবন্ধীর কার্যেও নিযুক্ত করিতেন। ফলতঃ কৃষ্ণকিশোর বাটী আসিয়া একটি দিনও অলস ভাবে কাটাইবার অবসর পাইত না। কোনদিন মহলে যাইয়া প্রজাদিগের অবস্থা স্বচক্ষে দেখিয়া আসিত। কোনও দিন জমীর সীমানা বা অধিকার লইয়া প্রজাদিগের মধ্যে বিবাদ উপস্থিত হইলে, মাতার আদেশে সে তাহার সীমাংসা করিয়া দিত। এবার মাতা তাহাকে দুই একদিন কাট চূণ ইত্যাদি জব্যের মূল্য নির্ধারণের জন্ত নগরে পাঠাইয়াছিলেন।

এইরূপে অবকাশের অবসান হইলে, কৃষ্ণকিশোর মাতার আশীর্ব্বাদে মস্তক মণ্ডিত করিয়া আবার কলিকাতায় ফিরিল।

ষষ্ঠ পরিচ্ছেদ

ময়ূর নাচিল ।

তাজপুর গ্রামের প্রান্ত প্রদেশে জমীদারদিগের এক বৃহৎ আম্রকানন। এই বৃহৎ আম্রকানন অন্যান্য একশত বিঘা জমীর উপর বিস্তৃত ছিল। সম্পত্তি বিভাগের সময় কনিষ্ঠ জমীদার শ্রীবুদ্ধ অরুণচন্দ্র সিংহ মহাশয় এই বাগানের অর্দ্ধাংশ অর্থাৎ প্রায় পঞ্চাশ বিঘা ভূমি প্রাপ্ত হইয়াছিলেন।

তঁাহারদিগের পৈতৃক বাগান বাটীটি জ্যেষ্ঠ করুণ বাবু আপন বাসের জন্য গ্রহণ করায় ছোট বাবু মহাশয় একটি বাগান বাটীর অভাব বিলক্ষণ অনুভব করিতে লাগিলেন। ক্রমে তঁহার পক্ষে এই অভাব অসহ্য হইয়া দাঁড়াইল। তাহার উপর, তঁহার মঙ্গলাকাঙ্ক্ষী পার্শ্বচরগণ একবাক্যে বুঝাইয়া দিল যে, যখন কলিকাতার সকল নামাজাদা বড়লোকেরই এক একটা বাগানবাড়ী আছে, তখন তঁহার মত একজন ক্রিয়াকাণ্ড সম্পাদক, দেশবিখ্যাত জমীদারের পক্ষে একটা সুদৃশ্য বাগানবাটী না থাকা একটা ছরপনের কলঙ্ক। সেই সময় ছোট বাবু মহাশয়ের মহলে একটা বালির খনি দুই হাজার টাকা সেলামীতে বিলি হওয়ার তঁহার হস্তে কিছু নগদ মুদ্রা মজুদ ছিল; অতএব তিনি সহজেই বুঝিলেন, যে, এই কলঙ্কের কালী বিদূরিত করা একান্ত আবশ্যিক।

বুঝিয়া, তিনি আপন অংশের পঞ্চাশ বিঘা আত্রকানন প্রাচীর পরিবেষ্টিত করিয়া লইলেন ; এবং আত্রবৃক্ষ সকল উচ্ছেদ করিয়া, সরোবর খনন করাইয়া, সরোবর তীরে সুন্দর বাগানবাটী প্রস্তুত করাইলেন ।

এই বাগানবাটী রক্ষা করিবার জন্য একজন পশ্চিমদেশীয় দ্বারবান, এবং সুদৃশ্য পুষ্পবাটিকা সকল প্রস্তুত করিবার জন্য ও তাহা সর্বদা পরিষ্কার রাখিবার জন্য দুই জন উড়িষ্যাদেশীয় মাণী নিযুক্ত হইল । দ্বারবান বারান্দার খাটিয়া পাতিয়া তাহাতে শয়ন করিয়া বাটী রক্ষা করিত । মাণীদ্বয়ের চেষ্টায় কুম্ভ কানন মধ্যে যুবতীজনের কলহাস্ত্রের দ্বার মালিকা সকল ফুটিয়া উঠিল ; হৈরাণী রমণীগণের কপোলের ন্যায় বিকচ গোলাপ সকল ঘন কাহার চূষন প্রাপ্তির লালসায় বিকশিত হইয়া রহিল ; চম্পক শীতল সৌন্দর্য্য আভা সঙ্গে রাখিয়া দিগ্বিদিকে সৌরভ ছড়াইল ; শেকালিকা বা ক্রোটন বৃক্ষের পরিবেষ্টনীর মধ্যে গাভীগণের বাহিত চূর্কাক্ষেত্র সকল গাভীগণকে বঞ্চিত করিয়া, জমীদার বাবুর পাশ্চর্য্যগণের বিচরণ ভূমিতে পরিণত হইল । দেখিয়া ছোট বাবু মহাশয় ধন্য হইলেন ।

বাটীতে কোনও প্রকার উৎসবাদি না থাকিলে ছোট বাবু মহাশয় প্রায় প্রত্যহ দিবাভাসন কালে সান্নোপাস সঙ্গ লইয়া এই সরোবর শোভিত পুষ্পিত বাগান বাটীতে বেড়াইতে আসিতেন ।

কোনও সঙ্গী বিহ্বলনেজে সরোবর সলিল নিরীকণ করিয়া কহিত, "আহা ! এই পরমা পুরুষ কাকচক্ষু-পরাতত্বকারী

পরিষ্কার জলে স্নান করিলে, নিশ্চয়ই এমন ভয়ানক পুণ্যলাভ হইবে, যে গোমুখীতে সহস্রবার গঙ্গাবগাহন করিলেও তেমন পুণ্যলাভ হইবে না।

মহাত্মা ছোট বাবু মহাশয় সুধামুখ শ্রিয়-সঙ্গীর পুণ্যলাভে বাধা প্রদান করিতেন না ; পরন্তু সাবান, সুগন্ধী তেল, তৈয়্যালে, স্নান-বস্ত্র ইত্যাদি স্নানোপকরণ আনাইয়া দিতেন। এ সকল দ্রব্য শ্রিয়-সঙ্গীদের প্রীত্যর্থ সর্বদা বাগান বাটীতে সংগৃহীত থাকিত।

কোনও সঙ্গী তাশুলরাগরক্ত স্কন্ধি লেহন করিয়া কহিত, আহা ! এহ মোহন সরোবরের স্বচ্ছ সলিল মধ্যে সুবর্ণ বিগঠিত সুচ্ছ নাড়িয়া যে সকল মৎস্য বিচরণ করে, তাহাদের দেহ শচীর অধর সুধা অপেক্ষা সুস্বাদু। আর ঐ অমৃতময় মৎস্য সকল এমন সুবোধ যে ছিপ্ কেলিয়া আহ্বান করিবা মাত্র, তাহারা ছুটিয়া আসিয়া টোপ গগাধঃকরণ করে।

পার্শ্বচরের এই মধুর বচন শ্রবণ করিয়া ছোট বাবু মহাশয় প্রীতি-বিকসিত হাসত আননে বাগান বাটির বারান্দা হইতে ছিপ্ প্রভৃতি মৎস্য ধরিবার সরঞ্জাম আনাইয়া দিতেন ; টোপের ভক্ত, তাহার আদেশ পাইয়া মাগী মাটি হইতে মহৌলতা তুলিয়া দিত। মৎস্যগণ বৃহৎ মৎস্য ধারিয়া আপন বাটিতে লইয়া যাইত, এবং উহা বন্ধন অন্য গৃহিণীর করকমলে উপহার দিয়া, তাশুলসহ তামাকুর ধূমপান করিতে করিতে শচীর অধরসুধা পানের স্বপ্ন দেখিত।

কোনও সঙ্গী বসোয়া দেশীয় কোনও গোলাপের প্রস্ফুটিত শোভা দেখিয়া কহিত, মানস সরোবরের ফটিকসদৃশ-

সলিলোদ্ভব :যে বৃহৎ শতদল ইন্দ্রাণী আপন কৃষ্ণ কবরীতে ধারণ করিয়া থাকেন, তাহার বিকচ শোভাও এই গোলাপের তুল্য নহে ; আর উহার সৌরভ নন্দনজাত পারিজাতের সৌরভ অপেক্ষা উৎকৃষ্ট ।

ডুনিয়া বদান্ত জমীদার বাবুর আনন আবার হস্তভঙ্গিমার ভরজিত হইয়া উঠিত । তিনি তৎক্ষণাৎ রেশমী পাঞ্জাবীর পকেট হইতে সুদৃশ্য ছুরিখানি বাহির করিয়া দুইটা পত্রসহ গোলাপটি আহরণ করিতেন ; এবং বন্ধুর হস্তে উহা সমর্পণ করিয়া মনে করিতেন যে, ডুনিয়াদি জমিদারগণের এইরূপ কার্যই করণীয় এবং শোভনীয় ।

সঙ্গী পুষ্পলাভে তৃপ্ত হইত ; এবং বাটী কিরিয়া, উহা তৃতীয় পক্ষের প্রিয়তমার কুণ্ডলীকৃত বেণীতে নিবদ্ধ করিয়া গদগদ চিত্তে ভাবিত, আশা ! প্রিয়তমা বুঝি মানবত্ব অতিক্রম করিয়া অমরত্ব প্রাপ্ত হইয়াছে ।

সেই সর্কাজ-সুন্দর পুষ্পবাটিকার শোভা আরও বর্দ্ধিত করিবার জন্য, কোনও সঙ্গী ছোটবাবুর মহাশয়ের একান্ত অনুরোধ করিল যে, দুই বা ততোধিক ময়ূর দম্পতীকে বাগানমধ্যে প্রতিপালন করা একান্ত আবশ্যিক ; তাহারা পুঙ্খ বিস্তার করিয়া বিচিত্র সচল পুষ্প-বৃক্ষের শ্যাম, বাগান মধ্যে বিচরণ করিলে, বাগানের কমনীয়তা শতগুণে বর্দ্ধিত হইবে ।

জমীদারবাবু সমজদার ব্যক্তি । তিনি প্রস্তাবটা প্রস্তাবিত

হইবামাত্র বুঝিলেন যে, হাঁ, হুই একঘোড়া শিখি-দম্পতির
 শুভাগমন না হইলে, বাগানটা মোটেই মানাইবে না ; বাগান
 প্রস্তুত কর্তব্য, এবং উহাকে শোভাময় করিবার জন্য যখন এত
 অর্থ ব্যয় করিয়াছেন, তখন ময়ূর ক্রয় কর্তব্য সামান্য আরও
 কিছু ব্যয় করিতে কুণ্ঠিত হইলে চলিবে না ; তাহা উদার হৃদয়
 জমিদারের উদারতার উপযুক্ত হইবে না। তিনি তৎক্ষণাৎ
 অর্থের সহিত কলিকাতার লোক প্রেরণ করিলেন। তাহার
 টিকিটো বাজার হইতে উচ্চমূল্যে উৎকৃষ্ট ময়ূর ক্রয় করিয়া আনিলা।
 ময়ূরীযুবতীর প্রাণপতিগণ, বিবাহের আসরে কিংখাপের
 আঙুরাখা-পরিহিত বরের স্তায়, গুপ্পদলমধ্যে বিচিত্র পক্ষ বিস্তার
 করিল ; কখনও ময়ূরীগণের সহিত পরমানন্দে নৃত্য করিল।

সেই শোভা, সেই নৃত্য দেখিয়া, শ্রীযুক্ত ছোটবাবু মহাশয়
 মনে করিলেন যে, স্বর্গে দেবগণ হৃন্দুভিনিদাধারা নিশ্চয়ই
 তাঁহার জয় ঘোষণা করিবেন ; এবং বংশাবতংসের সেই
 জয়ধ্বনি শুনিয়া, স্বর্গস্থ পূর্বপুরুষগণ ধন্ত হইবেন।—কি
 আনন্দ ! কি আনন্দ !

কবি বলিয়াছেন, সুখ এবং দুঃখ চক্রের স্তায় পরিবর্তিত
 হয়। আমরা জানি, ছোটবাবু মহাশয়ের বৈকালিক আনন্দ
 অনেক দিন রাতে বিষণ্ণতার পরিণত হইত। দিবাবসান কালে
 বাগান বাটীতে পরমানন্দে সময় অতিবাহিত করিয়া তিনি
 বাটীতে আসিয়া বিষণ্ণ ও আনন্দ রজনী যাপন করিবার জন্য
 শয়্যার আশ্রয় গ্রহণ করিতেন।

কোমল ও অমল শস্যের পতিপদরতা ভার্যার পার্শ্বে শুইয়া তিনি ভাবিতেন, দেশের লোক, দেশের শাসক সম্প্রদায়, আপনাদের পূর্বপুরুষগণ এবং স্বয়ং বিধাতা সকলেই তাঁহার প্রতি বিমুখ।

যদিও তাঁহার অভিলষিত দ্রব্যগুলির মধ্যে অধিকাংশই মূল্যাধিক্য বশতঃ, এবং তাঁহার জমীদারী তহবিলের চির অস্বচ্ছলতা নিবন্ধন তিনি ক্রয় করিতে পারিতেন না, তথাপি তিনি সামান্য যে সকল দ্রব্য ক্রয় করিতেন, তাহা দেশের প্রায় কোনও লোকেই বাকীমূল্যে দিতে চাহিত না। তিনি দৈবাৎ দুই একটা সামগ্রী যদি বাকীমূল্যে ক্রয় করিতেন, তবে তাহার জন্তও দুর্কিসহ তাগাদা সহ্য করিতে হইত। দেশের লোক তাঁহার প্রতি নিতান্ত বিমুখ না হইলে, কখনই তাঁহাকে এরূপ অসুবিধা ভোগ করিতে হইত না।

বংশধরের হৃদয়ের উদারতার পরিমাণ বুঝিয়া, জমীদারীর আয় সমৃদ্ধি বৃদ্ধি করা পূর্বপুরুষগণের কর্তব্য ছিল; কিন্তু তাঁহারা এই কর্তব্য কৰ্ম্ম সম্পাদন করেন নাই। অতএব তাঁহার প্রতি তাঁহারাও বিমুখ।

প্রজাসত্ত্ব বিষয়ক আইনে প্রজাদিগের খাজনা বৃদ্ধি সম্বন্ধে যে বিধান আছে, তাহা উঠাইয়া দিয়া জমীদারগণকে খাজনা বৃদ্ধি সম্বন্ধে সম্পূর্ণ অধিকার প্রদান করা গভর্নমেন্টের উচিত ছিল। তাঁহার এইরূপ অধিকার থাকিলে; তিনি প্রজাদিগের খাজনা চতুর্গুণ বৃদ্ধি করিয়া তাঁহার বাৎসরিক

এটা অনায়াসে ত্রিশ সহস্র মুদ্রার পরিণত করিতে পারিতেন ; এবং তদ্বারা বাগানের শোভা আকাঙ্ক্ষামুরূপ বর্দ্ধিত করিতে সমর্থ হইতেন। কিন্তু কি পরিতাপ ! তাহার নির্বোধ পূর্বপুরুষগণ যেমন নিতান্ত অবিবেচকের কার্য্য করিয়াছিলেন, দেশের শাসক সম্প্রদায়ও তেমনই অবিবেচকের দ্বারা আইনের সংকলন দ্বারা দেশের জমীদারগণের প্রতাপান্বিত বাহু, পক্ষাঘাতের রোগীর বাহুর দ্বারা একবারে অসাড় করিয়া দিয়াছেন।

তাহার উপর, বিমূঢ় বিধাতাও তাহার প্রতি অশ্রু প্রতিকূলতা প্রদর্শন করিয়াছিলেন। ইহা কি কম আক্ষেপের বিষয় যে কত সামান্য লোক, সামান্য নখদ্বারা সামান্য একটু স্বস্তিকা খনন করিতে না করিতে, কত স্তূর্ণ-মুদ্রাপূর্ণ কত স্তূর্ণ কনস প্রাপ্ত হইয়া থাকে ; আর তিনি তেমন কীর্ত্তিমান ও ক্রিয়াবান জমীদার হইয়া, তেমন একটা সুগভীর সরোবর খনন করিয়াও, দুই বিধাতার কোণলে আধখানি মোহরও প্রাপ্ত হইলেন না ! অধিক কি, রাজ্যে নিদ্রিত হইয়াও স্বপ্নে দেখিতে পাইলেন না যে, আমাদের এই স্বর্ণশস্য ভারতের কোন নভূত প্রদেশে, অপক হরিদ্রার চাকতির দ্বারা, ক্ষুদ্রাকার বালসূর্যের দ্বারা, মোহর সকল প্রোধিত আছে।

এইরূপে দেশের লোকের আচরণে, পূর্বপুরুষগণের অবিমূঢ়কারিতায়, দেশের শাসকগণের পক্ষপাতিত্বে এবং বিধাতার অশ্রু রূপাহীনতার ছোটবাবু মহাশয় কখনই আপনার

হৃদয়-বাহিত আকাঙ্ক্ষাগুলি পূর্ণ করিতে পারিতেন না ;
 মনের অভূষিতে জাগরিত অবস্থায় তাঁহাকে ষামিনী ষাপন করিতে
 হইত । তাহার উপর অর্ধাচীন পাওনাদারগণের অগ্রায় তাগাদা !
 কি অশান্তি ! কি অশান্তি ! শিখিগণ আপনাদের নৃত্যকলার
 পরিচয় প্রদান করিয়াও এ অভূষিত এ অশান্তির উপশম
 করিতে পারিত না ! প্রস্তুট প্রসূনগণ আপনাদের সঙ্ঘা-
 কালীন হাস্যোল্লাস দেখাইয়া এ অভূষিত, এ অশান্তি অপনয়ন
 করিতে পারিত না ;—সকল আনন্দের মধ্যেই, কুসুম মধ্যে
 বিষধরের স্তায়, অভূষিত ও অশান্তির বিষ লুক্কায়িত থাকিত ।

হায় ! কে বলিবে বাঙ্গালার কত জমীদারের বাটীতে এই
 অভূষিত, এই অশান্তি প্রবেশ লাভ করিয়াছে !

সপ্তম পরিচ্ছেদ

ঘাসের বাগান ।

ছোটবাবু মহাশয় যে আত্রকাননের অর্দ্ধাংশে উদ্ভানবাটী ও পুষ্পবাটিকা রচিত করিয়া কুমুদগণের হাশ্চর্য্যাস এবং শিখিগণের নৃত্য দেখিতেছিলেন, এবং পার্শ্বচরগণের জয়গান শ্রবণ করিতেছিলেন, আমরা দেখিব, তাহার অপরাধ ভূমি লইয়া কৃষ্ণকিশোরের মাতা কি করিলেন ।

জ্যেষ্ঠ শ্রীযুক্ত করুণচন্দ্র সিংহ মহাশয় আপন জীবদ্দশাতেই আপন অর্দ্ধাংশ বাগান বাৎসরিক চারিশত টাকা খাজনার এক ব্যক্তিকে দশ বৎসরের জন্ত ইজারা বিলি করিয়াছিলেন । তাহার মৃত্যুর পর কৃষ্ণকিশোরের মাতা এই ইজারার জন্ত যে খাজনা প্রাপ্ত হইতেন, তাহার এক কপর্দকও ব্যয় করিতেন না ; সমস্তই ব্যাঙ্কে জমা রাখিতেন । এইরূপে দশবৎসর বিগত হইলে, ঐ সঞ্চিত অর্থ কুশীদক্ষীত হইয়া কিঞ্চিৎ অধিক পাঁচ সহস্র মুদ্রায় পরিণত হইয়াছিল ।

দশ বৎসর পরে, ইজারাদার প্রজা গোমস্তার নিকট আসিয়া জ্ঞাপন করিল যে, সে ঐ বাগান হইতে একটুও লাভবান হইতে পারে নাই ; একান্ত সে পুনরায় বাগান জমা লইতে ইচ্ছা করে না ।

গোমস্তা কর্তীঠাকুরাণীর নিকট তাহা নিবেদন করিল ।

বৃত্তান্ত অবগত হইয়া কৃষ্ণকিশোরের মাতা কহিলেন,—“তুমি প্রকার কাছ থেকে ইজারা পাটী খানা কেয়ত নিয়ে, সেয়েস্তার খাতার জমা ইস্তফা লিখে নাও । আর ঐ বাগানের খাজনা বাবদ ব্যাঙ্কে যে পাঁচ হাজার টাকা আছে, তা তুলে এনে সেয়েস্তার তহবিলে মজুদ রাখ । ঐ টাকা খরচ করে আমি ঐ বাগানের ভেতর ছ’লাখ ইট তৈরী করাতে চাই ।”

গোমস্তা কর্তীঠাকুরাণীকে মাতার গ্ৰাম ভক্তি এবং জাগ্রত দেবতার গ্ৰাম ভয় করিত । সে কখনও, তাঁহার কোন কথা প্রত্যুত্তর করিতে পারিত না । কিন্তু এ ক্ষেত্রে সে ভাবিল যে, হয়ত কর্তীঠাকুরাণী বুঝিতে পারিতেছেন না যে, বাগানের মৃত্তিকা খনন করাইয়া ছয়লক্ষ ইষ্টক প্রস্তুত করিতে হইলে, অনেক ফলবান আম্রবৃক্ষ কাটিয়া ফেলিতে হইবে । তাহাতে বার্ষিক চারিশত টাকা আয়ের সম্পত্তিটা একেবারে মাটি হইয়া যাইবে । কথাটা কর্তীঠাকুরাণীকে বুঝাইয়া বলা আবশ্যিক । অতএব সে সতরে কহিল,—“মা ছ’লাখ ইটের জন্যে বাগান থেকে মাটি তুলতে হলে, সঙ্গে সঙ্গে অনেক আম গাছও কেটে ফেলতে হবে ; তাতে বাগানে মুনফা অনেক কমে যাবে ।”

কর্তী বুঝাইয়া বলিলেন,—“দেখ, যে প্রমা ঐ বাগান ইজারা নিয়েছিল, সে পাকা ব্যবসাদার লোক । সে যখন আমাদিকে বছরে চারশ টাকা মাত্র নিঃ

দশ বছরে কিছুই লাভ করতে পারলে না, তখন আমরা ও থেকে বড় কিছু লাভ করতে পারব না। বরং বাগান দেখবার জন্যে ঘর থেকে টাকা দিয়ে লোক রাখতে হবে। আর এখন লোকে জেনেছে যে ও বাগান থেকে কিছুই লাভ হয় না; এখন ও বাগানটা বিলি করাও চলবে না; এখন কেউই বছরে দু'শ টাকা খাজনা দিয়েও ও বাগান নেবে না। সে জন্যে আমি মনে করেছি যে, ঐ বাগানের বেশী ভাগ গাছই কেটে বিক্রি করে ফেলব।”

সম্পত্তির ক্ষতিকারক এই প্রস্তাব শুনিয়া গোমস্তা মনে করিল যে কর্তী ঠাকুরাণী প্রিয়তম পুত্রের প্রতি অত্যধিক মেহ-বশতঃ তাহার জন্ম, ছোটবাবু মহাশয়ের গায় কিংবা তদপেক্ষা উৎকৃষ্ট এক বাগান বাটী প্রস্তুত করাইবেন। ইহাতে বৃদ্ধের মনে একটা হর্ষ বিষাদের ভাব উপস্থিত হইল। তাহার বালক প্রভু যথাকালে বাগানবাটীরূপ এক পরম সম্পদ উপভোগ করিবে, ইহাতে তাহার মনটা আফ্লাদিত হইল বটে, কিন্তু কর্তী ঠাকুরাণীর আদেশে ততশুণ্য ফলবান বৃক্ষ ছেদন করিতে হইবে, ইহা চিন্তা করিয়া বৃদ্ধের মনটা বড়ই দমিরা গেল। কিন্তু কর্তী ঠাকুরাণীর আজ্ঞার প্রতিবাদ করতে সে সাহস করিল না। সে প্রভুর আজ্ঞা শিরোধার্য্য করিয়া বৃক্ষ সকল ছেদন করাইয়া বিক্রয় করিতে লাগিল; এবং যুক্তিকা খনন করাইয়া ইষ্টক প্রস্তুত করাইতে আরম্ভ করিল।

বর্ষার শেষে ইষ্টক প্রস্তুত আরম্ভ হইয়াছিল; শীতের

অবসানে ইষ্টক প্রস্তুত শেষ হইল। যে স্থান হইতে মৃত্তিকা খনন করাইয়া ইষ্টক প্রস্তুত হইয়াছিল; তাহা একটা বৃহৎ খাদে পরিণত হইল। কর্তীঠাকুরাণীর আদেশে ঐ খাদ সুসংস্কৃত করিয়া একটি নাতিবৃহৎ সরোবর প্রস্তুত হইল। সরোবরে নামিবার জন্য রক্তবর্ণ ইষ্টকনির্মিত সোপানাবলী রচিত হইল। ঠিক সোপান শ্রেণীর উপরে চাঁদনী প্রস্তুত না করাইয়া গৃহিনীর আদেশে অনেকটা দূরে একটা বৃহদাকার চাঁদনি প্রস্তুত হইল; ঐ চাঁদনির নিকটে কয়েকটা আশ্রয়স্থল অকর্তিত অবস্থায় রহিল। সরোবরের অগ্রদিকে বাগানের উদ্বয় সীমান্তে এক সারি দক্ষিণদ্বারী কক্ষ প্রস্তুত হইল। প্রায়ে সমস্ত কক্ষগুলিই একরূপ হইল বটে, কিন্তু মধ্যভাগের তিনটি কক্ষ অত্যন্ত দীর্ঘ করিয়া প্রস্তুত হইয়াছিল। অবশেষে বাগানের অবশিষ্ট সমুদয় ভূমি লাঙ্গলের দ্বারা কর্ষিত করিয়া তাহাতে দুর্ঝাদল রোপিত হইল। কালক্রমে দুর্ঝাদল বর্দ্ধিত হইয়া সমস্ত বাগানটি বিপুল তৃণভূমিতে পরিণত হইল—কেবল মাঝে মাঝে ছই একটা আশ্রয়স্থল শাখা প্রশাখা বিস্তৃত করিয়া ছায়া দান করিতে লাগিল।

এই সকল ব্যাপার সম্পন্ন হইতে প্রায় ছই বৎসর সময় অতিবাহিত হইয়াছিল। তখন কৃষ্ণকিশোর অষ্টাদশ-বর্ষ-বয়স্ক তরুণ যুবক। সে তখন আই, এ, পরীক্ষার পর দীর্ঘ অবকাশ পাইয়া বাটা আসিয়াছিল। সে ঐ বাগানে বেড়াইতে বাইত এবং প্রশংসমান নয়নে বুদ্ধিমতী মাতার কার্য্য সকল অবলোকন করিত।

।৭৬ ঐ বাগান দেখিয়া গ্রামের আবালবৃদ্ধ কেহই প্রীতি লাভ করিতে পারে নাই। বালকগণ ভাবিত যে, উহাতে যদি মাঝে মাঝে দুই একটা বৃহৎ বৃক্ষের বাধা না থাকিত তাহা হইলে উহা ক্রিকেট বা ফুটবল খেলার জন্য ক্রীড়াভূমি হইতে পারিত; বর্তমান অবস্থায় উহা ক্রীড়াভূমিরও অনুপযুক্ত। বৃদ্ধেরা মনে করিত, কুলশূণ্য বাগানের সার্থকতা কি?

সেই অদ্ভুত বাগানের কথা শুনিয়া শ্রীযুক্ত ছোট বাবু মহাশয় কি করিলেন? তিনি প্রথমতঃ বাগানটা ভাল করিয়া দেখিবার জন্য পার্শ্বচরগণকে লইয়া বাগানবাটীর দ্বিতলের ছাদে উঠিলেন। তথা হইতে বিস্তীর্ণ তৃণক্ষেত্র অবলোকন করিয়া উচ্চরোলে হাস্য করিলেন; এবং হাসিতে হাসিতে পার্শ্বচরগণকে কহিলেন,— “বড় বোঠাকরণ ঘাসের বাগান করেছেন। হাঃ, হাঃ, হাঃ!”

পার্শ্বচরগণ তারশ্বরে হাসিল,—“হেঃ, হেঃ, হেঃ! ঘাসের বাগান!”

একজন সুরসিক হাস্তের দ্বারা আপনার সুরসিকত্ব প্রতিপন্ন করিয়া কহিল,—“ছোটবাবু মশাই! আপনি এইবার একটা সেওড়া গাছের বাগান করুন।”

অষ্টম পরিচ্ছেদ

প্রেমাত্মিনয় ।

সরোবরে সলিল না থাকিলে সরোজিনী ফুটে না ; উপত্যাসে
প্রেমকথা না থাকিলে সহৃদয় পাঠকের হৃদয়েও আনন্দ প্রবাহ
ছুটে না । লবণের অভাবে ব্যঞ্জন যেমন বিস্বাদ হইয়া যায়,
তাম্বুলের অভাবে তরীষ রক্তাধর যেমন বিবর্ণ হইয়া যায়, তৈলের
অভাবে মুকেশিনীর কেশরাশি যেমন বিস্তৃষ্ণ হইয়া যায়, প্রেম
প্রস্তাবনার অভাবে আমার এ উপত্যাস তেমনই বিস্বাদ, বিবর্ণ ও
বিস্তৃষ্ণ হইয়া গিয়াছে । শ্যাম দম্পক্ষেত্র, কুমুম কানন, মুকুরনিন্দিত
বান্ধিপূর্ণ বাপী—এ সকলই প্রেমরাজ্যের সামগ্রী ; আমার এই
উপত্যাসের রক্তমঞ্চে আমি যত্ন পূর্বক এ সমস্তই আনয়ন করিয়াছি
বটে, এবং তাহাতে ময়ূরের নৃত্যও দেখাইয়াছি বটে, কিন্তু এযাবৎ
একটি ষথার্থ প্রেমিক দম্পাতকে তোমাদের আগ্রহময় নয়নের
সম্মুখে উপস্থিত করিতে পারি নাই—নবীন প্রেমের একটি
মধুর চিত্র এ আধ্যাতিকার ইতিপূর্বে চিত্রিত করিতে পারি নাই ।
আমি ভাল চিত্রকর নহি, তাহার উপর বুদ্ধ হইয়াছি, তোমরা
আমাকে ক্ষমা কর ।

জানি, বুকের এই অপটু হস্তে প্রেমের পট ভাল ফুটিবে না ।

—গাপ তোমাদের অসন্তোষের ভয়ে আমি একটু ক্ষুদ্র প্রেমাভিনয় দেখাইতে চেষ্টা করিব।

ছুঃখের বিষয় আমাদের প্রেমিকের একটু বয়োবৃদ্ধি হইয়াছিল ; আমাদের প্রেমিকাও নিতান্ত নবীনা নহে। কিন্তু ছুঃখ ঘন হইলে এবং তজ্জন্ত তাহার পাচকতা নষ্ট হইলেও যেমন তাহার মধুরতা আরও বৃদ্ধি প্রাপ্ত হয়, বয়োধিকের বনীভূত প্রেম তরুণগণের পক্ষে কিঞ্চৎ দুস্পাচ্য হইলেও, তেমনই তাহার মিষ্টতা আরও বাড়িয়া যায়। বদ্বহুজম ও বক্ষোদাহের ভয় রাখিয়া তোমরা এই দুস্পাচ্য মিষ্ট সামগ্রী সাবধানে উপভোগ করিও।

শান্তিময়ী স্বাঃবংশাভিবর্ষীয়া যুবতী। বিংশতি বর্ষ অতিক্রম করিয়াও বঙ্গনারী কিরূপে যুবতী রহিল ? হাঁ, আমরা তাহাকে যুবতীই বলিব। তাহার পরিপূর্ণ দেহতটে তখনও যৌবন তরঙ্গ আছাড়াইয়া পড়িতেছিল ; তাহার মুগোল ও কুমুমকোমল বাহতে, তাহার পৃথুল উরসে তখনও নবীন যৌবনের ললিত লালিত্য উছলাইতেছিল ; তাহার ধিলোল নয়নে, রক্তাভ কপোলে, নধর অধরে তখনও নবীন যৌবনাবিলাস-লীলা করিতেছিল ; তরা যৌবনভারে সে তখনও কুমুমভারাবনতা প্রসূনবল্লরীর ন্যায় হুলিতেছিল। সেই পরিপূর্ণ যৌবন লইয়া, সেই যৌবন পুষ্ট দেহ নির্মূল ও উজ্জল বস্ত্রালঙ্কারে ভূষিত করিয়া, সেই নধর অপর সুগন্ধী তাম্বুলরাগে সৌরভময় ও আরক্ত কারমা প্রেমময়ী পুত্র কোমল শয্যার উপর নবগত স্বামীর পার্শ্বে বাসিয়া ছিল।

শান্তিময়ীর স্বামীর নাম অনাথবন্ধু দ্বিজ। বাল্যকালে তিনি

মাতাপিতৃহীন হওয়ার, তাঁহার কলিকাতা-প্রবাসী মাতুল তাঁহাকে আপন ভাড়াটীয়া বাসায় স্থান দান করিয়াছিলেন। সেখানে বাস করিয়া তিনি বহু দারিদ্র্যক্লেশ সহ করিয়া বিদ্যার্জন করিয়াছিলেন। এবং পরে একজন ইঞ্জিনিয়ার হইতে পারিয়াছিলেন। পূর্তবিভাগে কার্য্য পাইয়া, তাঁহাকে দূরদেশে—পাহাড়ে, জঙ্গলে পরিভ্রমণ করিয়া বেড়াইতে হইত। একত্র প্রথম যৌবনে তাঁহার বিবাহের সুযোগ ঘটে নাই। পরে তেত্রিশ বৎসর বয়সে পতিপালক মাতুলের সনির্বন্ধ অনুবোধে তিনি শান্তিময়ীকে বিবাহ করিতে বাধ্য হইয়াছিলেন। শান্তিময়ী এক ডেপুটি ম্যাজিষ্ট্রেটের কন্যা; বিবাহের পর হইতে এযাবৎ কাল সে পিত্রালয়েই অবস্থিতি করিতেছিল, ইঞ্জিনিয়ার বাবু তাঁহাকে মাতুলালয়ে রাখিয়া মাতুলকে বিব্রত করিতে ইচ্ছা করেন নাই। পরন্তু শান্তিময়ীও দরিদ্র মামাখণ্ডের পদসেবা করা অপেক্ষা পিতৃগৃহে স্বচ্ছলতার মধ্যে প্রতিপালিত হইতেই ভালবাসিত; তাহার উপর, অনাথবাবুর নিজের বাসস্থানেরও কোনও স্থিরতা ছিলনা—কখনও ভাঙ্গুতে, কখনও ডাকবাংলার, কখনও কোনও বদান্ত জমীদারের কাছারী বাটীতে, কখনও বা অস্বাস্থ্যকর সামান্ত ভাড়াটীয়া বাটীতে বাস করিতে হইত; এই সকল কারণে শান্তিময়ী পিতৃগৃহেই থাকিয়া গিয়াছিল। এখন ইঞ্জিনিয়ার বাবু কলিকাতার বদলি হইয়া আসিয়াছিলেন। এযাবৎ একাকী থাকিয়া তিনি যে অর্থ সঞ্চয় করিতে পারিয়াছিলেন, শুধু তাহা তিনি কলিকাতার মূছাপুর অঞ্চলে এক ক্ষিতল বাটী ক্রয় করিয়াছিলেন। এই সকল উদ্যোগ শেষ করিয়া তিনি

পত্নীকে ও তাঁহার ছয় বৎসরের শিশুকন্যাকে কলিকাতার লইয়া বাইবার জল খণ্ডের কৰ্মস্থানে আনিয়াছিলেন।

তিনি যখন খণ্ডর বাটিতে প্রবেশ করিলেন, তখন বেলা একটা বাজিয়া গিয়াছিল। তখন খণ্ডর মহাশয় কাছারীতে বসিয়া মকর্দমা স্তনিতে ব্যস্ত ছিলেন, তখন খশ্ঠাকুরানী গৃহস্থালীর দ্বিপ্রাহরিক কার্য সকল সমাধা করিয়া নাতিনীকে ক্রোড়ে লইয়া মধ্যাহ্ন নিদ্রাস্থ উপভোগ করিতেছিলেন, তখন রাজপথের পথিকগণ মধ্যাহ্ন রৌদ্রের প্রভাবে অবসন্ন হইয়া পড়িয়াছিল, তখন শান্তিময়ীর হৃদয়টা স্বামীর আগমন প্রতীকার নিতান্ত অশান্ত হইয়া পড়িয়াছিল, তখন শান্তিময়ীর ছোট ভাই, তাহার শয়নকক্ষে আসিয়া তাহাকে শুভসংবাদ প্রদান করিয়াছিল, 'জামাই বাবু এসেছেন।' তাহার পর তাহার আদেশে ঐ জামাই বাবুকে তাহার শয়নকক্ষে ডাকিয়া আনিয়াছিল। এইরূপে একবৎসর পরে স্বামীর সহিত বিরহিনী স্ত্রীর সাক্ষাৎ ঘটিয়াছিল।

ইঞ্জিনিয়ারিং কলেজের কৰ্মশালায় যে হস্ত পুষ্ট ও কঠিন হইয়াছিল, সাঁড়াশীর ত্রায় সেই কঠিন করপুট মধ্যে পার্শ্বোপবিষ্টা পত্নীর কমলদলিন্দিত কোমল করতল গ্রহণ করিয়া ইঞ্জিনিয়ার বাবু আদরে তাহা নিপীড়িত করিয়া কহিলেন— "খুকী কোণায় ?"

সেই কঠিন স্পর্শে বহুবিরহবিদগ্ধা শান্তিময়ীর হৃদয় মধ্যে তপ্তশোণিত প্রবাহ প্রবাহিত হইল, তাহার গোলাপদলতুল্য গণ্ড আরও আরক্ত হইয়া উঠিল; বিশাল বিলোল নেত্রে স্বামীকে অবলোকন করিয়া কহিল— "খুকী তার দিদিয়ার কাছে যুসুছে।"

ইঞ্জিনিয়ার বাবু কন্যাকে অত্যন্ত স্নেহ করিতেন। তাহার উপর, আজ এক বৎসর সেই স্নেহের পুত্রটির কমল মুখ খানি নিরীক্ষণ করেন নাই। তিনি আগ্রহের সহিত কহিলেন—
“তাকে একবার আমার কাছে নিয়ে এস। কতদিন দেখিনি, দেখব।”

শান্তিময়ীর হৃদয় ব্যথিত হইল; হার ? তাহার স্বামীর চক্ষে কন্যার মাতা অপেক্ষা কন্যাই কি বড় হইল ? কিন্তু তাহার আনন্দ প্রাবিত হৃদয়ে সে ব্যথা অধিকক্ষণ স্থান লাভ করিতে পারিল না। সে প্রণয়বেগে আপন নয়নদ্বয় অর্ধনিম্নীলিত করিয়া আপন স্নেহ দেখ স্বামীও তপ্ত ক্রোড় মধ্যে লুটাইয়া দিয়া কহিল, “দেও, এখন কেন ? এখন যে সে বড় বিরক্ত করবে।”

ইঞ্জিনিয়ার বাবু উৎসাহশারিতা পত্নীর আনন্দিত দেহ আপন বর্জিত বাহুর বন্ধনে বন্ধ করিয়া তাহার উৎফুল্ল অধরে গাঢ় চুম্বন মুদ্রিত করিয়া কহিলেন, “না, না, সে কিছুই বিরক্ত করবে না; বরং আমাকে দেখলে কত আনন্দ করবে। তাকে নিয়ে এস।”

কন্যাকে দেখিবার জন্ত ইঞ্জিনিয়ার বাবুর এই আগ্রহাতিশয়া দেখিয়া ভোমরা হস্ত সন্দেহ করিবে যে, পত্নীর সুধাধরের মধুহতা বা তাহার অমল বক্ষের কোমলতা তাঁহার প্রাণস্পর্শ করে নাই;—
•খুকীই তাঁহার সমুদয় অন্তরাত্মের জুড়িয়া বসিয়াছিল। এ সন্দেহ শান্তিময়ীর হৃদয়ের উপরও একটু ছায়াপাত করিয়াছিল। কিন্তু পরক্ষণেই উজ্জল আনন্দালোকে সে ছায়া বিদূরিত হইল।

প্রেমাভিনয়

কল্পাসম্বন্ধে স্বামীর বাক্যের কোন উত্তর প্রদান না করিয়া সে আবেগময় অধরোষ্ঠের দ্বারা স্বামীর অধরোষ্ঠ স্পর্শ করিল; তাহার পর প্রেমভারাক্রান্ত নয়নে স্বামীর মুখমণ্ডল নিরীক্ষণ করিয়া সে প্রেম-গদগদ কণ্ঠে কহিল,—“দেখ একদিন রাত্রে তোমাকে আমি স্বপ্নে দেখেছিলাম। সেদিন স্বপ্নের ঘোরে তোমার মুখে যে কত চুম্বো খেয়েছিলাম, তার ঠিক নাই।”

ইঞ্জিনিয়ার বাবু হাসিয়া কহিলেন,—“আজ জাগ্রত থেকে তার চেয়ে বেশী খেও; তাতে আমি একটুও আপত্তি করবো না; বরং ছেলের হাতে যেমন চুম্বিকাঠি দেয় তেমনই আমার ঠোট-জোড়াটা তোমার হাতে ছেড়ে দেবো। কিন্তু এখন একবার খুকীকে আমার কাছে নিয়ে এসো।”

খুকী! খুকী! এই প্রবল প্রণয়াভিনয়ের মধ্যে খুকীর স্থান কোথায়? শান্তিময়ীর অন্তরমধ্যে কিঞ্চিৎ অভিমান লক্ষ্যকরিত হইল;—হইবারই কথা। সে আপন রক্তাধর স্ফুরিত করিয়া বলিল,—“তুমি কেবল খুকীর কথাই বলছ। কেন আমি কি তোমার কেউ নই?”

সেই স্ফুরিত অধর চুম্বিত করিয়া ইঞ্জিনিয়ার বাবু কহিলেন,—“তুমি ভুল বুঝলে, শাস্তি। তোমাকে আমি কতটা ভালবাসি, তা তুমি কি জান না? কিন্তু যে আকাশ দেখতে ভালবাসে, সে সেই আকাশের কোলে পূর্ণচন্দ্র দেখলে আরও সুখী হয়।— আমি তোমাকে খুব ভালবাসি বলেই, তোমার কোলে তোমারই গর্ভস্থিত ঘেরেকে দেখলে আরও সুখী হই। তখন তুমি পূর্ণ

হও। আঙ্গুরলতার আঙ্গুরের খোলো বুললে যেমন তাহার শোভা আরও বেড়ে যায়, তখন তেমনি তোমার শোভা একশ' শ্রুণ বেড়ে যায়। সদাশিব যেমন গণেশজননীকে আপন কোলে বসিয়ে পরমানন্দ লাভ করেন, তুমি খুকীকে কোলে নিয়ে আমার কোলে বসলে আমার তেমনই আনন্দ হবে।

শান্তিময়ী লজ্জায় আরক্ত হইয়া উঠিল; কহিল,—“ছি! ছি! তুমি কি বল তার কিছুই ঠিক নেই। সেই খাড়ি মেরেকে কোলে নিয়ে তোমার কোলে বসবো? সে যখন তার দিদিমাকে সে কথা বলবে? ছি ছি! তোমার একটুও বুদ্ধি নেই।”

স্বামী যে কতটা বুদ্ধিহীন তাহা শান্তিময়ী কালক্রমে আরও ভালরকম বুঝিতে পারিবে; কিন্তু এখন তাহার, স্বামীর বুদ্ধির পরিমাণ মাপিবার অবসর ছিল না। তখন তাহার হৃদয়ে প্রেমের প্রবল তরঙ্গ উখিত হইয়াছিল। সে আপন তরঙ্গারিত অঙ্গের দ্বারা স্বামীর অঙ্গ নিপীড়িত করিল; বুড়ুফু বক্ষঃ আলিঙ্গন-সুখা আকর্ষণ পান করিয়া যেন আরও ক্ষীণ হইয়া উঠিল। সুমিষ্ট সরস অধর দ্বারা স্বামীর সরস অধর পান করিয়া তাঁহার ও আপনার বাক্য নিঃসরণের পথ রুদ্ধ করিয়া রাখিল।

প্রণয়ভাষণ যদি রুদ্ধ হইয়া রহিল তবে তোমরা আর কি শুনিবে? আমরাই বা কি লিখিব? অগত্যা এইখানেই এই পরিচ্ছদের উপসংহার করিতে বাধ্য হইলাম।

নবম পরিচ্ছেদ

গোশালা

বড়বধূঠাকুরানীর সেই ঘাসের বাগান ক্রমে গোশালার পরিণত হইল। দুই হাজার টাকা মূল্যে ত্রিশটি দুগ্ধবতীগাভী ক্রয় করা হইল। তিনটি দীর্ঘাকৃতি কক্ষে তাহাদিগের ও তাহাদিগের বৎসগণের স্থানসংকুলান হইল। তাহাদিগের রক্ষণাবেক্ষণ ও দোহন জন্য মাসিক দশটাকা হিসাব বেতনে বাগ্দীজাতীয় বলিষ্ঠ লোককে নিযুক্ত করা হইল; এছাড়াও দুগ্ধবিক্রয় ও গাভীদের ষাণ্মক্রয়জন্য মাসিক পনের টাকা বেতনে একজন সরকার নিযুক্ত হইল। শ্বেত, ধূসর, পাটল গাভীসকল, নানা-বর্ণের পুষ্পাবৃত সচল পুষ্পগুলোর স্মার, সুন্দর ভূগভূমিতে বিচরণ করিতে লাগিল।

এই স্থানে একটা প্রশ্ন উঠিতে পারে। দোহন ও রক্ষণ জন্য কৃষ্ণকিশোরের মাতা বাগ্দীজাতীয় লোক কেন রাখিলেন? কেন, তাজপুরগ্রামে কি গোপজাতীয় পারদর্শী সমর্থ লোক পাওয়া যাইত না? আমরা জানি পঞ্চাশ বৎসর পূর্বে তাজপুরের গোয়ালিপাড়ার ভীমকল্প শত শত গোপ, গোপবধূর সরস প্রেম উপভোগ করিয়া, পরমসুখে দিনাতিপাত করিত। তাহারা গোপালন করিত, গুরুভার বাক বহন করিতে পারিত, তাহারা দুগ্ধবিক্রয়দ্বারা অর্থোপার্জন করিত এবং সেই অর্থের দ্বারা

পুত্র পৌত্রগণকে সুসজ্জিত করিয়া ইংরাজি বিদ্যালয়ে রাজভাষা শিক্ষার জন্য পাঠাইয়া দিত। তাহারা কোথায় গেল? তাহাদের মধ্যে অনেকেরই সময় হইরাছিল, মরিয়া গিয়াছে, দুই একজন এখনও বৃদ্ধ ও অক্ষম অবস্থায় এখনও জীবিত আছে। কিন্তু তাহাদের শিক্ষিত বংশধরগণ কোথায় গেল? ভারতের গ্রামে গ্রামে, নগরে নগরে, অনুসন্ধান কর, তোমরা তাহাদিগের সন্ধান পাইবে। একজন আছেন পেশোয়ারে; তিনি দিনের বেলায় মাসিক ত্রিশটাকা বেতনে বুকিং বাবুর উচ্চাঙ্গ অধিকার করেন; এবং রাত্রে পাত্রে পর পাত্র সরাব খাইয়া পেশোয়ারী মুসলমান সতীর পবিত্র প্রেম উপভোগ করেন। একজন আছেন রংপুরে; তিনি সকাল হইতে সন্ধ্যা পর্যন্ত পাটব্যাবসায়ী এক খেতাব বণিকের আফিসে পঁচিশ টাকা বেতনে ডেসপ্যাচ ক্লার্কের কার্য করেন, এবং সন্ধ্যা হইতে সকাল পর্যন্ত চিরকুণ্ড পুত্রগণের পরিচর্যা করেন এবং পুরস্কার স্বরূপ সেমিজ ও ব্লাউজ পরা ভব্যা পত্নীর তিরস্কার লাভ করেন। একজন দুই হাজার টাকা জামীন দিয়া, ইষ্টার্ন ট্যাঙ্কারী কোম্পানী নামক চামড়ার কারখানায় সত্তর টাকা বেতনে ক্যান্সিসরের কার্য করিতেন; একদিন তহমিলের টাকা কম পড়িয়া যাওয়ার, তিনি হাওড়ার কাবাগারে বাস করিয়াছেন। একজন ঘন ও তৈল-সিক্ত মলিন চাপকান গায়ে দিয়া মৃজাপুরে মোক্তারি করিতেছেন; আর একজন জিনের পোষাক পরিধান করিয়া গিলুয়াতে রেল যাত্রীদের নিকট টিকিট আদায় করিতেছেন। আমাদের ভূষণ

গোয়লার ছেলে শ্রীযুক্ত ব্রজমোহন ঘোষ বি, এ, পাশ করিয়া বর্ধমানের মাষ্টারি করিতেন এবং চল্লিশ টাকা বেতন পাইয়া, বাড়ী ভাড়া, ঝির মাহিনা, ছুধের, মুনীর ও ধোবার পাওনা, পরিবারের ব্যয়না ইত্যাদি সরবরাহ করিয়া অবশিষ্ট অর্থে নিজের ম্যালেরিয়া-ক্রিষ্ট দেহের এবং পত্নীর অনুরোগাক্রান্ত জীর্ণ অবয়বের এবং পুত্র কল্যাণের চিরক্ষুধিত উদরের পথ্য সংগ্রহ করিতেন ; কিন্তু আজ তাঁহার সেই চল্লিশ টাকা বেতনের চাকুরীটিও গিয়াছে ; তাই তিনি মাথার হাত দিয়া ভাবিতেছেন, আবার কোথায় চাকুরী পাইবেন, আবার কিরূপে পরিবারগণের আহার যোগাইবেন । ভাই, তোমরা আমার কথা শোন, তোমরা আর চাকুরী চাকুরী করিয়া ঘারে ঘারে ঘুরিয়া বেড়াইও না । তোমরা আবার তাজপুরে ফিরিয়া গোপালন করিয়া স্বদেশের দুঃস্থ কষ্ট নিবারণ কর । দেশের শিশুদের কচি কচি মুখগুলি দুঃস্থ অভাবে শুষ্ক হইয়া যাইতেছে, ভাই, তোমরা কি দূরে থাকিয়া তাহা চাহিয়া দেখিবে ? কৃষ্ণকিশোরের মাতা গোপালন করিয়া এবং তদ্বারা পল্লিশিশুগণের জন্য নির্মূল দুঃস্থ সরবরাহের ব্যবস্থা করিয়া আপনার মাতৃ হৃদয়ে যে স্বর্গের আনন্দ উপভোগ করিতেছেন, আমরা কায়মনোবাক্যে আনুর্বাদ করি, তোমরা যেন সকলেই সেই স্বর্গীয় আনন্দ উপভোগ করিতে পার ।

তথাপি কৃষ্ণকিশোরের মাতা পল্লিশিশুগণকে বিনামূল্যে দুঃস্থ প্রদান করিতেন না । তিনি কেবলমাত্র স্বপ্ন মূল্যে অকৃত্রিম দুঃস্থ বিক্রয় করিতেন । তখন তাজপুরে ও তাজপুরের নিকটবর্তী

পল্লিগ্রাম সমূহে টাকার চারি সের হিসাবে খাটা দুগ্ধ বিক্রয় হইত ; কিন্তু খাটা দুগ্ধ সকল সময় জলশূন্য বা অবিকৃত অবস্থায় পাওয়া যাইত না। কৃষ্ণকিশোরের মাতার গোশালায় টাকায় আট সের হিসাবে দুগ্ধ বিক্রয় হইত, এবং তাহা সর্বদা নির্জল ও অবিকৃত অবস্থায় পাওয়া যাইত। তাঁহার আদেশ ছিল যে অতি প্রত্যুষ হইতে বেলা দেড় প্রহর পর্য্যন্ত, এবং পুনরায় বেলা তিন প্রহর হইতে রাত্র এক প্রহর পর্য্যন্ত পর্যায়ক্রমে গাভীগুলি গুলির দোহন কার্য্য চলবে ; এই সুবিধানের ফলে তাঁহার ক্রেতাগণ সর্বদাই নির্মল ও নবীন দুগ্ধ প্রাপ্ত হইত। তাঁহার আর একটি সুনিয়ম ছিল ; সেই নিয়মের বলে, যে সংসারে শিশু সন্তান থাকিত, তাহারাই সর্বাগ্রে দুগ্ধ ক্রয়ের অধিকারী হইত। তাঁহার গোশালার দুগ্ধ বাহাতে দুগ্ধব্যবসায়ীগণের হস্তগত না হয় তাহিষয়েও তিনি বিশেষ সতর্কতা অবলম্বন করিয়াছিলেন

দশম পরিচ্ছেদ

শাস্তিময়ীর অশাস্তি ।

স্বামীর সহিত কলিকাতায় আসিয়া শাস্তিময়ী এক বৎসর কাল পরম শাস্তিতে অতিবাহিত করিয়াছিল । রাতে প্রেমলীলা, মধ্যাহ্নে সুখনিদ্রা, সন্ধ্যায় সার্কাস বায়োকোপ থিয়েটার প্রভৃতির দর্শন, আফিসের ছুটির দিনে স্বামী ও কন্যার সহিত বাহুবর, পশুশালা ঘোড়দোড় প্রভৃতির পরিদর্শন,—আহা কি সুখেই, কি তৃপ্তিতেই, কি শাস্তিতেই শাস্তিময়ীর দিনগুলি সুখার প্রবাহের স্রাব চলিয়া যাইতেছিল ।

কিন্তু একবৎসরের পরেই শাস্তিময়ীর অশাস্তির কারণ ঘটিল । এক বৎসর পরেই সে বুঝিতে পারিল তাহার স্বামিণী মোটেই সুবুদ্ধি নহেন । শাস্তিময়ী ক্রমে দেখিল যে, তাহার কাণ্ডজ্ঞানহীন স্বামিণী আপন শাস্তিময় নিকেতনে, এক একটি মূর্ত্তিমান অশাস্তির স্রাব, এক একটি কুপোষ্যকে স্থান দান করিতেছেন । মাতুলের মৃত্যু ঘটায় অসহায় মাতুলানী ও তাহার তিনপুত্রকে তাহার মুখ স্বামী আপন বাটীতে লইয়া আসিলেন ; ইহাতে শাস্তিময়ীর মানসিক অশাস্তি অসহ রকম বৃদ্ধি প্রাপ্ত হইল । কেন অকারণ এত গুলি লোকের ভরণ পোষণের ভার আপন স্বন্ধে বহন করিয়া পরিশ্রম লব্ধ টাকা গুলাকে ভগ্নমূর্ত্তিকাপাত্রে

টুকরার স্তায় নষ্ট করিবার কি আবশ্যকতা ছিল ? হার হার ! ইঞ্জিনিয়ার বাবু আপনার ভৃত ও ভবিষ্যৎ উভয়ই নষ্ট করিতেছিলেন ।

আরও দুই এক বৎসর পরে কলিকাতার দুই একটি ভদ্রপরিবারের সহিত শাস্তিময়ীর পরিচয় ঘটিল । তখন শাস্তিময়ী আর কিছুতেই সন্তুষ্ট থাকিতে পারিল না । ইঞ্জিনিয়ার বাবু তাহাকে যে সকল দ্রব্যাদি আনিয়া দিতেন, তাহা পাইয়া সে একটুও তৃপ্তিলাভ করিতে পারিত না । সে দেখিত, অল্প লোকের স্বামীর স্তায় তাহার স্বামী কোন দ্রব্যই পছন্দ করিয়া কিনিতে পারেন না । স্বামী তাহাকে চারিশত টাকা মূল্যে যে চুড়ী গড়াইয়া দিয়াছিলেন, ডেপুটীবাবুর পত্নীর তিন শত টাকা মূল্যের চুড়ি তাহা অপেক্ষা অনেক ভাল । তাহার পরিচিতাগণের সুবোধ স্বামীগণ পত্নীগণকে কেমন পছন্দ সহি পাড়ের কাপড় কিনিয়া দেন ; আর তাহার নির্বোধ স্বামী সেই আশুকালের পুরাতন পটা পাড়ের কাপড় বাতীত, অল্প কোনও রকমারী পাড় দুই চকুর মস্তিষ্ক আহ্বার করিয়া, দেখিতে পান না ;—রাম, রাম ! সেই প্রকার কর্ণা পাড়ের কাপড় পরিয়া কেহ কি কখনও পল্লিবাসিনী গণের সমক্ষে বাহির হইতে পারে ?

স্বামীর বাটীতে শাস্তিময়ীর আরও অশান্তির কারণ ছিল । বলা বাহুল্য তাহার বুদ্ধিহীন স্বামীই সকল অশান্তির মূল কারণ । ভবানীপুরের সব্জবাবু হাজার টাকা বেতন পান, শ্রামবাজারের সেক্রেটারী বাবু বার শত মুদ্রা বেতন পান, পদ্মপুকুরের ম্যানেজার

বাবু দেড় হাজার টাকা বেতন পান, আর তাহার স্বামী মোটে আট শত টাকা বেতন পান !—কি হের অপদার্থ স্বামী ! এমন স্বামীতে কি কেহ কখন তুষ্টা থাকিতে পারে ? অত্র ইঞ্জিনিয়ারগণ কত উপরি পাওনা পান, এবং সেই টাকা ব্যয় করিয়া বিশ্রী ও বোচা পত্নী বা প্রেতিনীদিগের দখল রত্নালঙ্কারে আচ্ছাদিত করিয়া দেন ; আর তাহার স্বামী, যদি ধর্মের ভান না করিয়া, উপরি পাওনা লইতেন তাহা হইলে, মাছে, দইয়ে, ক্ষীরে রসগোল্লায় সম্বেশ এবং ঘৃত ইত্যাদিতে তাহাদের বাটীত ভাসিয়া বাইতই, তাহার উপর নিজে পদের উপর পদ সংস্থাপন করিয়া নবাবের ঐশ্বর্য্য ভোগ করিতে পারিতেন, এবং সর্বোপরি স্বামীগত প্রাণা শাস্তিময়ীর স্বর্ণাঙ্গে কেবল মাত্র ছুই এক খানি পিত্তল সন্দেশ স্বর্ণের অলঙ্কার না পরাইয়া, তাহার বরাদ্দ হীরা মুক্তার মণ্ডিত করিয়া দিতে পারিতেন । হায়, হায় ! তাহার স্বামী চাকুরী করিতে বাইয়া উপরি পাওনা আনিতে পারে না, তাহাকে ধিক ! শত ধিক !

যদি পাচক, পরিচারক বা পরিচারিকাগণের মধ্যে কেহ পদত্যাগ করিয়া চলিয়া বাইত, এবং তৎক্ষণাৎ যদি শাস্তিময়ীকে অগত্যা পাকশালার প্রবেশ করিতে হইত, বা কোমল করে সম্মার্জনী গ্রহণ করিতে হইত তাহা হইলে, সে ভাবিত যে এই প্রকাণ্ড বিশ্ব ব্রহ্মাণ্ডে তাহার মত অধর্মের ভোগ আর কাহাকেও উপভোগ করিতে হয় না।—হাতে বেড়ী ধরিয়া তাহার হাতে কড়া পড়িয়াছে ; হাঁড়ী নাড়িয়া তাহার পদের মত মুখখানি

হাঁড়ীর তলার মত, কালো হইয়া গিয়াছে, অগ্নির উত্তাপে তাহার সরল দেহ, ইন্ধন কাষ্ঠের স্তায় শুষ্ক হইয়া গিয়াছে ; সম্মার্জনীর ধূনার তাহার চিকণ চিকুর দাম ধূবর হইয়া গিয়াছে ।—হাঁগা ! ঐ ধূলা ঐ ধূম, ঐ অগ্নি বারমাস এবং ত্রিংশ দিবস সহ করিয়া শাস্তিময়ী কি শাস্তিময়ী থাকিতে পারে ? আপন ধর্মপত্নীর প্রতি ইঞ্জিনিয়ার বাবুর যদি একটি ক্ষুদ্র সর্ষপ পরিমাণও আস্থা থাকিত, তাহা হইলে তিনি নিশ্চয়ই প্রেমময়ী পত্নীর অবস্থার কাতর হইয়া এই দণ্ডে, এই ক্ষণে একটা পাচক বা পরিচারিকার স্থলে দশটা পাচক ও পরিচারিকা আনিয়া দিতে পারিতেন । হাঁগা ইহাও কি একটা সম্ভব কথা হইল, যে এই প্রকাণ্ড কলিকাতা সহরে তুচ্ছ একটা বায়ুন আর একটা চাকরানী মিলে না ?

যে গৃহ স্বামীর পোষ্যবর্গের অবিরাম কোলাহলে সর্বদা বিধ্বস্ত, যে গৃহে দাসদাসী স্থায়ী সামগ্রী নহে, যে গৃহের স্বামী গৃহস্বামিনীর ইচ্ছানুযায়ী বস্ত্রালঙ্কার সংগ্রহ করিতে পারেন না, সেই গৃহে শাস্তিময়ী কিরূপে প্রশান্ত মনে বাস করিবে ?

দিবসের শ্রমজনক পরিশ্রম সমাপনান্তে, প্রেমময়ী পত্নীর প্রীতিভরা মুখ দেখিবার প্রত্যাশায়, বাটী কিরিয়া ইঞ্জিনিয়ার বাবু সে মুখে প্রত্যহ ঐ অশান্তি, ঐ অতৃপ্তি প্রতিবিম্বিত দেখিতেন । দেখিয়া তাহার প্রত্যাশাবিত প্রকুল হৃদয়, নির্ঝাপিত-দীপ উৎসব কক্ষের স্তায়, ঘোর অন্ধকারে আচ্ছন্ন হইয়া বাইত । না জানি, আমাদের এই স্তম্ভর বঙ্গদেশে কতগুলি প্রকুল হৃদয় প্রত্যহ

এইরূপ অককারে আবৃত হইয়া বাইতেছে ! তোমরা জানালোকময়ী
প্রীতিময়ী, পতিপরায়ণা বঙ্গললনা, তোমরা এ কথার উত্তর
দাও ।

একদিন ইঞ্জিনিয়ার বাবু বাটী প্রত্যাগমনের পথে ভাবিলেন
যে, দূর বিদেশে কর ছড়াইয়া প্রভাত-দিবাকর যখন আবার
পূর্বাকাশের দ্বারে দেখা দেন, তখন প্রভাত-নলিনী নীশ্বল নীহার
বিন্দুটি ক্রোড়ে লইয়া কেমন প্রফুল্ল মুখে তাঁহার আগমন পথ
চাহিয়া দাঁড়াইয়া থাকে, রজনীনাথের শুভাগমনের প্রতীকার
রজনীদেবী, বহুসন্তানের জননীর স্তায়, নক্ষত্রগুলিকে বন্ধে লইয়া
কেমন হাসিমুখে নানা পুষ্পের গন্ধ ছড়াইয়া দাঁড়াইয়া থাকেন ।
আজ হয়ত তিনিও দেখিবেন যে তাঁহার শাস্তিময়ী, খুকীর শিশির
কণার স্তায় নিশ্বল এবং তাহার স্তায় জ্যোতিষ্মর, দেহটি ক্রোড়ে
লইয়া, তাঁহার প্রত্যাগমন প্রতীকার হাসিহুখে বাহিদ্বারের দিকে
চাহিয়া বসিয়া রহিয়াছে । কিন্তু যে মধুর কাব্যরসে হৃদয় পূর্ণ
করিয়া তিনি বাটী ফিরিলেন, গৃহিণীর অপ্রসন্ন মুখ দেখিয়া তাহা
সম্পূর্ণ শুষ্ক হইয়া গেল । তিনি হৃদয়মধ্যে একটা কষ্টকর বেদনা
অনুভব করিয়া কাতর কণ্ঠে কহিলেন,—“দেখ শান্ত, সমস্তদিন
পরিশ্রম করে বাড়ী ফিরে এসে যদি তোমার হাসিমুখ
দেখতে না পাই, তাহলে আমার মনটা কি রকম হয়, বল
দেখি ?”

শাস্তিময়ী আপন অপ্রসন্ন ললাট ব্যক্তরূপে স্তব্ধিত করিয়া
কহিল,—“ওঃ ! ভারি ত পরিশ্রম ! গাড়ী চড়ে, পোষাক পরে

রাত্তার পাঁচ রকম জিনিষ দেখতে দেখতে আফিসে বা'ন ; তার পর কলের পাথার তলার গদীমোড়া চেয়ারে আরাম করে রসে দু এক ছত্র লেখেন আর হুকুম চালান—এই ত তোমার কাজ আর পরিশ্রম । আর আমি যে সেই ভোর বেলা থেকে সেই রাত ছপুর পর্যন্ত ছিটি সংসারের হাজার খুঁটিনাটিতে দিনরাত হাড়-ভাঙ্গা খাটুনি খাটি, রেঁধে রেঁধে শরীর কালী করি ;—তার বেলা ? এত খাটুনি, তার উপর, একটা ভাল কথা নেই, গারে পরবার মত একখানা গহনা নেই ; বেশী কি, পরনের জন্তে পছন্দ-সই একখানা কাপড় নেই ।—এতে কি আর হাসিমুখ থাকে ?”

ইঞ্জিনিয়ার বাবু মনে মনে জানিতেন যে গজমুক্তা ও পদ্মরাগ রচিত বেশর এবং তাহার আকর্ষণ বিস্তৃত হীরকখচিত টানা অপেক্ষা একটু খানি হাসিতে তাহার পত্নীর মুখশোভা অধিকতর নয়নোপভোগ্য হয় । তিনি কহিলেন,—“শান্ত, সোনা ! তুমি একটু হাসলে আমি তোমাকে যেমন সুন্দর দেখি, ভাল ভাল কাপড় আর হীরা মুক্তার গহনা পরলেও কাউকেও তেমন সুন্দর দেখি নে ।”

ঘোর অবিশ্বাসের ছায়ার মুখটা আরও অন্ধকার করিয়া শান্তিময়ী কহিল,—“যদি হীরা মুক্তার গহনা পরলে শরীরের শোভা এনা বাড়বে, তবে তোমাকে যারা এক হাতে কিনতে পারে, আর এক হাতে বেচতে পারে এমন সব বড় লোকেরা হাজার হাজার টাকা খরচ করে পরিবারকে দামী দামী গহনা পরাবে কেন ?

তাদের যেমন রাজার মত ঐশ্বর্য্য, মাথাতেও তেমনই রাজার মত বুদ্ধি।”

ইঞ্জিনিয়ার বাবু অণ্ডের দ্বারা আলোড়িতচিত্তা দুর্কল-স্বদল পত্রীকে উপদেশ দিয়া কহিলেন,—“একটা কথা ভুলো না, শাস্ত! মনে রেখো আমরা হিন্দু! হিন্দুর ভগবান বলেছেন যে তাঁর ভক্তগণ—“লোকস্মোদ্বিজতে”—অর্থাৎ লোকের দ্বারা বিচলিত হ’ন না। তুমি ভগবদ্ ভক্ত হ’য়ো, শাস্ত। তুমি অণ্ড লোকের গহনা পরা দেখে, বা তোমার গহনা সন্মুখে অণ্ডলোকের নিন্দা শুনে কখনও নিজের মন ধারাপ করো না।”

ইঞ্জিনিয়ার বাবু জানিতেন না যে ভগবদ্ বাক্য অপেক্ষা অধঃ-নীচ প্রতিবাদবাক্য তাঁহার অতিপ্রাজ্ঞী পত্রীর তাণ্ডুলরঞ্জিত কিম্বা সুবাসিত জিহ্বাগ্রে, কল্পবৃক্ষের কলের দ্বার, সর্বদা দোহ-ল্যমান রহিয়াছে। স্বামীর উপদেশটা মূর্খের প্রলাপ মাত্র মনে করিয়া শাস্তিময়ী তৎক্ষণাৎ প্রচার করিল,—“ও মা! ও মা!—“লোকে যারে বলে ছি, তার আর রইল কি ?” লোকে যদি আমার পেতল পানা সোনার গহনা দেখে তোমাকে ছি ছি কলে, তাহলে, তোমার অপমানের আর কি বাকী থাকলো ?”

আমরা ইঞ্জিনিয়ার বাবুর পত্রী শাস্তিময়ীতে যে অশাস্তির লক্ষণ দেখিয়াছি, তাহা আমাদের কাল্পনিক অলৌকতা মাত্র;—এইরূপ কল্পনা কেবল আমাদের গায় হীন ঔপন্যাসিকগণের পদার্থহীন উপস্থাসেই স্থান পায়। আমাদের বিশ্বাস বঙ্গের গৃহলক্ষ্মীগণ

সকলেই চির পরিতৃপ্তির প্রতিশ্রুতি ; তাঁহারা স্বামী প্রদত্ত সামান্ত সামগ্রী প্রাণাধিকের পবিত্র প্রেয়োপহার মনে করিয়া আজীবন পরিতুষ্ট থাকেন ; তাঁহারা আপনাদের প্রশান্ত অন্তঃকরণের প্রসন্নতার স্বামীর সামান্ত গৃহকে চিরশান্তির আবাসভূমি করিয়া তুলেন ।

একাদশ পরিচ্ছেদ

আয়-ব্যয় ।

গোশালা স্থাপনের এক বৎসর পরে যখন কৃষ্ণকিশোর শ্রেণীর পাঠ সমাধা করিয়া দীর্ঘ গ্রীষ্মাবকাশ অতিবাহিত করিবার জন্য বাটা আসিল, তখন বড় বধূঠাকুরাণী তাহাকে গোশালার হিসাব দেখিবার জন্য আদেশ করিলেন । মাতার অনুমতি পাইয়া কৃষ্ণকিশোর কয়েক দিন ধরিয়া গোশালার বাৎসরিক আয় ব্যয়ের হিসাব দেখিল ; এবং তাহার একটি সংক্ষিপ্ত তালিকা প্রস্তুত করিল । এই তালিকা আমরা নিম্নে উদ্ধৃত করিবার প্রলোভন সহরণ করিতে পারিলাম না ।

(আয়)

১০ বৎসর বাগান ইজারার খাজনা যার সুদ	৫২৫০৯
৮৪০টি আত্মবৃক্ষ বিক্রয়	৩৩০০৯
অবশিষ্ট ৪০টি আত্মবৃক্ষের ফল বিক্রয়	৪৫০৯
দুগ্ধ বিক্রয়	৪৩৮০৯
	<hr/>
	১৩,৩৮০৯

(ব্যয়)

৫ লক্ষ ইট প্রস্তুত প্রতি হাজার ৭৯ টিঃ	৩৫০০৯
---------------------------------------	-------

গৃহনির্মাণের কাঠ খরিদ	১২৫০
পুষ্করিণী খনন, গৃহনির্মাণ ও অন্যান্য মজুরী	২৩০০
৩০টি গাভী খরিদ	২০০০
গোশালার জন্য দড়ি, বালতি, কেঁড়ে, ঘটীপ্রভৃতি সরঞ্জাম	১২২
বিচালী ৬০ কাহন ৭ হিঃ ও ৬০ কাহন ৯ হিঃ মোট	৯৬০
সরিষার খোল ৩০০ মন ও ক্ষুদ্র ভূষি ইত্যাদি মোট	১২৭৯
কর্মকারকগণের বেতন মাসিক ৩৫ হিসাব	৪২০
ঐ জলপানি	৪৮
	<hr/>
	১১৮৮০
	<hr/>
(মোট লাভ)	১৫০০

কৃষ্ণকিশোর এই আয় ব্যয়ের তালিকা হর্ষপ্রকুল নেত্রের মাতার হস্তে প্রদান করিয়া কহিল,—“মা, তুমি এই গোশালা তৈরী করায়, শুধু যে গায়ের লোকের দুধের কষ্ট কমেছে, তা নয়; আমাদের আয়ও দেড় হাজার টাকা বেড়ে গেছে।”

মাতা স্নেহ-দৃষ্টিতে পুত্রের সর্বস্ব প্রাণিত করিয়া কহিলেন,—“তুই যদি আরও একটু ভাল বন্দোবস্ত করতে পারিস, কেউ, তাহলে, এই গোশালার আয় আরও বাড়বে; ছ’ হাজার টাকারও বেশী হবে। এ বছর, ফল বিক্রি আর দুধের আয় থেকে কয়েকটা টাকা গোশালা তৈরীর জন্য খরচ করতে হ’য়েছে। আসছে বছর সে খরচটা বাঁচবে। তারপর আরও দু’ এক বছর বাধে আমরা মাঝে মাঝে গাভী আর বালদ বিক্রি করতে পারবো; তাতে আরও

একটা আর হ'বে। আর তুই যদি, এর পরে নিজে আট দশটা বলদ পুষ্টি খান আর অন্ত অন্ত কমল আবাদের বন্দোবস্ত করিস, তাহলে একদিকে আবাদের জন্তে যেমন সারের অভাব হ'বে না, অন্যদিকে গরুর খাবার জন্তে বিচারিরও অভাব থাকবে না। আবার শুনেছি, ধান কাটার পর সেই ক্ষেতে খেসারি বুনলে খুব খেসারি পাওয়া যায়। খেসারির লতা আর খেসারির ডাল ছয়ল গাইদের বড় ভাল খাবার। ঐ ডাল সিদ্ধ করে খাওয়াতে পারলে গাইদের দুধ অনেক বেড়ে যায়। তাতে একদিকে যেমন দুধ বিক্রির আর বাড়বে, অন্যদিকে গরুর খাবার খরচও অনেক কমে যাবে।”

কৃষ্ণকিশোর মাতার বাক্যের সারবত্তা বিলক্ষণ উপলব্ধি করিতে পারিল; তথাপি বালকসুলভ দৃষ্টান্ত দেখাইয়া গম্ভীর মুখে প্রশ্ন করিল,—“কিন্তু মা, গোপালন করা, গরু বিক্রি করা, চাষ করা কি আমাদের মত ভদ্র লোকের কাষ?”

মাতার স্বর্ণাভ ললাট তলে তাঁহার বিশ্বমবিস্ফারিত নয়নদ্বয় দুইটা কোহিনুরের স্থায় জল্ জল্ করিয়া জলিয়া উঠিল; তিনি পুত্রের প্রশ্নের উত্তরে প্রশ্ন করিলেন,—“তোমার মতে আমাদের মত ভদ্রলোকের কাষটা কি শুনি?”

মাতার জ্যোতির্ময় চকুর দৃষ্টি কৃষ্ণকিশোরের মনের মধ্যে একটা শঙ্কার তরঙ্গ তুলিয়াছিল; সে ভয়ে ভয়ে বলিল,—“এই ধর, মাদের জমীদারী আছে, তারা নায়েব গমস্তারী হিসাব পত্র দেখবে, আর মাদের জমীদারী নেই, কেবল বিত্তা আছে, তারা

ভাল ভাল চাকরী করবে—কেউ ডেপুটী বাবু, কেউ মুন্সেফ বাবু, কেউ বা কেরানী বাবু হ'বে।”

মাতা উত্তেজিত কণ্ঠে কহিলেন,—“তুই কি বলিস্ কেষ্ট ? চাকরী ? চাকরীটাই কি শুধু ভদ্রলোকের কাষ ? কেরানীগিরি করে লোকে ভদ্রলোক থাকতে পারে, আর তুই চাষ করে গোপালন করে ভদ্রলোক থাকতে পারবিনে ? সেনেহিস্ জেতা যুগে রাজর্ষি জনক আপন হাতে লাঙ্গল ধরে ভূমি কর্ষণ করতেন ; ঝাপরে শ্রীকৃষ্ণের বড় ভাই বলভদ্র হলচালনা করে হলধর নাম পেয়েছিলেন। তাঁরা কি ভদ্রলোক ছিলেন না ? আমরা তাঁদের কাছ থেকে ভদ্রতা শিখবো, না এই কলিকালে যারা গোলামী করে খায়, তাঁদের কাছ থেকে ভদ্রতা শিখবো ? আর গোপালন ? তুই কি ভুলে গেলি যে মুসলমানদের গুরু গুরু হজরত মহম্মদ ভেড়া চরাতেন ; আর আমাদের গুরু গুরু ভগবান শ্রীকৃষ্ণ ছেলেবেলা পাঁচন হাতে নিরে সামান্ত রাখালের কাষ করতেন। মহম্মদ বা করেছেন, শ্রীকৃষ্ণ বা করেছেন, আমার গর্ভের সন্তান হ'লে, সে কাষ করতে তুই কখনও লজ্জা করিসনে কেষ্ট।”

মাতার প্রতি ভক্তিপূর্ণ দৃষ্টিপাত করিয়া কৃষ্ণকিশোর কহিল,—
“আমি তোমার জেতা যুগের জনকরাজার কথাও বুঝিনে, আর ঝাপরের শ্রীকৃষ্ণের কথাও বুঝিনে, কিন্তু এটা বুঝি যে ভূমি না, ভূমি যে কাষ করবে বা আমাকে করতে বলবে, তা করতে আমার কখনও লজ্জা হবে না।”

মাতা সন্তুষ্ট হইলেন। পুত্রের মস্তক আগন কোঠের নিকট

টানিয়া লইয়া তাহাতে আপন আশীর্বাদ-সিক্ত কোমল করতল
 বুলাইয়া দিলেন। তাহার পর ধীরে ধীরে কহিলেন,—“তুই আর
 একটা কথা জিজ্ঞাসা করেছিস,—ভদ্রলোকের পক্ষে গরু বিক্রি
 করা উচিত কিনা? আমার মতে এখনকার দিনে আমরা যে
 জিনিষ পরমা দিয়ে কিনি, তা অল্পকে দেবার সময় পরমা না নিলে
 পরমার অপব্যবহার করা হয়। সেকালে বায়ুনের প্রতি লোকের
 জারি ভক্তি ছিল, তাই ভাল গরুটি বায়ুনকে দান করত।
 ব্রাহ্মণরাও পাওয়া জিনিষটা বিক্রি করতেন না। ব্রাহ্মণ ছাড়া
 অপর জাতিরা সেকালে গরু বিক্রি করতেন কি না তা আমি
 ঠিক জানি নে। কত্রিরেরা গরু কিনতেন কিনা বলতে পারিনে,
 কিন্তু তাঁরা যে গরু চুরি করতেন একথা মহাভারতের বিরাট পর্ব
 পড়লে জানতে পারা যায়।”

কৃষ্ণকিশোর হাসিয়া জিজ্ঞাসা করিল,—“মা, তুমি কি আমা-
 কেও সেকালের ক্ষেত্রীহ’তে বল’?”

মাতাও হাসিলেন। বলিলেন,—“না, তোকে আমি গরু
 চুরি করতে বলিনে। তোকে কি করতে বলি, শোন। তোর
 এখন উনিশ বছর বয়স হয়েছে। এখন তুই সাবালক হ’রেছিস।
 তুই এখন নিজের জমীদারী আর নিজের সব কাষ দেখে। সাপু-
 রের প্রকারা কিছু বেশী খাজানা হওয়ার, আর কতকগুলো পতিত
 জমীতে নূতন প্রজা বসার, তার উপর গোশালা থেকে একটা
 আর হওয়ার, তোর জমীদারীর আর এখন বছরে দশ হাজার
 টাকার বেশী হ’রেছে। তার উপর দু’টা গোশাল আর দু’শ বণ

ধান জমেছে। আর তোর জন্তে ব্যাঙ্কেও পচিশ হাজার টাকা জমিয়েছি। তুই এট সব দেখে শুনে নে।

কৃষ্ণকিশোর, ভবিষ্যতে জমীদারীর ভার স্বন্দে পড়বে, ইহা ভাবিয়া বিশেষ ভীত হইল। কিন্তু প্রকাণ্ডে কহিল,—“মা তুমি যেন মনে করো না যে আমি এ সকল কাহের ভার নিতে ভয় পাচ্ছি। কিন্তু তুমি, মা, আরও কিছুদিন ধরে আরও টাকা আরও ধান জমাও ; জমিরে আমাকে একবারে ‘ধনধান্ত সম্বিত করে ফেল। আর এদিকে আমি তত দিন আরও কিছু লেখা পড়া শিখে নিই।”

মাতা কহিলেন,—“তোর লেখাপড়া শেখার আমি বাধা দেব না। কিন্তু একটা কথা মনে রাখিস, লেখাপড়া শেখাটা শেষ কায নয়, ওটা একটা নির্দোষ আমোদ আর মানসিক ব্যায়াম মাত্র। তুই জমীদারের ছেলে ; তোর বখার্ব কায হচ্ছে, তোর প্রজারা খেতে পেল কি না দেখা ; আর তারা যাতে বখেই খেতে পার, তার উপায় করে দেওরা। আমাদের দেশে খাওয়ার প্রধান উপায় হচ্ছে, গোপালন আর কৃষিকাজ। তুই তাদিকে এই ক্রুটি কায শেখাবি ;—শুধু মুখে বলে নয়, নিজে দৃষ্টান্ত দেখিয়ে।”

কৃষ্ণকিশোর মনে মনে স্থির করিয়া লইল যে, মাতার উপদেশ বহু চিরদিন সে আপনাকে গোপালন ও কৃষিকার্যে নিয়োজিত রাখিবে ; কিন্তু মুখে সে একটি কথাও কহিল না ; কেবল ২ মাসে প্রকৃতি তাহার সরলতার নয়নযুগল পূর্ণ করিয়া মাতার ১০ হ চাহিয়া রাখিল।—কি ভয়ঙ্কর অনাধুনিক পুত্র !

ছাদশ পরিচ্ছেদ

গোয়ালিনী ।

আমাদের অগ্রায় হইয়াছে । আমরা নির্বোধ ইঞ্জিনিয়ার
বাবুর কথায় এবং অকিঞ্চিৎকর গোশালার অকথায় অনেকক্ষণ
অতিবাহিত করিয়া শ্রীযুক্ত ছোটবাবু মহাশয়ের সুকথ্য কথা
বলিতে ভুলিয়া গিয়াছি ।

যখন ছোট বাবু মহাশয় আপন কুসুমদাম-পরিশোভিত
বাগানবাটীতে বসিয়া ময়ূরপঙ্কের ইন্দ্রধনু অপেক্ষা বিচিত্র
শোভা নিরীক্ষণ করিতেছিলেন, এবং পার্শ্বচরণের, দেবেজ্জবাহিত
সুধা অপেক্ষা সুধাময়, বাক্যের আশ্বাদ গ্রহণ করিতেছিলেন,
তখন তিনি একদিন চঠাৎ ছাদে উঠিয়া দেখিলেন যে ভ্রাতৃ-
জায়ার ঘাসের বাগানে দুই চারিটি ছুঙ্কবতী গাভী বৎসের
সহিত যদৃচ্ছা বিচরণ করিতেছে । আরও কয়েক দিন পরে
তিনি আবার লক্ষ্য করিলেন যে, তৃণক্ষেত্রবিচারিণী গাভীর
সংখ্যা বৃদ্ধিপ্রাপ্ত হইয়াছে ! ইহার কিছু দিন পরে তিনি
আবার ছাদে উঠিয়া দেখিলেন যে, গাভী ও বৎসের সংখ্যা
আরও বাড়িয়াছে ; এবং তাহাদের মধ্যে কোনটি শ্রাম শাসনে
যুরিয়া সরস দুর্বা চর্ষণ করিতেছে, কোনটি চূতবিটপীহারায়
শুইয়া রোমছন করিতেছে, কোনটি সরোবর সলিলপ্রাপ্তে নাশিয়া

নির্মল শীতল জল পান করিতেছে; কোন উদ্যম নর্তনশীল বৎস কণিকাশূন্য গুচ্ছ উর্ধ্বে তুলিয়া ছুটিতেছে, কোন পুষ্প-সুপসদৃশ বৎস বৃক্ষচ্ছায় মাতার ক্রোড়ের নিকট শুইয়া অর্ধনিমীলিত নেত্রে বৃষ্টি নন্দনের স্বপ্ন দেখিতেছে।

ছোটবাবু মহাশয় বাগানবাটীর ছাদ হইতে আরও দেখিলেন যে, তৃণ-উদ্ভানে যে বাগানবাটী প্রস্তুত হইয়াছিল, দুই জন ভৃত্য গাভীগণকে রক্ষুবদ্ধ করিয়া তাহার মধ্যে রক্ষা করিতেছে। তিনি বুঝিলেন যে, বাগানবাটী প্রকৃতপক্ষে বাগানবাটী নহে, গোশালামাত্র। কিন্তু তিনি বুঝিতে পারিলেন না যে, এতগুলি ছদ্মবতী গাভী লইয়া বড়বধূ ঠাকুরাণী কি করিবেন। এই পরশ্বিনী গাভী সকল প্রত্যহ নিশ্চয়ই চারি পাঁচ মন দুগ্ধ প্রদান করিয়া থাকে। এত দুগ্ধ লইয়া লইয়া বিধবা বড়বধূ ঠাকুরাণী কি করিয়া ~~করবেন~~? ছোট বাবু মহাশয় বাল্যকালে গল্প শুনিয়া অবগত ছিলেন যে, পূর্বকালে সৌখীন ব্যক্তিগণ আহাৰান্তে দুগ্ধে আচমন করিতেন। বড়বধূ ঠাকুরাণী একবারমাত্র আহাৰ করেন; এক আহাৰের আচমনে চারি মণ দুগ্ধ খরচ হইতে পারে না। ক্লষ্কিশোর কলিকাতার অবস্থিতি করে, স্তত্রাং তাহার আহাৰও নাই, আচমন নাই। তবে এত দুগ্ধ কোথায় যায়? বড়বধূ ঠাকুরাণী কি সহসা অগস্ত্যধর্মির স্ত্রীর তৃষ্ণাতুরা হইয়া পড়িলেন?—একটি মাত্র গণ্ডুয়ে পয়োনিধি সম পয়োরশি পান করিয়া কেহিতেছেন? অথবা চৌবাচ্চার মধ্যে চারি মণ দুগ্ধ রাখিয়া তাহাতে স্নান করিয়া দেহলাষণ্য বর্ধিত করিতেছেন?

তিনি শুনিয়াছিলেন যে ক্ষীরদা বিষ্ণুলোক হইতে নামিয়া ক্ষীর-সমুদ্রে অবগাহন করিতেন ;—বড়বধূঠাকুরাণী কি সেই কথা অবগত হইয়া, লক্ষীর অনুকরণ করিবার জন্য চারিঘণ ছুঙ্কের ক্ষীর করিয়া তাহাতে ডুব দিতেছেন ? ছোটবাবু মহাশয় অনেক চিন্তা করিলেন বটে, কিন্তু একটা নিশ্চয়তার উপনীত হইতে পারিলেন না ।

কিন্তু অধিক দিন তাঁহাকে অনিশ্চিততার অতিবাহিত করিতে হইল না । তাঁহার সর্বতত্ত্ব পার্শ্বচরণ শীঘ্র তাহাকে সংবাদ আনিয়া দিল যে, বাগানবাটীর বড়গৃহিণী গ্রামের লোক-দিগকে দুগ্ধ বিক্রয় করিতেছেন ।

তাঁহা শুনিয়া একজন পার্শ্বচর কহিল,—“এতে কিন্তু আমার একটু বিশেষ উপকার হ’য়েছে । আগে জলা, বাসী, ননীতোলা দুধ, চার সেরের দরে, কিনতে হ’তো ; তাও আবার সব সময় দরকার মত পাওয়া যেত না । এখন বড়গিঠীঠাকুরাণের গোশালার খাঁটি টাটকা দুধ টাকার আট সেরের দর পাওয়া যায় ; তাই খেয়ে আমার আধমরা রোগা ছেলেটা এবাত্রার বেঁচে গেছে ; এখন মোটাসোটা হ’য়ে হেসে খেলে চারিদিকে ছুটে বেড়াচ্ছে ।”

অন্য এক জন রসিক পার্শ্বচর অঙ্গভঙ্গী-সহকারে রসের উদ্গার করিল,—

“গোয়ালিনীর দুগ্ধ খেয়ে ছেলে আমার গেল বেড়ে
সাত হাত লম্বা ।

হেঁড়ে গলা এঁড়ে বেন বক্ষ দিয়ে তেড়ে এল

মুখে ডাকে হুয়া ॥’

শ্রীযুক্ত ছোট বাবু মহাশয় পার্শ্বচরের উৎকট রসিকতার যোগদান করিতে পারিলেন না; তাঁহার কুলগৌরব তখন ধৰ্ব্ব হইতেছিল, তখন কি তিনি হাসি তামাসাতে যোগদান করিতে পারেন? তিনি আপন ললাটতল তরঙ্গিত করিয়া, নয়নদ্বয় মধ্যাহ্ন আকাশের স্তায় বিক্ষারিত করিয়া কহিলেন,—“বল কি? শেষ কালে এতটা অধঃপতন হ’ল? বড়বৌঠাকরুণ তাজপুর জমীদার বংশের—আমার বাপ পিতামহের বংশের—কুলবধু হয়ে শেষকালে দুধ বিক্রি শুরু করলেন? কাঁকে কেঁড়ে নিয়ে গোরালিনী হ’লেন? লোক সমাজে আর আমাদের মুখ দেখাবার উপায় রাখলেন না? ছি! ছি! ছি!”

চারিদিকে প্রতিধ্বনি উঠিল,—“ছি! ছি! ছি!”

একজন পার্শ্বচর টিপ্পনি করিলেন,—“আর শুনেছেন, ছোটবাবু মশাই, শুধু যে আমাদের বায়ুন কায়েত ভদ্রলোক-দেরই দুধ বিক্রি করেন তা’নয়। বড়গিন্নী ঠাকরুণের খন্দের হলে বাগ্দীও আছে।’

ছোটবাবু মহাশয় কাতর কণ্ঠে কহিলেন,—“আর ব’লো না। আমার মাথা কাটা বাচ্ছে।’

দিবাভাগে সেই কুৎসিতা কথা, ছোটবাবু মহাশয়ের সনির্বন্ধ অমুরোধে বন্ধ রহিল বটে, কিন্তু রাতে আহার কালে তিনি সেই নিদারুণ কথাটা আবার স্মরণ করিলেন। সমীপবর্তিনী

তালবৃক্ষসঞ্চালনকারিণী সহধর্মিনীকে সম্বোধন করিয়া কহিলেন,—
 “ওগো! শুনেছ? তোমার বাগান বাড়ীর বড় যা গোয়ালিনী
 হ’য়েছেন; কেঁড়ে কাঁকে ক’রে ছলে বাগ্‌দীদের দুধ বিক্রি
 করছেন। ছি! ছি! ছি! সমাজে আর আমাদের মুখ
 দেখাবার উপায় রাখলেন না।”

ছোটবঠাধুকুরাণী কখনও স্বামীর কথার কোনও প্রত্যুত্তর
 করিতেন না; এখনও করিলেন না।

বলা বাহুল্য, দেবরের এই ‘ছি ছি ধ্বনি কুককিশোরের
 মাতার কর্ণে ধ্বনিত হইল, কিন্তু তিনি তাহাতে বিচলিত
 হইলেন না।—দুগ্‌থপানরত শিশুগণের হাসিত মুখ স্মরণ করিয়া
 তিনি আপন মনোমধ্যে যে স্বর্গের সৃষ্টি কারিয়াছিলেন, তাহাতে
 লোকনিন্দার তীক্ষ্ণতম বাণও প্রতিহত হইল।

ত্রয়োদশ পরিচ্ছেদ

বিবাহোৎসব ।

খুলতাতের বৈঠকখানার মাতার নিন্দা কীৰ্ত্তিত হই, একথা কৃষ্ণকিশোরও অবগত ছিল। একত্র ইদানিং কোনও অবকাশ উপলক্ষে সে তাজপুরে আসিলে, খুলতাতের ঐ বৈঠকখানায় যাইয়া সে তাঁহার সহিত সাক্ষাৎ করিত না।—যে স্থানে জননী নিন্দিতা হ'ন মাতৃভক্ত কৃষ্ণকিশোরের পক্ষে সেস্থান নরক অপেক্ষা নিন্দনীয়।

কৃষ্ণকিশোর, খুলতাতপুত্র সমবয়স্ক রাধাকিশোরের ন্যস্ত, কলিকাতায় একই কলেজে একই শ্রেণীতে অধ্যয়ন করিত। এবং রাধাকিশোর শকট আরোহণ করিয়া কলেজে যাইবার সময় মাঝে মাঝে কৃষ্ণকিশোরের মেসবাটীর সম্মুখে গাড়ী রাখিয়া তাহাকে আপন গাড়ীতে লইয়া যাইবার জন্ত চেষ্টা করিত; কিন্তু এ চেষ্টাতে রাধাকিশোর কখনও কৃতকার্য হইতে পারে নাই।—কৃষ্ণকিশোর কোনও দিন বলিত, “এইটুকু পথ; এর অন্তে গাড়ী চড়তে হ'লে খোঁড়া হওয়া উচিত। কোনও দিন রাধাকিশোরের গাড়ী আসিবার পূর্বেই সে প্রস্থান করিত।—কৃষ্ণকিশোরের মাতা বলিয়া দিরাছিলেন যে বাহার নিজের গাড়ী নাই, অন্তের গাড়ী চড়িয়া তাহার বাবুগিরি শিক্ষা করা উচিত

নহে। বিছালায় হইতে বাটী কিরিবার সময়ও সে রাধাকিশোরের সহিত একত্রে বাটী কিরিত না। ক্রীড়া ক্ষেত্রে বা অন্য কোনও স্থানেও তাহারা মিলিত হইত না। কৃষ্ণকিশোর ক্রীড়ক রূপে ক্রীড়াক্ষেত্রে বাইত, রাধাকিশোর সেখানেঃর্শকরূপে উপস্থিত হইত। কৃষ্ণকিশোর যাহাদের সহিত মিলিত হইত তাহারা বিছাচর্চা করিত ; রাধাকিশোর যাহাদের সহিত মিলিত হইত, তাহাদের মধ্যে কেহ নবপরিণীত, কেহ সন্ত বিবাহিত হইবার আশায় আশাবিহ ; তাহারা প্রেমরাজ্যের মনোমদ কাহিনী সকল কীর্তিত করিতে ভাল বাসিত।

উল্লিখিত দুইটি অনুচ্ছেদে বর্ণিত কারণ বশতঃ কৃষ্ণকিশোর রাধাকিশোর সম্বন্ধে একটি বিশেষ কথা অবগত হইতে পারে নাই। সে জানিত না যে কয়েক মাস পূর্ব হইতে রাধাকিশোরের বিবাহের কথাবার্তা চলিতেছে।

নানা কন্যাদায়গ্রন্থ ব্যক্তি নানা স্থান হইতে আশাবিহ হৃদয়ে ও লোলুপ নয়নে জমীদার পুত্র, সুন্দর ও বিছারত রাধাকিশোরকে দেখিতে আসিতেন। রাধাকিশোর পিতার আহ্বানে কলিকাতা হইতে, প্রেমরাজ্যের চিত্তবিনোদন স্বপ্ন দেখিতে দেখিতে, বাটী আসিত ; এবং সবল কোরকর্মের দ্বারা আপন তরুণ গুণ চিকণ করিয়া স্নগন্ধি সাবানের দ্বারা আপন বরদেহ বিধৌত করিয়া, গন্ধদ্রব্যের দ্বারা সিগারেটের গন্ধ ঢাকিয়া, সরল সৌদামিনীদীপ্ততুল্য টেরি কাটিয়া, অঙ্গুলিতে উজ্জল রত্নাকুরীরক ধারণ করিয়া, উৎকৃষ্ট মূল্যবান পরিচ্ছন্ন পরিধান করিয়া, কন্যাদায়-

গ্রন্থগণের নিকট আপনার প্রেমপ্রফুল্ল দেহ উপস্থিত করিত : কল্যাণদারগ্রন্থগণ পাত্রের কুমারকল্প দেহ গৌরব দেখিয়া মুগ্ধ হইতেন, রক্ত পাত্রে জলযোগ করিতেন; ভাসুল চর্ষণ করিয়া আপনার মলিন অধর রক্তাক্ত করিতেন ; শ্লগন্ধি ভাসুলকুটের ধূমপান করিয়া কক্ষমধ্যে মেঘমালার সৃষ্টি করিতেন এবং পরিশেষে জমীদারকুলভিলক শ্রীযুক্ত অরুণচন্দ্র সিংহ মহাশয়ের লম্বা বর্দ দেখিয়া পরিতপ্ত হৃদয়ে চলিয়া যাইতেন ;—রাধাকিশোরের পদ্মীলাভের সুখস্বপ্ন ভাঙ্গিয়া যাইত ।

শ্রীযুক্ত ছোটবাবু মহাশয় ভাবিতেন, কি আশ্চর্য্য ! যে অধম ব্যক্তি আপন ঔরস জাতা কল্লার বিবাহে সামান্য দশ হাজার টাকা খরচ করিতে কুণ্ঠিত হন, সে কোন স্পর্ধায় জমীদার পুত্রকে স্নানাত্মরূপে পাইবার প্রত্যাশা করে ?

রাধাকিশোর নিভৃতে বসিয়া সিগারেটের ধূমপান করিতে করিতে ভাবিত, হায়, হায় ! দশহাজার রক্ত যুদ্ধের একটি খলি মাথার করিয়া তাহার তরুণ হৃদয়রক্তমঞ্চে কখনও কি একটি বধু আবির্ভূতা হইবে না ? বিধাতা কি চিরদিন তাহাকে আই-ব্যাচ করিয়া রাখিবেন ? সরস প্রেমের অভাবে তাহার হৃদয় কি চিরদিন শ্মশান হইয়া থাকিবে ? আপন প্রবরমূর্তি কেখাইবার প্রয়াস ও পরিশ্রম চিরকাল কি তাহার বিফলেই যাইবে ? বোধহয় পিতার উপর নির্ভর করিয়া নিশ্চেষ্ট হইয়া বসিয়া থাকিলে তাহাকে চিরকাল অবিবাহিতই থাকিতে হইবে । ‘উগ্ৰোগিনং পুরুষসিংহ মূৰ্গৈশ্চ লক্ষ্মীঃ ।’ রাধাকিশোর কিন্তু লোকবাসিনী বিফুর উৎসর্গ-

শায়িনী লক্ষ্মী চাহে না ; কিন্তু উদ্যোগী হইলে সে কি একটি নোলকপরা পার্শ্বিক লক্ষ্মীও লাভ করিতে পারিবে না ? কস্তার জনকগণ পিতার ধনুকতাদা বা মেকনও ভাঙ্গা পণের কথা শুনিয়া বখন একটির পর একটি চলিয়া যাইতে লাগিল, তখন রাধাকিশোর বিষন্ন হইতে বিষন্নতর হইল ; এবং কি আশানুবিধ উদ্যোগের দ্বারা একটি পত্নী লাভ করিতে পারিবে তাহারই চিন্তা করিতে লাগিল ।

জমীদার গৃহিনী পুত্রের বিষন্ন মুখ দেখিয়া তাহার মনোভাব বুঝিয়াছিলেন। বুঝিয়াছিলেন যে, তাঁহার যদি অবিলম্বে বাটীতে একটি বধু লইয়া না আসেন পুত্র নিজেই বোধহয় একটি বধু অথবা অস্তার পক্ষে একটি উপবধু সংগ্রহের জন্য উদ্যোগী হইবে। তিনি কখনই স্বামীর কোনও কার্যের প্রতিবাদ করিতেন না ; কিন্তু বুঝিলেন যে, এক্ষেত্রে স্বামীকে সকল কথা বুঝাইয়া না বলিলে, ভবিষ্যতে পুত্রের মহা অনিষ্ট ঘটবার সম্ভব। অতএব তিনি সুযোগ বুঝিয়া স্বামীর নিকট সকল বিষয় নিবেদন করিলেন ।

গৃহিনীর নিকট পুত্রের মনস্তত্ত্বের সংবাদ পাইয়া ছোটখাটু মহাশয় কিছু বিচলিত হইলেন। পুত্রের বিবাহের বোতুকটা পাছে একবারে হাত ছাড়া হইয়া যায় তাহার জন্য কিছু আশঙ্কিত হইলেন। কহিলেন,—“দেখ, গিন্নি, আমি ত তেমন বেশী কিছু চাইনি। দশহাজার টাকাও যদি কেউ দিতে না পারে, তাহলে কেমন করে ছেলের বিয়ে দিই বল দেখি ? আমি হুঁ হাকার

টাকা নগদ চেয়েছি ; আর চার হাজার টাকার ব্যয় আর কতটা অলঙ্কার চেয়েছি । এটা কি বড় বেশী হ'য়েছে ?”

গৃহিণী কহিলেন,—“নগদ টাকাটা কিছু বেশী চাওয়া হ'য়েছে ।”

ছোট বাবু মহাশয় বৃক্কাইয়া বলিলেন,—“আমার মত একজন জমিদারের ছোট পুত্র—বড় ছেলে ! তার বিয়েতে একটু খরচ পত্র করতে না পারলে লোকে যে আমার গারে ধুলা দেবে । আমি ভেবে দেখেছি, ঐ ছ' হাজার টাকা খরচ করতে না পারলে, আমি একটু ধুমধাম দেখিয়ে আত্মীয় স্বজনকে পরিতুষ্ট করতে পারব না । আর ছেলের বিয়েতে ঘরথেকেও টাকা ব্যয় করে খরচ করবো না ।”

গৃহিণী জমিদারের উচ্চ ও উদার ও বংশমর্যাদাপূর্ণ হৃদয় হৃদয়ঙ্গম করিতে না পারিয়া নির্বোধের ভাষা কহিলেন,—“দেখ, বীর মেয়ে তোমার পুত্রবধূ হ'বে আর তোমার সব আদর ও ঐশ্বর্য ভোগ করবে, তিনি ত তোমার কম আত্মীয় স্বজন নন ; তাঁকেও পরিতুষ্ট করাত তোমার উচিত । এই বিয়েতে ধুমধাম কিছু কম করে, তাঁর কাছ থেকে নগদ টাকাটা যদি কিছু কম নাও, তাহ'লে তোমার সব চেয়ে বড় আত্মীয়কে পরিতুষ্ট করা হবে । আর এবার যে ইঞ্জিনিয়ার বাবুর মেয়ের সঙ্গে স্বাক্ষরিত-বিয়ের সন্ধ হ'ছে, তুমিই ত বলেছ, তেমন সুনাম আর খাস্ত শিষ্ট মেয়ে বংশধান গ্রাম খুজলেও পাওয়া যায় না । আমার ইচ্ছে তুমি নগদ টাকাটা কিছু কম নিয়ে সেই খানেই ছেলের বিয়ে দাও ।”

যাহার দুর্গোৎসবের খ্যাতি অর্ধ বঙ্গ ব্যাপিয়া বিস্তৃত ছিল তাঁহারই গৃহিনীর অসীম নিরুদ্ভিতা দেখিয়া ছোটবাবু মহাশয় অবাক হইয়া গেলেন ; তথাপি তিনি গৃহিনীকে আবার বুঝাইতে চেষ্টা করিলেন ; কহিলেন,—“তুমি একটুও বুঝলে না। আমার বড় ছেলের বিয়ে, আমার বাড়ীতে এই প্রথম কাষ, এতে একটু ধুমধাম না করলে কি চলে ? তারপর, লোকটা ইঞ্জিনিয়ার ; প্রায় হাজার টাকা মাহিনা পায় ; তার উপর—বুঝলে ?—এই কন্ট্রাক্টরদের কাছ থেকে দু’হাতে টাকা লুট করে। একটু মোড় দিলে—বুঝলে ?—তার কাছ থেকে অনায়াসেই নগদ দুই ছ’ হাজার টাকাই পাওয়া যেত। কিন্তু তুমি যখন বুঝলে না, আর বলছ, ছেলেও অধৈর্য্য হ’য়েছে, তখন আমাকে কিছু কম টাকাতেই রাজি হ’তে হবে।”

অতএব, তিনি যখন ইঞ্জিনিয়ার বাবুর নিকট হইতে পত্র পাইয়া জানিলেন যে তিনি কোনও ক্রমেই নগদ দুই হাজার টাকার বেশী দিতে পারিবেন না, তখন ছোটবাবু মহাশয় তাঁহার পার্শ্চর্যগণের সহিত পরামর্শ করিয়া জমীদারীছন্দে দীর্ঘ প্রভুত্বের লিখিয়া ইঞ্জিনিয়ার বাবুকে অবগত করিলেন যে, সক্ষম ও রোজগারী পুরুষ হইয়াও তিনি যখন আপন ঔরস জাত কন্যাকে সামান্ত দুই হাজার টাকা দিতে কাতর তখন, অগত্যা ভাবী কুটম্বের খাতিরে নগদ দুই হাজার টাকার স্থলে নগদ পাঁচ হাজার টাকা মাত্র লইয়াই তিনি পুত্রের বিবাহ দিতে সম্মত। ছোটবাবু মহাশয় আরও লিখিলেন, যে আগামী বৈশাখ মাসের

মধ্যেই তিনি পুত্রের বিবাহ দিতে ইচ্ছুক ; অতএব সত্বর দেনা পাওনা সম্বন্ধে একটা শেষ মীমাংসা হওয়া আবশ্যিক ।

এই পত্র লিখনের পর, ছোটবাবু মহাশয় প্রায় পক্ষ কাল অপেক্ষা করিলেন, কিন্তু সক্ষম ও রোজগারী ইঞ্জিনিয়ার বাবু সে পত্রের কোনও উত্তরই প্রদান করিলেন না ।

তখন তিনি গৃহিণীর নির্বন্ধাতিশয্যে অন্ত্র বিবাহের সহকৃষ্টি করিলেন । নূতন পাত্রীটি ইঞ্জিনিয়ার বাবুর কন্তার ক্তার সুলক্ষী না হউক কিন্তু একবারে বিশ্রী নহে—বর্ণ গৌর, এবং সুখশ্রীও মন্দ নহে ; তবে কন্তার বয়স বোধহয় পনের বৎসরের অধিক হইরাছিল । তা হউক, রাধাকিশোর যে যৌবন সাগরেই সাঁতার দিতে চায় । পাত্রীর পিতা বয়োধিকা কন্তার জন্ত রাধাকিশোরে ক্তার পাত্র লাভ করিতে পারিয়া কৃতার্থ হইলেন ; এবং নানা উপায়ে অর্থ সংগ্রহ করিয়া নগদে ও অলঙ্কারে দশ হাজার টাকাই ছোটবাবু মহাশয়ের পদপ্রান্তে ঢালিয়া মনে করিলেন যে তাঁহার আদরিণী কন্তা কত সুখে সুখিনী হইয়া জমীদার গৃহের গৃহিণী হইবে ।

জমীদার বাটীতে বিবাহোৎসবের সাদা পড়িয়া গেল । গাত্র হরিদ্রা ও বিবাহের দিন স্থির হইয়া গেল । রাজমিস্ত্রি, ছুতর, স্বংওয়ালা আসিয়া, দিন রাত পরিশ্রম করিয়া, গৃহটি সুসংস্কৃত করিল ; তাহা নবনির্মিত গৃহের ক্তার আপন ঔজ্জ্বল্যে এসর হইয়া উঠিল । ধ্বজ, পত্র ও পুষ্প যজ্ঞিত নহবৎ থানার নহবৎ বাজিয়া উঠিল ; কুটম্ব ও কুটম্বিনীগণ সমাগত হইলেন । নাচ, বাজা, বাকী

প্রভৃতির সমারোহ বন্দোবস্ত হইল। হাশ্বে, কোতুকে, আহারে বিহারে, গানে, বাজনার সমস্ত গ্রাম মুখরিত হইয়া উঠিল।

রাধাকিশোরের মনোভিলাষ পূর্ণ হইল; বধু আসিয়া চরণালঙ্কারের নিকণে স্বর্ণভরণের শিঞ্জিতে, কোষের বস্ত্রের স্বস্বসানিতে তাহার প্রেমে জ্বর জ্বর জীবন সার্থক করিল—হতাশ যজ্ঞমান ব্যক্তি যেন সহসা পুষ্পাকীর্ণ তীরভূমি পাইয়া জীবন লাভ করিল। তাহার পর, হঠাৎ একদিন ছোটবাবু মহাশয় দেখিলেন যে তাঁহার সুখময় উৎসব-স্বপ্ন ভাসিয়া গিয়াছে; তিনি কাগ্রত পৃথিবীতে আসিয়া দাঁড়াইয়াছেন। জীবন্ত পাণ্ডাদারগণ হ'। করিধা তাঁহাকে গ্রাস করিতে আসিতেছে।

চতুর্দশ পরিচ্ছেদ

মাতার উপদেশ ।

বি, এ, পরীক্ষার পর বাণী আসিয়া কৃষ্ণকিশোর অত্যন্ত বিস্মিত হইয়া মাতার নিকট শ্রবণ করিল যে, আর সাত দিন পরেই রাধাকিশোরের বিবাহ হইবে । আরও শুনিল যে, তাহার খুড়ী-মা নিজে আসিয়া তাহাকে বিবাহ বাড়ীতে যাইবার জন্য বলিয়া গিয়াছেন । অতএব সে মাতার অনুমতি পাইয়া, কয়েক-দিন খুলতাতের বাটীতে থাকিয়া বিবাহোৎসবে যোগদান করিতে বাধ্য হইয়াছিল । স্বামীর মৃত্যুর পর হইতে বড় বধূঠাকুরাণী কখনও কোনও উৎসবে যোগদেন নাই । রাধাকিশোরের বিবাহেও তিনি উৎসবালয়ে উপস্থিত ছিলেন না । কেবল একদিন যাইয়া একটি স্বর্ণালঙ্কার উপহার দিয়া নববধূকে আশীর্বাদ করিয়া আসিয়াছিলেন ।

দ্বাদশদিবসব্যাপী উৎসবের পর কৃষ্ণকিশোর বাণী কিরিয়া একদিন নিভূতে মাতাকে কহিল,—“মা, আমার মনে হয়, ঠিক পরীক্ষার সময়ই রাধাকিশোরের বিয়ের উদ্যোগ করা ভাল হয়নি ? যার দেশের বাড়ীতে বিয়ের উদ্যোগ চলে, তার কলকাতার বাসায় পরীক্ষার পড়া চলে না । যদি রাধাকিশোর এবার বি, এ, পরীক্ষার পাশ হাতে না পারে, তাহলে, আমি বলব, কাকাবাবুই তার এই অনিষ্টটা করলেন ।”

মাতা বিষয় মুখে কহিলেন,—“লেখাপড়ার কতি ছাড়া তোর কাকাবাবু নিজের ছেলেদের আরও অনেক অনিষ্ট করেছেন। তুই জানিসনে, তোর কাকাবাবু পূজাপার্কণে ধুমধাম করে আর অন্য রকম বাজে খরচ করে আগেই ঋণগ্রস্ত হ’রে পড়েছিলেন; তারপর এই বিষেতে যে ছ’ হাজার টাকা নগদ পেয়েছিলেন, তার উপর আরও দু’ তিন হাজার টাকা খরচ করে বিষের খরচ চালিয়েছেন। এক দিকে যেমন ছেলেদের বাবুগিরি শেখাচ্ছেন, অন্যদিকে তাদের বাবুগিরি করবার কোন উপায়ই রাখছেন না। আমার ভাবনা হয়, ছেলেগুলো এর পর বড় কষ্টে পড়বে।”

খুল্লতাত পুত্রগণের বিশেষতঃ তাহার সমবয়স্ক রাধাকিশোরের ভবিষ্যৎ অনিষ্টের কথা ভাবিয়া কৃষ্ণকিশোরের করুণ হৃদয় ব্যথিত হইল। সে কিয়ৎকাল নীরব থাকিয়া, তাহার পর মাতাকে জিজ্ঞাসা করিল,—“মা, কাকাবাবুকে তুমি একটু বুঝিয়ে বল না কেন?”

মাতা পূর্ষবৎ বিষয় মুখে কহিলেন,—“আমি দু’ একবার সংপরামর্শ দেবার চেষ্টা করেছিলাম। কিন্তু ঠাকুরপো সম্পত্তি বিভাগের পর থেকে আর আমাদিকে আপনার লোক মনে করেন না; মনে করেন আমরা তাঁর শত্রুপক্ষ। আমরা কোনও সংপরামর্শ দিতে গেলে, মনে করেন যে আমরা তাঁর শত্রুতা করছি। তাঁর বৈঠকখানার কতকগুলি লোক জুটেছে; তারা যে শুধু তাঁর বাড়ীতে ভাল ভাল খাবার জিনিষই খাচ্ছে,

তা নয় ; তাঁর মাথাটিও বেশ করে খাচ্ছে । তারা যা বলে তিনি তাই বেদবাক্য মনে করেন । দুর্গা পূজার সময় তাদের পরামর্শে তিনি যে বাড়াবাড়িটা আয়ত্ত্ব করেছেন, তার জগে তাঁর দু' রকম অনিষ্ট হচ্ছে । এক দিকে তাঁর ঋণের পরিমাণ প্রত্যেক বছরেই বাড়ছে । তারপর, অন্যদিকে, ঐ দুই লোকগুলোর কথা শুনে তিনি প্রত্যেক প্রজার কাছ থেকে বছর বছর ঠাকুরপ্রণামী বাবদ কিছু কিছু আদায় করেন । তাতে প্রজারা সব অসন্তুষ্ট হ'য়েছে । দু'টার জন্য প্রজা তাঁর মহল ছেড়ে আমাদের মহলে এসে বাস করছে ; এতে তাঁর আয়ও কিছু কিছু কমে যাচ্ছে ।”

কৃষ্ণকিশোর চিন্তিত হইয়া জিজ্ঞাসা করিল,—“আচ্ছা, ম', কাকাবাবু ত অবুঝ ন'ন, আর তাঁর স্বভাব চরিত্রও খুব ভাল ; তবে তিনি এমন সব কাণ্ড কর নিজের আর নিজের ছেলেদের অনিষ্ট করছেন কেন ?”

মাতা কহিলেন,—“করছেন কেন, শুনিবি কেটে ? মানুষের পক্ষে যশের লোভটা বড় ভয়ানক লোভ ! যশের লোভে যদি আমরা ভাল কাণ্ড করি, তাহলে তারও ফলটা মন্দই হয় । আর যশের লোভে অবিবেচনার কাণ্ড করলে তার ফল ত মন্দ হবেই । তাঁর কাকা বাবু ঐ দুই লোকগুলোর মিথ্যাকথা শুলোকে সত্য খ্যাতি মনে করেন ; আর সেই খ্যাতিলাভের লোভে অজ্ঞান হ'য়ে, ক্ষমতার চেয়ে বেশী খরচ করে ফেলেন । তার পর অবশ্য বেশী খরচের জন্য তাঁর মনে একটা অনুতাপ আসে । মানুষের জীবনটাকে সুখভোগ্য করবার জন্তে মাঝে মাঝে এক

একটা আনন্দোৎসবের দরকার আছে বটে ; কিন্তু আমার বতে সেটা মোটেই আনন্দোৎসব নয়, যাতে পরে অনুতাপ আনে ; আনন্দোৎসবের ফল আনন্দ, অনুতাপ নয় । তোর বাবাও দুর্গোৎসব করতেন , আর তাতে আমরা সব বাড়ীর লোক মিলে কাষ করতাম ; কত আত্মীয় কুটুম্ব কত গ্রামের লোক এসে যোগ দিত ; গরীব প্রজারা দলে দলে খেতে আসত ; আমাদের কত আনন্দ হ'ত । কিন্তু তিনি ধার ক'রে বা প্রজাদের কাছ থেকে দাকুর প্রণামী আদায় করে দুর্গোৎসব করতেন না । কাষেই আমাদের আমোদটা আমোদই থেকে যেত । এর পর তুইও দুর্গোৎসব করিস্ । কিন্তু তুই আমার কথা মনে রাখিস ; কখনও কোনও গরীব লোকের কাছ থেকে টাকা আদায় করে বা ক্ষমতার চেয়ে বেশী খরচ করে যশোলাভ করতে চেষ্টা করিস্ নে । রাধাকিশোরের মত না হ'ক, তোর বিয়েতেও আমি ঘটা করবো ; কিন্তু কখনও যৌতুক আদায় করে বা ধার করে খরচ করবো না ।”

সহসা আপন বিবাহের কথা উত্থাপিত হওয়ার কৃষ্ণকিশোরের মনের মধ্যে একটা গোলযোগ উপস্থিত হইল । এই গোলযোগের কারণটা আমরা পরবর্তী তিনটি পৃথক পরিচ্ছেদে বিবৃত করিব ; মাতার উপদেশের মধ্যে আমরা সেই গোলযোগটা উপস্থিত করিতে ইচ্ছা রাখি না ।

পুত্রকে নীরব দেখিয়া মাতা কহিলেন,—“কি ভাবছিস, কেটে ?”

কৃষ্ণকিশোর কিছু বিচলিত হইয়া কহিল,—“কই, কিছু ভ
ভাবিনি, মা।”

মাতা হাসিয়া কহিলেন,—“না, তোমর ভাবনার কোনও কারণ
নেই, তুমি মনে করিস্নে যে আমি তোমর বউকে কম গহনা
দেব। আর তুই যদি মশের আকাজক্ষা না করে কেবল কর্তব্য
বোধে খরচ করিস্ন. তোমর কখনই কোন ভাবনার কারণ থাকবে
না। পৃথিবীর লোকের মুখের মশটাকে তুই প্রাণপণ শক্তিতে
অবজ্ঞার চাখে দেখিস্ন।”

মাতার শেষ উপদেশকথাগুলি কৃষ্ণকিশোরের হৃদয়ে মুদ্রিত
হইয়া রহিল।

পঞ্চদশ পরিচ্ছেদ

ছান্দে—জ্যোৎস্নালোকে ।

মাতার উপদেশ শ্রবণ কালে বিবাহের কথা উত্থাপিত হইলে কৃষ্ণকিশোরের মনের মধ্যে একটা আন্দোলনের সৃষ্টি হইয়াছিল । আমরা তোমাদিগের নিকট প্রতিশ্রুত আছি যে তিনটি পরিচ্ছেদে উহার কারণ নির্ণয় করিব। এক্ষণে তাহাই করিতেছি ।

তখন বি, এ, পরীক্ষা নিকটবর্তী হইয়াছিল, এজন্য কৃষ্ণকিশোরের মস্তক গুরুত্বের অবসর ছিল না। সে দিবারাত্র অধ্যয়ন করিত এবং কাল্পনিক প্রশ্ন সকল রচনা করিয়া তাহার উত্তর লিখিত ; কখনও অধ্যাপকগণের নিকট যাইয়া কোনও দুর্ব্বল প্রশ্নের সমাধান করিয়া লইত ; কখনও মেসের সহপাঠীর নিকট কোনও দুর্ব্বোধ পাঠাংশের মীমাংসা করিয়া লইত ; কখনও অন্য মেসের বুদ্ধিমান ছাত্রদিগের নিকট যাইয়া একত্রে অঙ্কশাস্ত্রের আলোচনা করিত ।

এই রূপে অঙ্কের আলোচনা করিবার জন্য কৃষ্ণকিশোর একদিন সন্ধ্যাকালে অন্য একটি মেসে উপস্থিত হইয়াছিল । সেখানে উমাপদ নামক তাঁহার এক সতীর্থ বন্ধু বাস করিত । এই মেসবাটীর দিঙলে ও দিঙলে উঠিবার অধিরোহিনীর পার্শ্ব

রুকনশালা। রুকনশালায় বামুন ঠাকুর ছাত্রগণের সাক্ষ্যভোজনের আয়োজনে ব্যাপ্ত ছিল। সে কৃষ্ণকিশোরকে উপরে উঠিতে দেখিয়া কহিল,—“বাবু! কেউ বাড়ীতে নেই। তাঁরা সবাই গড়ের মাঠে ক্রীকেটের ম্যাচ্ দেখতে গেছেন। সেখানে আজ হরতুকী বাগানের সঙ্গে টাউন ক্লাবের ম্যাচ্ হচ্ছে। আপনি দেখতে যান নি ?”

কৃষ্ণকিশোর সংক্ষেপে কহিল—“না।” সে কখনই কোনও ক্রীড়া দেখিতে যাইত না। ইহাতে তোমরা যেন মনে করিও না যে ঐ সকল ক্রীড়াতে তাহার পারদর্শিতা ছিল না। তাহার অপরিমিত শারীরিক বল থাকায়, সে সকল প্রকার শারীরিক ক্রীড়ায় এবং ভ্রমণে, লক্ষনে, সস্তুরণে, ধাবনে বিশেষ দক্ষতা লাভ করিতে পারিয়াছিল। এবং আমরা পরে দেখিব, লক্ষনের বিশেষ শক্তি লইয়া সে কিরূপে কয়েক সপ্তাহ পরে আপনার ও অন্তের কি মহা উপকার সংসাধন করিতে পারিয়াছিল। কিন্তু ঐ সকল ক্রীড়াতে যোগদান করিয়া সে ক্রীড়ক হইতেই ভাল-মাসিত ; তাহার দর্শক হইয়া ক্ষণিক মানসিক উত্তেজনা ভোগ করিতে ইচ্ছা করিত না।

কৃষ্ণকিশোর বামুন ঠাকুরের কথা শুনিয়া একটু চিন্তিত হইল। ভাবিল, বালকগণের প্রত্যাগমন প্রত্যাশায় সে সেই ছাত্রাবাসে আরও কিছুক্ষণ অপেক্ষা করিবে, না, আপন আবাসে ফিরিয়া গ্যাসের আলোক জ্বালিয়া নির্জনে অল্প পাঠে মনোনিবেশ করিবে ? সে ভাবিয়া স্থির করিল যে, সেই দিন সে সারাদিনমান

বিলক্ষণ পরিশ্রম করিয়াছে, অতএব এই সন্ধ্যাকালে এই বাতীতেই উমাপদের অপেক্ষায় অল্পকালের জন্য বিশ্রামে অতিবাহিত করিলে কোনও ক্ষতি হইবে না।

কৃষ্ণকিশোরের ছাত্রবন্ধু শ্রীমান উমাপদ বন্ধুর বাতীর ত্রিতলের একটি কক্ষে অল্প দুইজন ছাত্রের সহিত একত্রে বাস করিত। কৃষ্ণকিশোর সন্ধ্যাতিমিরাক্ষর অরঘট্টখাটিকাসদস্য অধিরাহিনী শ্রেণী কক্ষে আরোহণ করিয়া বন্ধুর অঙ্ককারময় কক্ষে উপনীত হইল। সেখানে তিনটি ছাত্রের তিনটি মসীতিলকাক্ষিত চিরবিস্তৃত শয্যা উদারহৃদয় আশ্রয়দাতার ছাদের ন্যায় শোভা পাইতেছিল; এবং তাহা বালিশরূপ বাহু প্রসারিত করিয়া যেন বর্ণকাস্ত কতকগুলি গিঁভর আকারের পুস্তককে বক্ষে স্থান দান করিয়াছিল। কৃষ্ণকিশোর বন্ধুর শয্যাটি চিঁনত; সে কতকগুলি পুস্তককে আশ্রয়চ্যুত করিয়া, তাহাতে উপবেশনের স্থান করিয়া লইল।

তখন চৈত্রমাস আগত হইয়াছিল, এবং বৃষ্টিপাতের অভাবে বিলক্ষণ গ্রীষ্ম পড়িয়াছিল। তাহার উপর কক্ষটিতে পবন-প্রবেশের সবিশেষ ব্যবস্থা না থাকায়; এবং তন্মধ্যে সন্ধ্যার অঙ্ককার ঘনীভূত হওয়ার কৃষ্ণকিশোরের যেন খাসরোধের উপক্রম হইল। সে মনে করিল যে, হয়ত গৃহছাদে সন্ধ্যাকালীন শীতল দক্ষিণ মারুত প্রবাহিত হইতেছে; সেই স্থানে যাইয়া বন্ধুর অল্প অপেক্ষা করিলে সে বথেষ্ট নিঃশ্রুতা অনুভব করিতে পারিবে। কিন্তু এ সম্বন্ধে একটা বিশেষ কথা সে পূর্বে কখনই জানিতে পারে

নাই ; তাহা জানিলে, গৃহছাদে উঠিবার অভিলাষ কখনই তাহার মনোমধ্যে উদ্ভিত হইত না।

সেই বিশেষ কথাটা এই। গৃহাধিকারী যে ভদ্রব্যক্তি ছাত্র-বাসের জন্য ঐ গৃহ ছাত্রগণকে ভাড়া দিয়াছিলেন, তিনি পারি-পার্শ্বিক গৃহস্থগণের অনুবিধার কথা চিন্তা করিতেন। যুবকগণ গৃহছাদে উঠিয়া, কখনও অসংযত সঙ্গীতের দ্বারা, কখনও উচ্চ কলচাস্ত্রের দ্বারা, কখনও বা আপনাদিগের নিরর্থক তর্কাহব দ্বারা পাছে পার্শ্ববর্তী গৃহস্থগণের বিরক্তি উৎপাদন করে, অথবা পাছে তাহারা গৃহকর্মরতা, ছাদোখিতা লজ্জামস্কুচিতা কুলকামিনীগণের সম্মুখীন হইয়া তাহাদের ত্রস্ত হৃদয় মধ্যে ভীতির সঞ্চার করে, একত্র তিনি বাটী ভাড়া দিবার সময়ে বিশেষ ভাবে নিষেধ করিয়া-ছিলেন যে কোন ছাত্র কোনও কারণে কখনই ছাদে উঠিতে পারিবে না। একত্র ঐ ছাত্রাবাসের কোনও ছাত্রই ছাদে উঠিত না ; একত্র পার্শ্ববর্তী গৃহস্থের সরমাগণ নিঃশঙ্কার আপন আপন ছাদে উঠিতে পারিতেন।

কৃষ্ণকিশোর এই নিষেধের কথা অনবগত থাকিয়া বিধাশূন্য হৃদয়ে ছাদে উঠিয়াছিল। সেখানে উন্মুক্ত আকাশের নির্মূল বায়ু সেবন করিয়া তাহার গ্রীষ্মতপ্ত দেহ যেন জুড়াইয়া গেল।

কিয়ৎ কাল মধ্যে শুক্লা ত্রয়োদশীর তারানাথ দূর্গবর্তী এক গৃহদূড়া অতিক্রম করিয়া নক্ষত্রখচিত আকাশপথে দেখা দিল ; বিধাতা যেন সালঙ্কতা শর্করীর ললাটপটে স্বর্ণ টিপ পরাইয়া দিলেন ;

স্বর্গের দেবতার মণিময় মুকুটের মধ্যমণি যেন জলিয়া উঠিল; স্বর্গের নীলসরোবরে দীপ্তিময় কুমুদ কল্‌হার মধ্যে যেন দীপ্তিময় খেতশতদল ফুটিয়া উঠিল।—দেবতারা কৃষ্ণকিশোরের সর্বাঙ্গে যেন স্বর্গীয় হর্ষ ছড়াইয়া দিলেন।

এই ছাত্রাবাসের সম্মুখভাগে পশ্চিমদিকে বড় রাস্তা। ইহার অন্তর্পার্শ্বে দক্ষিণ দিকে একটি অপরিমিত গলি রাস্তা। এই গলিরাস্তার অপর পারে আরও কিছু দক্ষিণে কোনও ভদ্রলোকের একটি ত্রিতল বাটা ছিল। ঐ ত্রিতলবাটার ছাদের এক পাশ্বে বোধহয় রাজমিস্ত্রীদের আবশ্যিক করেকটা বংশধর এবং চুণলিঙ্গ করেকটা টিনের পাত্র পতিত ছিল। কৃষ্ণকিশোর মুগ্ধনেত্র দেখিল ঐ সামান্য বংশধরগুলির উপর এবং ঐ সামান্য পাত্রগুলির উপর নিশানাথের কুপাদৃষ্টি পতিত হওয়ায় তাহা রক্ততময় হইয়া গিয়াছে।

ধীরে, ধীরে, ধীরে, যেন নীরব পাদক্ষেপে নক্ষত্র মালিকা চন্দ্রতিলকা তমস্বিনী অগ্রবর্তিনী হইলেন; তাঁহার অপূর্ব রূপের প্রভায় যেন ঐ পার্শ্ববর্তী গৃহের ছাদটি ভরিয়া গেল। জ্যোৎস্নাদেবী যেন মলয়ানিল সেবন লালসায় ঐ ছাদের উপর রক্ত অঞ্চল বিস্তৃত করিয়া শুইয়া পড়িলেন। বসন্তের ইন্দ্ৰিতে দেব সমীরণ আরও শীতল ভাবে প্রবাহিত হইলেন। রজনীকান্ত বোমমার্গে আরও একটু উর্ধ্বে উঠিলেন। বিলাসিনী রজনীর অঙ্গ েন, নবীনা প্রেমরঙ্গিনীর অঙ্গের গায়, শিহরিয়া উঠিল।

বসন্ত ও জ্যোৎস্না কৃষ্ণকিশোরের তরুণ মনে এক নূতন

আনন্দ আনিয়া দিল। সে আসন্ন পরীক্ষার কথা, দুর্ভাগ্য গণিত সমাধানের কথা ছাত্রবন্ধুর কথা সমস্তই ভুলিয়া গেল। সে সমস্ত ভুলিয়া প্রকৃতির এই মধুময়ী আলোকময়ী মাধুরিমা অবলোকন করিল। তাহার বিহ্বল নয়নদ্বয় চন্দ্রালোকের উন্মাদনাপূর্ণ মধুরতা যেন আকর্ষণ পান করিয়া ফেলিল।

তাহার পর ?

তাহার পর যাহা ঘটিয়াছিল তাহা বিবৃত করিতে হইলে, সেই দিন সন্ধ্যার পূর্বে ঐ পার্শ্বের বাটীতে যাহা ঘটিয়াছিল, তাহা লিপিবদ্ধ করা প্রয়োজন। আমরা এই প্রয়োজনীয় কার্যটা ক্রমে সম্পন্ন করিব।

ষোড়শ পরিচ্ছেদ

তরুণী ।

দক্ষিণ দিকের ঐ ক্ষুদ্র ত্রিতল বাটীতে এক তরুণী জনক জননী এবং অগ্ৰাণ্ড আত্মীয় স্বজন সহ বাস করিত। তরুণীর বয়স ত্রয়োদশ বৎসর আতিক্রম করিয়াছিল, বৃষ্টিবা তাহার তরুণ হৃদয়-তেটে যৌবনতরঙ্গ উদ্বেলিত হইয়াছিল, তথাপি তাহার পিতা মাতা তাহাকে একটি সংপাত্রে পাত্রস্থ করিতে পারেন নাই।

পিতা বর্তমান কল্যায় যথাসময়ে বিবাহ দেওয়া পিতারই কর্তব্য কর্ম, মাতার নহে। সেই কর্তব্য পথ মাতা বার বার অকর্তব্যপারায়ণ পিতাকে দেখাইয়া দিতেন ; কিন্তু পিতা সে পথে চলিতেন না। তিনি সরকারি কার্যে বিশেষ ভাবে নিযুক্ত ছিলেন ; সেই কার্যে সম্পন্ন করিয়া তিনি এমন একটু অবসর পাইতেন না যে, সমাগতযৌবনা কল্যায় জন্ম একটি সংপাত্র খুঁজিয়া বাছির করেন।

সত্বর একটি সংপাত্রে পতিত হইবার জন্ম কিশোরী কল্যায়ে বিশেষ অধারা হইয়া পড়িয়াছিল, তাহা তাহার সদাসম্মিত মুখ দেখিয়া বা তাহার ক্রৌড়ানীল কার্গ্য-কলাপ দেখিয়া আমরা অনুমান করিতে পারি না। কিন্তু কল্যায় সংপাত্রের সন্ধান করিতে না পারায় কল্যায় জননী অত্যন্ত অধীর হইয়া পড়িয়াছিলেন, এবং তিনি তাঁহার স্বামীকে নিতান্ত অকণ্ঠ্য ও অলস বলিয়া

বুঝিগাহিলেন ; কিন্তু যে স্বামী অলস ও অকর্মণ্য, তিনি তাঁহাকে অলস ও অকর্মণ্য বলিয়া অব্যাহতি প্রদান করেন নাই। দণ্ডায়-
মানে, উপবেশনে, শয়নে তিনি সর্বদা কণ্ঠার অসহনীয় কুমারীত্বের
কথা উত্থাপিত করিয়া স্বামীর শ্রবণেন্দ্রিয়কে বিকলেন্দ্রিয় করিয়া
দিয়াছিলেন। স্বামীর সাক্ষাৎ পাইলেই তিনি বলিতেন—“ও
গো ! তোমার কখনই কি একটু আক্কেল হ'বে না ? মেয়ে যে
এদিকে সাত হাত লম্বা হ'য়ে উঠলো !”

স্বামীটি কিন্তু আপনার পর্বতপ্রমাণ নির্বুদ্ধিতা লইয়া কখনই
ধারণা করিতে পারিতেন না যে, আমাদের এই সামান্য পার্থিব
পৃথিবীতে কোন মানব বা মানবী, বিশেষতঃ বঙ্গের অন্তঃপুরবদ্ধা
কম্বু-কম্বু-বিরহিতা বালিকা, কখনও সম্পূর্ণ পরিমাণ দীর্ঘ হইতে
পারে। অতএব তিনি অলস ও অকর্মণ্যের গ্ৰাম কালবিলম্ব
করিতে লাগিলেন।

এইরূপে কণ্ঠার একাদশ বৎসর, দ্বাদশ বৎসর, ও ত্রয়োদশ
বৎসর অতিবাহিত হইয়া গেল। কণ্ঠা চতুর্দশবর্ষীয়া তরুণী হইয়া
উঠিল ; যৌবন ধীরে ধীরে বালিকার ললিত দেহের উপর আপন
লালিত্য বিস্তার করিতে লাগিল।

পত্নী সুকণ্ঠে স্বামীর পূরিয়া অহরহঃ পতির নিকট অভিযোগ
করিতে লাগিলেন,—“ওগো ! এবার আমার জাত কুল সব গেল।
এখনও যদি তুমি মেয়ের বিয়ে দিতে না পার, আমি আর লোকের
কাছে মুখ দেখাতে পারবো না।—আফিসু খেয়ে, বিষ খেয়ে
গলায় দড়ি দিয়ে, জলে ডুবে মরবো।”

যদিও অহিফেন সেবন, হলাহলগ্রহণ, রজ্জু বন্ধন বা জল-নিমজ্জন প্রত্যেক প্রক্রিয়াটিই পৃথক ভাবে প্রাণত্যাগের যথেষ্ট উপায় হইতে পারিত, তথাপি অলস ও অকর্মণ্য স্বামীর সম্পূর্ণ চেতনা উৎপাদন করিবার জন্য পত্নী পতির শ্রবণশক্তি-বিরহিত শ্রবণে তিনটি প্রক্রিয়ার কথাই বন্ধুত করিয়াছিলেন।

এবং আমাদের মনে হয় যে উহাতে স্বামীটির মনেও চেতনা উৎপাদিত হইয়াছিল। কারণ, অতঃপর তিনি সরকারী কর্ম হইতে ছয় মাসের জন্য অবসর গ্রহণ করিলেন; এবং একজন সুপরিপক্ক ঘটককে নিযুক্ত করিলেন। ঘটক সুপাত্রে সন্ধান আনিয়া দিল; এবং তিনি ঘটকের নির্দেশানুযায়ী সুপাত্রগণের দ্বারে দ্বারে কাঙ্গালের ন্যায় ঘুরিয়া বেড়াইতে লাগিলেন। কিন্তু সহসা কোন স্থানেই সুপাত্রের সন্ধান পাইলেন না। কোন পাত্র পরিপক্ক বয়স্ক, কোন পাত্র অকালপক্ক; কেহ ধনী কিন্তু বিদ্যাহীন, কেহ বিদ্বান কিন্তু ধনহীন; কেহ সুচরিত্র কিন্তু কুৎসিত; কেহ সুরূপ কিন্তু চরিত্রহীন। ফলতঃ কেহই তাঁহার সর্বগুণময়ী তনয়ার যোগ্য বলিয়া বিবেচিত হইল না।

অবশেষে এক পল্লীগ্রামে যাইয়া, এক সম্ভ্রান্ত জমীদারের বিপুল ঐশ্বর্য্য চাক্ষুস করিয়া এবং তাঁহার বিংশতিবর্ষ বয়স্ক সুন্দর ও বিজ্ঞারত পুত্রকে দেখিয়া, এবং সেই পুত্রের সদ্বৃত্তির কথা শ্রবণে শ্রবণ করিয়া, তিনি তাহারই সহিত কন্যার বিবাহ দিবার জন্য কৃতসঙ্কল্প হইলেন। কিন্তু এই বিবাহেরও একটা অন্তরায় উপস্থিত হইল। পাত্রের জমীদার পিতা বিবাহের পণ স্বরূপ এত অধিক

অর্থ দাবী করিলেন যে, তাহা প্রদান করা তাঁহার পক্ষে একবারেই অসম্ভব হইয়া দাঁড়াইল। কিন্তু তিনি একবারে হতাশ হইলেন না। তিনি মনে করিলেন যে, যদি পাত্রের পিতা তাঁহার সর্বাঙ্গ-সুন্দরী এবং অতিশুগময়ী কমনীয়া কন্যাকে একবার স্বচক্ষে অবলোকন করেন, তাহা হইলে, তাহাকে আপন স্নেহময় পুত্রের জীবনসঙ্গিনী করিবার জন্য তিনি নিশ্চয়ই অত্যন্ত লাগামিত হইয়া পড়িবেন; এবং তখন আর অধিক অর্থপ্রাপ্তির জন্য পীড়াপীড়ি করিবেন না।

অতএব তিনি কন্যাকে দেখাইবার জন্য জমীদার বাবুকে আপন বাটীতে আহ্বান করিলেন।

আমরা পূর্ববর্তী পরিচ্ছেদে যে দিনের কথা বিবৃত করিয়াছি, ঐদিন জমীদার বাবু সানোপাঙ্গগণকে সঙ্গে লইয়া ভাবী পুত্রবধুকে দোঁপতে আসিয়াছিলেন। তাঁহাদের উপবেশন জন্য বাহবাটীর যে কক্ষটি সাজ্জত করা হইয়াছিল, তাহাতে বৈজ্যতিক পাখা বা টানা পাখার বন্দোবস্ত ছিল না; এজন্য তাঁহারা উপবিষ্ট হইলে বাটীর ভূত্যাগণ তাঁহাদিগকে তাম্বুল-তামাকু সরবরাহ করিয়া হাত পাখার দ্বারা তাঁহাদের গ্রীষ্মাপনয়নের চেষ্টা করিল।

ঐদিন পূর্বাঞ্চে মাতা কন্যাকে নবনীত সুকোমলা সুন্দরী করিবার জন্য নবনীত প্রভৃতি উপকরণে এবং বহু পরিশ্রমে একপ্রকার গাত্রানুগেপন প্রস্তুত করিয়া তদ্বারা কন্যার সর্বাঙ্গ অনুলিপ্ত করিয়া রাখিয়াছিলেন; পরে তাহার কোমল দেহ ও দীর্ঘ কৃষ্ণ কেশরাশি অধম পুরুষজনের অজানিত একপ্রকার

মূল্যবান সাবানের দ্বারা মার্জিত করিয়া তাহা সুগন্ধমোদিত উষ্ণ জলে বিধৌত করিয়াছিলেন। ঐ দিবস অপরাহ্নে উৎকৃষ্ট বস্ত্রালঙ্কারভারে তরুণীর সুস্থ দেহ বিশেষ ভাবে পীড়িত করিয়া, তাহার উন্মুক্ত কেশরাশিতে মুক্তামালা গ্রহিত করিয়া, বিকচ ললাটভল পুনঃ পরিমার্জিত করিয়া, ক্রমধ্যে অতি সাবধানে সুন্দর টিপ্-বিন্দু বসাইয়া তাহাকে তাহার ভাবী স্বপ্নের মহাশয়ের নিকট পাঠাইয়া দিয়াছিলেন।

সে বহির্কর্ষাটীর সেই সুসজ্জিত কক্ষমধ্যে আসিয়া, সমাগত-গণকে করবোড়ে প্রণাম করিয়া শয্যাশান্তে উপবেশন করিল। সমাগতগণের সূচীর ন্যায় সুতীক্ষ্ণ দৃষ্টি যেন তাহার সর্বোঙ্গ বিদ্ধ করিতে লাগিল। জমাদার বাবু ও তাঁহার অনুচরগণ প্রেমের পর প্রশ্ন জিজ্ঞাসা করিয়া বালিকাকে ব্যাতব্যস্ত করিয়া তুলিলেন। সন্ধ্যা হইয়া গেল; কক্ষ মধ্যে আলোক সকল প্রজ্জ্বলিত হইল; প্রজ্জ্বলিত দীপশিখার উত্তাপে, গ্রীষ্মের উত্তাপ আরও বৃদ্ধিপ্রাপ্ত হইল; কিন্তু তাঁহাদিগের অকুরন্ত প্রশ্ন আর ফুরাইতে চাহে না। বালিকা সারাদিন কষ্টকর প্রসাধনের ক্লেশ সহ করিয়াছিল, বসনাভরণের ভারে প্রপীড়িত হইয়াছিল, তাহার পর, এক্ষণে সেই উষ্ণ কক্ষে লজ্জাকুণ্ডিত অঙ্গসকল লক্ষুচিত রাখিয়া অত্যন্ত ক্লান্ত হইয়া পড়িল। অতিশয় গ্রীষ্মে তাহার যেন খাস রুদ্ধ হইবার উপক্রম হইল। পুঙ্খার পাইবার প্রত্যাশায় পরিচারকগণ, কেবলমাত্র আগন্তুকগণকেই বাজন করিতেছিল; সে বাজনের একটি সুংকারও বালিকার দিকে প্রবাহিত হয়

নাই। উন্মুক্ত বায়ুর জন্তু বালিকার প্রাণটা ছট্‌ফট্‌ করিতে লাগিল।

দেবপ্রতিকৃতির স্তায় বালিকার মনোমুগ্ধকর আকৃতি দেখিয়া, এবং তাহার প্রশান্ত প্রকৃতি দেখিয়া জমীদার বাবু ও তাঁহার অনুচরগণ তাহার অনেক প্রশংসা করিলেন বটে, কিন্তু মরুভূমিতে যেমন তামরস প্রস্ফুটিত হয় না, অর্থাৎ জ্ঞানলে দগ্ধ জমীদার বাবুর হৃদয় মরুভূমিতেও তেমনই এই অরবিন্দনিন্দিতা অগ্ননাকে পুত্রবধুরূপে পাইবার কামনা বিকশিত হইল না। তাঁহার কন্যার সুরূপ দেখিয়া বা সদৃশ্য বিবেচনা করিয়া পণ্ডার লাঘব করিতে সম্মত হইলেন না। পিতা অগত্যা জমীদারপুত্রকে জামাতরূপে পাইবার আশা ত্যাগ করিলেন। জমীদার বাবু পার্শ্বচরগণকে লইয়া প্রস্থিত হইলেন।

কিশোরী নিষ্কৃতি লাভ করিয়া স্বাসগ্রহণ জন্য ছুটিয়া গৃহছাদে উঠিল।

সপ্তদশ পরিচ্ছেদ

জ্যোৎস্নাময়ী ।

আমরা ত বলিয়াছি, সেখানে মধুর মলয়ানিল প্রবাহিত হইতেছিল ; সমস্ত ছাদটি স্নিগ্ধ শীতল চন্দ্রকিরণে পরিব্যাপ্ত হইয়াছিল । বসিয়া বসন্তের নৃত্যকলা দেখিবার জন্য দেবতারা যেন রক্ততন্ত্র রচিত আসন বিছাইয়া রাখিয়াছিলেন ।

ছাদে উঠিয়া তরুণী আপন সুবর্ণখচিত বসনাঞ্চল লুটাইয়া দিল ;—তাহার ললিত মেহ হইতে লাগণ্য যেন উথলাইয়া পড়িল । তাহার পর, আঙুরাধার, সেমিজের, সায়ার বন্ধন শিথিল করিয়া দিল ; মস্তক হইতে মুক্তামালা বিদূরিত করিল । স্নিগ্ধ পবনস্পর্শে তরুণীর আঙুলফবিলম্বিত আলুলায়িত কুন্তল আন্দোলিত হইয়া উঠিল ; মনে হইল, যেন দিক সকল সেই সুন্দর কেশরাশির স্পর্শে শিহরিয়া উঠিল । তাহার কোমল অবয়বের মূহ আন্দোলনে জ্যোৎস্না যেন হাসিয়া উঠিল ; তাহার সুন্দর মুখের নিকট আসিয়া চন্দ্রপ্রভা যেন আরও প্রভাবিত হইয়া উঠিল ।

এই অপূর্ব সুন্দরীর আকস্মিক আগমনে কৃষ্ণকিশোর পার্শ্ব-বর্তী ছাদে বসিয়া অত্যন্ত বিচলিত হইয়া পড়িল । একটা অজানিত উল্লাসে তাহার সমস্ত হৃদয় উদ্বেলিত হইয়া উঠিল ;—স্থির শান্ত সরোবর সলিল যেন প্রথম পবনস্পর্শস্থ অস্থভব করিল । মধু-

মাস, মধুময় বসন্তানিল, মধুর সুধাংশুকিরণ বেন মধুরতর হইয়া উঠিল।

তাহার পর, কৃষ্ণকিশোরের ঞ্চার যুবকদিগের পক্ষে যাহা অত্যন্ত গর্হিত কার্য্য, সে তাহাই করিয়া ফেলিল ; সে অনিমেষ লোচনে তবীর তরুণ দেহশোভা দেখিতে লাগিল। দেখিতে দেখিতে সে আত্মহারা হইয়া ভাবিল, কে এ কিশোরী ? কলা-নিধির কিরণমালা কি ঘনীভূত হইয়া এই অপূর্বা বালিকা মূর্ত্তি পরিগ্রহ করিল ? শশধরের কিয়দংশ কি ধরাতলে থসিয়া পড়িল ? অথবা সে কোনও মায়াবলে এক স্বপ্নরাজ্যে আসিয়াছে। বুঝি বা এক জ্যোতির্ময়ী স্বপ্নময়ীকে দেখিয়াছে। পঙ্কজ-পল্লব মধ্যে নীহার বিন্দুটি প্রথম প্রভাতালোকে যেমন জল্ জল্ জলিয়া উঠে, কৃষ্ণকিশোরের বিশাল বিস্ফারিত পদুমদৃশ নয়নপদ্মে নীহারের ঞ্চার স্নিগ্ধ ও নিম্নল বালিকার মধুর মূর্ত্তি তেমনই জল্ জল্ জলিতে লাগিল।

আমরা কৃষ্ণকিশোরের নিন্দা করি ; এবং যে যুবক আত্মহারা হইয়া অপরিচিতা কিশোরীকে দেখিয়া মুগ্ধ হয়, তাহারও নিন্দা করি। কেন না, এইরূপ মোহের দ্বারা আমরা কতকগুলি বাস্তব কথা ভুলিয়া যাই। যে কিশোরীকে দেখিয়া আমরা তাহার ষথেষ্ট পরিচয় গ্রহণ না করিয়াই মুগ্ধ হইয়া পড়ি. সে হয়ত অন্তের পরি-
 কীতা পত্নী, অথবা অল্প প্রকারে বিবাহযোগ্যা নহে। তাহাকে দেখিয়া মুগ্ধ হইলে নিজের মনোমধ্যে অশান্তির সৃষ্টি করা হয়, এবং সময়ে সময়ে উহা সমাজ মধ্যেও অশান্তি আনয়ন করে। সুতরাং

এইরূপ মোহপ্রাপ্ত যুবকের নিন্দা করিতে আমরা বাধ্য। কিন্তু আমরা ঐ চক্ৰকিরণোচ্ছ্বাসের, ঐ বসন্তানিলেরও নিন্দা করি; কেন উহারা আপনাদের অদম্য প্রভাব বিস্তার করিয়া কৃষ্ণকিশোরের হৃদয়টা এমন স্বচ্ছ করিয়া দিল?—এই স্বচ্ছতার যে সুন্দরীর সুন্দর মূর্তি সহজেই প্রতিবিম্বিত হইয়া পড়ে। আর আমরা সেই বিধাতা পুরুষেরও নিন্দা করি। কেন না, তিনিই ত আমাদের সামাজিক ধর্মের মর্ম না বুঝিয়া, রমণীগণের রমণীয় মূর্তিতে এমন উন্মাদনা পুরিয়া দিয়াছেন যে, তাহাতে যুবজনের উদ্দাম হৃদয় সহজেই উন্মত্ত হইয়া উঠে।

কৃষ্ণকিশোর কতক্ষণ অচেতন হইয়া সেই অপূর্ণা তরুণীকে নিরীক্ষণ করিয়াছিল, তাহা আমরা বলিতে পারি না; কারণ, সে সমস্তটা অচল হইয়া দাঁড়াইয়াছিল; তরুণ সে সময়, কৃষ্ণকিশোরের হৃদয়স্পন্দন ও শোণিত প্রবাহও বন্ধ হইয়া গিয়াছিল।

মেষের ছাত্রগণ ক্রিকেট খেলা দেখিয়া প্রত্যাগত হওয়ার, তাহাদিগের তর্ক বিতর্কের কোলাহলে, তাহাদিগের পাদুকা-উখিত শব্দে কৃষ্ণকিশোর সহসা চেতনা লাভ হইল। তখন সে বুঝিল যে সে একটা মহা অন্ত্যায় কার্য করিয়া ফেলিয়াছে; পরস্ত্রীর প্রতি সেরূপ মুগ্ধ দৃষ্টি নিক্ষেপ করা তাহার পক্ষে একটা নীচক্রমোচিত কার্য হইয়া গিয়াছে। সে মনে করিল, তদন্তেই সেই স্থান হইতে প্রস্থান করা তাহার অবশ্য কর্তব্য। প্রস্থান কর্তব্য সে স্থিরিত পদে উঠিয়া দাঁড়াইল; বুঝি তাহাতে একটু শব্দ হইল।

তরুণী এতক্ষণ অনুভব করিতে পারে নাই যে পার্শ্ববর্তী ছাদে
অন্ত কেহ বর্তমান আছে। বস্তুতঃ ঐ ছাদে ইতিপূর্বে কাহাকেও
কখনও উঠিতে না দেখায়, তাহার মনে ঐরূপ ধারণাও স্থান পায়
নাই। কৃষ্ণকিশোর দণ্ডায়মান হইবামাত্র সে চাকিত নেত্রে
তাহাকে দেখিয়া চমকাইয়া উঠিল। কোনও লোক ত কখনও
ছাদে উঠে না, সে ভাবিল তবে এ যুবক কে ? সে অত্যন্ত ভীতা
হইয়া কিপ্রহস্তে আপনার পরিধান বাস সংযত করিতে করিতে
ভীতিবিজড়িত কণ্ঠে জিজ্ঞাসা করিল—‘কে ? কে আপনি ?’

কৃষ্ণকিশোর বুঝিল যে কিশোরী তাহাকে লক্ষ্য করিয়া ভীত
হইয়া পড়িয়াছে। ইহাতে সে কিছু অপ্রতিভ হইল ; এবং শীঘ্র
তাহাকে আশ্বাস দিয়া কহিল,—‘না, না, আপনি ভয় পাবেন না।
আমি এখনই চলে যাচ্ছি।’

তরুণী ওখাপি কিছু ঔৎসুক্যের সহিত জিজ্ঞাসা করিল,—
‘কে আপনি ? আপনি কি ঐ বাড়ীর কোনও লোক ?’

কৃষ্ণকিশোর মনে মনে ভাবিল যে, তরুণী যদি তাহাকে ঐ
মেষের কোনও ছাত্র বলিয়া সন্দেহ করিয়া কেলে, তাহা হইলে,
তাহাদের প্রতি অবিচার হইবে। অতএব তাড়াতাড়ি সে তরু-
ণীর সন্দেহটা সংশোধিত করিয়া কহিল,—‘না, না, আমি এ
বাড়ীর কোনও লোক নই। আমি অন্ত বাসা থেকে এখানে
বেড়াতে এসেছি। ছাদে আসা আমার অন্তায় হ’য়েছে। আপনি
স্থির হয়ে বসুন। আমি চললাম।’

এই বলিয়া কৃষ্ণকিশোর চলিয়া গেল। কিন্তু তাহার উপদেশ

মত বালিকা স্থির হইয়া বসিতে পারিল না। কৃষ্ণকিশোর যতক্ষণ ধরিয়া তরুণীর জ্যোৎস্নাময়ী মূর্তি অবলোকন করিয়াছিল, তাহার তুলনায় তরুণী অতি অল্পকাল মাত্র কৃষ্ণকিশোরকে দেখিতে পাইয়াছিল বটে, তথাপি সে তাহাকে দেখিয়াছিল, চন্দ্রালোকমধ্যে আলোক স্তম্ভের আয় সেই সুদৃঢ় সুদীর্ঘ দেহ দেখিয়াছিল; তাহার চক্ৰকর প্রতিভাত প্রশান্ত ললাটে প্রতিভার সন্ধান পাইয়াছিল, তাহার পদ্মদৃশ বৃহৎ আগ্রহময় নয়নমধ্যে বালিকার মনোভঙ্গ এক অভিনব স্বর্গীয় মধুর আশ্বাদন পাইয়াছিল। বালিকা আর স্থির হইয়া বসিতে পারিল না। তাহার মনোমধ্যে জ্যোৎস্নাময়ী সেই দীর্ঘ দেহ, সেই প্রশান্ত প্রশস্ত ললাট, সেই আগ্রহময় দৃষ্টি বার বার আবির্ভূত হইয়া তাহাকে অত্যন্ত চঞ্চল করিয়া তুলিল।

কিন্তু শাস্ত্রা সন্ধ্যা ধীরে ধীরে তাহার হৃদয়ান্দোলন প্রশমিত করিয়া দিলেন। সে আবার প্রকৃতিস্থ হইল। তখন সে আপন হৃদয়দৌর্বল্যের জগ্নু নিতান্ত লজ্জিতা হইয়া ভাবিল,—‘ছি, ছি, ছি! কোথাকার কে? তার কথা কেন ভাববো?’

কৃষ্ণকিশোর ছাদের দরজা নিঃশব্দে অর্গলাবদ্ধ করিয়া, নিঃশব্দে ত্রিতলের কক্ষে নামিয়া আসিল। দেখিল, সেখানে ছাত্রগণ একত্র হইয়া মহা তর্কযুদ্ধে উন্নত হইয়া উঠিয়াছে। কেহ বলিতেছে, ‘বতীন রায়ের মত প্লেয়ার ইংলণ্ড আমেরিকাতেও দেখতে পাওয়া যায় না।’ কেহ প্রতিবাদ করিয়া বলিতেছে, ‘রেখে দাও, তোমার বতীন রায়। ডি, গজদর ব’লে যে পার্শী বোলায়টাকে (cowler) হরতুকী বাগান বা

নিরে গিছলো, তার বল (ball) ছোড়াটা দেখলে ত ?—বেন নেপোলিয়নের কামানের গোলা। এই প্রতিবাদকের প্রতিবাদ করিয়া অন্য একজন ছাত্র কহিল,—‘বাবা! স্বদেশী সীতারাম থাকতে ফরাসী নেপোলিয়নের তুলনাটা তুললে কেন ? দেখেছ ত বহিম বাবুর বর্ণনা!—এক একটি গোলায় এক একটি নবাবী কিস্তি কৃপোকাৎ!’ অন্য একজন হাত ঢলাইয়া গান ধরিল,—

‘মুর্গীর আঙা খেলে প্রাণ ঠাঙা

ভজ মন রাধা মাধব।’

কৃষ্ণকিশোর বুঝিল, আজ সে স্থলে অকশান্তের আন্দোলনের কোন সুবিধাই হইবে না। অতএব সে রাত্র নয়টার সময় আপন মেস বাটীতে ফিরিয়া আসিল; এবং সংক্ষেপে আহাতিদি সমাধা করিয়া পাঠে মনোযোগ করিতে চেষ্টা করিল। কিন্তু একটি বর্ণ বুঝিতে পারিল না।—পুস্তকের বর্ণমালার ছত্রগুলি শরাসন তুল্য কাহার কৃষ্ণ ক্রুর ন্যায় বক্র হইয়া গেল, সম্মুখস্থ ল্যান্সের গোলকটি কোন জ্যোৎস্নাময়ী চক্রালোকিত মুখের ন্যায় তাহার নয়নাগ্রে দীপ্তি পাইতে লাগিল। পুস্তকে মনোনিবেশ করিতে না পারিয়া অবশেষে সে শয্যার আশ্রয় গ্রহণ করিল; কিন্তু সহসা সে নিদ্রাদেবীর কৃপালাভ করিতে পারিল না।—ওজ্রাচ্ছন্ন নয়নাগ্রে কাহার জ্যোৎস্নাময়ী মূর্তি বার বার আবির্ভূত হইয়া তাহার নিদ্রার ব্যাঘাত ঘটাইল।

কিন্তু আমরা জানি, সুবোধ কৃষ্ণকিশোর পরদিন হইতে আপন মনকে সম্পূর্ণ শাসিত করিতে পারিয়াছিল। এবং সেই দিন

হঠতে পরীক্ষা দিবার জন্য অহরহঃ শ্রমসাগরে নিমগ্ন থাকিয়া সেই ছাত্রাবাসের কথা, তন্নিকটবর্তী সেই ত্রিতল বাড়ীর কথা, সেই ত্রিতল বাটার জ্যোৎস্নালোকিত ছাদের কথা, আর সেই ছাদ-বিচারিণী জ্যোৎস্নাময়ী তঁরুণীর কথা একবারে বিস্মৃত হইয়াছিল। তাহার পর বি, এ, পরীক্ষা দিয়া তাজপুরে ফিরিয়া রাধাকিশোরের আসন্ন বিবাহের কথা মাতার নিকট শ্রবণ করিয়াছিল; এবং মাতার অনুমতি পাইয়া ঐ বিবাহে যোগদান করিয়াছিল।

শ্রীযুক্ত ছোটবাবু মহাশয়ের জ্যেষ্ঠ পুত্র শ্রীমান রাধাকিশোরও বি, এ, পরীক্ষা দিয়া বিবাহ করিবার জন্য কৃষ্ণকিশোরের একদিন পূর্বে বাটা আসিয়াছিল। এবং প্রথমে বিবাহোৎসবে, পরে প্রেম পারদর্শিনী নব পত্নীর মধুর নবীন প্রেমের আশ্বাদন গ্রহণ করিয়া, আহারে বিলাসে সুহাসে পরমসুখে সুখময় দিনগুলি অতিবাহিত করিতেছিল।

এই সময়ই কৃষ্ণকিশোর ও তাহার মাতা রাধাকিশোরের দুঃখ-ময় ভবিষ্যতের কথা চিন্তা করিয়া ব্যথিত হইয়াছিলেন।—হায়! মানুষ যখন সুখের সাগরে ভাসে, তখন কেন ভুলিয়া যায়, 'চক্রবৎ পরিবর্ত্তন্তে দুঃখানি চ সুখানি চ।'

অষ্টাদশ পরিচ্ছেদ

‘সুখদা মোক্ষদা গঙ্গা ।’

একটা মুন্সিলের কথা এই যে, ইঞ্জিনিয়ার বাবু কেবল মাত্র তিনটি সহস্র মুদ্রার জন্য রাধাকিশোরের ছাত্র সুন্দর ও সুশিক্ষিত জমীদার পুত্রকে জামাতরূপে লাভ করিতে পরাজয় হইয়াছিলেন । ইহাতে রাধাকিশোরের বা রাধাকিশোরের জমীদার পিতার কোন ক্ষতিই হয় নাই ।—জমীদার বাবু অন্তত অধিক স্বর্ণ লাভ করিয়া কৃতার্থ হইয়াছিলেন । এবং রাধাকিশোর চতুর্দশবর্ষীয়ার পরিবর্তে পঞ্চদশ বর্ষীয়া প্রণয়িনী পাইয়া সুখের সাগরে ভাসিতেছিল । রাধাকিশোর মনে করিত যে, চতুর্দশ বর্ষীয়াও প্রেমপাঠশালার ছাত্রী বটে, কিন্তু পঞ্চদশবর্ষীয়াগণ আরও উচ্চ শ্রেণীর ছাত্রী । ফলতঃ রাধাকিশোরকে জামাতরূপে না পাওয়ার আর কাহারও অনিষ্ট হয় নাই, অনিষ্ট যাহা হইবার তাহা ইঞ্জিনিয়ার বাবুরই হইয়াছিল ।

অতএব ইহা নিঃসংশয়ে বলা যাইতে পারে যে আমাদের ইঞ্জিনিয়ার বাবুটি নিতান্ত অপদার্থ লোক । তিনি যে কেবল পক্ষী শাস্ত্রিময়ীর হৃদয়ে শাস্তি আনয়ন করিতে পারিতেন না এমন নহে ; তিনি যে অপদার্থ তাহার আরও অনেক আনুসঙ্গিক প্রমাণ ছিল । তিনি মুর্থের ছাত্র কণ্ট্রাক্টরগণের নিকট হইতে অবশ্য

প্রাপ্য অর্থ সংগ্রহ করিতে পারিতেন না ; বরং তাহারা স্বেচ্ছায় তাঁহাকে অর্থ বা অন্য উপহার প্রদান করিতে আসিলে, তিনি নিতান্ত অন্তর্দ্বের ঞ্চায় তাহা প্রত্যাখ্যান করিয়া তাহাদের প্রতি রূঢ় ব্যবহার করিতেন। একজন্ম তিনি এক কর্মস্থান হইতে অন্য স্থানে বদলি হইলে পরবর্তী যে সকল ইঞ্জিনিয়ার তাঁহার স্থানে কর্ম করিতে আসিতেন, তাহারা তাঁহাকে উল্লেখ করিয়া একবাক্যে বলিতেন, সে লোকটা নিতান্ত ষ্টুপিড্ (Stupid) ছিল ; এমন একটা আর্নিংএর (earning) ফিল্ডকে একেবারে barren করিয়া গিয়াছে। তাঁহার আরও দোষ ছিল। তিনি কতকগুলি কুপোষ্যকে আপন বাটীতে স্থান দিয়া অকারণ তাহাদের প্রতিপালন ভার আপন স্বন্ধে বহন করিতেন। তিনি নিজে মূল্যবান দ্রব্য আহাৰ করিতেন না, সভ্যজনোচিত পরিচ্ছদও পরিধান করিতেন না, পত্নীকে রত্নালঙ্কারও প্রদান করিতেন না, অধিক দাসদাসীও রাখিতেন না, অথচ একমাত্র কন্যার বিবাহের জন্য মাসিক বেতন হইতে একটি পয়সা সঞ্চয় করিতেন না। তাঁহাকে ধিক ! তিনি আপনার ভূত ও ভবিষ্যৎ উভয়ই নষ্ট করিয়াছিলেন।

ঐ অপদার্থ ইঞ্জিনিয়ারটি আপন কন্যার নামকরণ সহস্বেও নিতান্ত কুরুচির পরিচয় প্রদান করিয়াছিলেন। আমরা উপন্যাসলেখক, আমরা যে অশ্লীল নাম তোমাদের নিকট প্রকাশ করিতে শঙ্কিত হইতেছি। কিন্তু সে নামটি আমাদের প্রকাশ করিতেই হইবে। কারণ, সেই আমাদের গুণহীনা আধ্যাতিকার

নারিকার এবং তাহারই নামে আমাদের কুঙ্গ পুস্তকের নামকরণ হইয়াছে।

ইঞ্জিনিয়ার বাবু উপন্যাসের নারিকার উপযুক্ত সত্যজনোচিত মধুর নাম সকল ত্যাগ করিয়া কন্যাকে মোক্ষদা অভিধান প্রদান করিয়াছিলেন। কি বর্ধরতা! আচ্ছা, মোক্ষদা শব্দটার অর্থ কি? মোক্ষ দেয় যে। মোক্ষ জিনিষটা কি? মুক্তি! আচ্ছা, 'মুচ্' ধাতুর উত্তর ভাববাচ্যে 'ক্' প্রত্যয় করিয়া যে 'মুক্তি' শব্দ নিস্পন্ন হইল তাহার অর্থ কি? মোচন। মোচন ত সেই মুচ্ ধাতু হইতেই উৎপন্ন হইয়াছে; অতএব, তাহারও অর্থ মুক্তি। আমরা পণ্ডিত মহাশয়কে জিজ্ঞাসা করিলাম; তিনি কহিলেন, মোক্ষ অর্থে পরিত্রাণ বুঝায়, এবং মোক্ষদা অর্থে যে স্ত্রী পরিত্রাণ দেয় তাহাকে বুঝায়। হায়! হায়! আমাদের এই সত্যকার পৃথিবীতে কোনও স্ত্রী কি কখনও কাহাকেও পরিত্রাণ প্রদান করিয়াছে? কোনও পার্থিব পুরুষ কি কখনও মানবশক্তি লইয়া এই মধুরহাসিনী, কটাক্ষশালিনীদের প্রসূন-পেষণ হইতে পরিত্রাণ লাভ করিতে পারিয়াছে? আমরাও পরে দেখিব যে মোক্ষদার নাম মোক্ষদা হইলেও, তাহার ভাবী স্বামীটি তাহার নিকট হইতে একটুও পরিত্রাণ লাভ করিতে পারে নাই;—বরং তাহার সুধাময় প্রেমমধুতে, মধুপানরত মক্ষিকার ন্যায় নিতান্ত বিকৃত্ত হইয়া পড়িয়াছিল।

এই নিরর্থক প্রাচীন ও কুরুচিসম্পন্ন নামে কিহু ইঞ্জিনিয়ার বাবুর কখনও অকুরুচি হয় নাই। গৃহিণীর অভিলষিত কোনও

সামগ্রী তাহার অভিনায় মত সংগ্রহ করিতে না পারিলে, যখন তিনি বিরাগভরে স্বামীর নিকট হইতে চলিয়া যাইতেন, তখন কন্যা মোক্ষদা হাসিমুখে তাহার নিকটে আসিয়া দাঁড়াইত ; তাহার সরল স্নিগ্ধ মূর্তি দেখিয়া, তাহার বিশাল নয়নে পিতৃভক্তির উচ্ছ্বাস দেখিয়া, তাহার কোমল কপোলে আনন্দের দীপ্তি দেখিয়া, ইঞ্জিনিয়ার বাবুর বিগুঞ্চ হৃদয় স্নেহরসে প্রাবিত হইয়া যাইত। তিনি কন্যাকে আদর করিয়া গগদ কণ্ঠে কহিতেন,—

‘সুখদা মোক্ষদা গঙ্গা গঙ্গৈব পরমা গতিঃ।’

পিতার আদরে সুখদা মোক্ষদার চক্ষুদ্বয় আনন্দে উজ্জ্বল হইয়া উঠিত, তাহার রক্তাধর সঙ্খঃফুট গেলাপের ন্যায় স্ফূরিত হইয়া উঠিত। সে পিতাকে উপবেশন করিতে বলিয়া সত্ত্বরপদে তাঁহার জন্য স্নিগ্ধ খাণ্ডদ্রব্য আনিয়া দিত, তালবৃক্ষ সঞ্চালনে তাঁহার তাপাক্রষ্ট দেহ পরিতৃপ্ত করিত এবং মধুর আলাপনে তাঁহার শ্রমক্লান্তির উপশম করিত।

পিতা যখন কর্মস্থানে থাকিতেন এবং মাতা যখন অবাধে মধ্যাহ্ন নিদ্রাসুখ উপভোগ করিয়া অনুরোগ সঞ্চয় করিতেন, তখন মোক্ষদা পিতার স্বাচ্ছন্দ্য ও সুবিধার কথা ভাবিয়া সর্বদা পিতারই কার্যে আপনাকে নিয়োজিত রাখিত। পিতার কক্ষটি ও কক্ষসামগ্রী সকল সে প্রতিদিন স্বহস্তে সুসজ্জিত ও পরিমার্জিত করিয়া রাখিত, তাঁহার পানীয়জলের মৃৎপাত্রটি পরিষ্কৃত করিয়া, তাহাতে কর্পূরসুवासিত শীতল সলিল রাখিয়া দিত, তাঁহার শয্যাটি

রোদ্রতপ্ত করিয়া ঝাড়িয়া রাখিত, এইরূপে সে অহরহ প্রীতির প্রতিমূর্তির ন্যায় হাত্তমুখে গৃহকার্যে ব্যাপৃত থাকিয়া পিতার প্রীতি সম্পাদন করিবার চেষ্টা করিত। ইমানিং বয়োবৃদ্ধির সহিত সে আরও কশ্মঠা হইয়া উঠিয়াছিল; এজন্য সে গৃহকার্যে ও পিতৃসেবার আরও তৎপরতা দেখাইতে পারিত।

কন্যার সেবায়, তাহার কার্যকুশলতায়, সর্বোপরি তাহার হাত্তময় মধুরতায় ইঞ্জিনিয়ার বাবু আপনার স্নেহময় পিতৃহৃদয়মধ্যে কত আনন্দ অনুভব করিতেন, তাহা আমরা কিরূপে বর্ণনা করিব ?

উনবিংশ পরিচ্ছেদ

পত্র ।

রাধাকিশোর যখন নূতন স্বপ্নবালয়ে বাইয়া যৌবনতরঙ্গময়ী পত্নীর প্রেমপারাবারে অবগাহন করিতেছিল, তখন কৃষ্ণকিশোর তাজপুরে মাতার অসীম স্নেহের স্নিগ্ধ ছায়ায় বাস করিয়া আপনার অশান্ত হৃদয়ে শান্তি আনিবার চেষ্টা করিতেছিল। কিন্তু সে কি কৃতকার্য হইতে পারিয়াছিল? সে দিবাভাগটা মাতার সহিত সাংসারিক এবং জমীদারী ও গোশালা সম্বন্ধীয় কথাবার্তার অতিবাহিত করিত বটে, কিন্তু নিশিতে কৃষ্ণকিশোর মানসিক অশান্তিতে নিদ্রা লাভ করিতে পারিত না,—একটি তরুণীর জ্যোৎস্নাময়ী মূর্তি তাহার হৃদয়কলকে, গগনপটে পূর্ণেন্দুর স্তায়, চিত্রিত হইয়া উঠিত; আর সে নিদ্রিত থাকিতে পারিত না। সেই অপূর্ব চিত্রের চিন্তায় চিত্তকে ব্যথিত করিয়া সারানিশি অনিদ্র অবস্থায় অতিবাহিত করিত। কৃষ্ণকিশোর বার বার ভাবিত, কে এ কিশোরী? সে কি কাহারও বিবাহিতা পত্নী? তাহা হইলে, তাহার চিন্তায় হৃদয় কলুষিত করা কি কৃষ্ণকিশোরের পক্ষে অগ্রায় কার্য্য নহে? সে যদি ভিন্ন জাতীয় কোনও ব্যক্তির কন্যা হয়, তাহা হইলেও ত তাহাকে বিবাহ করা কৃষ্ণকিশোরের পক্ষে সম্ভব হইবে না। কিন্তু, কিন্তু, সে যদি রাজাতি, এবং অন্তর

হয়, তাহা—তাহা হইলে কৃষ্ণকিশোরের কি আনন্দ! আনন্দে তাহার হৃদয় ভরিয়া উঠিত; কক্ষমধ্যস্থ পুঞ্জীকৃত নৈশ অন্ধকার যেন আলোকিত হইয়া উঠিত! আবার কিয়ৎ কাল পরে নিরাশায় তাহার হৃদয় আছন্ন হইয়া যাইত। কন্যার পিতা যদি ধনবান ব্যক্তি হ'ন এবং সামান্য গ্রাম্য জমীদারের পুত্রের সহিত কন্যার বিবাহ দিতে অসম্মত হন? তাহা হইলে, সে কি করিবে? কিরূপে সেই অপূর্ণা মোহিনীকে লাভ করিবে?

কয়েক রাত্রি চিন্তার পর সে স্থির করিল যে সৰ্ব্বাগ্রে বালিকার পরিচয় পাওয়া প্রয়োজন। কিন্তু সে কি উপায়ে এই পরিচয়টা সংগ্রহ করিবে? সে অনেক ভাবিল, কিন্তু মহসা তাহার মাথায় কোনও সুবুদ্ধিরই উদয় হইল না। সে একবার মনে করিল যে, মাতার নিকট সকল কথা প্রকাশ করিয়া, তাহার আদেশ লইয়া গোমস্তাকে কলিকাতায় পাঠাইয়া বালিকার পরিচয় লওয়া যাইতে পারে। কিন্তু অসংঘমা পুত্রের এই নিন্দনীয় কথা কি মাতার পবিত্র কর্ণে উত্থাপিত করিতে পারা যায়? ছি, ছি, কৃষ্ণকিশোর তাহা কখনই পারিবে না।

অবশেষে হঠাৎ একদিন রাত্রে তাহার চিন্তিত মস্তকে একটা বুদ্ধি আবির্ভূত হইল। সে সেই ত্রিতলবাটীর নিকটবর্তী মেসের বন্ধু উমাপদ বন্ধুকে সকল কথা প্রকাশ করিয়া পত্র লিখিলে, উমাপদ নিশ্চয়ই বন্ধুর কর্তব্য বিবেচনা করিয়া ঐ বাটীর সকল লোকের পরিচয় গ্রহণ করিয়া তাহাকে সংবাদ দিবে।

ইহা স্থির করিয়া সে শয্যা ত্যাগ করিয়া উঠিল। তাহার

শয্যাগৃহেই একটি ক্ষুদ্র টেবিলের উপর লিখনোপকরণ ছিল। সেই টেবিলের আলোকটা উজ্জ্বল করিয়া লইয়া বন্ধু উমাপদ বন্ধুকে পত্র লিখিতে বসিল।

বাগানবাটা, তাজপুর।
১৫ জ্যৈষ্ঠ, ১৩—

প্রিয় উমাপদ,

তুমি বোধহয় জান যে, আমি বি, এ, পরীক্ষার পরই বাটা আসিয়াছি। আসিবার সময়, বাটা কিরিবার আনন্দে তোমার সহিত দেখা করিতে ভুলিয়া গিয়াছিলাম; এবং বাটাতে আসিয়া আমার খুড়তুতো ভাই রাখাকিশোরের বিবাহের জন্ত অত্যন্ত ব্যস্ত থাকায় তোমাকে পত্রও লিখিতে পারি নাই। একজন্ম ক্ষমা করিও।

আজ তোমার নিকট হইতে একটা বিশেষ উপকার পাইবার প্রত্যাশায় তোমাকে এই পত্র লিখিতে বসিয়াছি। আমার কার্যটা সামান্ত; তাহা তুমি অনায়াসেই সম্পন্ন করিতে পারিবে।

তোমার বাসার ঠিক দক্ষিণ দিকে একটা সরু গলি রাস্তা আছে; তাহা, বোধহয়, তুমি লক্ষ্য করিয়াছ। এই গলির ঠিক পরপারে, এবং তোমাদের বাসাটা যে বড় রাস্তার ধারে আছে, ঠিক সেই রাস্তার সেই ধারে একটা ত্রিতল বাটা আছে। তোমাদের বাড়ীর নম্বর ৭৭; সেই বাড়ীটির নম্বর ৭৬ কিম্বা ৭৮ হইবে।

তুমি কোশলে অনুসন্ধান করিবে, সে বাটীটি কাহার ; এবং এখন সে বাড়ীতে কে বাস করেন ; তাহারা কি জাতি । ঐ বাটীতে একটি অলোকনামায়া রূপবতী বালিকা বাস করেন, তিনি কাহার কন্যা, এবং বিবাহিতা কিম্বা অবিবাহিতা ? তুমি একটু কোশল, অর্থাৎ একটু ট্যাক্ট (tact) খরচ করিতে পারিলেই সংবাদটা অনায়াসেই সংগ্রহ করিতে পারিবে । ঐ বাটীতে নিশ্চয় কোনও পাচক বা পরিচারক বাস করে ; তাহাদের মধ্যে কাহকেও ঐ বাটী হইতে বাহির হইতে দেখিলে, কিম্বা ঐ বাটীতে প্রবেশ করিতে দেখিলে, তুমি একটি চাকর বা একটি বায়ন খুজিয়া দিবার অহিলায় তাহাকে নিকটে আহ্বান করবে ; এবং নানা প্রকার বাক্যজালে তাহাকে আচ্ছন্ন করিয়া, ক্রমে ক্রমে তাহার নিকট হইতে সকল সংবাদই সংগ্রহ করিতে পারিবে । তুমি কৃতকার্য হইবামাত্র আমাকে সংবাদ দিবে । কি উদ্দেশ্যে আমি ঐ বাটীর লোকগণের পরিচয় চাই, তাহা তুমি পরে জানিতে পারিবে । অথবা একটু চেষ্টা করিলে এখনই বুঝিতে পারিবে ।

ভরসা করি, তুমি ভাল আছ । আমার শরীর বা মনের অবস্থা একটুও ভাল নয় । ইতি

তোমার চিরদিনের

কৃষ্ণকিশোর ।

এই পত্রলিখন সমাধা করিয়া কৃষ্ণকিশোর উহা আবরণ মধ্যে বন্ধ করিল ; এবং আবরণে ডাক টিকিট লাগাইয়া শিরোনামা

লিখিল ও উহার একপাশে প্রেরকের নাম ঠিকানা লিখিত করিল। পরে টেবিলের উপরে রাখিয়া কতকটা নিশ্চিত মনে শয্যায়া যাইয়া শয়ন করিল; এবং ভগবানের নিকট বার বার প্রার্থনা করিল, “হে ভগবান! তাহাকে অবিবাহিতা কাঙ্ক্ষ কন্যা করিও।”

পরদিন প্রভাত হইবা মাত্র কৃষ্ণকিশোর সর্বাগ্রে পত্র খানি লইয়া মাতার অগোচরে স্বহস্তে গ্রামের পোষ্ট অফিসে দিয়া আসিল।

উপরি উক্ত পত্রের উত্তরের জন্য প্রায় পক্ষকাল অপেক্ষা করিয়া তখন সে তাহার কোনও উত্তর প্রাপ্ত হইল না, তখন সে অত্যন্ত অধীর হইয়া পড়িল। সে স্থির করিল যে, নিজে কলকাতায় যাইয়া উমাপদ বাবুর সহিত সাক্ষাৎ করিয়া এবং তাহার সাহায্য লইয়া সেই সুখাময় বালিকার সংবাদ সংগ্রহ করিবে। কিন্তু মাতার নিকট কলিকাতা গমনের প্রকৃত উদ্দেশ্যটা গোপন রাখিতে হইবে।

অতএব সে মাতাকে কহিল,—“মা, তুমি যদি বল, আমি হুঁচার দিনের জন্যে কলকাতায় যাব।”

মাতা জিজ্ঞাসা করিলেন,—“কেন, এখন কেন কলকাতায় যাবি?”

কৃষ্ণকিশোর প্রধান উদ্দেশ্যটা গোপন রাখিয়া কহিল,—
“আমাদের পাশের খবর গেজেটে বার হ’তে এখনও হুঁ এক সপ্তা দেরী হ’তে পারে। কিন্তু আমি যদি কলকাতায় গিয়ে এখন

একটু চেষ্টা করি, তাহলে গেজেট হবার আগেই খবরটা জানতে পারবো।”

মাতা কহিলেন,—“তা’ যা ; দিন কতক কলকাতার বেড়িয়ে আয় ; এই পাড়াগাঁয়ের হাওয়ার অনেক দিন বাস করে, তোর শরীরটা যেন দিন দিন শুকিয়ে যাচ্ছে।”

পাড়াগাঁয়ের হাওয়ার, অথবা কোনও কুম্ভভূষিত দেবতার নিঃশ্বাসের হাওয়ার কৃষ্ণকিশোরের শরীরটা শুষ্ক হইয়া বাইতেছিল তাহা কৃষ্ণকিশোর নিজে বিলক্ষণ অনুভব করিতে পারিয়াছিল, সে একটু ম্লান হাসি হাসিয়া কহিল,—“মা, এইবার কলকাতায় গিয়ে যদি জানতে পারি যে ভাল করে পাশ হ’য়েছি, তাহলে কতটা মোটা হয়ে’ বাড়ী কিরবো, দেখবে তখন।”

মাতা ভগবানকে স্মরণ করিয়া পুত্রকে মনে মনে আশীর্বাদ করিলেন, “আহা, আমার বাছার যেন মনস্কামনা পূর্ণ হয়।”

পরদিন মাতার পদধূলি মস্তকে গ্রহণ করিয়া কৃষ্ণকিশোর কলিকাতায় আসিল।

বিংশ পরিচ্ছেদ

মাতার মনোভিলাষ ।

রাধাকিশোরের শুভবিবাহে একজন বৃনিসাদি জমিদারের মত কুলোচিত ব্যয় করিয়া শ্রীযুক্ত ছোটবাবু মহাশয় তঁাৎ এক দিন বুঝিলেন যে এ ত বড় মুঞ্চলের কথা;—পাওনাদারগণ যে একেবারে অতিষ্ঠ করিয়া তুলিল !

আমরা শুনিয়াছি, এই কলিকালে নবাবী আমলে এক চতুর চূড়ামণি কর্মচারী তরঙ্গের সংখ্যা গণনা করিয়া লাভবান হইতেন ; জ্যোতির্বেত্তাগণ আকাশের অসংখ্য জ্যোতিষ্কের সংখ্যা গণিয়া ফেলিয়াছেন ; সত্যযুগে দময়ন্তীকান্ত বিদর্ভরাজ পুণ্যশ্লোক নল ক্ষণকালমধ্যে বৃহৎক্ষের পত্র সংখ্যা গণিতে শিখিয়াছিলেন ; ষমরাজের প্রধান সচিব শ্রীযুক্ত চিত্রগুপ্ত মহাশয় মানবাচারিত অসংখ্য পাপের গণনা করিয়া থাকেন ; কিন্তু বর্তমান সময়ে কে এমন চিত্রগুপ্ত, কে এমন নলরাজ, কে এমন জ্যোতির্বেত্তা, কে এমন উর্শ্বিগণক কর্মচারী আছেন যিনি পাওনাদারগণের সংখ্যা নির্ণয় করিতে পারেন ?—সেহ জরাহীন মৃত্যুহীন জাতির সংখ্যা গণনা করিতে হইলে গণিত শাস্ত্রের সমুদায় সংখ্যা কুরাইয়া যার ; বোধহয়, কোটি কোটি সেন্সস্ অফিসের কাগজ কুরাইয়া যার ; স্বয়ং চিত্রগুপ্তের চিত্তবিক্রম ঘটে ।

ছোটবাবু মহাশয়েরও চিত্তবিলম্ব ঘটিল। তিনি দেখিলেন, যে তাহার পাণ্ডনাদারগণকে গণনা করিয়া শেষ করা যায় না; তিনি আরও দেখিলেন যে তাহাদিগের বংশ, রক্তবোজের বংশের স্থায় ক্রমাশয়ে বর্দ্ধিত হইতেছে। তাহাদিগকে পূর্বে, পশ্চিমে, উত্তরে, দক্ষিণে, অগ্নিকোণে, বায়ুকোণে, ঈশানে, নৈঋতে, উর্দ্ধে, নিম্নে, ভ্রমচকিত লোচনে অবলোকন করিয়া ছোটবাবু মহাশয় বুঝিলেন যে, তাহারা বোধোদয়ের ঈশ্বরের স্থায় সদা সর্বত্র বিদ্যমান আছে। তাহাদের অমর অব্যয় দেহ লক্ষ্য করিয়া তিনি স্থির করিয়া ফেলিলেন, যে তাহারা নিশ্চয় দেবতা সাজিয়া স্বর্গে যাইয়া মোহিনীর ভাণ্ডস্থিত সুখা খাইয়া অমর হইয়া আসিয়াছে; অথবা দৈত্যগুরু শুক্রাচার্যের শিষ্যত্ব গ্রহণ করিয়া মৃতসঞ্জীবনৌষধি শিখিয়া লইয়াছে।

এই অনন্ত, অব্যয় ও সর্বত্র বিদ্যমান পাণ্ডনাদারগণ ছোটবাবু মহাশয়কে ব্যতিব্যস্ত করিয়া তুলিল। তিনি রাস্তার বাহির হইলে রাস্তার লোক পঙ্গপালের ন্যায় তাহাকে ঘিরিয়া ফেলিত; জিজ্ঞাসা করিত,—“কর্তা, এবার বড় ছেলের বিয়েতে অনেক টাকা পেয়েছেন, এবার সুদের ক’টা টাকা মিটিয়ে দেবেন কি?” তিনি বাগানের সরোবরঘাটিকায় সমাগত হইলে পাণ্ডনাদারগণ তাহার চারিদিকে পুষ্পবৃক্ষের ন্যায় ‘শিকড় গাড়িয়া’ দণ্ডায়মান থাকিত; কেহ বা আঙুরাখা আবৃত দীর্ঘহস্ত ময়ূর পুচ্ছের ন্যায় বিস্তৃত করিয়া প্রোপ্য অর্থ প্রার্থনা করিত; কেহ বা তাহার উত্তর শুনিয়া মল্লিকা-নামের মত মস্ত বিকশিত করিয়া হাসিত। তিনি বাজারে প্রবেশ

করিলে, কাপড়গুলো বলিত,—“অনেকদিন দয়া করেন নি, এবার বড়বাবুর বিয়েতে অনেক টাকা পেলেন, সরকারকে একবার পাঠাব কি ?” ময়রা নিজে বলিত,—“জলখাবারের দরুণ তিনশো টাকার ওপর বাকী পড়েছে, একবার যাব কি ?” তিনি আপন গৃহঘরে ফিরিয়া আসিলে, পাওনাদায়গণ খাইবার গিরিসঙ্কটাবিচারী মাহু, ওয়াজির, অফ্রিদি প্রভৃতির ন্যায় বিকট ধ্বনি করিয়া তাঁহাকে আক্রমণ করিত। তিনি যদি অন্তঃপুরে প্রবেশ করিয়া শয্যার আশ্রয় গ্রহণ করিতেন, তাহা হইলে, গৃহিণী তালবৃন্ত হস্তে তাহার পার্শ্ব বসিয়া কহিতেন,—“ও গো! বিন্দি ঝর দেড় বছরের মাহিনা বাকী পড়েছে। এই মাসেই ওর বোনপোর বিয়ে। ওকে অন্ততঃ একবছরের মাহিনা দিতে না পা লে ভাল দেখাবে না। তুমি সরকারকে বলে রেখ।” গৃহিণীর ধাস বি সুখতারা আসিয়া, সুগোল বাহুতে স্বর্ণের অনন্তটি ঘুরাইয়া উহা উপযুক্ত স্থানে বিচলিত করিয়া কহিত,—“বাবু মশায়ের কাছে আমার যে টাকাটা গাচ্ছ রেখেছি, তা’ থেকে এবার আমার আঠার গুণ্ডা টাকা দিতে হবে। এবার কালগুড় আছে; মনে করেছি, এবার এই বোশেখ মাসেই—বলতে নেই—এই ঠাকুর বিশ্বেশ্বরের মাথায় ফুল বিলিপত্র চড়াব। আর বড়দাদাবাবুর বিয়েতে কিছু বকসিস্ পাইনি। মাকে বলে রেখেছি, এবার আম তসর আর হেলেহার নেব। সেটা যেন তারি যাবার আগেই পাই।” জমীদার বাবু দৈবক্রমে তন্দ্রাভিত্ত হইলে, পাওনা-দায়গণের বিকট মূর্তি সকল স্বপ্নপথে তাঁহার আতঙ্কিত অন্তরমধ্যে

আবিভূত হইয়া দেব ভূতপতির অনুচরণের স্তায় নৃত্য করিত ।

আহা, কি কষ্ট ! এই কষ্ট, এই উৎপীড়ন হইতে ছোটবাবু মহাশয় কিরূপে পরিত্ৰাণ লাভ করিবেন ?

বিবাহোৎসবের পর হইতে তাঁহার পার্শ্বচরণ ক্রমে বিয়ল হওয়ার, এবং আপন সঙ্গীন অবস্থার কথা তাহাদিগের নিকট প্রকাশ করিবার সুবুদ্ধি তাঁহার মনোমধ্যে উদ্ভিত না হওয়ার, তাহারা এবিষয়ে কোনও সংপরামর্শ প্রদান করিতে পারিল না । এক্ষণে তিনি অগত্যা আপনার সুবুদ্ধির উপর নির্ভর করিতে বাধ্য হইলেন ।—তিনি জানিতেন, তাঁহার সুবুদ্ধির পরিমাণ সাধারণ লোক অপেক্ষা অনেক বেশী ।

প্রথমতঃ তিনি হিসাব করিয়া দেখিলেন যে, তাঁহার ঋণের পরিমাণ পঞ্চসপ্ততি সহস্র মুদ্রা অপেক্ষা অধিক হইয়া দাঁড়াইয়াছে । জমীদারী সম্পত্তি বিক্রয় করিয়া এই ঋণ পরিশোধ করিতে হইলে, অর্দ্ধাংশেরও অধিক বিক্রয় করিয়া ফেলিতে হয় । কিন্তু অর্দ্ধ সম্পত্তি পরহস্তগত হইলে, তাঁহার বাধিক আয় কিঞ্চিদধিক তিন সহস্র মুদ্রা হইয়া দাঁড়াইবে ; ইহাতে দুর্গোৎসব হওয়া দূরের কথা, তাঁহার সংসার যাত্রাই নির্বাহ হইবে না ; কলিকাতার বাসা ধরচেই যে বৎসরে তাঁহার তিন হাজার টাকার বেশী ধরচ হয় । অতএব তিনি স্থির করিলেন যে, জমীদারী বিক্রয় দ্বারা ঋণ পরিশোধ করা হইবে না ।

কিন্তু ঋণ পরিশোধ করিতে, অন্ততঃ তাহার কিয়দংশ, পরিশোধ করিতে না পারিলে ত পাওনাদারগণের কবল হইতে

আত্মরক্ষা করা সম্ভব হইবে না। কয়েক দিন চিন্তার পর তিনি স্থির করিলেন যে, আপনারা স্বাস্থ্যকর ও সুদৃশ্য বাগানবাটিতে বাস করিয়া, অযথাবৃহৎ পুরাতন ভদ্রাসন বাটি বিক্রয় করিয়া ফেলিবেন। ঐ বাটির প্রকৃত মূল্য একলক্ষ টাকারও অধিক হইলেও, আপাততঃ খরিদারের অভাবে বাটিটি অনেক কম মূল্যেই বিক্রয় করিতে হইবে। তথাপি ছোটবাবু আশা করিলেন যে এই বিক্রয় দ্বারা অনারাসেই পঞ্চাশ বাট চাকার টাকা পাওয়া যাইবে। তাহাতে ঋণের অধিকাংশই পরিশোধ হইয়া যাইবে; এবং তৎসহ ঐ বৃহৎ বাটি পুনঃ সংস্কারের ব্যয়ও কমিয়া যাইবে, তাহা ছাড়া, দাসদাসী ও দ্বারবান প্রভৃতির সংখ্যাও বিছু কমিবে। এতদ্ব্যতীত গ্রামবাসিগণকে, বিশেষতঃ পার্শ্বচরগণকে বুঝাইতে পারিবেন যে, বাগানবাটিতে পূজার দালান না থাকায় ইচ্ছাসত্ত্বেও তিনি দুর্গোৎসব করিতে পারিলেন না; এইরূপে দুর্গোৎসবের মন্ত একটা ব্যয় হইতে অব্যাহতি লাভ করিবেন।

তথাপি ভদ্রাসন বিক্রয়ের মন্ত একটা বাধা ছিল। পৈতৃক ভদ্রাসন বিক্রয় করিতে আপন গৃহিণীর নিকট, পুত্রগণের নিকট, এবং সর্ব্বোপরি পার্শ্বচরগণের নিকট তাঁহার মহা সম্মানের এবং পূর্ণপ্রতিপত্তির লাঘব হইবে। কিন্তু এসম্বন্ধেও একটা কোণলের কথা তাঁহার বুদ্ধিপূর্ণ মস্তিষ্কে সহজেই উদ্ভিত হইল। তিনি ভাবিলেন যে, সকলের নিকট ঐ পুরাতন পৈতৃক বাটির বিন্দী প্রদর্শন করিবেন; বলিবেন যে, ও বাটি পুরাতন হইয়াছে; ও

বাটার দেওয়ালগুলো অত্যন্ত মোটা ও কুদৃশ্য, ও বাটা আধুনিক কালের রুচিসঙ্গত নহে, ও বাটাতে সব কাঠের মোটা মোটা কড়ি, কাছে কাছে বসান, তাই ঘরগুলো বড় হ'লেও বিশ্রী-দেখায়; আধুনিক আদর্শ অনুযায়ী তিনি হালকা গোছের সুদৃশ্য নূতন হুন্সা প্রস্তুত কারাবেন বলিয়া ঐ কুদৃশ্য পুরাতন বাটা বিক্রয় করিতেছেন।

উপরিউক্ত সুবুদ্ধির কথা তিনি অবিলম্বে গ্রাম মধ্যে প্রচারিত করিয়া দিলেন, কথাটা প্রেমপীড়িত কৃষ্ণবিশোরের বধির কর্ণে প্রবেশ না করিলেও, তাহার মাতা ক্রমে তাহা জানিতে পারিলেন। ঐ কথা তাঁহার কর্ণগোচর হইবা মাত্র তিনি মনোমধ্যে স্থির করিয়া ফেলিলেন যে, তাহার স্বপ্নের ঐ পুণ্যময় উদ্ভাসন, বাহা পূজনীয়গণের পবিত্র নিঃশ্বাসে পবিত্রীকৃত হইয়াছিল, বাহাতে তাঁহাদের প্রীতিমত পুণ্যময় বাক্য সকল প্রতিধ্বনিত হইয়াছিল, বাহাতে তিনি প্রথমে পরমারাধা স্বপ্নের বড়বধু হইয়া দাঁড়াইয়াছিলেন, বাহাতে দেবপ্রতিম স্যামীর স্বর্গাধিক প্রথম আদর লাভ করিতে পারিয়াছিলেন, বাহাতে তাঁহার প্রাণপুত্রলি পুত্র জন্মগ্রহণ করিয়া তাঁহাকে প্রথম মা বলিয়া ডাকিয়াছিল, তাহা তিনি কোন ক্রমেই পরহস্ত-গত হইতে দিবেন না; সে গৃহকুড়িমে কখনই পর পদধ্বনি উথিত হইবে না। কিন্তু আপাততঃ তিনি আপন মনোভিলাষের কথা কাহারও নিকট প্রকাশ করিলেন না। কৃষ্ণবিশোরও তাঁহার আন্তরিক অভিলাষের কথা জানিল না।

একবিংশ পরিচ্ছেদ

সংবাদ সংগ্রহ ।

কৃষ্ণ কেশোর মাতার নিকট হস্তে বিদায় লইয়া কলিকাতায় আসিয়া একটু মুক্খিলে পড়িল। যে ছাত্রবাসে সে বাস করিত, সে দেখিল তাহার প্রবেশ দ্বার লালাবদ্ধ; গ্রীষ্মাবশেষে সকল ছাত্রই আপন আপন পৌত্রগ্রামের বাটতে বা দূরে দূরে আপন আপন স্বজনগণের নিকট চলিয়া গিয়াছে। সে চিন্তিত হইল, দুই চারিদিন ক'লকাতায় অবস্থিতি করিতে হইলে সে কোথায় বাস করিবে? খুল্লান্ত পুত্রগণের বাসাবাটীর কথা একবারও তাহার মনে উদ্ভিত হইল না। বন্ধু উমাপদ বন্দুর কথাই তাহার স্মরণ পথে উদ্ভিত হইল;—তাহার পত্র পাইয়া সে কি শুভসংবাদ সংগ্রহ করিয়াছে, স্বভাবতঃই তাগা জামিবার জন্য, সে আগ্রহান্বিত ছিল।

সে আপনার চাতব্যাগ লইয়া ট্রামে চড়িয়া সত্বর বন্দুর ছাত্রবাসে উপস্থিত হইল। কিন্তু বাটীর মধ্যে প্রবেশ করিয়া একটি ছাত্রকেও দেখিতে পাইল না।

আমাদের পূর্বকথিত ব্রাহ্মণ ঠাকুর রান্নাঘর হইতে বাতির হইয়া কছিল,—“তারা সববাই ছুটিতে বাড়া গেছেন। কেবল চারজন আঠান পড়া বাবু এগজামীন দেবার জন্যে আবার শীগগির

ফেরত আসবেন বলে' আমার আর ঝির জেম্মার বাড়ীটা খোলা রেখে গেছেন ।'

কৃষ্ণকিশোর এই উত্তর শুনিয়া চলিয়া গেল না। একটু চিন্তা করিয়া কহিল,—“আমি যদি এই বাড়ীতে ছ' চার দিন থাকি, তা'তে কি তোমাদের কোন আপত্তি আছে ?”

বামুন ঠাকুর কৃষ্ণকিশোরকে চিনিত ; সে বার বার তাহার নাম শুনিয়াছে এবং বার বার তাহাকে সেই বাড়ীতে আসিতে দেখিয়াছে। তাহার উপর পূজার সময় প্রার্থনা করিলে সে কৃষ্ণকিশোরের নিকট কিছু কিছু পুরস্কার পাইত। সে ঝির সাহিত পরামর্শ করিয়া কহিল,—“থাকুন না কেন। তাতে আর আমাদের আপত্তি কি ? আপনি খরচ দেবেন, আমরা এনে নিয়ে রেখে বেড়ে দেবো ।’

কৃষ্ণকিশোর ব্রাহ্মণের হস্তে পাত্র সংগ্রহের জন্য কয়েকটি রক্তত মুদ্রা প্রদান করিয়া, বহু উষাপদ বহুর কক্ষের উদ্দেশে দ্রিতলে উঠিল ।

দেখিল, সেখানে বক্রবরের শয্যাটি, কোনও অজানিত পশুর ন্যায় কুণ্ডলীকৃত হইয়া যেন দীর্ঘ নিজামুখ উপভোগ করিতেছিল ; জলশূন্য কুঁজোটা এবং জলপানের এনামেল গ্লাসটা, যেন বৈষ্ণবোৎসবের বৈরাগীর ন্যায়, ধূলিধূসরিত হইয়া কক্ষ কুড়িমে গড়াগড়ি দিতেছিল ; স্থানে স্থানে ইতস্ততঃ বিক্ষিপ্ত কাগজ খণ্ডগুলি, যেন দৈত্যগণের ন্যায় অসমান দস্তমকল বিকশিত করিয়া হাসিতেছিল। কৃষ্ণকিশোর আপনার হাত ব্যাগটি একটি

মূলিশূন্য স্থানে রক্ষা করিয়া, কুণ্ডলীকৃত শয্যার নিদ্রাভঙ্গ করিল ; এবং কক্ষের কিয়দংশ পরিষ্কৃত করিয়া, তাহাতে শয্যাটি বিস্তৃত করিল । পরে হস্ত পদ ধোত করিবার জন্য, ভগ্ন কুঁজোটি জলপূর্ণ করিবার জন্য, নিম্নতলে 'কলতলায়' নামিয়া আসিল ।

কৃষ্ণাকিশোরকে কুঁজোর জলপূর্ণ করিতে দেখিয়া, পুরকার প্রত্যাশিনী বুদ্ধিমতী ঝি ছুটিয়া আসিয়া কহিল,—“দিন্, বাবু, দিন ; কুঁজোটা আমার দিন্ । আমি ধুয়ে পরিষ্কার করে, জল ভ'রে উপরে রেখে আসব এখন । এসব কাজ কি আপনাদের কত্তে আছে ? আপনারা যদি এসব কাজ করেন তাহ'লে আমরা রইছি কি কত্তে ?”

ঝি বর্ষীয়সী । সে সাত টাকা বেতন পাইত, এবং বিদ্যামুন্দরের মালিনীর ন্যায় বেসাতি ব্যাপারে তিন সাত একশটাকা চুরি করিত । ছাত্রগণের কৃপায় সে আপন আহার জন্য এত আহার দ্রব্য বাটীতে লইয়া বাইত যে, তদ্বারা তাহার নিজের, তাহার বোনপোর, বোনপোর স্ত্রীকন্যার এবং পুষ্টিবিভাগটার আহার-কার্যা স্বচ্ছন্দে নির্বাহ হইত । ঝি বরাদ্দ অনুযায়ী বৎসরে ছয় খানা বস্ত্র পাইত এবং বেবরাদ্দ অনুযায়ী ছাত্রগণের যে সকল বস্ত্র চারাইয়া বাইত তাহাও প্রাপ্ত হইত, এতদ্ব্যতীত ছাত্রগণের নিকট প্রার্থনা করিয়া সে আরও পাঁচ ছয় খানা বস্ত্র প্রাপ্ত হইত । কিন্তু এই ঝির 'হাতটান' নামক দোষ থাকিলেও, তাহার কতকগুলি বিশেষ গুণ ছিল । সে ছাত্রদের আহার কালে এবং তাহাদের রোগে অত্যন্ত যত্ন করিত ; সে অত্যন্ত পরিশ্রম

কঠিনে পারিত, তজ্জন্য গৃহতল ও তৈজস সর্বদা পরিমার্জিত
অবস্থায় থাকিত, সে মিষ্ট কথায়, ও সহর কার্যা সম্পাদনে ছাত্র-
গণকে সর্বদা তুষ্ট রাখিতে পারিত।

যি কৃষ্ণকিশোরের পশ্চাতে জলের কুঁজা লইয়া উপর আসিয়া,
কক্ষের অপরিষ্কৃত ও অপরিচ্ছন্ন অবস্থা দেখিয়া কহিল,—“ওমা!
এ যে একেবারে আঁস্তাকুড় হ'য়ে রয়েছে! দাঁড়ান দাঁড়ান,
বাবু, আমি নাচ থেকে ঝাটা গাছটা নিয়ে আসি; এই বালয়া
সে কুঁজোটি বারান্দায় রাখিয়া, সহর সম্মার্জনীর সন্ধানে ধাবিতা
হইল; এবং অল্পকালমধ্যে নিম্নতল হইতে আবশ্যিক সামগ্রী
সংগ্রহ করি প্রত্যাগত হইল; এবং বিপুল উৎসাহে গৃহসংস্কারে
মনোনিবেশ করিল।

কক্ষোচ্ছিত ধূলায় কবল হইতে আত্মরক্ষা করিবার জন্য
কৃষ্ণকিশোর বারান্দায় আসিয়া দাঁড়াইয়াছিল। দণ্ডায়মানের
স্থান হইতে সে যির কার্যতৎপরতা লক্ষ্য করিতেছিল। হঠাৎ
তাহার মনে একটা সুবুদ্ধির আশো জলিয়া উঠিল। সে ভাবিল,
আচ্ছা, এই কার্যতৎপর যির দ্বারা ঐ দক্ষিণদিকের বাড়ীটার
সংবাদ সংগ্রহ করা কি সম্ভবপর হইবে না? অল্প চিন্তার পর সে
বুঝিল যে উহা খুবই সম্ভবপর ও সহজ। উহার দ্বারা সংবাদটা
সংগ্রহ করিয়া উহাকে কিছু পুরস্কার প্রদান করিলেই চলিবে।

সম্মার্জন কার্যা সমাধা করিয়া যি যখন নিম্নে নামিবার
জন্য অগ্রসর হইল, তখন কৃষ্ণকিশোর মহা অপরাধীর ন্যায়
ক্ষীণ ও বিকলিত কণ্ঠে ডাকিল,—“যি।”

ঝি বিগত পঞ্চবিংশত বৎসরের মধ্যে সেইরূপ বিহ্বল কণ্ঠে 'ঝি' সম্বোধন শ্রবণ করে নাই। সে বিস্মিত হইয়া পশ্চাৎ ফিরিয়া জিজ্ঞাসা করিল,—“কেন গা, বাবু ?”

কৃষ্ণকিশোর ভয়ে ভয়ে কহিল,—“দেখ, ঝি, তোমাকে একটা কথা বলিব, তুমি কিছু মনে ক'রো না।”

ঝির বিস্ময় আরও বৃদ্ধি প্রাপ্ত হইল। সে মনে করিল, এই কুড়ি বছরের ছোকরা তাহার মত ষাট বছরের বৃদ্ধিকে এমন কি কথা বলিতে পারে, যাচার জন্য তাহার মনঃপীড়া জন্মিতে পারে। সে প্রথম দৃষ্টিতে কৃষ্ণকিশোরের মুখের দিকে চাহিয়া রহিল।

কৃষ্ণকিশোর পূর্ববৎ ভীতি-বিজড়িত কণ্ঠে কহিল,—
“তোমাকে বল্ছিলাম কি জান ? ঐ দক্ষিণ দিকে ঐ যে তেতানী বাড়ীটা দেখতে পাচ্ছ ?”

ঝি। হাঁ, তা' বাড়ীতে কি হয়েছে ?

কৃষ্ণ। তুমি বলতে পার, ও বাড়ীটা কাদের বাড়ী ?

ঝি। তা' আর বলতে পার ন, বাবু ? ও বাড়ীতে আমি আগে কাঁচ করতাম ; ওখান থেকে ছেড়ে এই দু'বছর হ'লো এসেছি।

কৃষ্ণকিশোরের হৃদয় প্রকম্পিত হইয়া উঠিল ; সে কম্পিত হৃদয়ে মনে মনে ডাকিল, “হে ভগবান ! তোমার কৃপার ঝির পবিত্র মুখবিশর হইতে যেন শুভ সংবাদ নির্গত হয়।” সে প্রকাশ্যে জিজ্ঞাসা করিল,—“ওটা কা'র বাড়ী ?”

ঝি। ওটা অনাথ বাবুর বাড়ী। তিনি ইঞ্জিনিয়ারের কাঁচ ক'রেন, তাই লোকে তাঁকে ইঞ্জিনিয়ার বাবুও বলে।

কৃষ্ণ । ওঁরা কি জাত বলতে পার ?

ঝি । আমরা বোষ্টোম মানুষ, আমরা কি অজাতের বাড়ী
কাষ করতে পারি ? ওঁরা খুব ভাল কুলীন কায়েত—মিত্তির
কায়েত ।

কৃষ্ণ । ও বাড়ীতে ঐ ইঞ্জিনিয়ার বাবু ছাড়া, আর কে কে
আছেন ?

ঝি । তিনি আছেন, গিন্নীমা আছেন, দিদিমণি আছেন,
আর জনকতক আপনার লোক আছে, আর ঝি, চাকর বামুন
এই সব লোক আছে ।

কৃষ্ণ । তুমি যাকে দিদিমণি বলছ, তিনি কে ?

ঝি । তিনিই ত ঐ অনাথবাবুর আর ঐ গিন্নীমার মেয়ে ।—
ঐ একটা মেয়ে, আর ছেলোপলে হয়নি ।—মেয়ের মত মেয়ে;
যেমন রূপ তেমনই গুণ !

কৃষ্ণ । মেয়েটির বোধ হয় বিয়ে হয়েছে ?

ঝি । এখনও বিয়ে হয়নি ; তবে অনেক জারগা থেকে
স্বয়ম্বর আসছে । বোধ হয় ছ' এক মাসের মধ্যেই বিয়ে হয়ে
যাবে ।

কৃষ্ণকিশোর ঝি-দেবীর সমধুর কথা শ্রবণ করিয়া মনে
করিল যে, সে বুঝি এইবার স্বর্গের সিঁড়ির সন্ধান পাইয়াছে ;
এই সিঁড়ি অতিক্রম করিতে পারিলেই সে স্বর্গাধিক স্বর্গ লাভ
করিতে পারিবে । অন্ন ভগবান, তোমার জয় হউক !

কৃষ্ণকিশোর পকেট হইতে দুইটি টাকা বাহির করিয়া

বির হস্তে প্রদান করিয়া কহিল,—“তোমাকে আর কিছু বলবার নেই। কিন্তু আজ আমি যে তোমাকে এই কথাগুলো জিজ্ঞেস করলাম এ কথা তুমি আর কাউকে বলো না।”

বি সন্ত অর্থ প্রাপ্তিতে আনন্দিত হইয়া, কৃষ্ণকিশোরকে প্রতিশ্রুতি প্রদান করিয়া বিদায় গ্রহণ করিল।

দ্বাবিংশ পরিচ্ছেদ

নবীন প্রেমিক

সেই দিন বেলা চারিটার পূর্ব হইতেই আকাশ ক্রমে মেঘাচ্ছন্ন হওয়ার রৌদ্রের প্রভাব কমিয়া গিয়াছিল। কৃষ্ণকিশোর বুঝিল যে সন্ধ্যার পূর্বে বৃষ্টিপাতের আশঙ্কা আছে। অতএব সে তাড়াতাড়ি কিছু জলযোগ করিয়া পরীক্ষার ফল জানিবার জন্য বাহির হইয়া পড়িল।

সেনেট হাউসের নিকটে বাইরা সে দেখিল যে, সেখানে অনেক পরিচিত ও অপরিচিত ছাত্র একত্র হইয়া স্বর্গীর প্রসন্নকুমার ঠাকুরের মন্দিরমূর্তির চারি পার্শ্বে ঘুরিয়া বেড়াইতেছে। সে তাহাদের নিকট সংবাদ শুনিল যে আজ কাইনাল মিটিং (final meeting) বসিয়াছে; আজই বি, এ, ও বি, এস্‌সি, পরীক্ষার ফল সম্বন্ধে চূড়ান্ত মীমাংসা হইয়া যাইবে; একজন জোয়ের সহিত কহিল যে, আগামী শনিবারে রেজল্ট (result) নিশ্চয় জানিতে পারা যাইবে; আর একজন আরও জোয়ের সহিত বলিল যে শনিবার পর্যন্ত অপেক্ষা করিতে হইবে না, আজই সন্ধ্যার পূর্বে অনেক জানিতে পারা যাইবে। কৃষ্ণকিশোর কোনও পরিচিত অধ্যাপকের সাক্ষাৎ প্রত্যাশায় সেনেট গৃহের সম্মুখস্থ সোপানাবলীর এক প্রান্তে আশ্রয় গ্রহণ করিল।

সেখানে সে নীরবে বসিয়া গোলদীঘির জলের মধ্যে ঘন-
কৃষ্ণ ঘনাবলীর কৃষ্ণছায়া দেখিল; যেন কাহার আলুলায়িত
কেশরাশির কৃষ্ণছবি তাহার মুগ্ধ নয়নপথে পতিত হইল।
আকাশে বিদ্যদালোক বিকশিত হইল, স্বচ্ছ জলমধ্যে সেই
আলোক প্রতিবিম্বিত হইল; যেন মুকুরমধ্যে কোন এক পদ্মিনীর
রূপজ্যোতিঃ জলিয়া উঠিল। দীর্ঘিকার তীরভূমিতে পুষ্পবাটিকা-
মধ্যে শ্বেত পুষ্প সকল কাহার হাসিত আননের আয় ভাসিতে
লাগিল। একটু বাতাস উঠিল; বায়ুবেগে পশ্চিমাকাশের
একখণ্ড মেঘ ছিন্ন হইয়া গেল; গোলদীঘির পূর্বদিকে সৌধমালায়
বৈকালিক সূর্যরশ্মি পতিত হইল; কৃষ্ণকিশোর মনে
করিল, যেন তাহারই হৃদয়ানন্দ গৃহশুলভিতে প্রতিফলিত
হইয়াছে।

বাহ্যতঃ কৃষ্ণকিশোর নিষ্পন্দ দেহে বিজ্ঞানন্দিরের সোপানে
বসিয়াছিল বটে, কিন্তু তাহার অন্তরমধ্যে এক অভিনব আনন্দের
চেউ উঠিয়াছিল। কিঞ্চিৎকাল পূর্বে মেসের পরিচারিকার
পদমুখ হইতে যে কথামধু তাহার শ্রবণপথে প্রবেশ লাভ করিয়াছিল,
তাহাতে তাহার সমস্ত হৃদয় মধুময় হইয়া উঠিয়াছিল; সেই
মধু হৃদয়ের সীমা অতিক্রম করিয়া বহির্জগতে উছলাইয়া
পড়িয়াছিল; তাহাতে গোলদীঘির জল, তন্মধ্যস্থিত আকাশের
প্রতিবিম্ব, তীরভূমির পুষ্পবাটিকা সম্মুখবর্তিনী গৃহশ্রেণী, সমস্তই
মধুময় হইয়া উঠিয়াছিল।

নিকটে একজন পরিচিত অধ্যাপক সমাগত হওয়ার কৃষ্ণ-

কিশোরের মধুর স্বপ্নজাল ছিন্ন হইয়া গেল। সে দাঁড়াইয়া অধ্যাপককে অভিবাদন করিল।

অধ্যাপক প্রসন্ন মুখে কহিলেন,—“আগামী বুধবারের গেজেটে বোধ হয় পরীক্ষার ফল বার হবে। তুমি শনিবারে কলেজে আমার সঙ্গে দেখা করো, বোধ হয় সে দিন আমি তোমাকে ভাল খবর দিতে পারবো।”

কৃষ্ণকিশোর কৃতজ্ঞতা জানাইয়া এবং তাঁহাকে পুনরায় অভিবাদন করিয়া ৭৭ নম্বর মেসের বাটিতে ফিরিয়া আসিল।

সে গৃহের আশ্রয় লাভ করিবার অব্যবহিত পরেই ঘনঘটা-রোলে বৃষ্টিপাত আরম্ভ হইল; ঘন ঘন বিদ্যুৎপাতে দিক সকল চমকিত হইয়া উঠিল। সে বন্ধুবরের বিছানায়, বৃষ্টিপাতের ঘোর রব মধ্যে নীরবে বসিয়া রহিল। বধাতারাক্রান্ত জলধরকে তাহার মন যেন নির্বাসিত যক্ষের স্থায় কহিতেছিল,—

“জাতং বংশে ভূবনবিদিতে পুঙ্গবাবরুকানাং

জানামি হাং প্রকৃতপুরুষং কামরূপং অধোনঃ।”

* * * * *

জলধরাজে বিদ্যুৎ আলোক দেখিয়া এক বিদ্যুৎ-বিভাময়ীর কথা তাহার স্মরণপথে উদ্ভিত হইতেছিল। বৃষ্টিপাতের শব্দে তাহার মনে হইতেছিল, কে যেন সন্ধ্যাসমাগমে তাহারই বিরহে টপ্ টপ্ অশ্রুপাত করিতেছে।

তাই দণ্ড পরে বারিবষণ মন্দীভূত হইল। আরও কিয়ৎকাল পরে, বন্দরবন্ধনছিন্ন বহির্গামী জাহাজের ন্যায় নেঘসকল দিগ্বিদিকে

চলিয়া গেল। জ্যোৎস্নাময়, তারকাময়, নীলাকাশ প্রকাশিত হইয়া পড়িল। আর একটি জ্যোৎস্নাময়ী সন্ধ্যার কথা কৃষ্ণকিশোরের মনোমধ্যে উদ্ভূত হইল। আজ এখন ছাদে উঠিলে সে কি আবার সেট জ্যোৎস্নাময়ী তরুণীকে দেখিতে পাইবে? ছাদে উঠিয়া গোপনে তাহাকে দেখাটুকি তাহার পক্ষে উচিত কার্য হইবে? সে যখন স্বভাভীয়া ও অবিবাহিতা এবং কৃষ্ণকিশোরই যখন তাহাকে নিশ্চয় বিবাহ করবে, তখন বিবাহের পূর্বে তাহাকে আর একবার দেখিতে দোষ কি?

এঠাৎ কৃষ্ণকিশোরের মনে পড়িয়া গেল যে অল্প স্থানে তাহার বিবাহের সম্বন্ধ হইতেছে। যদি তাহার বিবাহ প্রসঙ্গ উত্থাপনেও পূর্বেই অল্প বয়স আসিয়া তাহাকে বিবাহ করিয়া ফেলে? কৃষ্ণকিশোরের বলিষ্ঠ বাহু স্নীত হইয়া উঠিল; তাহার অন্তরায়া যেন একটা বিকট চীৎকারে গগনমণ্ডলকে প্রকম্পিত করিয়া কহিল, সাবধান অল্প বয়সকগণ! আমার এই দুর্দমনীয় প্রেমের সমক্ষে অন্তরায় হইয়া দাঁড়াইতে সাহস করিও না।—আমি বড়সদৃশ একটা মুষ্ঠাঘাতে অল্প বয়সের হসিত আননের বিকশিত দৃশ্যপংক্তি সমূলে উৎপাটিত করিয়া দিব। আমার সেই জ্যোৎস্নাময়ী কিশোরীকে যে অর্কচীন বয়স আমার এই প্রেম-বন্ধন হইতে কাড়িয়া লইতে আসিবে, বাসুকীর মত সহস্র ফণা বিস্তৃত করিয়া তাহাকে আমি বিবের জ্বালায় জর্জরিত করিয়া দিব। ভীমের পদাঘাত তলে কীচকের স্থায়, তাহাকে আমি একটা নাংসপিণ্ডে পরিণত করিব। পরক্ষণে একটা

বালিশে পদাঘাত করিয়া কৃষ্ণকিশোর তাহা কক্ষ প্রান্তে ছুড়িয়া ফেলিল।

ঠিক সেই সময়ে বৃদ্ধা বি কক্ষমধ্যে প্রবেশ করিয়াছিল। সে নবীন প্রেমিকের মনস্তত্ত্ব অনবগত থাকিয়া, এবং পদাঘাতে উপাধান নিক্ষেপের সহিত প্রেমের কি নিগূঢ় সম্বন্ধ থাকিতে পারে তাহা অনুমান করিতে না পারিয়া, চমকাইয়া উঠিল, এবং কিছু ভীতা হইয়া ভিজ্ঞাসা করিল,—“হ্যাঁ গা, বাবু, বালিশটার কি বিড়ে ফিছে কিছু ছিল নাকি?”

কৃষ্ণকিশোর চেতনা লাভ করিয়া শিজড়িত কণ্ঠে কহিল,—
“বি, বি নাকি? তুমি কখন এলে?”

বি বালিশটা কুড়াইয়া তাহা আনো'কের নিকট আনিয়া বিশেষ পরীক্ষা করিয়া বলিল,—“বই, এতে শু বিড়ে ফিছে কিছুই দেখতে পাচ্ছিনে বাবু।”

কৃষ্ণকিশোর সংক্ষেপে একটা, ‘নাঃ’ বলিয়া ভাবিল, বির স্তম্ভাগমনের কারণ কি? ও কি এবাটা হইতে কোনও স্তম্ভ সংবাদ আনিয়ন করিয়াছে? সে আশাবিহীন হৃদয়ে ভিজ্ঞাসা করিল,—“বি, তোমার কি কিছু বলবার আছে?”

বি কৃষ্ণকিশোরের নিকট পূর্বে পুরস্কার প্রাপ্ত হইয়াছিল। অতএব বালিশটি শয্যাপ্রান্তে রাখিয়া এবং তৎপ্রদক্ষ আর উত্থাপিত না করিয়া কহিল,—“বামুন ঠাকুর খাবার ওপরে ‘নয়ে আসবে কিনা, তাই ভিজ্ঞাসা করতে এসেছিলাম।”

কৃষ্ণকিশোর দীর্ঘ নিশ্বাস ত্যাগ করিয়া কহিল,—“খাবার !
কি খাবার ?”

বৃদ্ধা ঝির বৃদ্ধকর্ণে দীর্ঘনিশ্বাসের শব্দটা পৌঁছায় নাই ; পৌঁছি-
লেও, দীর্ঘনিশ্বাসে বিচলিত হইবার বয়সক্রম সে অতিক্রম করিয়া-
ছিল। সে কহিল,—“বামুনঠাকুর রুটী তৈরী করেছে, হাঁসের
ডিমের কালিয়া করেছে, আর আলু পটল ভেজেছে ; আর
আমি বাজার থেকে আম আর সন্দেশ এনেছি।”

কৃষ্ণকিশোর মোহপ্রাপ্তের স্থায় জিজ্ঞাসা করিল,—“কেন
এনেছ ?”

ঝি কহিল,—“খুব ভাল টাটকা সন্দেশ ; তাই আপনি
খাবেন বলে এনেছি।”

কৃষ্ণকিশোর দাঁড়াইয়া উঠিল। এবং অগ্রসর হইয়া কহিল,—
“চল, খাইগে।”

ঝি কহিল,—“নীচেটা জলে জলময় হ’য়ে রয়েছে। তাই
বামুন ঠাকুরকে খাবারটা ওপরে আনবার কথা বলছিলাম।”

বামুন ঠাকুর খাদ্যদ্রব্য উপরে আনিয়া দিল। কৃষ্ণকিশোর
অল্পমাত্র আহার করিল। বাকী খাদ্য ঝি বোনপোর জন্ত লইয়া
গেল। বোনপো উহার নিকৃষ্ট অংশ খাইয়া, উৎকৃষ্ট অংশ
প্রেমিকা পত্নীর জন্য রাখিয়া দিল ; পত্নী তাহার সুস্বাদু অংশ
পুত্রের প্রভাত ভোজনের জন্য রাখিয়া, অবশিষ্ট নিজে আহার
করিল।

আহারাদির পর কৃষ্ণকিশোর ঘড়ি দেখিল ;—তখন দশটা

বাজিয়া গিয়াছিল। সে নবীন প্রেমিক হইলেও এটা বুঝিয়াছিল যে রাজ্য দশটার পর কোনও প্রেমময়ীই নবীন প্রেমিকের মনোভিলাষ পূর্ণ করিবার জন্য ছাদে আরোহণ করে না। অতএব সে শয্যাটা ঝাড়িয়া লইয়া শয়ন করিল।

বৃষ্টিপাতে ধরণী শীতল হইয়াছিল ; এজন্য সে সুখ নিজার প্রত্যাশা করিয়াছিল। কিন্তু যে নির্বিঘ্নে নিদ্রিত থাকিতে পারিল না। এবার তোমরা যেন মনে করিও না যে সেই জ্যোৎস্নাস্নাতা মোহিনীর মোহিনী মূর্তি তাহার নিদ্রাপথের দ্বার রুদ্ধ করিয়া দাঁড়াইয়াছিল। এবার উপবাসী শ্যামকুণ্ডল রক্তপিপাসু হইয়া সদলে তাহাকে আক্রমণ করিয়াছিল। সে সারা রাজ্য জাগ্রত থাকিয়া অঙ্গে প্রত্যঙ্গে হাত বুলাইতে বুলাইতে ভাবিল, বন্ধু উমাপদ কিরূপে এই উৎপাত সহ করিয়া নিশ্চিন্ত মনে কঠিন অঙ্কশাস্ত্রের চর্চা করিত।

ত্রয়োবিংশ পরিচ্ছেদ

দাতা ছোটবাবু মহাশয়ের দান ।

ছোটবাবু মহাশয় পার্শ্বচরগণের নিকট এবং জেলার উকিল ও সেরেসাদার পেকার নাজির প্রভৃতি জেলার কর্মচারীগণের নিকট প্রকাশ করিলেন যে বৃহৎ ‘জমীদার বাটীর’ উপযুক্ত মূল্য, বাটীটা কিছু পুরাতন হইলেও, একলক্ষ টাকার এক পরমা কম নহে ; কিন্তু বাটীটা সুদৃশ্য না হওয়ার, ষাট হাজার টাকা মাত্র নগদ মূল্য পাইলেই তিনি উহা ছাড়িয়া দিবেন ।

শুনিয়া পার্শ্বচরগণ একবাক্যে কহিল,—“ষাট হাজার টাকার ছেড়ে দিলে বাড়াটা এক রকম বিনা মূল্যেই দেওয়া হ’বে ।”

জেলার উকীল সেরেসাদার প্রভৃতি কহিলেন,—“অত বড় বাড়ীর মোটে ষাট হাজার টাকা দাম ! লোকে একেবারে লুফে নেবে ।”

কিন্তু সপ্তাহের পর সপ্তাহ অতীত হইল, তথাপি কেহই বাটীটা লুফিয়া বা অন্য কোনও প্রকারে গ্রহণ করিল না । ছোটবাবু মহাশয় মনে মনে ভাবিলেন যে দেশের লোক সকল নিশ্চয় হস্তী-মূর্খ ; তাহার লক্ষ টাকার সম্পত্তি, প্রায় অর্ধমূল্যে পাইয়াও তাহা লইবার জন্ত ছুটিয়া আসিতেছে না ।

হুই তিন সপ্তাহ পরে ছোটবাবু মহাশয় আশ্চর্য প্রচার

করিলেন যে শীঘ্র নূতন সুদৃশ্য বাটী প্রস্তুত করিবার আবশ্যক হওয়ায়, তিনি পুরাতন বাটীটা সম্বন্ধে হস্তান্তর করিতে ইচ্ছুক। এক্ষণে ষাট হাজার টাকার পরিবর্তে পঞ্চাশ হাজার টাকা পাইলেই বাটীটা ছাড়িয়া দিবেন। কিন্তু এবারও হস্তীমূর্খ বঙ্গবাসীগণ মদুজ্ঞান ভাবে করিতে পারিল না। ফলতঃ কেহই বৃহৎ জমিদার বাটী এবং তৎসংলগ্ন সরোবর বাগান প্রভৃতি সামান্য পঞ্চাশ হাজার টাকাতোও ক্রয় করিতে অগ্রসর হইল না।

ইত্যবসরে ঋণদাতাগণ, স্মিগ্ধ বুদ্ধিরেণ্ডায় ঘেউ ঘেউ শব্দে তাঁহাকে অহরহঃ নির্যাতিত করিতে লাগিল।

তখন ছোটবাবু মহাশয় করিলেন যে চল্লিশ হাজার টাকা পাইলেই তিনি বাটী বিক্রী করিবেন। একথা নিকটবর্তী জমিদারগণের ও কলিকাতার কয়েকজন ধনী ব্যক্তির কর্ণে পৌঁছিল। জমিদারগণ অন্যের জমিদারীতে বৃহৎবাটী ক্রয় করিবার ইচ্ছা প্রকাশ করিলেন না; কিংবা বোধ হয়, তাঁহারাও ছোটবাবুর মত অবস্থাতেই পতিত হইয়াছিলেন। কলিকাতার ধনীগণ বুঝিলেন যে পল্লীগামে সেরূপ বৃহৎ বাটী ভাড়া লইবার লোক পাওয়া যাইবে না, অতএব উহা ক্রয় করিলে অনর্থক অর্থের অপব্যয় হইবে মাত্র। এক্ষণে কেহই চল্লিশ হাজার টাকা মূল্যেও 'জমিদার বাটী' ক্রয় করিল না।

এদিকে পাণ্ডনাদারগণ ও ডিগ্রিদারগণের অসহনীর উৎপীড়নে ও অপমানে জমিদার বাবু নিভাস্ত নিজ্জীব হইয়া পড়িলেন। তাঁহার আহার নিদ্রা বন্ধ হইয়া গেল; জল সেচনের অস্তাবে

তঁাহার বাগানের ফুলগাছ শুকাইয়া গেল ; খাওয়াভাবে ময়ূরগণ বড় বধূঠাকুরাণীর গোশালার আশ্রয় গ্রহণ করিল।

জমীদারবাবু গৃহিনীর নিকট আপনার দুঃসহ আর্থিক অবস্থার কথা কিছুই বলিতেন না বটে, কিন্তু গৃহিনী স্বামীসেবা-পরায়ণা বঙ্গলক্ষ্মী ; স্বামীর দুঃখের কথা কে যেন ভীষ্মধার ছুরীর দ্বারা তঁাহার কোমল হৃদয়ে আঁকিয়া দিত ; স্বামীর হৃদয়ে কোন স্থানে ব্যথা তাহা বোধ হয় তিনি স্বামী অপেক্ষা অধিক জানিতেন। অহরহঃ স্বামীর বিস্তৃত মুখ দেখিয়া তিনি ব্যথিত হইয়া উঠিলেন। তিনি স্বামীকে কখনই কোনও উপদেশ প্রদান করিতেন না ; কিন্তু আজ আর তিনি স্থির থাকিতে পারিলেন না ; আজ তিনি স্বামীর পদপ্রান্তে বসিয়া ব্যাকুল কণ্ঠে ধীরে ধীরে কহিলেন,—“তুমি এত ভাব কেন ? ধার হ'য়েছে ? ধার ত অনেক লোকেই হয়। আর তোমার ধার শোধের ভাবনা কি ? তোমার বিষয় রয়েছে, বাড়ী রয়েছে ; তাই বিক্রি করে ধার শোধ দাও।”

জমীদারবাবু একটা দীর্ঘ নিশ্বাস ফেলিয়া কহিলেন,—“এই বাড়ীটা বিক্রি করেই ধার শোধ দেব মনে করেছি ; কিন্তু এক জনও খদের পাচ্ছিনে।”

গৃহিনী কহিলেন,—“দেখ তুমি যদি বল, আমি বাড়ী কেনবার কথা একবার ও বাড়ীর বড় দিকিকে বলি।”

ছোটবাবু মহাশয় বিস্মিত হইয়া কহিলেন,—“য়্যা ! তুমি ও বাড়ীর বড় বোঁঠাকুরাণের কথা বলছ ? তুমি এত দিনেও তাঁকে

চিন্লে না ? তিনি চল্লিশ হাজার টাকা বার করে বাড়ী কিন্বেন ?”

গৃহিণী কহিলেন,—“কেন কিন্বেন না ? তাঁর হাতে যদি টাকা থাকে, অন্ততঃ আমাদের উপকার করবার জন্যে তিনি নিশ্চয়ই বাড়ীটা কিন্বেন ।”

ছোটবাবু একটু অবিশ্বাসের হাসি হাসিয়া কহিলেন,—“টাকা তাঁর যথেষ্ট আছে । কিন্তু সেই টাকা খরচ করে যে স্বপ্নের বাড়ী কিন্বেন, এ কথা আমার বিশ্বাসই হয় না ; সে হাত থেকে চল্লিশ হাজার টাকা বেরবে একথা কেউ বিশ্বাস কর্তে পারে না ।”

গৃহিণী । আমার মনে হ’চ্ছে, তিনি স্বপ্নের বাড়ীটা পরহস্তগত হ’তে দেবেন না । আমরা যদি তাঁকে বলি যে এবাড়ী বিক্রি হবে, তা হ’লে আমার মনে হয়, তিনি নিশ্চয় এ বাড়ী কিন্বেন । আর তিনি এ বাড়ী কিন্লে, আর কৃষ্ণকিশোরকে নিয়ে এ বাড়ীতে এসে বাস করলে, আমাদেরও ততটা কষ্টবোধ হ’বে না । অপর লোকে আমার স্বপ্নের বাড়ী কিনে তাতে বাস করলে, তাতে আনন্দ আহ্লাদ করলে, আমাদের যতটা কষ্ট আর অপমান বোধ হ’ত, তিনি এ বাড়ীতে এলে তেমন কিছুতেই বোধ হবে না । তাঁর বড় ছেলের ছেলেকে বাড়ীতে বাস করতে দেখলে স্বর্গে আমার স্বপ্নর ঠাকুরও প্রসন্ন হবেন ।”

ছোটবাবু । তুমি একটুও বুঝলেনা । বড় বোঠাকুরকে একটুও

চেন না। তিনি জমিদারের উপযুক্ত বড় বাড়ী আর ধুমধাম কিছুই পছন্দ করেন না ; আর স্বপ্নের প্রসন্নতারও খার ধারেন না। টাকা, টাকাই তাঁর সর্ব্বস্ব। তিনি কখনই এ বাড়ী কিনবেন না।

গৃহিণী। তবু তুমি যদি বল, আমি একবার চেষ্টা করে দেখবো।

ছোটবাবু। তুমি যখন কিছুই বুঝবে না, তখন তোমার যা ভাল বিবেচনা হয়, কর।

গৃহিণী। আমি আজই ওখানে যাব।

ছোটবাবু। যেও।

গৃহিণীকে এই অনুমতি প্রদানের পর, ছোটবাবু মহাশয় কতকটা নিশ্চিন্ত মনে একটু দিবানিদ্রা উপভোগ করিতে পারিলেন। তাঁহার বুদ্ধিহীনা গৃহিণীর উপর তাঁহার কোনও আশ্রাই ছিল না বটে, কিন্তু সেই নির্বোধ গৃহিণী যখন তাঁহার কোনও কার্যভার গ্রহণ করিতেন, তখন, কি জানি কেন, তিনি সম্পূর্ণ নিশ্চিন্ত হইতে পারিতেন।—তিনি ত জানিতেন না যে, যে বুদ্ধিহীনা সাধবীর অন্তরতম প্রদেশ পতির অন্তরব্যথায় ব্যথিত হইয়া উঠে, তাহার স্বামীর ক্ষুদ্র একটি ফুৎকারে হুশ্চিন্তার মেঘ এক মুহূর্ত্তে ছিন্ন ভিন্ন হইয়া যায়।

সেই দিন দিবাবসান কালে ছোটবধূঠাকুরাণী বড় বধূঠাকুরাণীর সহিত সাক্ষাৎ করিলেন। সেই দিন কৃষ্ণকিশোর পরীক্ষার কল জানিবার জন্য কলিকাতায় যাওয়ার, তিনি নিষ্কর্মা

হইয়া একাকীই বাটীতে বসিয়া ছিলেন। ছোটবধূঠাকুরাণী তাঁহাকে সকল কথা বলিয়া, বাটী ক্রয় জন্য অনুরোধ করিলেন।

শুনিয়া বড়বধূঠাকুরাণী কহিলেন—“দেখ, ছোট বৌ, আমার হাতে যদি এখন চল্লিশ হাজার টাকা থাকত, তাহলে, আমি চল্লিশ হাজার টাকা দিয়েই বাড়ীটা কিনতাম। কিন্তু এখন আমি ত্রিশ হাজার টাকোর বেশী খরচ করতে পারবে না। এতে যদি ঠাকুরপো রাজি হ'ন, তা'হলে একটা লেখাপড়া করে দিয়ে, টাকাটা আমার কাছ থেকে নিয়ে যেতে বলা। বলা, যে লেখা পড়াটা জেলায় গিয়ে কোনও উকীলের দ্বারা করলেই ভাল হয়। আর বাড়ী আনাকে বিক্রি না ক'রে কৃষ্ণকিশোরকেই বিক্রি করবেন। আরও একটা কথা শুনে যাও। ভাইপোকে বিক্রি করছেন বলে হয়ত তাঁর একটা লজ্জাবোধ হ'তে পারে। তাই তা'কে বলবে যে, দলিলে বিক্রি বখাটা না লিখে, তিনি লিখবেন যে ভাইপো এই বাড়ী নিতে ইচ্ছুক হওয়ায়, তার প্রতি স্নেহ-বশতঃ কেবলমাত্র ত্রিশ হাজার টাকা নিয়ে তিনি ঐ বাড়ী তাকে দান করলেন।

ছোটবাবু মহাশয় যথাকালে সংবাদটা শ্রবণ করিলেন; এবং মনে করিলেন যে বিক্রয়ের লজ্জা হইতে পরিত্রাণ পাইয়া, দানের গৌরবলাভ করিবার জন্য, দশহাজার টাকা কম মূল্য অনায়াসেই গ্রহণ করিতে পারা যায়। তিনি আরও ভাবিলেন যে এই ত্রিশ হাজার টাকাটাই সত্ত্ব হস্তগত করিতে পারিলে, তিনি পাণ্ডিত্যদারগণকে আশু নিবৃত্তি করিতে পারিবেন।

অতএব তিনি পরদিনই জেলার নগরে যাইয়া উকিলের দ্বারা দানপত্র বা বিক্রয়ের খসড়া প্রস্তুত করিয়া আনিয়া বড়বধু-ঠাকুরাণীকে তাহা দেখাইলেন ; এবং আর একদিন পরে উপযুক্ত ষ্ট্যাম্প দলিল লিখিয়া উহা রেজেষ্ট্রারি করিলেন ; এবং সন্ধ্যাকালে বাটী ফিরিয়া আসিয়া দলিলখানি বড়বধুঠাকুরাণীর নিকট পাঠাইয়া ষা ত্রিশ সহস্র মূদ্রা গ্রহণ করিলেন । আরও দুই দিন পরে তিনি বাটীর দখল ত্যাগ করিয়া সপরিবারে বাগান বাটিতে যাইয়া বাস করিলেন ।

কৃষ্ণকিশোর বা রাধাকিশোর কেহই এ সংবাদ শুনিла না ।— দুইজনই তখন প্রেমরঙ্গমঞ্চে নবপ্রেমাভিনয়ে প্রবৃত্ত ছিল ; একজন বিবাহের আর একজন মধুঃ বিলাসের অভিনয়ে ব্যাপ্ত ছিল ।

চতুর্বিংশ পরিচ্ছেদ

পরীক্ষার ফল

পরদিন বন্ধুবরের মৎকুণালঙ্কৃত শয্যা ত্যাগ করিয়া কৃষ্ণকিশোর মুখহাত ধুইয়া ও বস্ত্র পরিবর্তন করিয়া প্রাতঃকালে বাহির হইয়া পড়িল।

চলিতে চলিতে প্রভাতপবনে তাহার উত্তরীয়াক্ষণ উড়িতেছিল, তাহার হস্তদ্বয় ছলিতেছিল, তাহার প্রশস্ত বক্ষঃ মারুতালিঙ্গনে ক্ষীণ হইয়া উঠিয়াছিল; তাহার অন্তর মধ্যে মোহিনী আশা ক্রীড়া করিতেছিল। প্রভাতালোকে বহির্জগৎ যেমন প্রফুল্ল হইয়া উঠিয়াছিল, উজ্জল আশায় তাহার হৃদয়ও তেমনই প্রফুল্ল হইয়াছিল। আশা তাহার কাণের কাছে বলিয়া দিতেছিল যে, নিশ্চয়ই সেই মনোমোহিনী কিশোরীর চন্দ্রালোকিত মুখচন্দ্র অন্বিলম্বে, পূর্ণচন্দ্রের স্থায় তাহার হৃদয়গগন আলোকিত করিবে। যেমন করিয়া হউক সে নিশ্চয় তাহাকে বিবাহ করিবে; নিশ্চয়ই সে অগ্র কাহারও বধু হইবে না। কৃষ্ণকিশোর ভাবপ্রবণতার স্রোতে পড়িয়া একটা কথা ভাবিতে ভুলিয়া গিয়াছিল। সে ভাবে নাই যে, কাহাকেও বিবাহ করিতে হইলে অগ্র সে কথা মাতাকে জ্ঞাপন করা কর্তব্য; ইহাও চিন্তা করিয়া দেখে নাই যে, সে কথাটা মাতার নিকট প্রকাশ করা কতটা হুরহ ও লজ্জাকর ব্যাপার।

কৃষ্ণকিশোর যখন পথ পরিভ্রমণ করিতে করিতে অত্যন্ত অস্থিরানন্দ উপভোগ করিতেছিল, তখন বাহিরেরও তাহার অন্ত একটা আনন্দ অপেক্ষা করিতেছিল।

যে পথে কৃষ্ণকিশোর ভ্রমণ করিতেছিল, সে দেখিল সেই পথেই তাহাদের কলেজের ইংরাজির প্রকেমার দুই তিনটি ছাত্র দ্বারা পরিবেষ্টিত হইয়া পরিভ্রমণ করিতেছেন। দেখিয়া সে তাহাদের দিকে অগ্রসর হইল।

তাহাকে দেখিয়া, অধ্যাপক মহাশয় আনন্দিত হইয়া উঠিলেন। অগ্রসর মুখে জিজ্ঞাসা করিলেন,—“এই যে কৃষ্ণকিশোর! তুমি দেশ থেকে কবে এলে?”

কৃষ্ণকিশোর বিনয় প্রদর্শন করিয়া বলিল,—“আজ্ঞে আমি কাল এখানে এসেছি।”

অধ্যাপক আবার জিজ্ঞাসা করিলেন,—“এখন কলকাতায় কোন দরকার আছে কি?”

কৃষ্ণকিশোর কহিল,—“অন্য কিছু দরকার নেই। পরীক্ষার ফল জানতে এসেছিলাম।”

অধ্যাপক আবার প্রশ্ন করিলেন,—“জানত পেয়েছ কি?”

কৃষ্ণকিশোর। আজ্ঞে না; শুনিছি, পরন্তু শনিবারে আগে খবরটা জানতে পারা যাবে না।

অধ্যাপক। হাঁ, শনিবারের আগে শেষ মীমাংসা হবে না। তবে এ বিষয়ে তোমাকে বোধ হয় আমি একটু সাহায্য করতে

পারি। তুমি খাওয়া দাওয়ার পর একবার আমার সঙ্গে দেখা কর; আজ আমি দুই এক ঘণ্টার জন্যে কলেজে যাব।

কৃষ্ণকিশোর অধ্যাপকের নিকট বিদায় গ্রহণ করিয়া, কিয়ৎকাল গোলদীঘির তৃণাচ্ছাদিত তীরভূমিতে বিচরণ করিয়া, বন্ধুবরের ছারপোকাগন্ধামোদিত শয্যায় আশ্রয়ে ফিরিয়া আসিল।

বৃদ্ধা ঝি পুরস্কারদাতা বাবুর প্রতি অত্যন্ত স্নেহময়ী হইয়া উঠিয়াছিল। সে তাড়াতাড়ি দীর্ঘ সঁড়ি অতিক্রম করিয়া ত্রিতলে আসিয়া জিজ্ঞাসা করিল,—“বাবু, সামনের দোকান থেকে এক পেয়লা চা এনে দেব কি? বেশ ভাল চা। এ বাসার সকল বাবুই ঐ দোকানের চা খেতেন।”

কৃষ্ণকিশোর কহিল,—“চা আমি খাইনে। তুমি একটা পাতিনেবু আর একটু মিছরি কিনে এনে আমাকে একটু সরবত করে দিতে পার ত ভাল হয়।”

ঝি কৃষ্ণকিশোরের নিকট কয়েকটা পয়সা চাহিয়া লইয়া অবিলম্বে নেবু ও মিছরি ক্রয় করিয়া আনিল; এবং বাকী পয়সা আপন বসনাঞ্চলে বাঁধিয়া কৃষ্ণকিশোরকে শীতল সরবৎ করিয়া দিল। কৃষ্ণকিশোর উহা পান করিলে, ঝি জিজ্ঞাসা করিল,—“বামুন ঠাকুরকে কি কি রাঁধবার কথা বলবো, বাবু?”

কৃষ্ণকিশোর কহিল,—“এই নাছের ঝোল, আলুভাতে, ভাত আর একটা কিছু অমল হ'লেই হ'বে এখন। আর বামুন ঠাকুরকে বলো, যে আমি এগারটার আগেই খাব।” এই বলিয়া

কৃষ্ণকিশোর বাজার খরচ জ্ঞাত ঝির হাতে অর্থ প্রদান করিল।

ঝি তাহা গ্রহণ করিয়া স্তম্ভচিন্তে প্রশ্ন করিল।

কৃষ্ণকিশোর আবার নীরবে বসিয়া আপনার মধুর চিন্তায় মনোনিবেশ করিল; এইরূপে দুই তিন ঘণ্টা অতীত হইল। তাহার পর স্নানহার করিয়া সে কলেজের দিকে অগ্রসর হইল।

কলেজে আসিয়া সে দেখিল যে তখনও সেই অধ্যাপক কলেজে আসেন নাই। তখন গ্রীষ্মাবকাশের ছুটি থাকার কোনও ছাত্রে সহিত তাহার সাক্ষাৎ হইল না। সে দেখিল সেখানে কেবল মাত্র একজন অধ্যাপক, আর লাইব্রেরিয়ান ও কেরানী বাবুগণ উপস্থিত আছেন। সে হংরাজির অধ্যাপকের আগমন প্রতীক্ষায় সিঁড়ির কাছে একথানা বেঞ্চের উপর বসিয়া রহিল।

কিয়ৎকাল মধ্যে অধ্যাপক মহাশয় কলেজে আসিয়া পৌঁছিলেন। তিনি সিঁড়ির নিকট কৃষ্ণকিশোরকে দেখিয়া হর্ষপ্রকল্প মুখে কহিলেন,—“এস, আমার সঙ্গে উপরে এস।”

কৃষ্ণকিশোর দাঁড়াইয়া তাঁহাকে নমস্কার করিয়া তাঁহার অনুগমন করিল।

ধীরে ধীরে অধিরোহিনীশ্রেণীতে আরোহণ করিতে করিতে অপেক্ষাকৃত মৃদু স্বরে কহিলেন,—“তুমি পাশ হ'য়েছ। আর ইংরাজি অনার্সে প্রথম স্থান অধিকার করেছ।”

কৃষ্ণকিশোরের হৃদয়, আনন্দবেগে এবং ভগবানের প্রতি কৃতজ্ঞতার, দুর্ক দুর্ক কাঁপিয়া উঠিল।

অধ্যাপক মহাশয় বলিয়া যাইতে লাগিলেন—“শোন, তোমার কৃতকার্যতার জন্য আমাদের ভারি আনন্দ হয়েছে, আর মনে মনে একটা গৌরবও বোধ করছি। এই পাশের খবরটা আমি সকালেই তোমাকে দিতে পারতাম; কিন্তু সে সময় আমার সঙ্গে অন্য ছাত্র ছিল; তাদের সম্মুখে গেজেট হবার আগে পরীক্ষার ফল প্রকাশ করা আমার উদ্দেশ্য ছিল না। তুমিও এ খবরটা আপাততঃ গোপনেই রেখ।”

কৃষ্ণকিশোর আপনার প্রতিশ্রুতি জানাইয়া করিল—“কিন্তু যদি আরও কিছু জানতে দেন, তাহলে বড় উপকার হয়। আমার এক বন্ধু উমাপদ বসু বি, এসসি পরীক্ষা দিয়েছিল।”

অধ্যাপক কহিলেন,—“ওঃ! উমাপদ বসু! উমাপদ বসু! অঙ্কের অধ্যাপকের কাছে শুনছিলাম সে নাকি অঙ্ক অনাসে তৃতীয় স্থান পেয়েছে।”

কৃষ্ণকিশোর জিজ্ঞাসা করিল,—“আর রাধাকিশোর সিংহ?”

অধ্যাপক প্রবীণতা প্রাপ্ত হইয়াছিলেন: তিনি অপ্রিয় সত্য প্রকাশ করিলেন না। কহিলেন,—“সকল নাম আমি মনে রাখতে পারিনি। তুমি পণ্ড শনিবার বেলা তিনটার পর আর একবার কলেজে এসে রাধাকিশোরের খবরটা শ্রেনে নিও।”

কৃষ্ণকিশোর কলেজ লাইব্রেরীতে দুই তিন ঘণ্টা অতিবাহিত করিয়া, সন্ধ্যাপর্যন্ত গোলদীঘির ধারে একটা বেঞ্চে উপবেশন করিয়া কাটাইয়া, সন্ধ্যার পর বন্ধুবরের ছারপোকাসেবিত শস্যায় প্রত্যগত হইল।

সেই শস্যের বসিয়া মৎকুণদংশন জালা ভুলিয়া সে আপন হৃদয়ের অসৌম আনন্দ উপভোগ করিতে লাগিল। কিন্তু আপন পরিশ্রম সার্থক হইয়াছিল বলিয়া যে আনন্দিত হয় নাই। সে আনন্দিত হইয়াছিল, সে মনোনীতা অনিন্দিতা ভাবী বধুর আরও উপযুক্ত হইয়াছে বলিয়া।—সে কি আনন্দ, তাহা, তাহার মত অবস্থার পড়িয়া যে না উপভোগ করিয়াছে, সে কখনই অনুভব করিতে পারিবে বা। বুঝি মালাকর ইষ্টদেবীকে উপহার দিবার জন্য সর্বশ্রেষ্ঠ মালা গাঁথিয়া যে চিত্তপ্রসাদ অনুভব করে, অথবা স্নানপূর্ণ স্বর্ণকার প্রাণাধিকা প্রণয়িনীর জন্য স্বহস্তে সর্বাঙ্গসুন্দর স্বর্ণলকার গড়িয়া যে মহানন্দ প্রাপ্ত হয়, কৃষ্ণকশোরের মনে সেই চিত্তপ্রসাদের সেই মহানন্দেরই সঞ্চার হইয়াছিল।

পঞ্চবিংশ পরিচ্ছেদ

পত্র কোথায় গেল ?

সতীর্থ-বন্ধু শ্রীমান উমাপদ বসুকে কৃষ্ণকিশোর যে পত্র লিখিয়াছিল, তাহা কোথায় গেল ? এস, আমরা তাহার অনুসন্ধান করি। কৃষ্ণকিশোর কলিকাতায় আসিয়া বুঝিয়াছিল যে বন্ধু কলিকাতায় উপস্থিত না থাকায় ঐ পত্র পার নাই ; ইহা বুঝিয়া সে সেই পত্র সম্বন্ধে কোন চিন্তা করে নাই ;—সেই জ্যোৎস্নাময়ীর চিন্তা ছাড়া এক্ষণে আর কোনও প্রকার চিন্তা করিবার অবসর তাহার ছিল না। কিন্তু আমরা সেই অত্যাবশ্যক পত্রের পশ্চাদানুসরণ করিব।

পত্রখানি তাজপুর ডাকঘরে চিঠিরবাক্সে করেক ঘণ্টা পতিত থাকিয়া, অল্প কতকগুলি পত্রের আলিঙ্গনবদ্ধ হইয়া নিরাপদে বিশ্রাম সুখ উপভোগ করিল। পরে এক পিয়ন সহস্রাবাহী পত্রগণসহ একত্র করিয়া, উহাকে বাক্সের বাহিরে আনিয়া টেবিলের উপর রাখিল। টেবিলের একপার্শ্বে চন্দ্রসদৃশ এক খণ্ড রবারের দ্বারা বিরচিত ক্ষুদ্র একটি শয্যা বিস্তৃত ছিল। অস্তাগ্র সহস্রাবাহীর দ্বার কৃষ্ণকিশোরের পত্র খানিকেও ঐ ক্ষুদ্র শয্যার উপর শায়িত করিয়া আর একজন পিয়ন উহার খেত বন্ধে মৌহগঠিত মোহরের দ্বারা মজোরে নির্দিষ্ট প্রহার করিয়া উহাতে

পোষ্ট অফিসের কক্ষ নাম এবং খুঁটির তারিখ অঙ্কিত করিয়া দিল। তাহার পর দরিদ্র পোষ্টকার্ড এবং স্ফীতোদর ধনী পুলিশাগণের সহিত উহাকে এক চটরচিত খলিয়ার উদর মধ্যে পুরিয়া ফেলিল ; এবং খলিয়ার মুখ চাবির দ্বারা বন্ধ করিয়া, পুনরায় সেই মুখে রজ্জু বাঁধিয়া, রজ্জু গ্রন্থিতে তপ্ত গালা লাগাইয়া, গালার উপর শীলমোহর করিল। তখন পোষ্টমাষ্টার বাবু আপনার কষ্টকর কাঠাসন ত্যাগ করিয়া কষ্টে গাত্রোত্থান করিয়া শীল মোহর পরীক্ষা করিলেন। যথাকালে, দেবাদিদেব মহাদেবের পুটালি ও ত্রিশূল বাহী অনুচর শ্রীমান্ নন্দীর স্যায়, 'রণার' নামক পুটালি ও বল্লমধারী একটি জীব বল্লম-নিকণ-নির্নাদে পোষ্টাফিসের দ্বারে আসিয়া দাঁড়াইল।

পোষ্টমাষ্টার বাবু আবার তাঁহার কাঠাসন কষ্টে ত্যাগ করিয়া ছুটিয়া আসিয়া স্বয়ং সেই নন্দীকৃপী রণারের অভ্যর্থনা করিলেন।

শ্রীমান্ রণার পুঙ্গব নিকণনির্নাদিত বল্লমসহ পুটালিটি পোষ্টমাষ্টার বাবুর চটি-চট্‌চটানিত পদশ্রান্তে উপহার প্রদান করিয়া একটি টেবিলের পার্শ্বে উপবেশন করিল, এবং কীর্ণ কটিতট হইতে গোলাপমাল্য তুল্যা গামছাবন্ধন ধুলিয়া তদ্বারা আপন মুকুক্ষণ মুখমধুরিমা মুছিল, ও তদ্বারা অপূর্ব চামর রচনা করিয়া আপন কক্ষ শিলাখণ্ডের স্তায় বন্ধে ব্যজন করিল।

কিঞ্চৎকাল পরে একজন পিরন তাহাকে নিভৃতে লইয়া তাহার হস্তে প্রঞ্জলিত ভাস্কর্যপূর্ণ কলিকাটি প্রদান করিল, রণার এবর দুইটি কক্ষ ও দৃঢ় করণুটে এক অপূর্ব হকা

রচনা করিয়া, তন্মধ্যে কলিকাটি সংস্থাপিত করিয়া, মদ্যপান-
ভুরের গ্রাণ, মহা আগ্রহে ধূমপান করিল। ইত্যবসরে অত্র
পিয়ন তাঁহার বল্লমের অগ্রভাগ হইতে ডাকের আগত খলিয়াটি
খলিয়া লইয়া, উহাতে পূর্ব বর্ণিত তাজপুরের খলিয়াটি বাধিয়া
দিল। আরও কয়েক মিনিট পরে রণার আবার আপনার
গামছা বন্ধনে কটিতট বাধিয়া, খলিয়ার সজ্জিত বল্লমটি স্বন্ধে
লইয়া রুণু রুণু বোলে রেলস্টেশনের দিকে ধাবিত হইল।

যথাকালে রেল স্টেশনে নিয়মিত ট্রেন আসিল। খলিয়াটি ট্রেনের
রক্তবর্ণ গাড়ীতে আরোহণ করিয়া মেল সর্টারের (Mail sorter)
চাতে পড়িল। মেল সর্টার যে স্থানের যে পত্র তাহা পৃথক
করিয়া ভিন্ন ভিন্ন খলিয়ার মধ্যে তাহা পুরিয়া স্টেশনে স্টেশনে
নামাইয়া দিতে লাগিল।

কৃষ্ণকিশোরের পত্র যথা সময়ে কলিকাতার পৌছিল।
খাকী পরিচ্ছদ ও উষ্ণীষধারী নাগরিক পিয়ন অন্তান্ত পত্রের
সহিত উহা গ্রহণ করিয়া বিলি করিতে বাহির হইল।

সে অল্পকাল মধ্যে ৭৭ নং বাটার দ্বারে উপস্থিত হইয়া
হাকিল,—“বাবু উমাপদ বসু একটা চিঠি আছে।”

আমাদের পরিচিত সেই বায়ুনঠাকুর রামাধর হইতে বলিল,
—“উমাপদ বাবুর কলেজ বন্ধ হইয়াছে; তিনি দেশে
গেছেন।”

ডাক পিয়ন বিজ্ঞাসা করিল,—“দেশের ঠিকানা?”

বায়ুন ঠাকুর কহিল,—“দেশের ঠিকানা, আশ্রয় জানিনা।”

ডাক পিয়ন আবার জিজ্ঞাসা করিল,—“আজ কালের মধ্যে কিরবেন কি ?”

বামুন ঠাকুর বলিল,—“না। বোধ হয় দেড় মাস কি দুমাসের আগে কিরবেন না।”

তখন ডাক পিয়ন পত্রের আবরণের পৃষ্ঠে পেন্সিলে লিখিল “মালিক হাজীর নাট”; অতঃপর সে পত্রখানি, আপনার চম্ব পেটিকার মধ্যে ফেলিয়া অন্যান্য পত্র বিলি করিয়া ঘুরিয়া বেড়াহতে লাগল; তাহার পর যথাকালে পত্রখানি ডাকঘরে ফেরত দিল।

ঐ পত্র স্বন্ধে কয়েকদিন ডাক বিভাগীয় তদন্ত চলিল। তাহার পর ডাকবারু উহাতে একটি unclaimed letter এর slip (চিরকুট) সংলগ্ন করিয়া, পত্রাবরণের বামপার্শ্বে কৃষ্ণ কিশোরের নাম দেখিয়া লিখিলেন,—

“Returned to

Babu Krisna kisor Sing,

Tajpure Post office.

সলাটে উল্লিখিত বিচিত্র বিজয় পত্র ধারণ করিয়া, তিন চারিটি মোহরাঙ্কিত পত্রখানি আবার তাজপুরের ডাকঘরে কিরিয়া আসিল। তাজপুর ডাকঘরের ডাকপিয়ন বাগান বাড়ীর কাছারী ঘরে আসিয়া উহা গোমস্তার হস্তে সমর্পণ করিল।

তাহার পূর্বদিন কৃষ্ণকিশোর পরীক্ষার কল আনিবার জন্ত কলিকাতায় গিয়াছিল। অতএব কৃষ্ণকিশোরের অভাবে গোমস্তা

সেই বিচিত্র পত্র গ্রহণ করিয়া কিছু চিন্তাবিহীন মনে কত্রী ঠাকুরাণীর নিকট আসিল।

কত্রী ঠাকুরাণী পত্রখানি হস্তে তুলিয়া লইয়া উহার আবরণ উন্মুল্লুপে পরীক্ষা করিয়া বুঝিলেন যে কৃষ্ণকিশোর দুই সপ্তাহ পূর্বে উমাপদ বসু নামক কোনও লোককে ৭৭ নং ঠিকানার এক পত্র লিখিয়াছিল; উমাপদ বসু ঐ ঠিকানার না থাকায়, পত্র প্রেরকের নিকট ফিরিয়া আসিয়াছে। মাতা ভাবিলেন, কিন্তু এই উমাপদ বসু কে? এবং তাকে কৃষ্ণকিশোর পত্র লিখিল কেন? মাতার যে স্নেহময় দৃষ্টি এবাবৎ পুত্রের প্রত্যেক অঙ্গ সঞ্চালনের প্রত্যেক পদক্ষেপের পশ্চাতে পশ্চাতে ফিরিতেছে, তাকে প্রবঞ্চিত করিয়া সে কিরূপে কখন এই পত্র লিখিল? মাতার মনোমধ্যে সহজেই নানা প্রকার চিন্তার উদয় হইল। মাতা একবার মনে করিলেন, হয়ত উমাপদ বসু কৃষ্ণকিশোরের কলেজের কোন সহাধ্যায়ী বা অধ্যাপকের নাম; হয়ত পরীক্ষার ফল জানিবার জন্ত সে তাকে পত্র লিখিয়া ছিল। এই পত্র বিলি না হওয়ার এবং ভ্রূজু উহার কোনও উত্তর না আসায়, বুঝি, সে নিজেই কলিকাতায় গিয়াছে। কিন্তু আপনার মানসিক প্রবলের এই মানসিক সমাধান দ্বারা একমাত্র পুত্রের শুভাকাঙ্ক্ষিনী মাতা সন্তুষ্ট থাকিতে পারিলেন না। তিনি ভাবিলেন, হয়ত ঐ পত্র মধ্যে এমন কোনও কথা আছে, এমন কোনও গোপন অভিলাষের কথা প্রকাশিত আছে, যাহা সে লজ্জা ভয়ে মাতার নিকট

প্রকাশ করিতে পারে নাই। সেই অভিলাষটি কি, তাহা হ্রত, এই পত্র খানা আবরণোন্মোচন করিয়া পাঠ করিলেই জানিতে পারা যাইবে। সেই অভিলাষ পূর্ণ করিবার জন্ত অথবা তাহা হুঁষ্ট হইলে তাহা দমন করিবার জন্ত যে কোনও উপায়ে অভিলাষটি কি তাহা জানা মঙ্গলার্থিনী মাতার কর্তব্য। ফলতঃ অন্তের পত্র পাঠ করা—সে অণু জন আপন গর্ভজ পুত্র হইলেও যে অন্তায় কর্ম এই বিজাতীয় নীতিটি অগ্রাণু বঙ্গ মলনার গায় তিনিও হৃদয়ঙ্গম করিতে পারিতেন না।

অতএব কতকটা উৎসুক্য লইয়া, কতকটা পুত্রের অভিলাষ পূর্ণ করিবার লালসা লইয়া, এবং কতকটা বিজাতীয় নীতিজ্ঞান বিহীনা হইয়া আগ্রহময়ী স্নেহময়ী মাতা পুত্রের লিখিত পত্র খানা আবরণোন্মোচন করিয়া পাঠ করিলেন।

এই পত্রে কি লিখিত ছিল, তাহা তোমরা অবগত আছ।

ষড়বিংশ পরিচ্ছেদ

গোমস্তার দুশ্চিন্তা ।

মাতা কৃষ্ণকিশোরের পত্র পাঠ করিয়া মনে মনে হাসিলেন । মনে মনে কহিলেন,—“ওরে বাছা ! রাধাকিশোরের বিয়ে দেখে তোরাও একটা বিয়ে করতে ইচ্ছে গেছে ! তা, আমি তোরা বিয়ে দেব ; তোরা সেই পছন্দ করা মেয়ে যদি কায়েতের মেয়ে হয়, তবে তারই সঙ্গে তোরা বিয়ে দেব । কিন্তু ওরে ছুটু ! তুই সেকথাটা তোরা মার কাছ থেকে লুকাতে চাইলি কেন ? এর জন্যে কিন্তু আমি তোকে একটু দ্বন্দ করবো ।”

মনে মনে একটা মংলব স্থির করিয়া তিনি পরদিন প্রভাতে উঠিয়া একখানি পত্রিকা লইয়া বিশেষ মনোযোগের সহিত কি দেখিলেন । তাহার পর, বৃদ্ধ গোমস্তাকে ডাকিয়া পাঠাইলেন ।

গোমস্তাকে সমাগত দেখিয়া কতী কহিলেন,—“দাঁড়াও, একটা বিশেষ কাষে তোমাকে আজই কলকাতার যেতে হ'বে ।”

গোমস্তা । কিন্তু, মা, ছোটবাবু মশায় বাড়ী বিক্রীর কোবালা খানা আজ রেজিষ্টারি করে দেবেন বলে আজ আমার জেলার বাবার কথা ছিল ।

“কতী । কিন্তু জেলার যাওয়ার চেয়ে, কলকাতার যাওয়া বেশী দরকার হ'য়ে পড়েছে ।

গোমস্তা। কলকাতার কখন যেতে হ'বে ?

কর্তা। এখনই। এখন ক'টা বাজেছে ?

গোমস্তা। এখনও দাতটা বাজেনি।

কর্তা। তাহলে তুমি পৌনে আটটার গাড়ী অনারামে ধরতে পারবে। পৌনে আটটার গাড়ী ধরতে পারলে, তুমি কখন কলকাতায় পৌঁছতে পারবে ?

গোমস্তা। বোধ হয় এগারটা বাজবে।

কর্তা। বেশ, ঐ সময় তুমি শেরালাদা ষ্টেশনে কিছু জলখাবার খেয়ে, নিম্নে ** ষ্ট্রীটে যাবে। ঐ ষ্ট্রীটে ৭৭ নম্বর বাড়ী খুঁজে নেবে। ৭৭ নম্বর বাড়ীতে চকুতে হ'বে না। ঐ ৭৭ নম্বর বাড়ীর দক্ষিণ দিকে একটা সরু গলি দেখতে পাবে। ঐ গলির দক্ষিণ দিকে একটা তেতলা বাড়ী দেখতে পাবে। প্রথমে ঐ তেতলা বাড়ীর নম্বরটা জেনে নেবে; বোধ হয়, সেটা ৭৬ কি ৭৮ নম্বর বাড়ী হ'বে। তার পর কোনও রকমে ঐ বাড়ীর কর্তার নাম জেনে নেবে; আর তাঁর অন্তিম পরিচয় সংগ্রহ করবে।

গোমস্তা। এসবই আমি করতে পারবো।

কর্তা। দাঁড়াও, এখনও আমার কথা শেষ হয়'ন। সেই বাড়ীর কর্তা যদি কার'ই ছাড়া অপর কোনও জাতি হ'ন, তাহলে তাঁর সঙ্গে দেখা না করে, আজই তাজপুরে কেবল এসে আমাকে সে সংবাদ দেবে।

গোমস্তা। আর তিনি যদি আমাদের দক্ষিণ রাঢ়ী কার'ই হ'ন ?

কর্তা। ভালই ; উক্ত রাঢ়ী হ'লেও কতি হ'বে না। তাঁকে কারস্থ বলে জানতে পারলেই তাঁর সঙ্গে দেখা করবে। তার পর, তাঁকে জিজ্ঞাসা করলে জানতে পারবে যে, তাঁর বিবাহযোগ্য এক মেয়ে আছে। সেই মেয়ের সঙ্গে আমি কৃষ্ণকিশোরের বিয়ে দিতে চাই।—বুঝলে ?

গোমস্তা। কিন্তু বিয়ের আগে মেয়েটিকে একবার স্বচক্ষে — =

কর্তা। না, মেয়েটিকে আমাদের দেখবার দরকার নেই। তুমি মেয়ের বাপকেও সেই কথাই বলো। আগামী আষাঢ় মাসের ১৩ তারিখে শুভ দিন আছে ; সেই দিনই আমার বিয়ে দেবার ইচ্ছা, একথাও বলে এসো। আর তিনি যদি জিজ্ঞাসা করেন, তবে কৃষ্ণকিশোরের বিয়াবুদ্ধির কথা, তার আর্থিক অবস্থার কথা, তার রূপশুণের কথা, যেমন তুমি জান, সব ঠিক ঠিক বলো ; একটুও বাড়িয়ে বলো না। তারপর সকল কথা শুনে যদি তিনি কৃষ্ণকিশোরকে দেখতে চান, তাঁকে পাঁচ ছ'দিন বাদে এখানে আসতে বলো।

গোমস্তা। আর দেনা পাওনার কথা ?

কর্তা। দেনা পাওনার কথা কিছুই বলবে না।

গোমস্তা। মেয়ের বাপ যদি জিজ্ঞাসা করেন ?

কর্তা। তাহলে বলবে যে তিনি অনুগ্রহ করে বা দেবেন তাঁই তাঁরে দেনা, আর তাই আমাদের পাওনা ; তাঁর মেয়েটিকে ছাড়া আর আমরা কিছুই চাইনে। তার সঙ্গে কথাবার্তার সময় তুমি একটা কথা বিশেষ করে মনে রেখো যে, যেমন করে



नदक

পারি আমি সেই মেয়ের সঙ্গে কৃষ্ণকিশোরের বিয়ে দেবই ; আর সে বিয়েটা ঐ ১৩ই আষাঢ় তারখেই হ'বে। তুমি আজই সন্ধ্যার আগে ফেরত এসে আমাকে সকল খবর দেবে।

গোমস্তা। কিন্তু, মা, কলকাতার বাওয়াটা একদিন পেছিয়ে দিলেও ত চলত। আমার ইচ্ছা হ'য়েছিল যে ছোটবাবু মহাশয়ের সঙ্গে জেলায় গিয়ে, বাড়ী বিক্রির কোবালা খানা স্বচক্ষে দেখে শুনে ঠিক করে নিই ; এসব কাজ একটু দেখে শুনে নেওয়া ভাল।

কর্তা। সে বিষয়ে তোমার কোনও ভাবনা নেই। একটা কথা তুমি ভুলে যেয়ো না। ছোট বাবু আর যাই হউন না কেন, তাজপুরের জমীদার গোপীতে তাঁহার জন্ম, তিনি স্বৈচ্ছায় কখনও কাউকে প্রবঞ্চনা করবেন না। আর তাঁর কৃষ্ণকিশোরকে কতটা নিজের স্বর্গ থেকে রক্ষা করছেন ; চেষ্টা করলেও, এই পৃথিবীতে কেউই তাকে ঠকাতে পারেনা। এখন তুমি আর কথাবার্তার সময় নষ্ট করো না। খরচ পত্র নিয়ে বেরিয়ে পড়ো।

গোমস্তাকে বিদায় দিবার পর, কর্তা ঠাকুরাণীর মনে পড়িয়া গেল যে সেই কন্যা এখনও অবিবাহিতা আছে কিনা কৃষ্ণকিশোরের মনে সে বিষয়ে সন্দেহ আছে। কন্যা যদি বিবাহিতা হইয়া থাকে তাহা হইলে কি করা কর্তব্য, সে সবকিছু ত গোমস্তাকে কোনও উপদেশ দেওয়া হইল না। এতএব তিনি গোমস্তাকে পুনরায় আহ্বান করিবার জন্য উদ্যত হইলেন। কিন্তু পরক্ষণেই

তাঁহার আশা-প্রকল্প হৃদয়ে কে যেন মৃদু ও মধুর রবে বলিয়া গেল, না সেই কায়স্থ কন্যা বিবাহিতা হয় নাই; সে কৃষ্ণকিশোরেরই বধু হইবে। তিনি কাঁহাকে উদ্দেশে প্রণাম করিয়া গোমস্তাকে আর কিরাইলেন না।

গোমস্তা তাড়াতাড়ি স্নান স্নানপন করিয়া, একটু গুড়ভাজা মুখে দিয়া রেল ষ্টেশনের দিকে ছুটিল। শিয়ালদহের টিকিট কিনিল, ষ্টেশানে কলিকাতামুখা গাড়ী আসিলে তাহাতে আরোহণ করিল। কিন্তু এ কার্যে, সে নানারূপ ছশিচকার চক্ৰ হইতে পরিত্রাণ লাভ করিতে পারিল না। সত্য বটে, কত্রীঠাকুরাণী যখন তাহাকে এইকার্য করিতে আদেশ করিয়াছিলেন, তখন সে 'তাঁহার অদ্ভুত আদেশের প্রতিবাদ করিবার সংসাহস সংগ্রহ করিতে পারে নাই; কিন্তু এখন রেলগাড়ীর বেঞ্চের উপর বসিয়া বৃদ্ধ গোমস্তা ভাবিল যে, এবার তাঁহার আদেশের প্রতিবাদ না করিয়া বড়ই অগ্রাঘ করিয়াছে।—আজীবন যাহাদের লবণ খাইয়াছে, তাঁহাদেরই অনিষ্ট করা হইয়াছে। কত্রীঠাকুরাণী এযাবৎ আপন বৃদ্ধি অনুযায়ী কার্য করিয়া কখনও ঠকেন নাই বটে; কিন্তু এইবার এইরূপ অদ্ভুত ভাবে পুত্রের বিবাহ দিয়া নিশ্চয়ই ঠকিবেন। যাহার নামটি পর্যাপ্ত অবগত নহেন, যাহার জাতি বা বংশমর্যাদা অবিদিত, অবিবাহিতা কন্যা আছে কি না তাহিসময়েও সন্দেহ আছে, তাহার সহিত কুটুম্বিতা করিতে যাইলে নিশ্চয়ই ঠকিতে হইবে। আজ প্রভাতে উঠিয়া তাঁহার মাথায় কেন এই দুর্বুদ্ধির উদয় হইল, তাহা অন্তর্যামীও বলিতে পারেন

না। কন্যাকে না দেখিয়া তাহার সহিত একমাত্র পুত্রের বিবাহ দিয়া কতীঠাকুরানী কি গর্হিত কার্য্যই করিতেছেন। সে যদি কুৎসিতা হয়, এবং তজ্জন্ম পুত্র যদি তাঁহার প্রতি অনুরাগী না হয়, তাহা হইলে কতীঠাকুরানী জীবনে আর কোনও শান্তিই লাভ করিতে পারিবেন না। তাহার উপর, আবার বিবাহে কিছুই যৌতুক লইবেন না;—তাঁহার যাহা অনুগ্রহ করিয়া দিবেন; না!—এই কলিকালে মোড় না দিলে কি লোকে কিছু দেয়? বৃদ্ধ গোমস্তা নিশ্চয় জানিত যে, তাহার বালক প্রভু ছোটবাবু মহাশয়ের পুত্রগণ অপেক্ষা শত গুণে শ্রেষ্ঠ পাত্র। ছোটবাবুর চারি পুত্র একুনে যে সম্পত্তি পাইবে, তাহার বালক প্রভু একা তাহার দ্বিগুণ সম্পত্তির অধিকারী হইবে; তাহার প্রভু ছোটবাবুর পুত্রগণ অপেক্ষা সুরূপ, সুশীল, কৰ্ম্মঠ এবং অধিক বিদ্যাধিকারী। ছোটবাবু যদি পুত্রের বিবাহ দিয়া দশহাজার টাকা লইতে পারেন, তাহা হইলে, তাহার প্রভুর বিবাহে বিংশতি সহস্রেরও অধিক পাওকা উচিত ছিল। কিন্তু কি ভূদৈব! কতী ঠাকুরানী আজ প্রভাতে উঠিয়া অকস্মিক দুর্ব্বন্ধির বশে আপনার ও পুত্রের কি ক্ষতিই করিয়া ফেললেন! তাঁহার এই অবস্থা আদেশের প্রতিবাদ করা উচিত ছিল, কিন্তু গোমস্তা আপন মনোমধ্যে বিশেষ বিচার করিয়া দেখিল যে, তাঁহার সম্মুখে দাঁড়াইয়া তাঁহার আদেশের প্রতিবাদ কর চলে না; এবং তাঁহার নিকট হঠতে দূরে আসিয়া তাঁহার আদেশ অমান্য করাও একেবারে অসম্ভব!—তাঁহার

আদেশগুলি যেন প্রতিপালিত হইবার জন্যই ভগবান সৃষ্টি করিয়াছেন।

ছশ্চিৎকার সমস্যাতিবাহিত করিয়া গোমস্তা বেলা এগরটার শিয়লদহ ষ্টেশনে আসিয়া পৌছিল; এবং তাড়াতাড়ি কিছু জলভোগ করিয়া, ছেয়াভর বা আটভর নম্বরের অনুসন্ধান বাহির হইল।

সপ্তবিংশ পরিচ্ছেদ

গৃহিণীর রণরঙ্গিণী মূর্তি ।

ঠিক সেই সময়ে ইঞ্জিনিয়ার বাবু আপন বাটীতে আহার করিতে বসিয়াছিলেন । আমরা পূর্বে বলিয়াছি যে, তিনি কল্যা মোক্ষদার জন্ম সৎপাত্র অনুসন্ধান করিবার নিমিত্ত ছয়মাসের অবসর গ্রহণ করিয়াছিলেন । সে অবকাশ কাল এখনও শেষ হয় নাই । এইজন্য তিনি বেলা দশটার পূর্বে আহার না করিয়া, বেলা এগারটার সময়ই আহার করিতে বসিতেন ।

বামুনঠাকুর নামধারী একজন উড়িষ্যাদেশবাসী, একটা কাংসাস্থাগীতে অন্ন, এবং কৃষ্ণ, কপিশ, পিঙ্গল প্রভৃতি নানা বর্ণের, সুশীতল বা অত্যাধিক, বহুলধনাক্ত বা লবণহীন, স্নেহসিক্ত বা তৈলহীন ব্যঞ্জনোপকরণসকল সজ্জিত করিয়া, তাঁহার আসন সমক্ষে রক্ষা করিল । কল্যা মোক্ষদা কুঁজায় জল ও বরফ পূর্ণ করিয়া, এবং কুঁজার মুখে একটি রক্ত নিশ্চিত পানপাত্রের দ্বারা আবৃত করিয়া, ইঞ্জিনিয়ার বাবুর আসনের বামপার্শ্বে রক্ষা করিল ; এবং নিকটে তালবৃন্ত আনিয়া সন্মিতমুখে পিতাকে বাজন করিতে বসিল ।

গৃহিণী শাস্তিময়ী স্বানকক্ষে ছিলেন । ইঞ্জিনিয়ার বাবুর আহার অর্ধসমাপ্ত হইলে তিনি সুগন্ধী সাবান ও গন্ধতৈলের

সৌরভ ছড়াইয়া, সজল যুক্তকেশাগ্রে গ্রহি বাঁধিতে স্বাধিতে স্বামীর আহার স্থানে আগিয়া উপস্থিত হইলেন।

স্নানক্ষিণ্ড পত্নীর অনবদ্য কান্তি দেখিয়া ইঞ্জিনিয়ার বাবু মুগ্ধ হইলেন; এবং আশাষিত হৃদয়ে মনে করিলেন যে, আজ প্রিয়তমা পত্নীর সহিত সম্ভাষণ করিতে করিতে আহার সমাপন করিতে পারিবেন। কিন্তু তাহার ভাগ্যে বিধাতা অন্যপ্রকার বিধান লিখিয়া রাখিয়াছিলেন।

গৃহিণী ইঞ্জিনিয়ার বাবুর খাণ্ড পাত্রে নিকটে অগ্রসর হইয়া কহিলেন, “ওমা! আজ তোমার এখনও খাওয়া হয়নি? মেয়ের সঙ্গে অত বক্বক্ব করে বকলে খাওয়া ত এ জন্যে শেষ হ'বে না।

ইঞ্জিনিয়ার বাবু। তা' খাওয়াটা আগামী জন্ম পর্য্যন্ত টাঙ্ক মন্দ হয় না। কিন্তু কই, আমি ত মোক্ষদার সঙ্গে একটা কথাও কহিনি। কেবল ওর পাথার বাতাস বড় মিষ্টি লাগছে ব'লে, মনে মনে ওকে আশীর্বাদ করছি।

গৃহিণী। সুধু শুধুমুখে ঠক্ঠকে আশীর্বাদ সবাই করতে পারে। ওর বিরতে ওকে হীরা মুক্তা দিয়ে সাজাতে পারতে, তবে বুঝতাম ওর দিকে তোমার টান আছে।

বিবাহের প্রসঙ্গ উঠিতেই মোক্ষদার হৃদয়মধ্যে কাহার চন্দ্রা-লোকিত দীর্ঘ মেহের ছায়া পড়িত; তখন অন্য বিবাহের কথা তাহার ভাল লাগিত না। মাতার কথা শুনিয়া সে বিরক্ত হইয়া মনেমনে কহিল,—“ছাই বিয়ে! ছাই হীরা মুক্তা।” কিন্তু তাহার মনের বিরক্তভাব তাহার শাস্ত সিন্ধ মুখে প্রকাশিত হইল না।

সেই শান্ত ও মিশ্র মুখের দিকে মুগ্ধনেত্রে দৃষ্টিপাত করিয়া ইঞ্জিনিয়ার বাবু সম্মিত মুখে কহিলেন,—“সুখদা মোক্ষদা গঙ্গা। বল্ ত মা, তোর দিকে আমার টান আছে কিনা? আর সে টানটা তোর গঙ্গার টানের চেয়ে বেশী টান কি না? আর বল্ ত মা, তোর বাবার আশীর্বাদটা হীরামুক্তার গহনার চেয়ে ভাল কি না?”

মোক্ষদা পিতার আশীর্বাদই চায়; আর চায়, সেই আশীর্বাদের বলে, সেই নাম.....। সে আপনাকে সংযত করিল। ছি, ছি! তাহার মত অনুভূত কিশোরীর পক্ষে এক অজানিত পুরুষের পরিণয় কামনা যে মহাপাপ! সে আপন বক্ষের লজ্জা লইয়া আনত আননে বসিয়া রহিল; পিতার বাক্যের কোন উত্তর প্রদান করিল না।

গৃহিণী তাহাকে উত্তর দিবার অবসরও প্রদান করিলেন না; তিনি তাড়াতাড়ি কহিলেন,—“নাও, নাও, থাকো; আর রমিকতার কাজ নেই। মেয়ে চোদ্দ বছরের খাড়াই হ'ল; এখনও ওর বিয়ে দিতে পারলে না; ওর সঙ্গে কথা কহিতে লজ্জা হ'চ্ছে না?”

মোক্ষদা মূঢ় কণ্ঠে কহিল,—“মা তুমি বাবাকে আমার বিয়ের কথা কেন বল! আমি ত বিয়ে করতে চাচ্ছি।”

গৃহিণী কহিলেন,—“চাইলেই বা তোর বিয়ে দিচ্ছে কে? তোর আছে কে, যে তোর জন্তে একটা সম্পাত্ত খুঁজে দেবে? একটা ভাল পাওয়া গিয়েছিল, তা যে রকম গড়িমসী করছে সেখানে যে বিয়ে হয় এমন বোধ হয় না।”

ইঞ্জিনিয়ার বাবুর সন্মিত মুখ বিষন্ন হইয়া গেল। তিনি গৃহিণীর মুখের দিকে তাকাইয়া কাতর কণ্ঠে কহিলেন,—“ওর বিয়ে দেবার লোক আছে ; ওর বাবাই ওর বিয়ে দেবে। তোমার কোন ভাবনা নেই। আমি সংপাত্র খুঁজে বার করবই ; আর একমাসের মধ্যে ওর বিয়ে দেবই। আমি আজই রওনা হ’ব ; যদি এই মাসের মধ্যে সংপাত্র খুঁজে বার করতে না পারি, তাহলে, সত্যি বলছি, আর কখনও তোমাকে মুখ দেখাব না।”

পবন স্পর্শে স্থির মুকুরোপম সরোবর সগিল যেমন তরঙ্গিত হইয়া উঠে, ইঞ্জিনিয়ার বাবুর বাক্যে, একটা দারুণ সন্দেহের আন্দোলনে গৃহিণীর মানসিঞ্চ ললাটতল তেমনই বিকুদ্ধ হইয়া উঠিল ; তিনি আপনার কৃষ্ণক কুঞ্চিত করিয়া, তীক্ষ্ণ নয়নে সামীর দিকে দৃষ্টিপাত করিয়া কহিলেন,—“কেন, আবার পাত্র খুঁজতে বেরবে কেন ? তাড়পুরের সেই জমীদারের ছেলোটর সঙ্গে যে বিয়ের কথা হ’ছিল, তার কি হ’লো ?”

ইঞ্জিনিয়ার বাবু একটি দীর্ঘনিঃশ্বাস ত্যাগ করিয়া সংক্ষেপে কহিলেন,—“সেখানে বিয়ে হ’বে না।”

‘বিয়ে হবে না’—এই কথাটার মোক্ষদার মন হইতে যেন একটা মহাভার সরিয়া গেল।

গৃহিণী কণ্ঠস্বর কিছু উচ্চ করিয়া জিজ্ঞাসা করিলেন,—“কেন ? তুমিই ত ছেলে দেখে এসে বলেছিলে যে, ছেলেটি দেখতে শুনুতে আর লেখাপড়ায় সব রকমেই ভাল। তার উপর, তার বাবা মস্ত জমীদার। তাদের রাজবাড়ীর মত প্রকাণ্ড বাড়ী আছে, তার

উপর চমৎকার বাগান বাড়ী আছে। তাদের বাড়ীতে খুব ধূম-
ধাম করে দোল ছুর্গোৎসব হয়। এসব ত তুমিই দেখে শুনে
এসে বলেছিলে। আর তারা এসেও মেয়ে দেখে খুব পছন্দ
করে গেছেন। এখন, সেখানে মেয়ের বিয়ে দেব না কেন, শুনি ?”

ইঞ্জিনিয়ার বাবু আবার একটি দীর্ঘ নিঃশ্বাস ত্যাগ করিয়া
কহিলেন,—“আমার ত সেই খানেই বিয়ে দেবার ইচ্ছা ছিল, তা
তারা দিলেন কই ?”

গৃহিণীর কণ্ঠস্বর আরও উচ্চ হইল; কহিলেন,—“কেন দিলেন
না ? মেয়ে দেখে পছন্দ করে গেলেন ; তবে বিয়ে দিতে চাচ্ছেন
না কেন ?

গৃহিণীর বাক্য শুনিয়া এবং তাহার মুখমণ্ডলের রোষের
রৌদ্রবাগ দেখিয়া ইঞ্জিনিয়ার বাবু ভীত হইলেন ; মনে- করিলেন
সেই প্রশ্নের উত্তর শুনিয়া তাঁহার শান্তিময়ী, তাঁহার গৃহের
গৃহিণী, শান্ত গৃহ মধ্যে এই নিদাঘতপ্ত মধ্যাক্কে এমন একটা অগ্নি
প্রজ্জ্বলিত করিবেন যে তদ্বারা কেবলমাত্র বহির্গাত্ত নহে, কিন্তু
সমস্ত গৃহস্থের অন্তস্তলও দগ্ধ হইয়া যাইবে। এইরূপ অগ্নিকাণ্ড
ইঞ্জিনিয়ার বাবু বহুবার অবলোকন করিয়াছিলেন। তাই
প্রিয়তমার বদন-গগনে সিন্দূর রাগ দেখিয়া তিনি ‘ঘরপোড়া
গফর’ জ্বর বিচলিত হইয়া পড়িলেন। তথাপি তাঁহাকে পত্নীর
প্রশ্নের উত্তর প্রদান করিতে হইল। তিনি মুহূর্ত্তে ধীরে ধীরে
কহিলেন,—“দেনা পাওনা সম্বন্ধে তাঁদের সঙ্গে আমার মিল হ’ল
না, তাই তারা বিয়ে দিলেন না।”

সুধামুখী গৃহিণী মধুর কণ্ঠরব তীব্র হইতে তীব্রতর করিয়া এবং ইন্দীবরাক্ষের কটাক্ষ তীক্ষ্ণ হইতে তীক্ষ্ণতর করিয়া জিজ্ঞাসা করিলেন,—“বেমিলটা কিসে হ’ল, শুনি?”

ইঞ্জিনিয়ার বাবু কণ্ঠস্বর মৃদু হইতে মৃদুতর করিয়া কহিলেন,—
“তারা নগদ পাঁচ হাজার টাকা ষোড়শ চেয়েছিলেন; কিন্তু আমার সম্মতি না থাকায় আমি দু’হাজার টাকার বেশী দিতে রাজি হইনি।”

গৃহিণী গর্জন করিয়া উঠিলেন,—“মোট তিন হাজার টাকার জন্তে? কেন, তুমি কি কোথাও কারও কাছ থেকে, তিন হাজার টাকাও ধার পেতে না? এমনই অপদার্থ তুমি! আমি কিন্তু বলে রাখছি, যেমন করে হ’ক—ধার ক’রে, চুরি ক’রে হ’ক, সেই খানেই মেয়ের বিয়ে দিতে হ’বে। দশটা নয়, পাঁচটা নয়, আমার ঐ একটা মেয়ে! দু’বছরের নয়, পাঁচ বছরের নয়, তোমার তিন মাসের আর তিন হাজার টাকা! সেই তিন হাজার টাকার জন্তে তুমি ঐ একটা মেয়েকে এমন একটা সংপাত্তের হাতে দিতে পারবে না!—একথা মুখ দিয়ে বার করতে তোমার লজ্জা হ’ল না; টাকুরা থেকে জিত খসে পড়ল না? ছি! ছি! ভাল চাও যদি তুমি এখনই ভাত খেয়ে উঠে তিন হাজার টাকা ধার করে নিয়ে এস। আর এখনই তাদের লিখে দাও যে পাঁচ হাজার টাকা দিতেই তুমি রাজি আছ।”

ইঞ্জিনিয়ার বাবু তাঁহার মৃদু স্বর একটু দৃঢ় করিয়া কহিলেন,—
“আমি ত পাঁচ হাজার টাকা দিতে রাজি নই, তবে সে কথা

লিখব কেন ? আর টাকা ধার ক'রেও আমি মেয়ের বিয়ে দেব না ; একথাটা তুমি নিশ্চয় জেনে রেখ'। তা' ছাড়া অন্য জায়গায় সে পাত্রের বিয়ে হ'য়ে গেছে, সেখানে আর বিয়ে দেবার উপায় নেই ।"

পিতার কথায় মোক্ষনার আপন গোপন হৃদয় মধ্যে যেন একটা মহামুক্তির আনন্দ অনুভব করিল ।—বুঝি বা সে মনে মনে ভগবানের নিকট প্রার্থনা করিল, যেন তাহাকে বিবাহ করিবার আগে অন্য সকল পাত্রেরই বিবাহ হইয়া যায় ।

স্বামী-দেবতার বাক্যে কিন্তু গৃহিণীর মনোমধ্যে প্রবল বহিঃপ্রজ্জ্বলিত হইয়া উঠিল । এই বার তাঁহার সুধামুখ হইতে, আগ্নেয়গিরির অগ্ন্যুৎপাতের মত যে বাক্যসুধা বর্ষিত হইল, তাহা তোমাদিগকে স্তন্যভিতে আমার লজ্জা বোধ করিতেছে । হিন্দু নারী, তোমরা স্বামীকে গুরুর অধিক, দেবতার অধিক বলিয়া পূজা করিয়া থাক, সে সকল বাক্য তোমাদের শ্রবণযোগ্য নহে । ইঞ্জিনিয়ার বাবুর প্রিয়তমা পত্নী দারুণ ক্রোধের বশীভূত হইয়া স্বামীর প্রতি যে কুলিশ কঠোর বাক্যসকল প্রয়োগ করিয়াছিলেন, তাহা শ্রবণ করিলে, তোমাদিগের কোমল ও পবিত্র শ্রবণেন্দ্রিয় ব্যথিত হইবে, কলুষিত হইবে । যে পবিত্র দেশে যজ্ঞধুমসৌরভময় আকাশে দক্ষনন্দিনীর প্রাণ বায়ু বিলীন হইয়াছে, সাবিত্রীর পবিত্র শ্বাস প্রশ্বাস প্রবাহিত হইয়াছে, যে দেশের সর্ব্বজ্ঞ ঋষিগণ অত্রান্ত ভাষায় বিঘোষিত করিয়াছেন—

“ভর্তেব ঘোষিতাং তীর্থং তপোদানং ব্রতং গুরুঃ,”

যে দেশে পতির মৃতদেহের সহিত সতীর আত্মদাহ কঠিন রাজাজ্ঞাধারা নিবারণিত করিতে হইয়াছে, তোমরা চিরগৌরব-ময়ী হিন্দু ললনা, তোমরা সেই দেশে জন্মগ্রহণ করিয়া, তোমাদের জন্মভূমিকে 'স্বর্গাদপি গরীমসী' করিয়াছ,—যে অস্বাভাবিকা ভারতনারী আত্মহারা হইয়া স্বামীর প্রতি ক্লট বাক্য প্রয়োগ করে, ছি, ছি! তাহার কথা তোমরা কিরূপে শ্রবণ করিবে ?

মোকদ্দা দাঁড়াইয়া সে বাক্য শ্রবণ করিতে পারিল না; সে সজল নয়নে কক্ষান্তরে চলিয়া গেল।

সাইবার সময়, সে শুনিয়া গেল, মাতা বলিতেছেন,—“যা, যা, গলায় দড়ি দিয়ে মরণে যা; যার বাপে দিয়ে দিতে পারে না, তার মরাই ভাল।”

ইঞ্জিনিয়ার বাবু অস্তর্দাহে অধীর হইয়া অল্পপাত্র ত্যাগ করিয়া বহির্বাটীর দিকে ছুটিলেন। সেখানে— — —কিন্তু সে কথা আমর' পরে বলিব। আপাততঃ আমরা ক্রন্দমান মোকদ্দার অনুসরণ করিব।

অষ্টাবিংশ পরিচ্ছেদ

মোক্ষদার দূরভিসন্ধি ।

মোক্ষদা দ্বিতলে আপন শয়নকক্ষে বাইরা, শয্যাপ্রান্তে বসিয়া, বসনাঞ্চলে মুখমণ্ডল আবৃত করিয়া কিয়ৎকাল কাঁদিল । তাহার পর, ক্রন্দনরক্ত সজল লোচনপ্রাণ্ড অঞ্চলপ্রান্তে মার্জিত করিয়া ভাবিতে লাগিল । সে নিতান্ত বালিকা নহে, চতুর্দশবয়সী, শিক্ষিতা, নাটক-উপন্যাস-সংবাদপত্রাদিতে দীক্ষিতা, বুঝিয়া কিঞ্চিৎ প্রেমিকা কিশোরী । সে হয়ত আধুনিক বালিকগণের মত স্বাধীনভাবে আপনার কথা আপনিই ভাবিতে শিখিয়াছিল ।

সে পিতা ও মাতার বাক্যগুলি বিচার করিয়া ভাবিল, তাদের বাড়ীতে কেন আজ অশান্তির ঝড় উঠিল ? তাহার ধর্মভীরু অর্জনশীল পিতা কেন আজ ছ'টি অন্ন মুখে দিয়া শান্তিলাভ করিতে পারিলেন না ; তাহার সেই স্নেহময় পিতা, তিনি কোনও দোষেই দোষী হইতে পারেন না । আর তাহার মাতা !—মাতৃভক্তির প্রতিমূর্তি মোক্ষদা মায়েরও কোন দোষ দেখিল না । সে বুঝিল যে সে নিজেই দোষী ;—সে নিজেই সংসারে শান্তিপথের একমাত্র কণ্টক । তাহারই জন্ত তাহার পরমারাধ্য পিতা চিরদিনের জন্ত নিরুদ্দেশে যাইতে চাহিতেছেন ;

তাহারই জন্ম তিনি তিরস্কৃত ও লাজিত হইতেছেন ; তাহারই ভণ্ড আত্মগারা হইয়া মাতা পতিপরায়ণতা ভুলিয়া গিয়াছেন ।

মোক্ষদা মনে মনে বিধাতাকে জিজ্ঞাসা করিল, কেন সে শত শত নরকের পাপ লইয়া এই পৃথিবীতে জন্মগ্রহণ করিল ? সে যদি না জন্মাইত তাহা হইলে আজ তাহার বিবাহ দিতে পারেন নাই বলিয়া পিতা, মাতা কর্তৃক কঠিন ছর্বাচণ দ্বারা তিরস্কৃত হইতেন না ; মুখের অন্ন ভাগ করিয়া বহির্বাটীতে চলিয়া যাইতেন না ; বলিতেন না এই মাসের মধ্যে পাত্রেয় অনুসন্ধান করিতে না পারিলে আর বাটীতে মুখ দেখাইবেন না । হার, হার ! সেই সংসারের যত অনিষ্টের মূল ! পাপ, পাপ ! কণ্টক, কণ্টক ! ভগবান এ পাপকে, এ কণ্টককে, এ সংসার হইতে বিদূরিত কর । অথবা, ভগবানের বুঝ সে শক্তি নাই ;—মহাশক্তিধরের বাহুতে পাপ দূর করিবার ক্ষমতা নাই । মোক্ষদা ভগবানে বিশ্বাস হারাইল ; ভগবানের শক্তিতে তাহার অস্থা নহিল না ।

সাবধান, মোক্ষদা, ভগবানের অমোঘ শক্তিতে অবিশ্বাস করিও না । তুমি বালিকা, তুমি জান না যে, আমরা যখন সেই সর্বশ্রয়ের আশ্রয় হারাই, তখন আমাদের হৃদয় হইতে ধর্মের শেষ বন্ধনটুকু ছিন্ন হইয়া যায় ; বন্ধনচ্যুত হৃদয়টা বাত্যাভিত্ত তরণীর ন্যায়, অন্ধকারময় অজ্ঞানতার তরঙ্গসঙ্কুল সাগরে ভাসিয়া যায় । আমরা তখনই হিতাহিত জ্ঞান হারাইয়া ফেলি ।

বালিকার তরুণ উদ্দাম হৃদয় সময়ে সাবধান হইতে পারিল

না। তাহার স্বপ্নে উচ্ছ্ৰাবল চিত্তাসকল উদিত হইতে লাগিল।

সে কয়েক দিন পূর্বে এক বালিকার আত্মবলিদানের কথা সংবাদপত্রে পাঠ করিয়াছিল। সেই বালিকা তাহারই মত অবস্থায় পতিত হইয়া, আপন পরিধেয় বস্ত্রে অগ্নিসংযোগ করিয়া, চিরকালের জন্য পিতামাতার দুর্ভাবনা দূর করিতে চেষ্টা করিয়াছিল। সংবাদপত্রে সংবাদপত্রে তাহার অপূর্ব আত্ম-বলিদান কাহিনী অপূর্ব বিজয়বার্তার স্থায় বিঘোষিত হইয়াছিল। সেই আত্মঘাতিনী বালিকার সুখ্যাতিতে সমস্ত বাঙ্গালার মুখ মুখরিত হইয়া উঠিয়াছিল। সেই বালিকার স্বর্গীয় জ্বালাময়ী মৃতি আজ মোক্ষদার বক্ষোমধ্যে অগ্নিময়ী দেবীপ্রতিমার ন্যায় জ্বলিতে লাগিল।

তাহার বার বার মনে হইতে লাগিল যে, শক্তিহীন ভগবান যে অমঙ্গলকে, যে কণ্টককে বিদূরিত করিতে পারেন নাই, সে নিজেই তাহা অগ্নিসংযোগে ভস্মীভূত করিবে; আত্মহত্যা করিয়া মাতাপিতার শাস্তির পথ হইতে কণ্টক বিদূরিত করিবে।

ছি, ছি! অবোধ বালিকা! সে ত বুঝিল না যে, তাহাদের অর্থাভাবে তাহার সুপাত্র হুঠে নাই বলিয়া আত্মহত্যা করিলে, পিতামাতার অন্তর ভেদ করিয়া যে যন্ত্রণাময় কঠিন শেল চিরদিনের জন্য বিদ্ধ হইয়া থাকিবে, তাহা তাহার ন্যায় সহস্র কণ্টক অপেক্ষা অধিকতর কষ্টকর। তাহার বিবাহ দিতে না পারিয়া তাহার পিতার মনে যে যন্ত্রণার সৃষ্টি হইয়াছে

তজ্জন্ম তাহার আত্মহত্যায় তাহা সহস্রগুণ বহুগাম্য হইয়া দাঁড়াইবে। হয় ত সে মহাক্লেশ সহ্য করিতে না পারিয়া তাঁহার জীবনতন্তু অকালে ছিন্ন হইয়া যাইবে। ছি, ছি! মোক্ষদা! তুমি যে পিতার প্রতি ভক্তিগম্বী, যে পিতার ক্ষুদ্র অশুবিধা দূর করিবার জন্য অহনিশ পরিশ্রম করিয়া থাক, আজ সেই পিতার সেই জীবনান্তকারী মহাক্লেশের কথা কেন ভাবিয়া দেখিলে না ?

সংবাদপত্রে যে অবোধ বালিকার কথা কীর্তিত হইছিল, সে কি উপায়ে আত্মহত্যা করিয়াছিল, মোক্ষদা তাহাও পাঠ করিয়া শিখিয়া রাখিয়াছিল। মোক্ষদা স্থির করিল যে, সেই শিক্ষিত উপায়েই আপন তরুণ দেহ দগ্ধ করিয়া আপনার প্রাণনাশ করবে।

অতঃপর সে আপন চিত্তকে সাধ্যমত দৃঢ় করিয়া, পিতাকে এক পত্র লিখিতে বসিল। কিন্তু একাধৌ সে সহজে কৃতকার্য হইতে পারিল না। তাহার চক্ষু দুইটা নিতান্ত অবাধ্য হইয়া ধারার পর ধারা অশ্রু বিসর্জন করিয়া, তাহার চিত্তের দৃঢ়তা বার বার ভাঁসাইয়া দিতে লাগিল। অঞ্চলপ্রান্তে সেই বিগলিত গুণপ্রাবিত অশ্রুধারা বার বার মার্জিত করিয়া সে কোন ক্রমে পত্র-লিখন সমাধা করিল; এবং উহা আপন উপাধানতলে রক্ষা করিল। মোক্ষদার গাত্রে কয়েকখানি সামান্য অলঙ্কার ছিল। সে তাহা উন্মোচন করিয়া ঐ পত্রের সহিত রাখিয়া দিল। অল্পক্ষণ চিন্তা করিয়া ঐ অলঙ্কারের একটি তালিকা প্রস্তুত করিয়া উহার সহিত রাখিয়া দিল।

আরও অল্পক্ষণ অপেক্ষা করিয়া সে আপন মনকে কিছু কঠিন করিল ; তাহার স্থির নয়নে নহন-জল শুকাইয়া গেল । সে একবার উন্মাদরোগগ্রস্তার ন্যায় চারিদিকে উদ্দেশ্যহীন দৃষ্টি নিক্ষেপ করিল ; তাহার পর ধীরে ধীরে গাত্ৰোত্থান করিয়া নিঃশব্দে নিয়তলে নামিয়া আসিল ।

তখন তাহার মাতা আহাৰাদি সমাধা করিয়া দ্বিপ্রাচরিক নিদ্রাসুখ উপভোগ করিবার জন্ত আপন শয়নকক্ষে যাইয়া শয্যার আশ্রয় গ্রহণ করিয়াছিলেন ; তখন গৃহের অন্যান্য সকলের মধ্যে কেহ আচারে কেহ অন্যবিধ কার্যে মনো-নিবেশ করিয়াছিল । সুতরাং মোক্ষদার নিয়তলে আগমন কেহই লক্ষ্য করিল না । সে অন্যের অলক্ষ্যে একটি ছোট বালুতি সংগ্রহ করিল ; এবং সিঁড়ির নীচে যে ক্ষুদ্রকক্ষে, কেরোসিন, রেড়ীর তৈল, মোমবাতি, পলিতা, চিম্নি দেশলাই প্রভৃতি দীপোপকরণ সকল রক্ষিত থাকিত, তাহাতে প্রবেশ করিয়া অনেকটা কেরোসিন বালুতিতে ঢালিয়া লইল, এবং একটি দীপশলাকার বায়ু হস্তগত করিয়া পুনরায় নীরব পদক্ষেপে ত্রিতলে উঠিল । সেখানে আনলার মনমলু কাপড়ের একটা ওড়না ছিল ; তাহা উত্তম রূপে কেরোসিন সিক্ত করিয়া, সে কেরোসিনের বালুতি ও দেশলাই সহ কম্পিত মছুর পদে গৃহচ্ছাদের সিঁড়িগুলি একে একে অতিক্রম করিয়া ছাদে উঠিতে লাগিল ।

উঠিতে উঠিতে একবার এক চক্কর-স্নাত দীর্ঘ ও সুন্দর মূর্তির কথা তাহার স্মরণ পথে উদ্ভিত হইল । একটা নূতন

আবেগে তাহার সর্বান্ত শিহরিয়া উঠিল। দুই মাস পূর্বে ছাদে উঠিয়া চন্দ্রালোকমধ্যে সে যে নরনানন্দদায়ক দীর্ঘ মূর্তি দেখিয়াছিল, আজ আবার যদি সেই দেবোপম মূর্তি অবলোকন করে ? তাহার বক্ষঃ প্রকম্পিত হইয়া উঠিল ; তাহার বিকৃত চরণ-দ্বয় আর অগ্রসর হইতে চাহিল না। তাহার মনে হইল, সেই বলিষ্ঠ মূর্তি যেন তাহার মৃত্যুর পথ অবরোধ করিয়া দাঁড়াইয়া রহিয়াছে।

তার কি আপন পিতৃগৃহে চির অশান্তি, স্নেহময় পিতার চিন লাঞ্ছনা দেখিবার জন্ত সেই পাপ, আবর্জনা পৃথিবীতেই থাকিবে বাইবে ? না, সে কখনই তাহা হইতে দিবে না। সেই পাপ, সেই আবর্জনা ভস্মীভূত করিতেই হইবে। সে আপন কাল্পনিক আশঙ্কা মন হইতে বিদূরিত করিয়া মনকে দৃঢ় করিতে চেষ্টা করিল। সে ভাবিয়া দেখিল, কই, এই দুই মাসেরও অধিক সময় মধ্যে সে একবারও তাহাকে ছাদে বা গবাক্ষপার্শে বা বাটীর নিকটবর্তী রাজপথে, অনেক বার খুঁজিয়াও দেখিতে পায় নাই, সে ত নিজেই বলিয়া গিয়াছিল যে সে এই বাড়ীতে বাস করে না ; বিশেষতঃ প্রায় এক মাস যাবৎ ওবাটীতে ত কেহই বাস করিতেছে না ;—সে কথা ত সে ও বাড়ীর ঝয়ের মুখেই শুনিয়াছিল। তবে আজ কোথা হইতে, দ্বিপ্রহরের এই তপ্ত রোদ্রে, কি সুখ উপভোগ করিবার জন্ত সেই সুন্দর যুবক ছাদে আসিবে ? আসিয়া কেন সে তাহার মৃত্যু নিবারণ করিবে ?—সে মরিলে তাহার ক্ষতি কি ? আর—আর আজ তাহার মৃত্যুদিনে যদি—যদি সে একবার

দেখা দেয়, তাহা হইলে, তাহাকে মোক্ষদা এজীবনে আর একবার দেখিবে ; কিন্তু সে তাহার আত্মহত্যা নিবারণ করিবার পূর্বেই সে সব শেষ করিয়া ফেলিবে ।—কেরোসিনে ভিজা ওড়না খানা গারে জড়াইতে তাহার এতটুকুও বিলম্ব হইবে না ; তাহার পর একটি দেশলাই জ্বালা ।—আর সব জ্বালা শেষ হইয়া যাইবে ! মাতাকে আর কন্যার বিবাহের ভাবনা ভাবিতে হইবে না ; পিতাকে আর লাঞ্চিত হইতে হইবে না ; আর—আর—নিজের ইচ্ছার বিরুদ্ধে অন্য পুরুষকে বিবাহ করিয়া মনে মনে কলঙ্কিত হইতেও হইবে না ।—পিতামাতার মস্তক হইতে কন্যাদায়ের সমস্ত বোঝা নামিয়া যাইবে ; সেও অন্তকে বিবাহ করিবার বিপদ হইতে নিষ্কৃতি লাভ করিবে ।

এইবার মোক্ষদা দৃঢ় পদে ছাদে উঠিল ।

উনত্রিংশ পরিচ্ছেদ

গোমস্তা ও ইঞ্জিনিয়ার বাবু ।

ইঞ্জিনিয়ার বাবু প্রাণাধিকা পত্নীর বাক্যবাণে জর্জরিত হইয়া, অল্পপাত্র ত্যাগ করিয়া বাহিবাটীতে আসিয়া দাঁড়িলেন যে সেখানে কে এক ব্যক্তি নীড়াইয়া কক্ষ মধ্যে সম্ভরণে দৃষ্টি নিষ্ক্ষেপ করিতেছে । তাহাকে দেখিয়া, তিনি কিছু সংশয়ান্বিত ও বিস্মিত হইয়া জিজ্ঞাসা করলেন,—“কে তুমি ? কি চাও ?”

এই আগন্তুক কে তাহা বোধ হয় তোমরা বুঝিতে পারিয়াছ ? সে তাজপুর হইতে আগত সেই গোমস্তা । সে বিনীতকণ্ঠে কহিল,—“আমি তাজপুর থেকে এসেছি । এই বাড়ীর কর্তার সঙ্গে সাক্ষাৎ করতে চাই ।”

ইঞ্জিনিয়ার বাবুর সংশয় অপনোত হইল বটে, কিন্তু তাহার বিস্ময় আরও বর্দ্ধিত হইল । তিনি কহিলেন,—“তাজপুর থেকে এসেছ ? এ বাড়ীর কর্তার সঙ্গে দেখা করবে ? কেন ?—আমি এ বাড়ীর কর্তা ।”

গোমস্তা জিজ্ঞাসা করিল,—“মহাশয়ের নাম ?”

ইঞ্জিনিয়ার বাবু কহিলেন,—“আমার নাম : অনাবকু মিত্র ।”

গোমস্তা গৃহকর্তাকে স্বজাতি জানিয়া নমস্কার করিল ।

ইঞ্জিনিয়ার বাবু প্রতিনমস্কার করিয়া আগ্রহের সহিত জিজ্ঞাসা করিলেন,—“তুমি কি তাজপুরের জমীদার বাড়ীথেকে আসছ ?”

গোমস্তা ইঞ্জিনিয়ার বাবুর অনুমান শক্তি দেখিয়া কতকটা আশ্চর্যান্বিত হইয়া কহিল,—“আজ্ঞে, হাঁ। আমি সেখানকার জমীদার বাড়ী থেকেই এসেছি।”

গোমস্তা কেন আসিয়াছে ; পুত্রের বিবাহ হইয়া যাইবার পর কি উদ্দেশে জমীদার বাবু আবার তাঁহার কাছে লোক পাঠাইয়াছেন তাহা বুঝিতে না পারিয়া, ইঞ্জিনিয়ার বাবু কিছু উদ্ভিগ্নতার সহিত বলিলেন,—“কেন ?”

গোমস্তা কহিল,—“আমি জমীদার পুত্রের বিবাহ সম্বন্ধে আপনার সঙ্গে কথাবার্তা স্থির করবার জন্য এসেছি।”

ইঞ্জিনিয়ার বাবু চক্ষু বিস্ফারিত করিয়া কহিলেন,—“কেন, আমি তা শুনেছি যে, সে ছেলের বিয়ে বোশেখ মাসেই হ'য়ে গেছে। তবে আবার কেন তাঁরা তোমাকে পাঠিয়েছেন ?”

তোমরা বুঝিতে পারিতেছ যে গোমস্তা ইঞ্জিনিয়ার বাবুর কথা সহজে অনুধাবন করিতে পারিল না। সে কিঞ্চৎ কাল বিস্মিত নেত্রে ইঞ্জিনিয়ার বাবুর মুখের দিকে চাহিয়া রহিল। তাহার পর, ধীরে ধীরে জিজ্ঞাসা করিল,—“আপনি কার কথা বলছেন ? আমাদের বাবুর তা বিয়ে হয়নি।”

ইঞ্জিনিয়ার বাবু মনে করিলেন যে, তাঁহার মনোনীত পাত্রের বিবাহ সম্বন্ধে হয়ত তিনি ভুল সংবাদ শুনিয়াছিলেন। তিনি বলিলেন,—“বল কি ? অরুণ বাবুর ছেলের বিয়ে হয়নি ?”

গোমস্তা এখন কথাটা বুঝিতে পারিল। সে তখন ইঞ্জিনিয়ার বাবুকে বুঝাইয়া বলিল,—“আজ্ঞে, অরুণ বাবুর বড় ছেলের

বিয়ে গত ২রা বোশেখ হ'য়ে গেছে। কিন্তু আমি অরুণ বাবুর কাছ থেকে আসিনি। আমাকে কত্রীঠাকুরাণী আপনার কাছে পাঠিয়েছেন।”

ইঞ্জিনিয়ার। তোমার কত্রীঠাকুরাণী কে ?

গোমস্তা। আপনি যে অরুণ বাবুর নাম করলেন, তাঁর এক জ্যেষ্ঠ ভাই ছিলেন ; তার নাম ৩ করুণচন্দ্র সিংহ মহাশয়। তিনি তাজপুর জমিদারীর অর্দ্ধাংশের মালিক ছিলেন। আমার কত্রীঠাকুরাণী ৩করুণচন্দ্র সিংহ মহাশয়ের বিধবা স্ত্রী। আমি তাঁরই উপদেশ মত আপনার কাছে এসেছি। তিনি শুনেছেন যে আপনার একটি অবিবাহিতা কন্যা আছে।”

ইঞ্জিনিয়ার। হাঁ, আমার একটি কন্যা আছে। আর শীঘ্রই আমি তার বিয়ে দিতে চাই।

গোমস্তা। আমার কত্রীঠাকুরাণীও ঐ কন্যার সঙ্গে শীঘ্রই তাঁর এক মাত্র পুত্রের বিয়ে দিতে চান। এখন আপনার মত হলোই হয়।

ইঞ্জিনিয়ার। তাঁর ছেলেটি কি করে ?

গোমস্তা। এই কলকাতাতেই পড়েন। এবার বি, এ, পরীক্ষা দিয়েছেন। বড় ভাল ছেলে ; নিশ্চয়ই খুব ভাল করে পাশ হ'বেন। দেখতেও খুব ভাল। আপনি কবে ছেলে দেখতে যাবেন তা কত্রীঠাকুরাণী জানতে চেয়েছেন।”

ইঞ্জিনিয়ার। তাঁরা আগে এসে আমার মেয়েকে দেখে পছন্দ করুন, তার পর আমি ছেলে দেখতে যাব।

গোমস্তা । কর্তী ঠাকুরাণী আদেশ করেছেন যে তিনি মেয়ে দেখবেন না ।

ইঞ্জিনিয়ার । মেয়ে দেখবেন না ? কিন্তু, আমার মনে হ'চ্ছে, বোধ হয়, অরুণ বাবুর মুখে তিনি আমার মেয়ের কথা শুনেছেন । তিনি যে তাঁর ছেলের সঙ্গে বিয়ে দেবেন ব'লে এই মেয়েকে নিজেকে দেখে গিয়েছিলেন ।

গোমস্তা । মনে মনে বুঝিল যে ইহাই সত্য । মতুবা তাহার কর্তীর মত বুদ্ধিমতী স্ত্রীলোক কখনই না দেখিয়া এই কন্যার সহিত একমাত্র পুত্রের বিবাহ দিতে সম্মত হইতেন না । কিন্তু বুদ্ধ গোমস্তা জমীদারী সেরেস্তার পুরাতন লোক ; সে সহসা আপনার মনের কথা প্রকাশ করিল না । কেবল মাত্র কহিল,— “কিন্তু তিনি সে কথা আমাকে বলেননি । অধিক কি, তিনি আপনার নাম পর্য্যন্ত জানতেন না । আপনার নাম ও জাতি জিজ্ঞাসা করে, আপনাকে কাম্বুস্থ বলে জেনে, তার পব বিয়ের প্রস্তাব উত্থাপন করতে আদেশ করেছিলেন ।”

ইঞ্জিনিয়ার । তাঁকে বলবে যে আমি তাজপুরের জমীদার বাড়ীতে কন্যার বিয়ে দিতে একান্ত ইচ্ছুক । তবে—

গোমস্তা । আর কোনও প্রতিবন্ধক উত্থাপন করবেন না । কর্তী ঠাকুরাণী বিয়ের দিন স্থির করেছেন—আগামী ১৩ই আষাঢ় ।

ইঞ্জিনিয়ার । বুঝেছি, বিয়ের একটা দেনা পাওনা আছে ; সেটা আমার সাধের অতিরিক্ত না হ'লে ঐ দিনেই বিয়ে হ'বে ।”

গোমস্তা। দেনা পাওনা সম্বন্ধে আমার কর্তীঠাকুরানী আপনাকে যা বলতে বলেছেন, সে রকম কথা এই বাঙ্গালা দেশে এই ঘোর কলিকালে কোন লোকেই বলতে পারেন না। তিনি বলেছেন যে আপনি অনুগ্রহ করে কন্যাকে বা জামাতাকে যা দেবেন তাই আপনার দেনা, আর তিনি বা পাবেন তাই তাঁর পাওনা।

বিবাহের যৌতুক সম্বন্ধে পাত্রের জননীর এইরূপ অতি উদার প্রস্তাব শুনিয়া, বুদ্ধিসম্পন্ন অন্য সন্নিবেচক ব্যক্তি সহজেই ঐ উদারতার মধ্যে কোনও গুপ্ত অভিসন্ধির সন্ধান পাইতেন। তিনি আপনার বিপুল বুদ্ধি ও সীমাহীন সন্নিবেচনা লইয়া সহজেই সন্দেহ করিতেন যে, ঐ উদার প্রস্তাবের অন্তরালে কোনও গোপন প্রতিলিকা প্রচ্ছাদিত আছে। হয়ত পত্রের চরিত্র দোষ বা কুৎসিত পাঁড়া আছে, হয়ত পাত্রের মাতার কোনও কুৎসা প্রচারিত আছে, হয়ত সেই সকল কথা শুনিয়া অগ্র্য কেহই ঐ পাত্রকে কন্যাদান করে নাই। তজ্জন্যই বাহিরে একটা উদারতা দেখাইয়া পাত্রের সুচতুরা মাতা বিবাহ কার্যটা কোশলে সম্পন্ন করাইয়া লইতেছেন; ইহার পর যখন দৃঢ় বিবাহ শৃঙ্খল হইতে মুক্ত হইবার কোনও উপায়ই থাকিবে না, তখন কন্যাকে অশেষ যত্ননা প্রদান করিয়া, কন্যার পিতার নিকট হইতে অশেষ বিধানে যৌতুকের হিণ্ডণ অর্থ আদায় করিয়া লইবেন।

কিন্তু, আমরা ত পূর্বেই বলিয়াছি, যে, ইঞ্জিনিয়ার বাবু নিতান্ত অপদার্থ লোক; তাহার সুবুদ্ধি বা সন্নিবেচনা কিছুই ছিল না।

তিনি সন্দেহ করিতে জানিতেন না ; তিনি সকলকেই বিশ্বাস করিতেন । এতন্তু তিনি পাত্রে জননীর উদারতাকে প্রহর প্রবঞ্চনা করিয়া সন্দেহ করিলেন না ; বরং তাহাতে সম্পূর্ণ বিশ্বাস স্থাপন করিয়া ফেলিলেন । তিনি গোমস্তাকে কহিলেন,—“তোমার কর্তীঠাকুরাণীকে ব’লো যে তাঁর এই অনুগ্রহ আমি জীবনে কখনো ভুলবো না । তিনি আমার মত কন্যাদায়গ্রস্তের আজ যে উপকার করলেন, দেবতারাও তেমন উপকার করতে পারেন না ;—আমি চিরকাল তাঁকে দেবীর মতই ভক্তি করবো, আমার মেয়ে তাঁর মত শান্তীর পদসেবা করে ধন্য হবে ।”

গোমস্তা । তা’হলে আপনি কবে পা দেখতে যাবেন ?

ইঞ্জিনিয়ার । তাঁর মত দেবীর ছেলেকে দেখবার আবশ্যক হ’বে না ;—দেবীর ছেলে দেবতাই হয়, দানব হয় না । তিনি যদি আমার মেয়েকে না দেখে গ্রহণ করতে পারেন, আমিও না দেখে তাঁর ছেলেকে জামাই করতে পারবো । ●আমি কেবল ছেলেটির নাম জানতে চাই ।

গোমস্তা । তাঁর নাম শ্রীমান কৃষ্ণকিশোর সিংহ ; তিনি এবার প্রেসিডেন্সি কলেজ থেকে বি, এ, পরীক্ষা দিয়েছেন । বিবাহের নিমন্ত্রণ পত্রে ছাপবার জন্যে আপনার কন্যার নামটিও জানা আবশ্যক ।

ইঞ্জিনিয়ার বাবু কন্যার নাম বলিলেন । তাহার পর গোমস্তাকে কিছু জলযোগ করাইয়া বিদায় দিলেন । তিনি গোমস্তাকে আর

একটু অপেক্ষা করিয়া ভাত খাইয়া বাইবার কথা বলিয়াছিলেন, কিন্তু গোমস্তা কোনও ক্রমেই তাহাতে সম্মত হয় নাই।

গোমস্তা বলিয়াছিল,—“এখানে ভাত খেতে হ’লে দেৱী ত’রে বাবে, সন্ধ্যার আগে বাড়ী ফিরতে পারবো না। কত্রীঠাকুরাণী সন্ধ্যার আগেই তাঁ’কে সংবাদটা দিতে বলেছেন। তাঁ’র আদেশ অমান্য করা চলবে না।”

গোমস্তা প্রস্থিত হইলে, ইঞ্জিনিয়ার বাবু মস্তক অবনত করিয়া যার যার ভগবানকে স্মরণ করিয়া মনে মনে कहিলেন,—“জয় জগন্নাথ! তোমার ইচ্ছায় আমি ঐ তাজপুরের জমীদার গোষ্ঠীতেই কস্তার বিবাহ দিব, এবং তোমারই ইচ্ছায় এই বিবাহ আরও ভাল হইবে।”

ত্রিংশ পরিচ্ছেদ

ছারপোকার উচ্ছেদে কৃষ্ণকিশোর ।

আমাদের এই আখ্যায়িকার বর্ণিত চারিটি ঘটনা ঠিক এক সময়েই ঘটিয়াছিল । যে সময় গোমস্তা শিয়লদহ রেল ষ্টেশনে গাড়ী হইতে নামিয়া দোকানে জলযোগ করিতে বসিয়াছিল, সেই সময়ই ইঞ্জিনিয়ার বাবু বাটীতে মধ্যাহ্ন ভোজন করিতে বসিয়াছিলেন, ঠিক সেই সময়ই শ্রীযুক্ত ছোটবাবু মহাশয় ছেলার যাইয়া উকিলের কক্ষে বসিয়া বাটী বিক্রয়ের কোবালা লিখিতে আরম্ভ করিয়াছিলেন, আবার সেই সময়ই কৃষ্ণকিশোর বন্ধু উমাপদ বসুর শয্যা বসিয়া সেই শয্যা হইতে ছারপোকা উচ্ছেদ করিবার জন্য বন্ধু পরিকর হইয়াছিল ।

সেই দিন কিছু পূর্বে আহারাদি সমাধা করিয়া কৃষ্ণকিশোর ভাবিল যে আর এক দিন কলিকাতার অপেক্ষা করিয়া রাখাকিশোর সম্বন্ধে সংবাদ সংগ্রহ করিয়া সে পর দিন বাটী যাইবে, কিংবা সেই দিনই বিকালের গাড়ীতে বাটী ফিরিয়া মাতাকে আপনার পরীক্ষার ফল জানাইয়া সুখী করিবে । বলা বাহুল্য, সে মাতাকে পরীক্ষার সুফল জানাইবার জন্য অত্যন্ত উৎসুক হইয়া পড়িয়াছিল ।

একটু চিন্তার পর সে স্থির করিল যে অধ্যাপক মহাশয় যখন তাহাকে শনিবারে কলেজে যাইতে বলিয়াছেন, তখন আর একদিন

কলিকাতাতে অবস্থিতি করাই উচিত। ইহাতে যে কেবল মাত্র রাধাকিশোরের পরীক্ষার ফলই জানিতে পারা যাইবে এমন নহে ; হয়ত একদিন কলিকাতায় থাকিলে এবং ঐ আটাত্তর নম্বরের চারি পার্শ্বে মধুলোলুপ লম্বরের গায় ঘুরিয়া বেড়াইলে, কোনও সুযোগে ইঞ্জিনিয়ার বাবুর নিকট পরিচিতও হইতে পারে ; হয়ত ঐ আটাত্তর নম্বরের গবাক্কে গবাক্কে কটাক্ষপাত করিয়া সারাদিন রাস্তায় রাস্তায় ঘুরিয়া বেড়াইলে, দৈবক্রমে, কদাচিৎ—বিচিত্র পর্জ্যন্ত পথে প্রকাশিতা মেঘাস্তরবর্তিনী হ্রাদিনীর গায় সে সেই জ্যোৎস্নাময়ীকে একবার দেখিতে পাইবে। —যাহাকে বিবাহ করিবার জন্ত সে কৃতসঙ্কল্প হইয়াছিল, তাহাকে আর একবার দেখিলে দোষ কি ? অতএব স্থির হইল যে সে আজ আর বাড়ী ফিরিবে না ;—সে নবীন প্রেমিক, যে তাহার প্রেমময়ীকে একবার দেখিবার আশা ত্যাগ করিতে পারে না।

কৃষ্ণকিশোর স্থির করিল যে তাহাকে দেখিবার চেষ্টায় দিবা-ভাগটা অতিবাহিত করিবে ; এবং কিরূপে সেই জ্যোৎস্নাময়ীকে আপনার পরিণীতা পত্নী করিবে, রাত্রিটা সেই চিন্তায় অতিবাহিত করিবে।—প্রেমচিন্তার পক্ষে জনকোলাহল শূন্য রাত্রিই উপযুক্ত সময় ; এবং শ্যামাই দেবতা মকরকেতনের আরাধনার উপযুক্ত স্থান। সে ভাবিল, আজ রাত্রে শয্যায় শুইয়া রমনীরঙ্গ লাভের সে উপায় চিন্তা করিবে।

শয্যার কথা স্মরণ পথে উদ্ভিত হইবা মাত্র, মৎকুণ্ণগণের অত্যাচারের কথা তাহার মনে পড়িয়া গেল। সে ভাবিল,

তাহাদের উচ্ছেদ সাধন করিতে না পারিলে কোন ক্রমেই তাহারা তাহাকে প্রেমচিন্তার সুখকর অবসর প্রদান করিবে না।

কৃষ্ণকিশোর বিছানা ও বালিশের কোণ ও কুঞ্চিত অংশগুলি বার বার পরীক্ষা করিয়া, রক্তবীজ নামক অশুর সেনাপতির রক্তোপন্ন বংশের স্ত্রায়, ছারপোকায় বংশ নিবংশ করিবার প্রয়াস পাইল। কিয়ৎ কাল এইরূপ চেষ্টার পর সে ভাবিল যে ছাদের প্রথর রোদ্রে শয্যা ও উপাধান উত্তম রূপে উত্তপ্ত করিতে পারিলে সমস্ত ছারপোকাই সহজে মরিয়া যাইবে। আমাদের মনে সন্দেহ হয় যে, ছাদে উষ্ণতা নন্দনকাননতুল্য আর একটি ছাদ দেখিবার লালসা তাহার মনে পূর্ক হইতেই উদ্ভিত হইয়াছিল, কেবল এমাবৎ সে একটা উদ্দেশ্য নির্ণয় করিয়া উঠিতে পারে নাট। এক্ষণে শয্যাটি রোদ্ভতপ্ত করিবার আবশ্যক হওয়ার সে সহজেই ছাদে উষ্ণতার একটা অচ্ছিন্না খুঁজিয়া পাইল।

মৎকুণ্ণকামোদিত বিছানার ভার বিপুল পুষ্পগুচ্ছের স্থায় বক্ষে বহন করিয়া সে যখন সংকীর্ণ সোপানশ্রেণী অধিরোহণ করিতেছিল, তখন তাহার মনে হইতেছিল যে, পুণ্যের ভার বহিয়া স্বর্গীয় সৌরভ পূর্ণ মণিকাঞ্চনময় স্বর্গের সিঁড়িতে ধাপে ধাপে আরোহণ করিতেছে। সে ভাবিল, ঐ প্রচণ্ড নিদাঘতপ্ত ছাদটা বুঝি নন্দনকানন অপেক্ষা শিথল দেখিবে; আর সেই নন্দনের রোদ্ভময় নিকুঞ্জে—তাহার হৃদয়টা ছুক ছুক কাঁপিয়া উঠিল— দেখিবে এক নয়নানন্দদায়িনী শিথল রূপরশ্মি জ্বালিয়া বসিয়া রহিয়াছে। হায়, প্রেমাক্ত যুবককে কে বুঝাইয়া দিবে যে গ্রীষ্ম-

কালের দ্বিপ্রাহরিক রৌদ্রে কোনও নয়নানন্দদামিনীই তপ্ত গৃহচ্ছাদকে নন্দনকানন মনে করিয়া তাহাতে বিচরণ করে না। বরং কক্ষের দ্বার বন্ধ করিয়া অন্ধকার মধ্যে নয়নয়নের অগোচরে বসিয়া এই নয়নানন্দদামিনীগণ শীতল পাটীতে পদবস্ত্র বিলম্বিত করিয়া মুদিত নয়নে লবণাক্ত কাঁচা আম আহার করে।

ছাদের দ্বার খুলিবার পূর্বে কৃষ্ণকিশোর মনে করিল, যদি তাহার প্রেমময়ী তাহাকে শয্যার ভার বহিতে দেখিয়া, তাহাকে প্রেমিক না ভাবিয়া, রজকের ভারবাহী জন্তু বিশেষ অনুমান করে, হায়! তাহা হইলে তাহার অদৃষ্ট কি মহা অনিষ্টই সংসাদিত হইয়া যাইবে! অতএব সে হির করিল যে বিছানার মোটটি সিঁড়িতে রাখিয়া, দিক্ত হস্তে ছাদ নামক প্রণয় সমর ক্ষেত্রে প্রবেশ করিবে। এবং সেখান উপস্থিত হইয়া অগ্রে পরীক্ষা করিবে যে তাহারই প্রতীক্ষায় তাহার প্রেমময়ী আপনাদের ছাদে দাঁড়াইয়া রহিয়াছে কি না; তাহাকে অনুপস্থিত দেখিলে, সে পরে বিছানার মোটটা ছাদে বসিয়া যাইবে। এইরূপ হির করিয়া, সে আপন কুঞ্চিত কেশদামে ও নবীন গুন্ফে হস্তচালনা করিয়া উহা সাধানত পরিপাটী করিয়া লইল; কোটের যে বোতামগুলি খোলা ছিল তাহা লাগাইয়া লইল; পরিধেয় বস্ত্রের স্থানচ্যুত অংশ বথাস্থানে সন্নিবেশিত করিয়া লইল। তাহার পর, ছাদের দরজা কিঞ্চিৎ উন্মোচন করিয়া দেখিল যে সত্যি তাহার প্রেমময়ী, কনকময়ী প্রতিমার ত্রায় প্রথম রৌদ্র উপেক্ষা করিয়া তাহারই প্রতীক্ষায় ছাদের এক প্রান্তে দাঁড়াইয়া রহিয়াছে।

পরবর্তী ছাদে মোকদাকে দেখিয়া সে প্রথমে বুঝি ও পারে নাই যে, তাহারই সাক্ষাৎ আশায় সে সেখানে উপস্থিত হইয়া নাই ; বুঝিতে পারে নাই যে, আত্মনাশের কামনাতেই সে সেখানে উপস্থিত হইয়াছে । কিন্তু ছাদের দরজা সম্পূর্ণ উন্মুক্ত করিয়া, তাহাকে উত্তমরূপে নিরীক্ষণ করিয়া, এবং নন্দনজাত পারিজাত সৌরভের পরিবর্তে কেরোমিনের তীব্র গন্ধ তাহার নাসরন্ধ্রে প্রবেশ করায়, এবং ভক্তের শেষ পুষ্পাঞ্জলির গায় একটা দেশালায়ের বাক্স তাহার পদপ্রান্তে পতিত দেখিয়া, তাহার মনোমধ্যে ঘোর সন্দেহের মেঘ উদ্ভিত হইল । সহসা তাহাতে অত্যাগতা কত্যাগণের কীর্তির কথা বিদ্যাদগ্নির গায় জলিয়া উঠিল ।

কৃষ্ণকিশোর আর স্থির থাকিতে পারিল না । একটা দানবের বল তাহার সুগঠিত ও সুন্দর অবয়বে সঞ্চাৰিত হইল । সে নিমেষমধ্যে ছাদের আলিশায় আরোহণ করিয়া অত্র ছাদে লক্ষ প্রদান করিল ।

একত্রিংশ পরিচ্ছেদ

করণাময়ের করুণা ।

প্রথর বিপ্রাহরিক প্রভাকরের অত্যাচার, ঐ ত্রিতম বাটীটা ছাদরূপ পিঠ পাতিয়া, নীরবে সহ করিতেছিল । সেট অত্যাচারিত ছাদে দাঁড়াইয়া মোক্ষদা ভাবিতেছিল যে, সংসারটা একটা বিশাল অত্যাচারের ইতিহাস ব্যতীত আর কিছুই নহে ; পৃথিবীটা একটা মহাপীড়নের যন্ত্রশালা মাত্র ; এখানে সঙ্গীত নাই ; আছে শুধু চাহাকার ; এখানে সৌরভময় প্রসূন নাই, আছে শুধু অত্যাচারের দুর্গন্ধময় ক্ষত ! কানন মধ্যে বলবান পশু দুর্বল পশুকে দস্তাঘাতে শূন্যঘাতে জর্জরিত করিতেছে ; লোকালয়ে প্রবল নরপশু দুর্বল নরপশুকে ধ্বংস করিবার জগু অদ্ভুত যন্ত্র সকল উদ্ভূত করিয়া রাখিয়াছে ; পবিত্র দাম্পত্য জীবনে প্রবল পুরুষ অবলা রমণীর প্রতি রক্তনেত্রে চাহিয়া রহিয়াছে, অগু দিকে, ক্ষমাময়ী ক্ষোম্যা ক্ষমা ভুলিয়া, কুটিল কটাক্ষে অপ্রিয় প্রিয়তমকে নিরাক্ষণ করিতেছে । আজ দ্বিপ্রহরের এই পাবকতপ্ত পবন, পীড়ননিপীড়িতা পৃথিবীর তপ্ত বক্ষঃস্থলের জ্বর, যেন দুঃখ মোচনের প্রার্থনা লইয়া স্বর্গের দিকে উখিত হইতেছিল । আজ আর কয়েক মুহূর্ত মাত্র পরে তাহারও প্রাণবায়ু ঐ তপ্ত বায়ুর সহিত মিলিত হইবে ; তাহার পর, তাহার হৃদয় ব্যথা সমস্ত

অত্যাচারিতা অবনীর হৃদয় ব্যথার স্রাব স্বর্গের দিকে উঠিবে। কিন্তু যাহারা দীন প্রার্থনা লইয়া স্বর্গের দ্বারে গিয়া দাঁড়ায়, তাহারা কি স্বর্গের রাজার নিকট সুবিচার প্রাপ্ত হয়? ভগবানের রাজ্যে— স্বর্গে, মর্ত্যে, পাতালে-কোথাও কি সুবিচার আছে? দয়া আছে? অত্যাচারের প্রতিকার আছে? হায় হায়! তাঁহারই সৃজিত ধরণীতে কনক কাল হইতে যে অত্যাচারের প্রবল স্রোত প্রবাহিত হইতেছে, তাহা দেখিয়াও যিনি চির বিকিরিত ও আনন্দময় থাকিতে পারেন, তাঁহাকে মোক্ষদা কেন দয়াময় বলিবে?—কিরূপে তাঁহার নিকট সুবিচারের প্রত্যাশা করিবে? তাঁহার করুণায় বিশ্বাস স্থাপন করিয়া কেন শ্রাণ ধারণ করিবে?

আজ মোক্ষদার কি দুর্দৈব! আজ সে ভগবানের প্রতি বিশ্বাস হারাইয়া ফেলিল। আজ সে আমাদের শোভাময়ী সম্পদময়ী পৃথিবীকে অত্যাচারের যজ্ঞশালা ছাড়া আর কিছুই মনে করিতে পারিল না। আজ ঐ প্রসন্ন সুন্দর আকাশে, নরকের তীব্রছায়া মাত্র অনুভব করিল। আজ সে মহাপাপের পথে বিচরণ করিয়া, সর্বসুখপ্রসবিনী প্রসন্ন ধারত্ৰীকে অত্যাচারকলুষিত নিরানন্দ নরক মাত্র দেখিল।

কিন্তু মোক্ষদা ভগবানে বিশ্বাস হারাইয়া আপনার চারিদিকে অত্যাচারের নিরানন্দ দুর্গ গড়িয়া তুলিলেও, আনন্দময় ভগবান তাহাকে ত্যাগ করেন নাই। মোক্ষদা আজ তাঁহার অসীম করুণায় আস্থা স্থাপন না করিলেও, তোমরা তাহার ভাগ্য সম্বন্ধে যাহা জানিতে পারিয়াছ, তাহাতে বুঝিয়াছ, করুণাময়

ভগবান তাহার প্রতি কতটা করুণাময়! আমাদের তুচ্ছ জ্ঞানের স্বল্প সীমাবদ্ধ দৃষ্টি লইয়া আমরা যখন ভগবানকে করুণাহীন মনে করিয়া থাকি, হয়ত ঠিক সেই সময়েই তিনি আমাদের প্রতি সর্বাপেক্ষা অধিক করুণাময়, আমাদের অতি বড় দুঃখের মধ্যেই তাঁহার মধুর করুণা, কণ্টকমধ্যে কুম্বের ন্যায়, পঙ্কমধ্যে পঙ্কজের ন্যায়, ভস্মমধ্যে বজ্রির ন্যায় লুক্কাইত থাকে।

মোক্ষদা আপনার প্রাণটা নিতান্ত নিরর্থক মনে করিয়া, তাহা কস্মীভূত করিবার জন্ত যখন কেরোসিন-ভিঁজা ওড়না খানি খুলিয়া গায়ে জড়াইতে যাইতেছিল, তখন সে হঠাৎ কৃষ্ণকিশোরের পতন শব্দে চমকাইয়া উঠিল। ভীতি ব্যাঞ্জক স্বরে জিজ্ঞাসা করিল,—
“কে তুমি? কোথা থেকে এলে?”

কৃষ্ণকিশোর অগ্নি উৎপাদনের উপায় নষ্ট করিবার উদ্দেশ্যে প্রথমেই মোক্ষদার পদপ্রান্ত স্থিত নেশলাইটি তুলিয়া লইয়া, উহা মেসের ছাদের দিকে ঝুড়িয়া ফেলিয়া কহিল,—“আমি ঐ ছাদ থেকে এসেছি।”

মোক্ষদা কৃষ্ণকিশোরের রৌদ্ররঞ্জিত রক্তাভ মুখের দিকে চাহিয়া সেই মুখ চিনিল। ভাবিল, এই অতি সুন্দর লোকটা ছাদে আসিয়া রাতে চন্দ্রালোকে, দিনে রৌদ্রতাপে রোজই কি বসিয়া থাকে? ও কি আশায় বসিয়া থাকে? তাহাকে দেখিবার আশায়? উহাকে দেখিলে সে যেমন আনন্দিত হয়, ঐ লোকটা কি তাহাকে দেখিলে তেমনই আনন্দ লাভ করে? কথাটা ভাবিতে কি একটা আনন্দে মোক্ষদার সর্বাস্ত শিহরিয়া উঠিল;

সেই শিহরণে তাহার প্রাণভাগের সঙ্কটটা অনেক পরিমাণে শিথিল হইয়া পড়িল। সে তাহার লজ্জিত মুখ অবনত করিয়া কহিল,—“আর—আর একদিন সেদিন খুব টান উঠেছিল—আমি প্রায় আড়াই মাস আগেকার কথা বলছি—তোমাকে ঐ ছাদে—একবারটি দেখেছিলাম। তুমি কি রোজই ও ছাদে আস ?”

কৃষ্ণকিশোর অতৃপ্ত নয়নে রোজনাতা তরুণীকে দেখিতেছিল ; তাহার মনে হইতেছিল, ভগবান অংশুমালী যেন হিমাভ অংশুদলে বিচিত্র বস্ত্র বয়ন করিয়া, সূন্দরীর বরদেহ আবৃত করিয়া দিয়াছিলেন। মোক্ষদার প্রশ্ন শুনিয়া সে প্রশ্ন যুখে কহিল,—“না, আমি ত রোজ আসিনে। সেই একদিন দৈবক্রমে এসেছিলাম ; আর আজ এসেছি।”

মোক্ষদা মুহূর্ত্তে জিজ্ঞাসা করিল,—‘কেন এসেছ ? কই, আর কাউকে ত আমরা ও ছাদে আসতে দেখিনি ?’

কৃষ্ণকিশোর কিছু বিস্মিত হইয়া জিজ্ঞাসা করিল—‘কেন, ও ঘেসের কোনও ছেলে কি কখন কোনও কায়ে ও ছাদে আসে না ?’

মোক্ষদা কিঞ্চিৎ জোরের সহিত পুরমহিলার মর্যাদা রক্ষা করিয়া কহিল,—‘কখনও নয়। ছেলেরা ও ছাদে উঠে, একথা জানলে আমরা কখনই এ ছাদে উঠতাম না। কেউ কখনও ও ছাদে আসে না। তুমি কেন এলে ?’

কৃষ্ণকিশোর জানিত না যে এক অচিন্তনীয় করুণাময়ের চির করুণ হস্তের প্রেরণায় সে চালিত হইয়াছিল। সে মনে

করিল, মৎকুণ্ণগণের সংহার সাধনের জন্তই সে ছাদে আসিয়াছিল। অতএব সে কহিল,—“আমি আমার পাড়ারগায়ের বাড়ী থেকে এসে, এবার তিন দিন ঐ মেসেই আছি। তা’ ঐ মেসের যে বিছানাটার আমি শুই, তাতে বড় ছারপোকা আছে। বিছানাটা রোদে দিয়ে ছারপোকাগুলো মারবার জন্ত আমি ছাদে এসেছিলাম।”

তোমাদের শস্যের ছারপোকাগণের প্রাভুর্ভাব হইলে, তোমাদের গৃহদেবীগণ আপনাদের চম্পককলি-বিনিন্দিত সুকোমল অঙ্গুলিগুলি, দণ্ডধরের পাশদণ্ডের ত্রায় কঠিন করিয়া তাহাদের বংশোচ্ছেদের জন্ত যেমন অভিলাষী হইয়া থাকেন। আমরা জানি না, সেই প্রকার কোনও অভিলাষ মোক্ষদার মনে উদ্ভিত হইয়াছিল কিনা; কিন্তু ছারপোকায় প্রসঙ্গের পর সে কি ভাবিয়া কিৎকাল নীরব হইয়া ছিল।

তাহাকে নীরব দেখিয়া কৃষ্ণকিশোর কহিল,—“আমি কেন ছাদে এসেছিলাম তা’ তোমাকে বলেছি। এইবার তুমি বল, এই ছপরের রোদে, এই কেরোসিনে ভেজা চাদর নিয়ে আর ঐ দেশেলাই নিয়ে তুমি কেন ছাদে এসেছিলে?”

মোক্ষদা প্রশ্ন শুনিয়া, কৃষ্ণকিশোরের রোদ্ৰতপ্ত মুখের দিকে বিহ্বলনেত্রে চাহিয়া জিজ্ঞাসা করিল—“কেন?”

কৃষ্ণকিশোর হাসিমুখে কহিল,—“কেন, তা আমি তোমাকেই জিজ্ঞাসা করছি।”

মোক্ষদা কৃষ্ণকিশোরের সেই হাসিমুখ দেখিল; বুঝিল, যে

বরং ধর্মরাজের পাশমখো বন্ধ হইয়া তাহা হইতে মুক্তি লাভ করা সহজ, কিন্তু সেই হাসিমুখের প্রশ্ন অবহেলা করা সহজ নহে। তথাপি সে আপন মনকে দৃঢ় করিবার জন্য মনে মনে ভাবিল,—

“কে ও? একটা অপরিচিত লোক মাত্র! আমি আমাদের আপনার ছাদে কেন উঠেছি তা’ জানবার ওর কি অধিকার আছে? কি অধিকারে রাজাধিরাজের মত মাথা উচু করে ও আমার কৈফিয়ৎ চায়? আমি কি ওর রাজ্যের প্রজা, যে ওর কথায় উত্তর দিতে বাধ্য হ’ব? বরং ও ডাকাতের মত আমাদের ছাদে লাফিয়ে পড়ে অন্তায় কায করেছে; তার জন্যে ওর ক্ষমা চাওয়া উচিত।” ইহার পর সে মনকে কতকটা দৃঢ় করিয়া প্রকাশ্যে কহিল,—“আমি কি কঃতে ছাদে এসেছি, তা’ তুমি আমাকে জিজ্ঞাসা ক’রো না। তুমি আবার ও ছাদে ফিরে যাও। আমাকে আমার কায করতে দাও; বাধা দিও না। যদি ইচ্ছে থাকে দাঁড়িয়ে দাঁড়িয়ে দেখ, কি করি।”

কুম্ভাকশোর তেমনই হাসিমুখে কহিল,—“তোমার কাযটা অন্তায় কায; তা’ কখনই তোমায় করতে দেব না।”

মোক্ষদা মনে করিল যে, ভয় প্রদর্শন করাইলে কিছু ফল হইতে পারে; অতএব সে বলিল,—“কিন্তু তুমি ও ছাদে ফিরে যাও। তুমি বুঝিতে পারছ না; কিন্তু তোমার কাযটাও ভাল কায হয়নি। তুমি আমাদের ছাদে এসছ বলে, আমি যদি এখনই বাড়ীর সকল লোককে ডাকি, তা, হলে তারা এসে তোমাকে খানায় নিয়ে যাবে।”

কৃষ্ণকিশোর আবার হাসিয়া কহিল,—“তোমার প্রাণ বাঁচাতে আমি শুধু খানার কেন, দশ বছর জেলে যেতেও রাজি আছি! কিন্তু বাড়ীর লোককে ডাক্‌বার জন্তে তোমার পরিশ্রম করতে হবে না। আমি নিজেই তাঁদের ডাকব; তার পর, তাঁদের হাতে তোমাকে সমর্পণ করে ও ছাদে ফিরে যাব।”

মোকদ্দা বুঝিল কৃষ্ণকিশোরকে শুধু দেখাইবার জন্ত সে বাহা বলিয়াছিল, তাহাতে তাহারই অধিকতর ভীতি হইবার কারণ আছে। সে আত্মহত্যা করিবার জন্ত ছাদে আসিয়াছে, একথা তাহার স্নেহময় পিতা জানিতে পারিলে, সে তাঁহার কাছে এবং বাটার অন্যান্য সকলের কাছে কিরূপে মুখ দেখাইবে? তাহার পর, তাহার আরও ভয়ের কারণ ছিল।—বালিকা হইলেও সে জানিত যে আত্মহত্যার চেষ্টা, রাজদ্বারে একটা মহা দণ্ডার অপরাধ। এই দীর্ঘাকার সবল লোকটি যদি কেবলমাত্র তাহার পিতামাতাকে বলিয়া ক্ষান্ত না হয়? যদি তাহার অকৃতজ্ঞতার জন্ত বিরক্ত হইয়া খানার বাইরা সংবাদ দেয়? যদি ঐ দেশেলাই, এই ভিলা ওড়না, এই কেরোসিনের বাল্‌তি সাক্ষ্য স্বরূপ দেখাইয়া দেয়? তখন তাহার স্নেহময় পিতা, তাহার জন্ত কি অপমানজনক বিপদেই না পতিত হইবেন! সে তাড়াতাড়ি বিহ্বলকণ্ঠে কহিল,—“না, না, তুমি কাউকে ডেকো না। আমার অন্তায় হ’য়েছে; আমি এমন কাঁথি আর কখনও করবো না।”

কৃষ্ণকিশোর পরিতুষ্ট হইয়া জিজ্ঞাসা করিল,—“তাহলে তুমি

আমার কাছে প্রতিজ্ঞা করছ যে এমন কাষ আর কখনও করবে না।”

মোক্ষনা অবনত মুখে কহিল,—“না, এমন কাষ আর কখনও করবো না। বল, তুমি আমার ক্ষমা করবে; আর একথা আর কাউকে বলবে না?”

কৃষ্ণকিশোর, সেই অবনত মুখ মুগ্ধনেত্রে দেখিয়া কহিল,—
“না, আমি কাউকে বলবো না; তোমার ভয় নেই। এখন তুমি তোমার ঐ কেরোসিন ভেজা ওড়নাখানা আমাকে দাও। আমি ওটা নিয়ে এখন ও ছাদে চলে যাব।”

ষাত্রিংশ পরিচ্ছেদ

সন্দেহের অপনয়ন

মোকদা ত্রস্তে কেরোসিন-সিক্ত অঙ্গাবরণ খানি কৃষ্ণকিশোরের সম্প্রসারিত করপুটে সমর্পণ করিল ; দেবী অন্নপূর্ণা যেন ভিখারী চরের হস্তে প্রার্থিত অন্নমুষ্টি কিংবা বুদ্ধি আপন প্রেম পুষ্টিত হৃদয়ের ভক্তি কুসুমাজল স্থাপিত করিলেন । কৃষ্ণকিশোর সেই কেরোসিন সিক্ত পিণ্ডাকার বস্ত্র মোকদার নিকট হইতে প্রাপ্ত হইয়া মনে করিল, যেন স্বর্গের কোনও দেবী একটি সুধাসিক্ত মোক্ষফল তাহার হস্তে প্রদান করিয়াছেন । মোকদা মনে করিল, ত্রৈ প্রাণবিনাশক বস্ত্রের সহিত সে তাহার সমস্ত প্রাণ কৃষ্ণকিশোরের হস্তে প্রদান করিয়াছে । তরুণী আপনাকে সঃষত করিতে পারিল না , বার বার কৃষ্ণকিশোরের রৌদ্রস্নাত দীর্ঘদেহ মুগ্ধনেত্রে অবলোকন করিল ; তাহার মুগ্ধনয়নে সেই বরদেহ, ময়ূখমালা বিগঠিত অমর মূর্তির ন্যায় প্রতীয়মান হইল । সে না বুঝিয়া এক অজ্ঞাতকুলশীল যুবককে ভালবাসিয়া ফেলিল ।

তরুণীগণের এইরূপ বিবেচনাহীন ভালবাসায়, নিরস্ত্রিত নরসমাজ মধ্যে বিপজ্জনক বিশৃঙ্খলা আনয়ন করে, এজন্য আমরা এইরূপ ভালবাসার নিন্দা করি । আমরা যদি তাহাদিগকে পরিণীতা না করিয়া, বয়োবৃদ্ধি সহ তাহাদের হৃদয়ে প্রেমপুষ্প

অস্থিরিত হইতে দিই, তাহা হইলে, তাহার সহজে একরূপ অবৈধ ভালবাসার হস্ত হইতে মুক্তি লাভ করিতে পারিবে না ; কেন না ইহাই নৈসর্গিক নিয়ম। এই নৈসর্গিক নিয়ম দ্বারা চিরকাল সর্বদেশে সর্ব লোক শাসিত হইয়া আসিয়াছে,—উন্মেষোন্মুখ দুইটি তরুণ হৃদয় পরস্পরের নিকটবর্তী হইলে, সম ও বিষম ভিঃ-প্রবাহের স্রাব, প্রেমের বিছানালোকের তীক্ষ্ণজ্যোতিঃ বিকীর্ণ করিয়া অগ্নি উঠে।

আমরা যাহাকে ভালবাসি, সহজেই তাহার বিপদাশঙ্কা করিয়া থাকি। একান্ত কৃষ্ণকিশোর যখন ওড়না খানি লহয়া, উল্ফনদ্বারা মেসের বাটার ছাদে ফিরিয়া যাইবার অভিলাষে আসিমায় উঠিবার উদ্যোগ করিল, তখন মোক্ষদার মন তাহার বিপদাশঙ্কার সহজেই ব্যথিত হইয়া উঠিল ;—অথরাগিনীর হৃদয় হৃদয়বাক্তের একটা কাল্পনিক বিপদের কল্পনা করিয়া অত্যন্ত ব্যাকুল হইয়া পড়িল। সে কাতর কণ্ঠে কহিল,—“দাঁড়াও, দাঁড়াও, লাকিও না ; প’ড়ে যাবে।”

কৃষ্ণকিশোর ফিরিয়া দাঁড়াইল।

মোক্ষদা আবার তাহাকে দেখিল। আচ্ছা ! সূর্য্যরশ্মি মথিত করিয়া কে যেন তাহার সূবর্ণগঠিত অঙ্গের অঙ্গরাগ করিয়া দিয়াছে ! তাহার উজ্জ্বল ললাটে স্বেদবিন্দুগুলি সূর্যালোকে উজ্জ্বল হীরক মালার স্রাব জ্বলিতেছিল ; মরি, মরি ! তাহার জয়যুক্ত ললাটে কে যেন উজ্জ্বল হীরক খচিত ললাটালঙ্কার পরাইয়া দিয়াছে।

কৃষ্ণকিশোর তাহার প্রশক্তি প্রশ্ন মুখ লক্ষ্য করিয়া হাসিমুখে কহিল,—“পড়বো কেন ? আসবার সময় ত পড়িনি ?”

মোকদ্দা দুঃখিত হইয়া জিজ্ঞাসা করিল,—“কেন অমন ক’রে এলে ?”

কৃষ্ণকিশোর কহিল,—“না এলে, তুমি কি ভয়ানক অস্তায় কায় ক’রে ফেলতে বল দেখি ?”

মোকদ্দা তখন নিজের কথা ভাবিতেছিল না। সে কৃষ্ণকিশোরের কথায় উত্তর দিল না। সে ব্যাকুল কণ্ঠে আবার জিজ্ঞাসা করিল,—“যদি দৈবৎ প’ড়ে যেতে ?”

কৃষ্ণকিশোর হাসিয়া কহিল,—“এতটা উচু থেকে, নীচে ওই পাথরের রাস্তার উপর পড়লে হাত পা ভেঙে যেত, হয়ত মরে যেতাম।”

মোকদ্দা ব্যাকুলতার সহিত বিশ্বয় মিশ্রিত করিয়া জিজ্ঞাসা করিল,—“আমাকে বাঁচাবার জন্ত প্রাণ দিতে ?”

কৃষ্ণকিশোর পূর্ববৎ হাসিয়া কহিল,—“দিতাম বই কি ?”

মোকদ্দা প্রশ্ন করিল,—“কেন ?”

এই ক্ষুদ্র প্রশ্নে মোকদ্দার পরিপূর্ণ হৃদয় যেন উছলাইয়া পড়িল। এত মধুময় ‘কেন’ কৃষ্ণকিশোর জীবনে আর কখন শুনে নাই। ভগবান শ্রীকৃষ্ণ দ্রোপদীর সূর্য্যদস্ত স্থানীতে প্রাপ্ত শাককণা ভোজন করিলে, অভুক্ত দুর্কাসা ঋষির ও তাহার শিষ্যগণের উদর যেমন পূর্ণ হইয়া গিয়াছিল, ঐ ক্ষুদ্র ‘কেন’ কৃষ্ণকিশোরের শ্রবণ বিধরে প্রবেশ করার তাহার হৃদয়ও তেমনই

পূর্ণ হইয়া গিয়াছিল। সে মুখ গম্ভীর করিয়া কহিল,—“দেখ, তোমার এই ‘কেন’র উত্তর দেবার জন্তে আমার মন অস্থির হ’য়েছে। কিন্তু সে কথা, এই নির্জন ছাদে দাঁড়িয়ে এখন তোমাকে বলা ভাল দেখাবে না। সে কথা আমার মার অনুমতি নিয়ে দু’চার দিনের মধ্যে তোমার বাবাকে জানাব। আমরা তোমাদেরই স্বজাতি, সে কথা তোমার বাবাকে জানাবার অধিকার আমাদের আছে।”

সে কথাটা কি তাহা যে মোক্ষদা সম্পূর্ণ বুদ্ধিতে পারিয়াছিল, তাহা তাহার আরক্ত ও অবনত মুখ দেখিলেই অনায়াসে ধরা পড়িবে। কিন্তু সে আর সে প্রসঙ্গ উত্থাপিত করিল না। সে কেবল মাত্র সংক্ষেপে জিজ্ঞাসা করিল,—“তোমার মা কোথায় আছেন?”

কৃষ্ণকিশোর কহিল,—“আমাদের বাড়ীতে ; তাজপুরে।”

তাজপুরে ? শুনিয়া মোক্ষদা চমকাইয়া উঠিল। ভাবিল, কে এ ? দুইমাস পূর্বে এরই সহিত কি তাহার বিবাহের সংস্ক হইয়াছিল ? তবে পিতা কেন আজ কহিলেন যে, ইহার বিবাহ হইয়া গিয়াছে ?—ইহার কথা শুনিয়া ত মনে হয় না যে, ইহার বিবাহ হইয়াছে, এই ত দুই চারি দিনের মধ্যে মাতার অনুমতি লইয়া, তাহার পিতার নিকট আসিয়া তাহার পাণিগ্রহণের জন্য প্রার্থনা করিবে। মহা মোক্ষদার মনে একটা সন্দেহের ছায়া পড়িল,—আচ্ছা ! এ বিবাহ করিবার জন্ত পিতার অনুমতি না লইয়া মাতার অনুমতি লইবেন কেন ? ইহার হয়ত কোনও

নিগূঢ় কারণ আছে ! হস্ত ইহার পিতা সূতাই কোনও কন্ঠার সহিত ইহার বিবাহ দিয়াছেন । হস্ত সে কন্ঠা মনোমত না হওয়াতে, মাতার অনুমতি লইয়া, সে আবার বিবাহ করিবে । হস্ত উহার পিতা যখন তাহাকে দেখিতে আসিয়াছিল, তখন এও গোপনে তাহাকে দেখিবার জন্তে ঐ ছাদের আশ্রয় গ্রহণ করিয়াছিল, তাই এ তাহাকে স্বজাতি বলিয়া জানে । হস্ত তাহাকে দেখিয়া পেরিন উহার পছন্দ হইয়াছিল ; তাই তাহাকেই বিবাহ করিতে চায় । এই নিদারুণ সন্দেহে সজ্ঞানিত হইয়া সে ভয়ে ভয়ে জিজ্ঞাসা করিল,—“তোমার বাড়ী তাজপুর ? তুমি কি সেখানকার জমীদার খাবুর ছেলে ?”

কৃষ্ণকিশোর কিছু বিস্মৃত হইয়া কহিল,—“হাঁ, আমরা তাজপুরের জমীদার । তোমার কথা শুনে মনে হচ্ছে যে, তুমি আমাদের কথা আগেই শুনেছিলে ।”

মোক্ষদা পূর্ববৎ সংশয়া ব্রতা হইয়া কহিল,—“তুমি যেমন আমাদের কথা শুনেছিলে ; আমিও তেমন তোমার কথা শুনেছিলাম ।”

কৃষ্ণকিশোর মনে করিল, এও বোধ হয়, বৃদ্ধা বিয়ের ছার কোনও লোকের মুখে আমার সংবাদ সংগ্রহ করিয়াছে । সে সেই তথ্যটা অবগত হইবার জন্ত জিজ্ঞাসা করিল,—“কোথায় কার কাছে, তুমি আমার কথা শুনেছিলে ?”

মোক্ষদা কহিল,—“কেন, তুমি ত জান, তোমার বাবা আমাদের বাড়ীতে এসেছিলেন ।”

কৃষ্ণকিশোরে আরও বিস্মিত হইল; কহিল,—“আমার বাবা! আমার বাবা ত চৌদ্দবছর আগে মারা গেছেন।”

এইবার মোক্ষদার বিশ্বয় সর্বসীমা অতিক্রম করিল। তবে এই বাঙ্গালা দেশে আর একটা তাজপুর আছে; আর একটা তাজপুরের জমীদার আছেন? সে তাহার বিস্মিত নয়ন বিস্ফারিত করিয়া কহিল,—“কিছু দিনি আমাদের বাড়ীতে এসেছিলেন, তিনি তাজপুরের জমীদার বলেই পরিচয় দিয়েছিলেন। আমার বাবাও সেই তাজপুরে গিয়ে তাঁদের প্রকাণ্ড বাড়ী বাগানবাড়ী সব দেখে এসেছিলেন।”

বাগানবাড়ীর নাম শুনিয়া কৃষ্ণকিশোরের মনে সন্দেহ জন্মিল, যে, হয়ত রাধাকিশোরের জন্ম পাত্রীর অন্বেষণে তাহার ছোটকাকা মহাশয় এখানে আসিয়াছিলেন। সে কহিল,—“বোধ হয় আমার ছোট কাকাবাবু আমার খুড়তুতো ভাই রাধাকিশোরের বিয়ের সম্বন্ধ করবার জন্যে এসেছিলেন।”

মোক্ষদা। হাঁ, তার নাম রাধাকিশোরই বাবু। তাকলে তুমি সে নও?

কৃষ্ণকিশোর। না, আমি কৃষ্ণকিশোর। তা রাধাকিশোরের সঙ্গে তোমার বিয়ে হ'লো না কেন?

কৃষ্ণকিশোর মনে মনে ভাবিল, মানুষ যখন সামান্য পার্থিব রত্ন লাভ করিবার অভিলাষ করে, তখন অযথা অর্থব্যয় করিতে কুণ্ঠিত হয় না;—একখণ্ড পদ্মরাগের জন্য মানুষ সহস্র সহস্র মুদ্রা অপব্যয় করিয়া ফেলে। তার! হার! সেই মানুষ,—

সেই ভগবৎ সৃষ্টির শ্রেষ্ঠ জীব ; সেই জগতের কেন্দ্রীভূতা শরীরিণী বুদ্ধি—সে যখন কোনও স্বর্গীয় রত্নরাত করিতে যায়, তখন—কি আশ্চর্য্য!—সে অর্থব্যয় না করিয়া, বরং অর্থ লাভ করিতে চেষ্টা করে ! আবার সেই জ্বপিত অর্থের পরিমাণ কম হইলে রত্ন ত্যাগ করিয়া যায়, এই মানুষ নামক বিপদ জন্তকে কে বুদ্ধিমান বলিবে ? সে মনের চিন্তা মনে রাখিয়া প্রকাশ্যে ধীরে ধীরে কহিল,—“যে কারণেই হোক, রাধাকিশোরের সঙ্গে বিয়ে না হওয়াতে হয়ত তোমার পক্ষে ভালই হ’য়েছে।”

মোক্ষদা । কিন্তু মা আজ বাবাকে বলেন যে বেশী টাকা খরচ করে তাজপুরের জমিদারদের বাড়ীতে আমার বিয়ে দিতে না পারলে.....

কুম্বকিশোর । না পারলে.....কি ?

মোক্ষদা । না পারলে মা আত্মহত্যা করবেন ।

কুম্বকিশোর । ওঃ ! বুঝেছি । মা পাছে আত্মহত্যা করেন সেই ভয়ে বুদ্ধি তুমি নিজে আত্মহত্যা করে মা বাপকে কন্যাদার থেকে উদ্ধার করবার চেষ্টা করেছিলে ?

মোক্ষদা একথার উত্তর দিতে পারিল না ; কেবল অধনত মুখে দাড়াইয়া রহিল ।

কুম্বকিশোর আবার বলিল,—“তোমার মাকে বোলো যে তিনি যেন নিশ্চিন্ত থাকেন ; তাজপুরের জমিদার বাড়ীতেই তোমার বিয়ে হ’বে—আর তোমার বাবাকেও বোলো যে তার জন্মে তাঁর কোনও টাকা অনিচ্ছায় খরচ করতে হবে না।”

মোকদ্দার মুখমণ্ডল লজ্জায় আরক্ত হইয়া কোকনদশ্রী ধারণ
করিল। ছি! ছি। সে কথা কি সে তাহার পিতৃমাতাকে নিজ
মুখে বলিতে পারে ?

ত্রয়োদশ পরিচ্ছেদ

প্রেমিকার সেতুবন্ধন

মোক্ষদাকে সরম সঙ্কুচিতা ও বাক্যবিরহিতা দেখিয়া কৃষ্ণ-কিশোর আর বিবাহের প্রসঙ্গ উত্থাপন করিল না।

কিয়ৎকাল নীরবে অপেক্ষা করিয়া কৃষ্ণকিশোর আরও বুঝিল যে, এক্রপভাবে এক মনোমোহিনী কিশোরীর দিকে লোলুপদৃষ্টি নিবদ্ধ করিয়া নির্জনে বাক্যালাপ করাও ভদ্রজনোচিত নহে। তঠাৎ বাড়ীর কোনও ব্যক্তি ছাদে আসিয়া পড়িলে, সে তাহাদিগকে তদবস্থায় দেখিয়া কি মনে করিবে? হয়ত, দেবপূজার পুষ্পের ন্যায় নিশ্চল এই বালিকাকে সন্দেহের চক্ষে নিরীক্ষণ করিবে। যে অবশ্য করণীয় কর্তব্য সম্পাদন কারবার জন্য সে এষ্ট নরনানন্দদায়িনী নবীনার সমীপবর্তী হইতে সাহসী হইয়াছিল, এক্ষণে সে কার্য্য ত শেষ হইয়া গিয়াছে। এখন আর কেন? এখন আর এই কিশোরীর মুখপদ্ম নিঃসৃত মধুময় কথা শ্রবণ করিবার জন্ত দীর্ঘ বাক্য বিনিয়মে সময় আত্বাহিত করা উচিত নহে।

অতএব সত্বর মেসের ছাদে প্রত্যাগমনের ইচ্ছায় সে কহিল,—
“লাফিয়ে ও ছাদে যেতে তুমি আমাকে বারণ করেছিলে। এখন তোমার বারণটা অবহেলা করবো না। কিন্তু অস্ত্র কি উপায়ে ও ছাদে যাব বল দেখি?”

লজ্জার অরুণরাগে আবার মোক্ষদার কণ্ঠ পর্য্যন্ত আরক্ত হইয়া উঠিল; কিন্তু এবার তাহার প্রবাল-অধর-প্রান্তে ক্ষীণ অখচ মধুর হাসি ফুটিয়া উঠিল। সে স্মিত মুখে কহিল,—ঐ যে বাঁশ গুলো দেখছ, ওর কতকগুলো যদি এ ছাদের কাণিশ থেকে ও ছাদের কাণিশ পর্য্যন্ত সাজিয়ে দেওয়া হয়, আর তার দুদিকে দুখানা বাঁশ আমাদের আলসে থেকে ও ছাদের আলসে পর্য্যন্ত রাখা হয়, তা হলে তুমি অনায়াসে ঐ বাঁশ দু'খানা ধরে কাণিশের বাঁশ গুলো দিয়ে ও ছাদে যেতে পারবে। তুমি যদি আমাকে একটু সাহায্য কর, তা হলে আমি সহজেই ঐ রকম একটা পুল করে দিতে পারি।”

আমরা এই আখ্যায়িকার কোন স্থানে পূর্বে একবার বলিয়াছি যে, এ ছাদের এক পার্শ্বে কতকগুলি বংশধণ্ড পতিত ছিল। মোক্ষদা সেইগুলি কৃষ্ণকিশোরকে দেখাইয়া দিল। কৃষ্ণকিশোর একে একে সেগুলি বহন করিয়া আনিল। মোক্ষদা একে একে তাহা গ্রহণ করিল এবং আলিশাতে আপন কোমল বক্ষ স্থাপিত করিয়া, অবনত হইয়া আলিশা হইতে সে গুলিকে কাণিসে নামাইয়া দিল। কেবল মাত্র দুইখানি বংশ নামাইল না; তাহা আলিশাতেই রহিল। এইরূপে নারিকা নারিকের নিরাপদ প্রাণের জন্ত ভীষণ রোজতাপ সহ করিয়া, আপন বরদেহকে ঘর্ম্মজলে ক্লিন্ন করিয়া অদৃষ্টপূর্ব্ব সেতু বিরচিত করিল।—তোমরা কখন তেমন সেতু দেখিয়াছ কি?

সেই সেতু অবলম্বন করিয়া কৃষ্ণকিশোর নৈসের ছানে

শ্রেষ্ঠাবৃত্ত হইল। বঙ্গ বাহন্য, আসিবার সময় সে কেরোসিন-
ভিলা ওড়না খান লইয়া আসিতে ভুলে নাই।

সে চলিয়া আসিবার পর মোকদ্দা আবার বংশখণ্ডগুলি টানিয়া
লইয়া যথাস্থানে রাখিয়া নাথকের প্রস্থান-পথচিহ্ন লুপ্ত করিয়া
দিল।

যতক্ষণ মোকদ্দা উপরিউক্ত কার্যের জন্ত ছাদে ছিল, ততক্ষণ
কৃষ্ণকিশোর মেসের ছাদে দাঁড়াইয়া তাহার বর্ষ্যবত অবয়বগুলি
যুগ্মনেত্রে নিরীক্ষণ করিতেছিল। সে ছাদ হইতে প্রস্থিত হইলে,
কৃষ্ণকিশোর মেসের ছাদের দরজাটি অর্গলবদ্ধ করিয়া, বিছানাটি
রৌদ্রতপ্ত করিবার কথা ভাবিল। কিন্তু তখন আর তাহার
কলিকাতায় রাত্রি যাপন করিবার ইচ্ছা ছিল না। আর একদিন
কলিকাতায় থাকিয়া রাধাকিশোরের পরীক্ষার ফল জানিতে হইলে
অকারণ অনেকটা সময় নষ্ট করা হইবে। যাহার সংবাদ, সেই
যখন এই কলিকাতাতেই শৃগুরালয়ে অবস্থিতি করিয়াও তাহা
সংগ্রহ করিবার জন্ত উন্মোগী নহে, তখন সে কেন অপরের অপ্রিয়
সংবাদ সংগ্রহ করিবার জন্ত, আর একদিন কলিকাতায় অবস্থিতি
করিয়া শুভকর্মের বিলম্ব ঘটাইবে? আর সেই দিনই দেশে
কিরিধা মোকদ্দাকে বিবাহ করিবার জন্ত মাতার অনুমতি লইয়া,
সে ত পরদিনই আবার কলিকাতায় আসিতে পারিবে। তাহাতে
যথাসময়ে রাধাকিশোরের পরীক্ষার ফলও জানা হইবে, এবং আরও
একদিন পূর্বে ইঞ্জিনিয়ার বাবুর সহিত সাক্ষাৎ ঘটিতে পারিবে।—
অতিসম্বর—অর্থাৎ অল্পত্র কন্টার বিবাহের প্রস্তাব উত্থাপনের

পূর্বেই তাহার হৃদয়াকাঙ্ক্ষিত প্রস্তাবটা তাঁহাকে জানাইলে তাহার হৃদয়ের গুরুভার লঘু হইয়া যাইবে। একবার সে যে কোন উপায়ে হউক বিবাহের প্রস্তাবটা তাঁহার নিকট তুলিতে পারিলেই তাঁহাকে সন্তুষ্ট করা কঠিন হইবে না।

সে শয্যাটি আর রৌদ্রতপ্ত না করিয়া, তাহা স্বন্ধে বহিয়া বন্ধুর কক্ষে প্রত্যাগত হইল। এবং সেই দিনই বাটা ফিরিবার উদ্যোগ করিল।

তখন কলিকাতায় তাহার একটি মাত্র কার্য অবশিষ্ট ছিল। সেই ওড়না খানি! তাহার প্রাণাধিকার প্রাণাস্তকারিণী সেই ওড়ানা খানি! তাহা ত সে সেই মেসের বাসায় কুলোঙ্কের কলুষিত মৃষ্টির তলায় রাখিয়া যাঠিতে পারে না। তাহা তাজপুরে লইয়া যাইতেই হইবে; একদিন সেই পরমারাগ্যা ওড়না খানা সে গায়ে দিয়া দেখিবে, তাহার প্রবল প্রেমতপ্ত অঙ্গটা নীতল হয় কিনা, সেই খেত ওড়নার স্পর্শটা বসন্তের কমল পলাশের স্পর্শ অপেক্ষা স্নিগ্ধ কিনা। কিন্তু ব্যাগের মধ্যে পুড়িয়া তাহা দেশে লইয়া যাঠিতে হইলে, সর্ব্বাঙ্গে তাহার কেয়োনিন গন্ধ অপনয়ন করা আবশ্যিক।

এই কার্যের জন্ত সে বুদ্ধা বিকে স্বরণ করিল। দৈবক্রমে সেদিন বি তখনও বাটা যায় নাই। সে বিকে ডাকিয়া একটা মিথ্যা কথা রচনা করিল। প্রেমলীলার মিথ্যা নীতিবিরুদ্ধ নহে, কহিল,—“দেখ, বি, আমি রাত্রে এই চাদর খানা গায়ে দিয়া শুই। কালরাত্রে হঠাৎ ল্যাম্পটা উল্টে যাওয়ার মেঝেতে কে-

রোসিন পড়েছিল ; তা আমি এই চাদর খানা দিয়ে মুছেছি।
তুমি ছ' আনার সাবান কিনে এনে এখানা যদি কেচে দাও বড়
ভাল হয়।

তখন বেলা প্রায় একটা। তখন ভাত লইয়া বাড়ী ফিরিবার
সময় উত্তীর্ণ হইয়া গিয়াছিল। কিন্তু ঐ পূর্বদিবস কৃষ্ণকিশোরের
নিকট হইতে যে পুরস্কার লাভ করিয়াছিল, তখনও তাহার
জন্ত কৃতজ্ঞতা ভুলিতে পারে নাই। সে সহজেই সম্মত হইল।
সে তৎক্ষণাৎ ছয় পয়সা আঁচলে বাঁধিয়া, দুই পয়সার সাবান
আনিয়া ওড়না খানা ধৌত করিয়া তাঁর রোদ্রে গুঁড় করিতে
দিল।

সমস্যাতিপাত করিবার জন্ত কৃষ্ণকিশোর একবার কলেজে
গেল। সেখানে যাইয়া শুনিল যে, সেই দিনই সে আসিবার কয়েক
মিনিট মাত্র পূর্বে পরীক্ষার ফলের তালিকা আসিয়া পৌঁছিয়াছে।
সে নিশ্চয়কে সুনিশ্চিত করিবার জন্ত নিজের নামটা প্রথমেই দেখিয়া
লইল। তাহার পর জানিল যে, রাধাকিশোর পরীক্ষার কৃতকার্য
হইতে পারে নাই। সে ভাবিল, যে ছরদৃষ্ট যুবক ইঞ্জিনিয়ার
বাবুর কন্ঠার ঞ্চার রমণীরত্ন লাভ করিতে পারে নাই, তাহার
ভাগ্যে অকৃতকার্যতা ব্যতীত বিধাতা কি আর কিছু লিখিবেন!
এই নারীরত্নকে সে হারাইয়াছে, সে জন্মের মত ভাগ্যলক্ষীর কৃপার
স্বরক্ষিত হইয়াছে; দেবতাগণ তাহার প্রতি চিরদিনের জন্ত
বিমুগ্ধ হইয়াছেন।

চতুষ্টিংশ পরিচ্ছেদ

বুদ্ধিমত্তা ও ভক্তিমত্তা ।

সন্ধ্যার কিছু পূর্বে গোমস্তা কলিকাতা হইতে ফিরিয়া সকল সংবাদ কর্তীঠাকুরানীকে প্রদান করিল। কর্তীঠাকুরানী সন্তুষ্ট হইলেন ; এবং গোমস্তাকে উপদেশ প্রদান করিলেন—“আপাততঃ তুমি এই বিষয়ের কথাটা গোপন রাখবে ; কৃষ্ণকিশোর বাড়ী ফিরে এলে তাকেও বলবে না। কিন্তু এখন থেকেই বিশেষ উদ্যোগ করে একটা কাষ করতে হবে। তুমি জান যে আজ বাড়ী কেনার জন্য টাকাটা দেওয়ার পর, আমাদের হাতে প্রায় কিছুই থাকবে না। তুমি বকেয়া খাজানা একটু জোর ক’রে আদায় করে হাতে কিছু মজুত করবার চেষ্টা কর।—আমি বিষয়ে চার পাঁচ হাজার টাকা খরচ করতে চাই।”

গোমস্তা। চার পাঁচ হাজার টাকার জন্তে আপনার কোন চিন্তা নেই। আষাঢ় কিস্তির মালগুজারি বাদে, আমি আমার আদায়ী তহবিল থেকে আষাঢ় মাসের প্রথমে অনায়াসে তিন হাজার টাকা দিতে পারবো। আরও তিন হাজার টাকা আমি প্রজাদের কাছ থেকে বিষের বৌতুক বলে আদায় করে নেব।

কর্তী। কিন্তু আমি যে তোমায় এই মাত্র বললাম যে বিষয়ের কথাটা গোপন রাখবে।

গোমস্তা। ওঃ! তাই ত। তাহলে কি করে করে আদায় করা যাবে ?

কর্ত্তী। বিয়ের যৌতুক বলে মোটেই কিছু আদায় করবে না। তুমি এতদিন আমাদের কাছ থেকে জাননা যে আমি খাজনা ছাড়া আর কিছুই আদায় করতে চাইনে ?

গোমস্তা কর্ত্তীঠাকুরাণীর তিরস্কার গায়ে না মাথিয়া কহিল,—
“কিন্তু রাধাকিশোর বাবুর বিয়েতে ছোটবাবু মহাশয় ত প্রজাদের কাছ থেকে টাকা আদায় করেছিলেন। এতে ত আমি কিছু দোষ দেখতে পাই না।

কর্ত্তীঠাকুরাণী একটু হাসিয়া কহিলেন,—“কিন্তু বিয়ের কথাটা গোপন রেখে, তুমি বিয়ের জন্তে টাকাটা কি রকম করে আদায় করবে, শুনি ?”

গোমস্তা ‘বকেয়া’ লোক ; সে আদায় কার্যে যুগ বিশেষ। তাহার উপর, কন্যাকর্ত্তার নিবট বিবাহের পণ না লইবার প্রস্তাবে সে বড়ই স্মরণ হইয়াছিল। সে ভাবিল যে, কর্ত্তী যদি বিবাহের যৌতুক স্বরূপ প্রজাদের নিকট হইতে কিছু আদায় করিতে না যেন, তাহা হইলে তাহাদের নিকট হইতে অন্য উপায়েও অর্থ আদায় করা যাইতে পারিবে। সে একটু বিবেচনা করিয়া কহিল,—“তা বিবাহের যৌতুক বলে নাই বা আদায় করলাম। চেড্রা কিরিয়ে প্রজাদের মধ্যে প্রচার করে দিলেই হ’বে, যে আমাদের বাবু সাবালক হ’য়েছেন ; আগামী পরলো আবার তিনি সদরে উপস্থিত থাকবেন ; সকলে যেন যথাযোগ্য

নজরানা দিয়ে ঐ দিন তাঁর সঙ্গে সাক্ষাৎ করে। ব্যর, ব্যর, এক
বারে চার পাঁচ হাজার টাকা আদায় হয়ে যাবে।

গোমস্তার উদ্ভাবনী শক্তি দেখিয়া কত্রীঠাকুরানী আবার
হাসিলেন। হাসিয়া বহিলেন, “না, এ রকম নজরানা নিতেও
কুম্বকিশোর কোনও মতে রাজি হ’বে না। তুমি বকেয়া
খাজনা ছাড়া প্রজাদের কাছ থেকে কিছুই আদায় করো না।
খাজনা আদায় করে, তুমি যদি আমার তিন হাজার টাকা দিতে
পার, তা হ’লেই আমার চলে যাবে। কেন না, বাড়ীর জন্যে
তিন হাজার টাকা দেওয়ার পরও আমার হাতে দু’ এক হাজার
টাকা থেকে যাবে; তা’ ছাড়া গো শালার তহবিল থেকেও
কিছু পাওয়া যাবে।”

গোমস্তা কত্রীঠাকুরানীর আক্রমণ বিরুদ্ধে আর বাক্যোথাপন
করিতে সাহস করিল না। সে তাঁহাকে নিতান্ত অধিক বুঝিয়া
স্বপ্ন মনে চাওয়া গেল; এবং ঘুণাক্ষরে কাহা ও নিকট বিবাহের
কথা প্রকাশ করিল না।

সন্ধ্যার পরে গৃহিনী দেববন্দনা করিয়া, রন্ধনকার্যে রত
ছিলেন। তখন ছোট বধু ঠাকুরানী আসিয়া তাঁহার সহিত
সাক্ষাৎ করিলেন। গৃহিনী চুল্লী হইতে পাকপাত্র নামাইয়া
তাঁহাকে নিভতে লইয়া গেলেন।

ছোট বধু করিলেন, “রেণ্ডিষ্টারী করা দলিলখানা আমার হাত
দিয়ে পাঠিয়ে দিয়েছেন, দিদি; আর টাকাটা আমাকেই নির্দে
ষেতে ব’লেছেন।”

গৃহিনী বাস্তু খুলিয়া টাকা বাহির করিলেন; এবং তাহা গণিয়া ছোট বধু ঠাকুরাণীর হস্তে দিয়া কহিলেন, “আমি মনে করেছিলাম, টাকাটা নেবার জন্তে ঠাকুরপো নিজে আসবেন। একবার আমার সঙ্গে তাঁর দেখা হ’লে ভাল হ’ত;—আমি তাঁকে স্বরূপে সম্বন্ধে বুঝিয়ে কিছু বলতাম। এখনও তিনি যদি একটু বুঝে চলে, শেষ বয়সে আর কষ্ট পেতে হ’বে না। তিনি অবুঝ ন’ন। তুই তাঁকে একটু বুঝিয়ে বলিস্ ছোট বো।”

ছোটবধু কহিলেন, “তিনি যে বুঝেন না, এমন নয়। কিন্তু বুঝে শুঝে পাঁচজনের কথায় এমন কাষ করে বসেন, যার জন্য পরে আর একটুও শান্তি পান না। তিনি স্বামী, তিনি গুরু, তাঁকে আর আমি কি বোঝাব, দিদি? তবে তাঁর অশান্তি দেখলে মনটায় বড় কষ্ট হয়; তাই এক একবার বলি। কিন্তু বোকা মানুষ, তাঁর মত বুদ্ধিমানকে কি আমি বোঝাতে পারি? আমরা মেয়ে মানুষ, দিদি, আমরা বোঝাবার জন্যে জন্মাইনি, আমরা স্বামীর সেবার জন্যে জন্মাইছি। তুমি আশীর্বাদ কর, দিদি তাঁর সেবা কর্তে কর্তে আমি যেন শেষের কটা দিন কাটিয়ে যেতে পারি।”

এই সেবাময়ী ভক্তিমতী সধবার নিকট কর্তব্যময়ী বুদ্ধিমতী বিধবার সমস্ত কর্তব্যজ্ঞান সমস্ত বুদ্ধিগৌরব জ্ঞান ও অবনত হইয়া পড়িল। তিনি কথা কহিতে পারিলেন না। নীরবে হেঁট খুখে বসিয়া ভাবিলেন,—“ধন্য ছোট বউ, তুইই ধন্য! তুই স্বামীর ঐশ্বর্য্যবুদ্ধি করে’ ঐশ্বর্য্যময়ী হতে চাসনে; তুই কেবল ভক্তি

দিয়ে প্রাণ দিয়ে স্বামী সেবা করতে চাস! আমি আজ মনে মনে
তোকে আশীর্বাদ করছি, তুই যেন, তোর স্বামিসেবারত উদ্‌যাপন
করে অক্ষয় স্বর্গ লাভ করিস, আর আমরা যেন ভগবানের কৃপায়
জন্মজন্মান্তর তোরই মত অনন্তকর্মী হয়ে স্বামীর সেবা করতে
পারি।”

পঞ্চত্রিংশ পরিচ্ছেদ

গেজেট ।

গোমস্তার সচিত যখন ইঞ্জিনিয়ার বাবু বহির্বাণীতে বসিয়া কন্যার বিবাহের কথা কহিয়াছিলেন, তখন বাণীর কোনও লোক বহির্বাণীতে আসেন নাই। যে ভৃত্য গোমস্তাকে জলখাবার দিবার জন্য আহৃত হইয়াছিল, সেও গোমস্তার কোনও কথা শ্রবণ করে নাই। সুতরাং বাণীর কোন গোকই মোক্ষদার বিবাহের নূতন প্রস্তাব সম্বন্ধে একটি কথাও অবগত হইতে পারে নাই। ইঞ্জিনিয়ার বাবুও এ সম্বন্ধে কোনও কথা বাণীর কোনও লোকের নিকট প্রকাশ করেন নাই। সেদিন গৃহিনী স্বামীকে এত কথা বলিয়া ফেলিয়াছিলেন যে তাহার পর আর কি কথা বলিলেন, তাহা কয়েকদিন ঠিক করিয়া উঠিতে পারেন নাই; একান্ত তিনি কয়েক দিন মৌনব্রতাবলম্বিনী হইয়া বাণীতে বাস করিতেছিলেন; একান্ত ইঞ্জিনিয়ার বাবু বিবাহের নূতন প্রস্তাবটা অপ্রকাশিত রাখিবার সুবিধা পাইয়াছিলেন। একদিন মোক্ষদার জন্য কয়েকটি নূতন অলঙ্কার প্রস্তুত করাইবার পূর্বে তিনি মৌনব্রতচারিণী গৃহিনীর সহপদেণ প্রার্থনার তাঁহার নিকটবর্তী হইয়াছিলেন, কিন্তু গৃহিনী বক্রনেত্র্যে তাঁহার

মিকে কটাক্ষপাত করিয়া বিরাগভরে অন্ত্র চণিয়া গিয়াছিলেন ;
সে দিনও বিবাহের নূতন সম্বন্ধের কথা প্রকাশ করিবার সুযোগ
ঘটে নাই ।

আমরা জানি, মোক্ষদা যদি পাত্রের বিশেষ পরিচয় অনবগত
থাকিয়া, একটা নূতন বিবাহের সম্বন্ধের কথা বাটীর লোকের
মুখে শুনিতে পাইত, তাহা হইলে সে কখনও মুখী হইতে পারিত
না । অতএব বিবাহের নূতন প্রস্তাবের কথা জানিতে না
পারায় সে অমুখী হয় নাই । বরং সে যখন দেখিল যে, পিতা
প্রতিশ্রুতি অনুযায়ী নূতন পাত্রের অনুসন্ধান বিদেশ যাত্রা
করিলেন না, তখন সে আনন্দেই দিন কাটাতে লাগিল ।
তাহার মত চতুর্দিশ বয়সী তরুণী হৃদয়-শো নবীন যৌবনোচ্ছ্বাস
অনুভব কার্য্যে, বিবাহ-বন্ধনে বন্ধ করিতে কেন পরামুখ হইল,
তাহা আমরা জানি ।

এইরূপে কন্যার ও পত্নীর অগোচরে, এবং বাটীর অন্ত্রলোকের
অজ্ঞাতে ইঞ্জিনিয়ার শাবু ধীরে ধীরে বিবাহের উদ্যোগ করিতে
লাগিলেন । কোনও দিন পোদ্দারের দোকানে যাওয়া কল্লার জন্য
অলকার গড়াইতে দিলেন ; কোনও দিন জামাতার জন্য
অঙ্গুরীয়ক, ঘণ্টা, চেন ক্রয় করিয়া আনিলেন ; কোনও দিন
বস্ত্রালকার ক্রয় করিয়া, আপন শয়ন কক্ষের আলমারীর মধ্যে
সঞ্চয় করিলেন ; কোনও দিন জামাতাকে দান করিবার জন্য
বস্ত্র নিশ্চিত তৈজস আনিয়া পেটকমধ্যে লুকাইয়া রাখিলেন ;
কোনও দিন নিমন্ত্রণ পত্র ছাপাইয়া টেবিলের ড্রাজ মধ্যে

গুছাইয়া রাখিলেন। এইরূপে কল্লার বিবাহোৎসবের উদ্ভোগ ধীরে ধীরে অগ্রসর হইতে লাগিল।

এই সময় একদিন রাস্তায় এক পরিচিত ভদ্রলোকের সহিত তাঁহার সাক্ষাৎ হইল। ভদ্রলোকের বাহুতলে কতকগুলি মুদ্রিত কাগজ দেখিয়া, কুশলাদি প্রশ্নের পর তিনি জিজ্ঞাসা করিলেন,—
“কাগজগুলি কি?”

ভদ্রলোকটি কহিলেন,—“কলিকাতা গেজেট। আজ এতে বি, এ, পরীক্ষার ফল বের হইছে, আমার ভাইপোটি বি, এ, দিইছিল, তাই তার খবরটা জানবার জন্তে এক কপি কিনে-ছিলাম। আট আনা পরসী বৃথা গেল। বাবাভীবন ফেল হইয়েছেন। এতে তার নাম পাওয়া গেল না। সকল ক্লাবের আর পার্টির খাতার যার নাম থাকে, মশাই, গেজেটে তার নাম থাকে না।—এটা আমি বরাবর দেখে আসছি।”

ইঞ্জিনিয়ার বাবু ভদ্র ব্যক্তিকে আশ্বাস প্রদান করিয়া কহিলেন,—
“তা, একবারেই সকল ছেলে পেরে উঠে না। আর একবার চেষ্টা করলে নিশ্চয়ই পাশ হ'বে।”

ভদ্র। চেষ্টা করলে ত? সিগারেট খাওয়া, আর হোটেলে পিকনিক (picnic) পার্টিতে যোগ দেওয়ার নাম চেষ্টা নয়। কোথার এক জমীদারের ছেলে তার বন্ধু জুটেছে, মশাই তার বন্ধুত্বের খাতারে ছোঁড়াটা ইহকাল পরকাল দুই-ই নষ্ট করলে।

• ইঞ্জিনিয়ার বাবু ঈষৎ চিন্তিত হইয়া জিজ্ঞাসা করিলেন,—
“কোথাকার জমীদার পুত্র আপনি জানেন কি?”

ভদ্র । এই বশোর জেলার একটা পাড়া গাঁ ; নামটা, কি ভাল, আমার মনে পড়ছে না ।

ইঞ্জিনিয়ার । ছেলেটির নাম কি ?

ভদ্র । নামটাও আমার মনে আসছে না । কিন্তু ছেলেটাকে আমি চিনি ।—মাথায় চেরা সিঁথি, চোখ দু'টি চুলুচুলু ঠোঁটে সিগারেট—একবার যদি ছেলেটাকে দেখেন, মশাই, তাহ'লে আপনার ইচ্ছা যাবে যে এরোপ্লেনে চড়ে, একবারে আট হাজার ফুট উপর থেকে একটন ওজনের একটি বোমা তার চেরা সিঁথির উপর.....বুঝেছেন ?

ইঞ্জিনিয়ার বাবু হাসিলেন ।

ভদ্র । হাসবেন না, মশাই ! ঐ ছেলেটার মাথায় এতটা বোমা ফেলবার জন্ত আমি এই বড়ো বয়সে এরোপ্লেনে উঠে প্রাণ হারাতেও রাজি আছি । ও সব ছেলে বেঁচে থাকলে বাঙ্গালার অর্ধেক ছেলেকে বিগড়ে দেবে—পৈতৃক পরমা খরচ করে বিগড়ে দেবে ।

ইঞ্জিনিয়ার । যাক, ও সব কথা ভেবে আর মন খারাপ করবেন না । যতদিন পৃথিবী পৃথিবীই থাকবে, ততদিন ও রকম দু' একটা ছেলে জন্মাবেই ।

ভদ্র । বৃথায় আট আট আনা পরমা খরচ করে গেজেট খানা কিনে আমার মনটা বড়ই খারাপ হ'য়ে গেছে ;—রাগ আর বরদস্ত করতে পাচ্ছি নে ।

ইঞ্জিনিয়র। রাগের জিনিষটা বরং আমার দিন; আমি আপনাকে আট আনা পয়সা দিচ্ছি।

এইরূপে গেজেট সংগ্রহ করিয়া ইঞ্জিনিয়র বাবু বাটী ফিরিলেন। এবং অনুসন্ধান করিয়া জানিতে পারিলেন যে তাঁহার নবমনোনীত প্রামাতা শ্রীমান কৃষ্ণকিশোর সিং ইংরাজি সাহিত্যে প্রথম স্থান অধিকার করিয়াছে। তাঁহার আনন্দের সীমা রহিল না। এত পরমানন্দ আপন অর্দ্ধাঙ্গিনীকে উপভোগ করাইবার জন্য তাঁহার মন ব্যাকুল হইয়া উঠিল। তিনি ছুটিয়া বাটীর মধ্যে প্রবেশ করিলেন। কিন্তু গৃহিণীর অদৃষ্টের আনন্দোপভোগ অর্গলবন্ধ দ্বারের বাহিরে পড়িয়া রহিল। হায়! কে বলবে, প্রতিদিন কত স্বর্গীয় আনন্দ, কত পরতোষ আমাদের দ্বারের নিকট আসিয়া তাহা অর্গল বন্ধ দেখাচ্ছে!—দেখিয়া ফিরিয়া গিয়াছে।

ইঞ্জিনিয়র বাবু বাণিত্ত হৃদয়ে বাহুবীর্ষ্যে ফিরিয়া আসিলেন; এবং অনন্তরুদ্ভা, হইয়া গেজেট খানা লহয়া রাধাকিশোরের নাম খুঁজিতে লাগিলেন। রাধাকিশোর পরীক্ষায় অকৃতকার্য হইয়াছিল; সুতরাং ইঞ্জিনিয়র বাবু গেজেটে তাঁহার নাম দেখিতে পাইলেন না। তখন তিনি একটা নিকৃতির দাঁর্বনঃস্থাস ফেলিলেন।

সেই দিনই দিবাবসান কালে তিনি গাড়ী চড়িয়া পোন্ধারের দোকানে বাইতেছিলেন। একস্থানে ট্রাম গাড়ী রেলচ্যুত হওয়ার কিষ্টকালের জন্য চলাচল বন্ধ হইয়াছিল। ইঞ্জিনিয়র বাবুর গাড়ী অপেক্ষা করিতে বাধ্য হইয়াছিল। গাড়ীতে বসিয়া

ইঞ্জিনিয়ার বাবু রাস্তার দুই পার্শ্বের পশাবীথিকা অবলোকন করিতেছিলেন। হঠাৎ একটা দোকানের দিকে তাঁহার দৃষ্টি পতিত হইল। ঐ দোকানের প্রবেশ দ্বারের উপর বড় বড় ইংরাজি অক্ষরে লিখিত আছে, The Students Swadeshi Hotel। ঐ স্বদেশী ভোজনাগারের বিদেশী নামের নিম্নে বাঙ্গালার লিখিত আছে,—“এখানে, চপ্, কাটলেট্, ফ্রাই, কারি প্রভৃতি সমুদায় ইংরাজি খাদ্য সর্বদা বিক্রয়ার্থ প্রস্তুত থাকে। পরীক্ষা প্রার্থনীয়। আশুন, আশুন, আশুন।” এই ভোজনাগারের তিনটি দ্বারের সম্মুখে একটু বারান্দা ও দুই সারি সিঁড়ি ছিল। ইঞ্জিনিয়ার বাবু দেখিলেন যে, সেখানে কয়েকটি আন্ধির পাঞ্জাবী পরা সিগারেট-মুখ যুবকের সহিত রাধাকিশোর দাঁড়াইয়া রহিয়াছে। তাহার পরিধানে জরিপাড় ধুতি, গায়ে বেশমী পাঞ্জাবী, কন্ধে অসংযত উড্ডীর্ণমান উড়ান, হাতে রিষ্ট ওয়াচ ও মুখে সিগারেট। একজন যুবক তাহার দিকে হস্ত প্রসারিত করিয়া কহিল,—“Three cheers for our host Mr. R. K. Chatterjee।” রাধাকিশোর প্রত্যুত্তরে কহিল,—“Three cheers for our gallant B. A. tails! ইঞ্জিনিয়ার বাবু মনে মনে আবার বলিলেন,—“জয় ভগবান, তুমি আমাকে রক্ষা করিয়াছ।”

ষট্‌ত্রিংশ পরিচ্ছেদ

প্রত্যাগমন ।

কহোজে রাধাকিশোর সহজে সংবাদ সংগ্রহ করিয়া কৃষ্ণকিশোর বেলা চারিটার পর মেসের বাসায় ফিরিয়া আসিল ; জলযোগ করিল ; ওড়ানাখানি শুকাইয়াছিল, তাহা লইয়া, সযত্নে পাট করিয়া, আপনার ব্যাগের মধ্যে পুরিল ; এবং ছয়টার গাড়ী ধরিবার জন্ত অনেক পূর্বেই শিয়ালদহ ষ্টেশনের দিকে ধাবিত হইল ।

ষ্টেশনে আসিয়া সে গাড়ীতে উঠিয়া বসিল । গাড়ী কিন্তু সহজে অগ্রসর হইতে চাছিল না ; সময় এবং গাড়ী দুইটাই যেন অচল হইয়া দাঁড়াইয়া রহিল । কৃষ্ণকিশোর মনে করিল, ষ্টেশনের ষড়ী গুলা যেন ছয়টা বাজিতে ভুলিয়া গিয়াছে ।

অবশেষে যেন এক যুগ পরে, অতি কষ্টে ছয়টা বাজিল ; কৃষ্ণকিশোর উৎকর্ষে গাড়ীর বংশীরব শ্রবণ করিল । গাড়ী ছাড়িল ; কি একটা নূতন আনন্দে কৃষ্ণকিশোরের হৃদয় আলোড়িত হইয়া উঠিল ।

সে গাড়ীর একটি কোণের আশ্রয়ে বসিয়া অর্ধনিম্নীলিত নেত্রে আপনার শুভ সংকল্প সিদ্ধির উপায় চিন্তা করিতে লাগিল । সে স্থির করিয়া রাখিল যে বাটী পৌছিয়া প্রথমেই মাতার নিকট

বিবাহের প্রস্তাব উত্থাপন করিবে ; এবং ইঞ্জিনিয়ার বাবুর নিকট আসিবার জন্য তাহার অনুমতি প্রার্থনা করিবে । মাতা তখনই নিশ্চয়ই সেই অনুমতি প্রদান করিবেন । তাহার পর, আগামী কল্যই সে আহারাদির পর কলিকাতার আসিয়া অপরাহ্নে ইঞ্জিনিয়ার বাবুর সহিত সাক্ষাৎ করিবে । ইঞ্জিনিয়ার বাবু সহজেই তাহার প্রস্তাবে সম্মত হইবেন ; কারণ পত্নীর ইচ্ছা পূর্ণ করিয়া তাঁহার তৃপ্তি সাধন করিতে হইলে, তাহাপূরের জমিদার পুত্রের সহিতই কস্তার বিবাহ দেওয়া ব্যর্থ আর উপায়ান্তর নাই ; আর রাধাকিশোরের বিবাহ হইয়া যাওয়ার দে ছাড়া বিবাহযোগ্য তাজপুর কুলোদ্ভব আর কেহ নাই ; তাহার উপর রাধাকিশোরের সহিত তুলনায় সে তাঁহার কস্তার পক্ষে কোনও অংশে গীন পাত্র হইবে না । তোমরা যুবকগণ ! তোমরা আপন আপন বিবাহের সময় আপনাদিগকে মনোনীতা বধূগণের কতটা উপযুক্ত পাত্র মনে করিয়াছিলে, তাহা স্মরণ করিয়া কৃষ্ণকিশোরের শেষ আত্মগৌরবটি ক্ষমা করিও ।

কৃষ্ণকিশোর ঠিক করিয়া লইল যে উপরিউক্ত^{১০} কারণে ইঞ্জিনিয়ার বাবু নিশ্চয়ই তাহারই সহিত কস্তার বিবাহ দিতে বাধ্য হইবেন । তখন সে বিধাতার কৃপায়, তাহাকে বিবাহ করিয়া বাটী লইয়া আসিবে ; তখন ভাস্কর করের শ্রায় তাহার ভাস্কর রূপ-রশ্মি তাহার জীবন পথে জ্যোতিঃ প্রতিকলিত করিয়া তুলিবে , তাহার কমলীয় রূপাশি, পুরাকালের ঋষিদিগের হোমাগ্নির শ্রায় তাহাদিগের গৃহকে তপোবনের স্তায় পবিত্র করিয়া রাখিবে ,

সেই স্নিগ্ধ জ্যোতির্ময়ী, ভগবানের মূর্তিমতী করুণার মত, তাহার সংসারে বিচরণ করিবে। আর কৃষ্ণকিশোর ধনু হইবে ;— তাহার আশার সরোবরে ফুল শতদল ফুটিয়া উঠিবে ; তাহার হৃদয় নন্দনে স্বর্গের আনন্দ প্রবাহিত হইবে , তাহার হৃদয় রাজীবে সেই দেবীপ্রতিমা ইষ্টদেবীর স্নায় বিরাজ করিবে ;—আর সে ধনু হইবে। সন্ধ্যাকালে সন্ধ্যার শিশির পাতে প্রসূন কলিকা যেমন ধনু হয়, শারদাকাল যেমন পূর্ণিমার নিশানাথকে বক্ষে ধরিয়া ধনু হয়, নিদাঘ তপ্ত ক্ষেত্র সকল প্রথম বর্ষার বারিবর্ষণে যেমন ধনু হয়, ভারত স্মৃতিগণ মণিময় মুকুটে কোহিনুর ধারণ করিয়া যেমন ধনু হইয়া থাকেন, কৃষ্ণকিশোর সেই প্রেমময়ীকে পত্নীরূপে পাইয়া তেমনই ধনু হইবে, তেমনই জয়যুক্ত হইবে !

সেই গাড়ী যে বাষ্পীয়বেগে ছুটিতেছিল, তাহা অপেক্ষা দ্রুত-তর বেগে কৃষ্ণকিশোর নবীন করুণারাজ্যে বিচরণ করিতেছিল। আমরা বৃদ্ধ, আমরা তাহার অনুসরণ করিবার চেষ্টা করিলে ক্লান্ত হইয়া পড়িব। এ জুগু আমরা সে চেষ্টায় বিরত হইলাম।

গাড়ী যথাকালে কৃষ্ণকিশোরকে লইয়া তাজপুরে পৌছিল।
রাত্রি নয়টার পর সে বাটীতে প্রত্যাগত হইয়া ডাকিল—‘মা !’

সপ্তত্রিংশ পরিচ্ছেদ

মাতাপুত্রের কথোপকথন ।

মাতা তখন যেন পুত্রের প্রত্যাগমন প্রত্যাশা করিয়াই রন্ধন শালায় বসিয়াছিলেন । আমরা শুনিয়াছি মাতৃগণের হৃদয় বালিয়া দেয়, কখন তাঁহাদিগের কক্ষনির্ধরণ অক্ষলাশয়ে ফিরিয়া আসিবে । কৃষ্ণকিশোরের মাতাও বোধ হয় সেইরূপ কোনও উপায়ে জানিতে পারিয়াছিলেন যে, আজ কৃষ্ণকিশোর বাটী ফিরিয়া আসিবে । তাই যখন কৃষ্ণকিশোর বাটী আসিয়া তাঁহাকে 'মা' বলিয়া সম্বোধন করিল, তখন তিনি সম্পূর্ণ অন্বকম্পিত কণ্ঠে কহিলেন,—“তুচ্ছ ওপরে গিয়ে কাপড় চোপড় ছাড় । আমি ততক্ষণ তোমার জন্য পান করুক লুচি ভেজে নি, তার পর তোম খাবার আমি রেপরেটী নিয়ে যাব এখন ।”

কৃষ্ণকিশোর কহিল,—“না, মা, আমি তোমাকে প্রণাম না ক'রে ওপরে যাব না । তুমি শীগ্গির রান্নাঘর থেকে বাইরে এসো । তা' না হলে আমি জুতো পায়ে দিয়েই তোমার রান্নাঘরে ঢুকে পড়বো ।”

মাতা বাস্তব হইয়া কহিলেন,—“না, না, জুতো পায়ে দিয়ে রান্নাঘরে ঢুকিসনে । আমি বাইরে যাচ্ছি ।”

হাত, বাহিরে আসিলে, পুত্র তাঁহার পদস্পর্শ করিয়া প্রণত হইল; এবং তাঁহার আশীর্বাদপূর্ণ করতল, দেবতার মণিমাণ্ডল মস্তকের কাছ, আপনার জবনত মস্তকে গ্রহণ করিয়া কহিল,—
“না, আমি পাশ হইয়াছি।”

মাতা পুত্রের দীপালোকিত মুখমণ্ডল নিগ্ন স্নেহদৃষ্টিতে আদৃত করিয়া কহিলেন,—“কিন্তু তোর মুখ অমন শুকিয়ে গেছে কেন? সারাদিন যেন রোদে রোদে ঘুরে বেড়িয়েছিস।”

বাস্তবিক প্রিয়তমার প্রাণরক্ষা করিতে যাইয়া ছাদের উৎকট সৌন্দর্য্যে তাহার মুখ তপ্ত অন্তরে বিবর্ণ তরুণ কদলীপত্রের কাছ যান হইয়া গিয়াছিল। অন্তরমধ্যে তাহার সে জ্ঞান থাকিলেও, সে মাতার নিকট ভাষা প্রকাশ করিতে সাহস পাইল না। সে কেবলমাত্র কহিল,—“না, মা, আমি ত রোদে রোদে ঘুরে বেড়াইনি।”

মাতা হাসিয়া কহিলেন, “তবে বুঝি ছ’পরের রোদে ছাদে গায়ে দাঁড়িয়ে ছিলি? তা না হ’লে তোর মুখের রং অমন শুকিয়ে যাবে কেন?”

মাতার অনুমানটা ঠিক লক্ষ্যভেদ করিয়াছিল। শু’নয়া কক্ষিকেশোর চমকাইয়া উঠিল; এবং বিস্মিত নেত্রে মাতার ত্বকের দিকে চাহিল।

মাতা আবার হাসিয়া কহিলেন,—“যা, যা, আর দেবী করিসনে। ওপরে গিয়ে ঠাণ্ডাজলে আগে মুখ হাত বেশ ধুয়ে ফেল; তার পর গাড়ীর ধুলো আর কমলার গুঁড়ো

মাথা কাপড় খাটা দেখা দেয়। তোর কাপড়ছাড়া হ'তে না হ'তে আমি পানসে তোর পানসে বাদ এখন।"

কৃষ্ণকেশোর কথিত — "মা, মা, তুমি ওপরে খাবার নিয়ে ঘেঁষো না। তুমি কাপড় ছাড়ো, লীচ এস, ভোগার সঙ্গে খাব। খেতে খেতে তোর কৈ কত নতুন কথা বলবে।"

সে মনে করিয়াছিল, এটা নতুন কথা। মাতার নিকট দ্বিধাতের প্রশংসা উপস্থাপন করিবে। হায়! হায়! অসুন্দরী বৃদ্ধ! সেও কখনো না মাতার নিকট আপন বিবাহের প্রস্তাব উপস্থাপন করা। এতটুকু স্মরণ হ'ত ও সুশীল পুত্রর পক্ষে কত শক্ত কাঁচ।

পুত্রের মুখে নূতন কথা ও উল্লেখ শুনিয়া মাতা মনে মনে হাসিলেন, তাঁহারও নিকটে অনেক নতুন কথা—পুত্রের ধারণার অতীত, অনেক বিস্ময়জনক নূতন কথা—তাঁহার শুভ সঞ্চিত ছিল। মাতা কিছু ত'থা তৎক্ষণাৎ পুত্রকে কনাইবার জন্ত বাস্তব ছিলেন না। তিনি কেবলমাত্র বলিলেন,—“খুঁচা, আচ্ছা, এখন যা; শীগ্গির মুখ ধুয়ে কাপড় ছেড়ে দেতে আর।"

কৃষ্ণকেশোর ক্রতপদক্ষেপে সোপানাবলী অতিক্রম করিয়া উপরে উঠিয়া গেল।

মাতা ভাণ্ডারঘর হইতে মরদা বাহির করিয়া একজন পরিচারিকাকে মাথিতে বলিলেন। এবং অল্প পরিচারিকাকে দুইটা কইমাছ বাছিয়া আনিতে বলিলেন;—কৃষ্ণকেশোরের জন্ত বাসিতে সর্বদা জীবন জন্ত ও হংস-ডিহ সংগৃহীত থাকিত

মাসীদিগকে কাষাভার দিয়া, তিন নিচের রক্ষনশালার এক প্রান্তে আসন বিস্তৃত করিয়া, শীতল জলের পানপাত্র রাখিয়া এবং লবণ-লব্ধা-নেবু ইত্যাদি দিয়া, পুত্রের আহারস্থান রচনা করিলেন। পরে অস্ত্র পাক করিয়া এবং অস্ত্রাভিহীন বাজর খানিতে সাজাইয়া লুচি ভাজিতে বাসিলেন।

প্রায় পনেরো মিনিট পরে বৃষ্টিবিশেষে নিম্নতলে আসিয়া দেখিল যে, পরিচারক আপন অস্ত্রপাত্র দ্বারা বাহ্যিকভাবে সাজিতেছে এবং পরিচারিকাগণ হাতাধরের সম্মুখে বাসনায় আহার করিতে বাসিয়াছে। এবং মাতা পাকপাত্র সকল সাজাইয়া রাখিয়া, রক্ষনস্থান পরিষ্কৃত করিয়া, আহার স্থানে খানিতে তাহার খাচ রাখিয়া, বসি করিয়া খানি সাজাইতেছেন। সে আহার করিতে বাসিয়া প্রথমেই জিজ্ঞাসা করিল,—“মা, তুমি এত কাষ এত শগুণ্ডর ক’রো কেনন করে?”

মাতা মনে মনে ভাবিলেন, বেশী কাষ দূরের কথা, বার ভাগ্যে ভগবান স্বামী সেবা করেন নাই, তাহার কোন কাষ নাই বলিলেও চলে; সেই সামান্ত কাষ,—একটা ছেলের খাওয়ার সামান্য উযোগ—ভাড়া করিতে আর কতখণ সময় লাগবে? কিন্তু তিনি পুত্রের প্রশ্নের কোনও উত্তর প্রদান করিলেন না। কেবল উঠিয়া, গোত্রন পাত্রে একটি স্বকৃহান আত্র প্রদান করিয়া করিলেন,—“এই আমটা খেয়ে দেখিস্, এটা আমাদের গোশালার গাছের নেংড়া আম।”

বৃষ্টিবিশেষে জিজ্ঞাসা করিল,—“মা, তুমি কি ক’রে চিন্তে

পার, কোনটা বোম্বাই আম, কোনটা নেংড়া আম, কোনটা গোপাল ভোগ ?

মাতা কহিলেন,— “চৈতন্য মেথলেত চিন্তা করা যায়। তুইও একটু চেষ্টা করলে, চিন্তে পারবি।”

এইরূপে মাতাপুত্রের কথোপকথন আরম্ভ হইল। তাহার পর অনেক কথা হইল। পুত্রের পৌকাদ দক্ষ খুব ভাল হইয়াছে শুনিয়া মাতা হই প্রকাশ করিলেন। তাহারোশার পরীক্ষায় ক্রমশঃ হইতে পারে নাহি শুনিয়া মাতা বিষয় হইলেন। আপন মেসের বাগীতে তাহারক পাতায় কতক শাওকে অল্প মেসে থাকিতে হইয়াছিল শুনি, মাতা পুত্রকে বিবাহের জন্য সতর্ক করিয়া দিলেন। এইরূপ অনেক কথা হইল; কিন্তু ককাকিশোর উজ্জ্বলিতর বাবুর পক্ষা সন্দেহ কন্যার কথা উত্থাপন করিবার অবকাশ পাষ্টল না। মাতার বাগী কলের কথা বা তাহার বিবাহের কথা তাহাকে কহিলেন না।

পূর্বে যে কথায় ককাকিশোর মোটেই বুঝিতে পারে নাহি, মাতার সচিত কথাবার্তা কহিতে কহিতে সে কথায় সে উত্তমরূপে হৃৎস্পন্দ করিতে পারিল। বাগীতে পাতাগমন করিবার পূর্বে গাড়ীতে বসিয়া, এবং বাগীতে পাতাগমন করিয়া বেশপরিবর্তনের পূর্বে সে ভাবিয়াছিল যে অবিলম্বে বিবাহের কথাটা মাতার নিকট উত্থাপিত করিবে, এবং তাহার অনুমতি লইয়া পরদিনই কলিকাতায় যাইবে। কিন্তু এক্ষণে সে মাতার সম্মুখীন হইয়া বেশ বুঝিতে পারিল উহা অত্যন্ত কঠিন কর্ম। সে বুঝিল, একটি

বিংশতি বর্ষবয়স্ক বাণকের পক্ষে, অতিদমণ্ডী মাতার নিকট, আপন মুখে আপনার বিবাহের প্রস্তাব উপস্থাপন করা অত্যন্ত শিষ্টাচার-বিরুদ্ধ ও অজ্ঞানের কবাব। ছি! ছি! সে মানা মাতার নিকট বিক্রম বর্ণিত যে, অমুক রূপবতী কিশোরীকে দেখিয়া সে মুগ্ধ হইয়াছে, অতএব, তাঁহার অকৃত্রিম কষ্টে, সে তাহাকে বিবাহ করিয়া আনিবে। এই অস্বাভাবিক ও দুর্ভাগ্য কার্য করিবায় সাহস সে তাহান তরুণ বয়সে সংগ্রহ করতে পারিল না।

মাতাও তাহাকে এই কার্য করিবার অসম্মত প্রদান করিতেন না। তিনি প্রায় একঘণ্টাকাল পুত্রের সহিত মনো-কণ্ঠে আত্ম-বাচীত কাহিনী শেষ করিলেন,—“এই বার তুমি শুনে যা আর দেবী করিসনে; অনেক রাত বেয়ে গেছে। এান সকালে অনেক কাজ আছে। সকালে সকালে উঠিও।”

বৃষ্ণাকেশোর সাহসে মাতার বিজ্ঞাপন করিল,—“কি কাষ, মা?”

মাতা মুগ্ধ হামস্বরে কহিলেন,—“সে কাণকের কাজ কাণকের বলবো এখন। এখন তুমি আর দেবী করিসনে; শুগে যা।”

বৃষ্ণাকেশোর ভাবিতে ভাবিতে আপন শরম কক্ষে যাউন। শয্যা আশ্রয় গ্রহণ করিল।

অষ্টত্রিংশ পরিচ্ছেদ

বিবাহে অনিচ্ছা :

পরদিন সকালে গাত্রোথান করিয়া কুম্ভাবি শব্দ শ্রবণে
নিকট বজ্রাঘাতের ন্যায় কঠিন ও নিশ্চয় কথা শ্রবণ করিল।

মাতা বলিলেন,—“আগামী ১৩ আষাঢ় তোর বিবাহের
তার আর বেশী দিন দেয় নেই : তোর মন উঠেছে কাহার
হবে ; তুই আজ পেকেই কান আরম্ভ কর ।”

কি? কার মতি উঠিল? কাহার মতি উঠিল? কাহার
কুলশীলা কদাকারি মতি উঠিল? তাহার মতি উঠিল কার মতি উঠিল
কোন প্রেমহীনা কুলশীলা কদাকারি মতি উঠিল তাহার প্রেমের পুরা ভাঙ্গিয়া
দিবে? ইঞ্জিনিয়ার বাবুর প্রেমহীনা কদাকারি মতি উঠিল তাহার
কাঠাকে বিবাহ করিবে? অসম্ভব! অসম্ভব! সে যে উচিত
এক প্রকার পাতশ্রুতি দিয়া আসিয়াছে। সে যে তাহার প্রেমের
শ্রোতে ভাসিতে ভাসিতে বাঁটা আসিয়াছে। সে যে গতরাতে
তাহার জ্যোতির্ময়ী মুক্তি কল্প দেখিয়াছে। সে যে কন্দরী—
অপূর্ব কন্দরী! সে যে তাহার হৃদয়-সরোবারণে মগ্ন হইয়াছে।—
তাঁহাকে ভুলিয়া—সেই হৃদয়ানন্দদারিনীকে অদৃশ্য হইতে মুক্তি
ফেলিয়া, সে আর কাহাকে—কোন প্রেমিনীকে, কোন পাণ্ডিত্যকে
তাঁহার হৃদয়ে স্থান দিবে? সে কাঁতর লগ্নে কহিল,—
“মা, মা, তুমি —

মাতার নয়ন প্রান্তে পুত্রের অলক্ষ্যে একটু কোঁচু ক্রোড়া করিয়া গেল, অধর প্রান্তে সামান্য একটু হাসি, প্রথম দৃষ্টে সন্মাতারার ছায় ফুটয়া উঠিল। তিনি বলিলেন,—“এখন, মা, মা, ক’রে আমাকে পাগল করিস্নে কেটে! তুই কাগজ আর একটা পেন্সিল নিয়ে এসে এই আমার কাছে ব’স। বসে, কি, কি, জিনিস কিনতে হ’বে, কাকে কাকে নেমতন্ন করতে হ’বে, আমার কাছে জেনে, ফর্দি করে নে।”

কৃষ্ণকিশোর পূর্ববৎ কাতর কণ্ঠে কহিল,—“তুমি বুঝতে পারছ না, মা; এখন আমার বিয়ে করা চলবে না।”

মাতা বিস্ময় দেখাইয়া জ্র কুঞ্চিত করিয়া কহিলেন, “কেন চলবে না?”

কৃষ্ণকিশোর শিরঃ কণ্ঠে মন করিতে করিতে কহিল,—“চলবে না কেন, শুনবে? এই—এই ধর, তুমি যে এই বিষেতে লোক জন সব নেমতন্ন করে আনবে, তারা এনে এই ছোট বাড়ীতে বাঁড়াবে কোথায়? দাঁড়াও, আগে আমি বড় হই; বড় বাঁড়ী তৈরী করি; তারি পর আমার বিয়ে হ’বে।”

এই অকিঞ্চিৎকর আপত্তি যেন ফুংকারে উড়িয়া গেল। মাতা হাসিয়া কহিলেন,—“সে ভাবনা হোর ভাবতে হ’বে না। তার ব্যবস্থা আমি আগে থেকেই করে রেখেছি। আমাদের বড় বাঁড়ী আমি তোমার কাকাবাবুর কাছ থেকে আকনেছি। ঐ বাঁড়ীতেই বিয়ে হ’বে।”

কৃষ্ণকিশোর বিস্মিত স্বরে জিজ্ঞাসা করিল,—“কখন কিনলে?”

মাতা উত্তর করিলেন,—“কাল কিনেছি ।”

কৃষ্ণকিশোর আপনাদের অপরিপক্ব বুদ্ধি লইয়া মনে করিল, যে বাটার ক্রয় প্রসঙ্গে নানা প্রকার প্রশ্ন তুলিয়া সে বিবাহের কথাটা মাতাকে ভুলানিয়া দিবে। অতএব সে গল্পের পর প্রশ্ন আরম্ভ করিয়া দিল,—“কাকাবাবু বাড়ীটা বিক্রি করলেন কেন ?” মাতা বাটা বিক্রয়ের কারণ নির্দেশ করিলে, সে আবার জিজ্ঞাসা করিল,—“কাকাবাবু কত টাকা দেনা হইয়েছে ?” মাতা দেবরের গুণের পরিমাণ অনুমান করিতে একমুহুত হইলে, সে পুনরায় জিজ্ঞাসা করিল,—“কত টাকায় বাড়ীটা কিনলেন ?” মাতা এই জিজ্ঞাসার উত্তর প্রদান করিলে, সে নূতন প্রশ্ন স্থাপন করিল,—“এই বাড়ী বিক্রির তা কতই হি কাকাবাবুর সব দেনা শোধ যাবে ?” মাতা তাহাতে সংশয় প্রকাশ করিলে সে আবার জিজ্ঞাসা করিল,—“মা, কাকাবাবুরা আম্মানিকে ও বাড়ী ছেড়ে দিয়ে কোথায় থাকবেন ?”

মাতা ছোটবাবু মহাশয়ের নূতন বাটার কথা উল্লেখ করিলেন ; কিন্তু এবার তিনি পুত্রকে আর নূতন প্রশ্ন জিজ্ঞাসা করিবার অবসর প্রদান করিলেন না। তিনি পুত্রের কথায় বাধা দিয়া কহিলেন,—“আর কথায় কথায় সময় নষ্ট করিসনে। কাগজ পেন্সিল নিয়ে আয়, আম্ম ফর্দিগুলো তোকে লিখিয়ে দিই ।”

কৃষ্ণকিশোর আবার বিপদাপন্ন হইয়া তাহার চির প্রশ্ন ললাট তরঙ্গায়িত করিল।

পুত্রের ঐ কুঞ্চিত ললাটতলে কি চিন্তা লীলা করিতেছিল,

হিরবুদ্ধিশালিনী জননী তাহা অতি সহজেই অনুমান করিতে পারিলেন। তাহা অনুমান করিয়া তিনি মনে মনে হাসিলেন। কিন্তু তিনি সহসা পুত্রের দুর্ভাবনা দূর করিলেন। আজ তিনি একটা সংকল্প লইয়া পুত্রের সহিত কথোপকথন আরম্ভ করিয়াছিলেন। আজ তিনি হির কবিরাজিলেন যে পুত্রের মাতৃভক্তিটা পরীক্ষা করিয়া দেখিবেন। পরীক্ষা করিয়া দেখিলেন যে যে বৃন্দা বিশ্ববিদ্যালয়ের বি. এ., পরীক্ষায় উত্তীর্ণ হইয়া, দেশের শিক্ষিত লোকগণের শ্রেণীভুক্ত হইয়াছে, তাহার নিকট মাতৃভক্তি বড়, না রূপের মোহ বড়। দেখিলেন, যে মাতা তেমন আপনার বক্ষের শোণিত দান করিয়া—সর্গাদাপ গরায়সী ব্রহ্মধারা দিয়া—যে অসত্য শিশুকে প্রাপ্য পালন করিয়াছেন, সেই শিশু বড় হইয়া, কৃতবিদ্যা হইয়া সেই মাতাকে আপনার হৃদয়ের অননন্ত ভক্তি দান করবে, না, এক অভাবিনী তরুণীর নৈহিত সৌন্দর্য্য মুগ্ধ হইয়া, আপনার মাতৃভক্তিহীন হের হৃদয় বাহ্যিক রূপের পদতলে লুটাইয়া দিবে? মনোমধ্যে এই সংকল্প হির করিয়া তিনি চিন্তামিত পৃথক্কে জিজ্ঞাসা করিলেন,—“কি ভাবিয়াছে? বিয়ে করাবে, এখন আর ভাবনা কি?”

কুকাকিশোর কহিল,—“ভাবছিলাম ‘ক জানি, মা? এত তাড়াতাড়ি করে, এই আঘাত মাসে বিয়েটা না হ’লেই ভাল হ’ত।’

মাতা জিজ্ঞাসা করিলেন,—“কেন? পাঁজতে ত গেথা যাঁছে যে, এই ১৩ই আঘাত তারিখে, বিয়ের একটা পূর্ব শুভদিন।”

কৃষ্ণকিশোর কহিল,—“কিন্তু এত তাড়াতাড়ি কেন, মা ? এ বছরে ত আরও অনেক শুভদিন আছে ।”

মাতা কহিলেন,—“তাদের মেয়ে বড় হয়েছে, এমনো তাঁরা তাড়াতাড়ি করেছেন । তা ছাড়া, বোধ হয়.....”

কৃষ্ণকিশোর মাতার বাক্যে বাধা দিয়া কহিল,—“তা তাঁদের যদি এত তাড়াতাড়ি থাকে, তাঁরা মেয়ের বিয়ে অন্য জায়গায় দিন না কেন ? আমি ছাড়া ত এই বাঙ্গালার দেশে আরও অনেক সুপাত্র আছে ।”

মাতা কহিলেন,—“কিন্তু সেই মেয়েটিকে আমি খুব পছন্দ করেছিলাম ।”

কৃষ্ণকিশোর কহিল,—“সেটাও মাস পরে, বিয়ে করবার ওপর এই পৃথিবীতে আরও অনেক পছন্দমত মেয়ে খুঁজে পাওয়া যাবে । আর ততদিনে, আমরা দু'বাহীরা একটু মেরামত করে, পরিষ্কার পরিচ্ছন্ন করে নিতে পারবো । তাহলে তাঁরা আমাদের মেয়েদের পত্র পেয়ে আসবেন, তাঁদের থাকবার কোনও অসুবিধা হ'বে না ।”

মাতা পুত্রের এই অপারিত্তিও খণ্ডন করিলেন,—“মেরামত না করলেও, এখন ত-বাড়ীতে বাস করলে, কামরও অসুবিধা হ'বে না । রাধাকিশোরের বিয়ের আগে তোর কাঁকাবানুও বাড়ীটা বেশ ভাল করেই মেরামত ক'রেছিলেন ; রং গোঁড়া আগোঁড়া নূতন করে দেওয়া হয়েছিল । এখন একটু ধুয়ে মুছে নিচুও পারলেই বাড়ীটা ঠিক নূতন বাড়ীর মত হ'বে । তা' সে দশ বার দিনের মধ্যেই হ'য়ে যাবে ।”

কৃষ্ণকিশোর আবার মস্তক কণ্ঠয়ন করিয়া নূতন আপত্তি উত্থাপন করিল,—“মা, এই গরনের দিনে যদি ভোজ্য খেয়ে লোকের অসুখ করে?”

পুলের এই বাগকোচিত আপত্তির কথা শুনিয়া মাতা তাই দিলেন। হাসিয়া কহিলেন,—“সে ভাবনা ভাব ভাবতে হবে না। তবুদিনে বর্ষা আরম্ভ হ'য়ে যাবে, গরম থাকবে না। তা' ছাড়া ভোজ্যের স্নিগ্ধের ফর্দ করার সময়, আমি তা'তে কোরে'ডিন, যোগানের জল,—এই সব শুধুর নামও লিখিয়ে দেব এখন।”

কৃষ্ণকিশোর আরও মস্তক কণ্ঠয়ন করিয়াও আর কোনও আপত্তি খুজিয়া পাইল না। তখন অসত্য্য সে বাপা হইয়া বলিয়া ফেলিল,—“কিন্তু মা, আমি যদি বলি, যে আমি ও মেয়েকে বিয়ে করাবানা?”

মাতা আপনমুখমণ্ডলে কৃত্রিম বিষণ্ণতা মাখিয়া এবং কণ্ঠস্বরে দ্রবৎ বাহ্যিক রোষ প্রকাশ করিয়া কহিলেন,—“তা' তুই বলতে পারিস্। এখন তুই বড় হ'য়ে'ডিস্. লেখাপড়া শিপে'ছিস্, এখন তুই আমার অবাধা হ'তে পারিস্। আমি কিন্তু অবাধা ছেলের বা'ীতে আর বাস করবো না। আমি কালই গুরু-ঠাকুরকে চিঠি লিখে কাশী যাবার ব্যবস্থা করবো।”

উনচত্বাশিংশ পরিচ্ছেদ

বিবাহ ।

মাতার শেষ বাক্য গুলি শুনিয়া, তাঁহার স্নেহপ্রসন্ন মুখে বিষণ্ণতার কালিমা দেখিয়া এবং স্নেহময়ী মাতার প্রতি আপন বাক্যের গুরুতা বুঝিয়া কৃষ্ণকিশোরের হৃদয় যেন এতটুকু হইয়া গেল । একটা বেদনার চাপে তাহার নবীন হৃদয়ের প্রেমানুর যেন নিষ্পেষিত হইয়া গেল । মুহূর্তমধ্যে তাহার রূপজ মোহের কুহক কাটিয়া গেল । মোক্ষদার কথা চিন্তা করিয়া সে মনে মনে বলিল, কে সে ? সে যে তাহার জ্ঞাত আপনার জননীকে, আপনার চিরদিনের দেবতাকে, এই দেবাধিক পূজ্যাকে, এই পূজনীয়ারও পূজনীয়াকে গৃহত্যাগিনী করিবে ? প্রেম পবিত্র, কিন্তু মাতৃস্নেহ যে স্বর্গের চেয়েও পবিত্র ; প্রেমে কামনার আবির্ভাব আছে, কিন্তু মাতৃস্নেহ স্বর্গালোকের দ্বায় অনাবিল এবং তাহাতে প্রভাত কুম্বের সৌরভের দ্বায় নিশ্চল সৌরভ পূর্ণ । এমন মাতৃস্নেহ, কামনাময় কামিনীপ্রেমের জ্ঞাত সে কি ত্যাগ করিবে ?

কৃষ্ণকিশোর কোন ঐতিহাসিক পাঠ্য পুস্তকে পাঠ করিয়াছিল যে, ম্যাকি ডন প্রদেশীয় জগজ্জয়ী মহাবীর সেকেন্দার যখন পূর্বদেশে দিখিজরে বাহির হইয়াছিলেন, তখন স্বদেশীয় রাজ্যশাসন তাঁর, যক্ষ এন্টিপেটারের হস্তে, হস্ত করিয়া গিয়াছিলেন । কিন্তু

সেকেন্দারের গর্ভধারিণী রাজধানীতে থাকিয়া, রাজ প্রতিনিধি এন্টিপেটেরের প্রত্যেক রাজকার্যে বাধা প্রদান করিতে লাগিলেন। রাজ মাতার অস্বাভাবিক বাধার এন্টিপেটার অত্যন্ত উত্তরাজ্জ্বল হইয়া উঠিলেন ; তিনি সেকেন্দারকে পত্র লিখিয়া সকল কথা লিখাইলেন। সেকেন্দার বন্ধু ও রাজপ্রতিনিধি এন্টিপেটারের সেই পত্র পানিয়া পত্রবাহক সেনানীকে কহিয়াছিলেন, “হায় ! বন্ধু এন্টিপেটার ত বুঝবে না যে, তার এরকম হাজার হাজার পত্র আমার মার এক ফোঁটা চোখের জলে ভাসিয়া যাইবে।” আজ কুম্ভকাম্বারের স্মরণ পথে হঠাৎ সেই অপূর্ব মাতৃভক্তির কথা উদ্ভিত হইল। তার হৃদয়ে মাতৃভক্তির বন্তা বহিল। সেই বন্তার উচ্ছ্বাসে তার হৃদয় হইতে সেই ছোয়াস্বাময়ীর কমনীয়া মূর্তি কোথায় ভাসিয়া গেল। সে মাতৃপদতলে মস্তক অবনত করিয়া কহিল,—“না, মা, তুমি আমার উপর রাগ করোনা। আমি তোমাকে ভারি অস্তায় কথা বলেছি। আমি চিরকাল তোমারই কথা শুনে এসেছি ; আজও তোমার অবাধ্য হ'ব না। তুমি যেখানে আমার বিষের সন্ধান স্থির করেছ, সেইখানেই আমি ঐ ১৩ই আঘাটই বিষে করতে যাব। দাঁড়াও, আমি কাগজ পেঞ্জিং নিয়ে আসি ; কি কি উদ্ভোগ কর্তে হ'বে তোমার কাছ থেকে লিখে নেব।”

স্নেহরসে মাতার হৃদয় প্রাবিত হইয়া গেল। তিনি মনে মনে বলিথেন, “দাঁড়াও, বৎস, তুমি যদি মাতৃভক্তি দিয়া আমাকে পরিতুষ্ট করিতে পার, আমিও রক্ষাকবচর মত মাতৃস্নেহ দিয়া

তোমাকে ঘিরিয়া রাখিতে পারি, তোমার অভিলষিত সামগ্রা
তোমাকে দান করিয়া, তোমার সংসার আলোকিত করিতে
পারি”

তিনি পুত্রের মস্তকে আশীর্বাদপূর্ণ হস্ত প্রদান করিয়া, আপন
ব্রাহ্মণ মুখ মুহূর্ত্তন্থে প্রসন্ন করিয়া কাহলেন,—“ওঠ, ওঠ, আর
পায়ে হাত দিবে থাকিস্নে । শীগ্ৰু কাগজ পোল্লি নিরে আর ।
আমার রান্নাবান্না করবার সময় হ’য়ে এল ।”

কাগজ পোল্লি আনিবার জন্ত কৃষ্ণকিশোর মাতার আশীর্বাদ
সংগত মস্তক উন্নত করিয়া ছুটিয়া আপন কক্ষে গেল, এবং উহা
সংগ্রহ করিয়া অল্পকাল মধ্যে প্রত্যাগত হইল ।

মহারাজা যথাতি যেমন দেবযানীকে কূপ হইতে উদ্ধার করিয়া
আপনার নারীপ্রাণরক্ষা পুণ্যের ফল স্বরূপ সেই সুন্দরী গুরুকন্যাকে
হাতে হাতে লাভ করিয়াছিলেন, সূর্যাবংশীয় মহারাজা দিলীপ
বিশিষ্টাশ্রমাস্থতা নন্দিনী নাম্নী কামধেনুর পূজা করিয়া যেমন
অভীষ্ট ফল সদ্য লাভ করিয়াছিলেন, অর্জুন যেমন দেবীদেব
পশুপতির পূজা করিয়া আশু পাশুপত অস্ত্র প্রাপ্ত হইয়াছিলেন,
আজ কৃষ্ণকিশোর মাতাকে প্রসন্ন করিয়া মাতৃভক্তি নামক
মহাপুণ্যের ফলে, অভীষ্ট মোক্ষদা ফল হাতে হাতে লাভ করিল ।
কৃষ্ণকিশোর কাগজ লইয়া মাতার নিকটে উপস্থিত হইয়া লিখিতে
উদ্বৃত্ত হইলে মাতা কাহলেন,—“লেখ, শ্রীমান কৃষ্ণকিশোরের
সিংহের সহিত, কলিকাতা যুজাপুর ৭৮ নম্বর—”

মহাবিশ্বয়ে কৃষ্ণকিশোর চমকাইয়া উঠিল; তাহার লিখনরত
হস্ত গতিহীন হইয়া গেল ।

মাতা কহিলেন,—“খামাল কেন ? লেখ, ৭৮নম্বর ... দ্বীট
সী শ্রীবুদ্ধ অনাথকে মিত্র মহাশয়ের কন্যা শ্রীমতী মোক্ষদা
দেবীর শুভবিবাহের ফর্দ ।”

কৃষ্ণকিশোরের সর্বাপ্ন রোমাঞ্চিত হঠকা উঠিল ; তড়িৎ বেগে
যেন তাহার দেহ আলোকিত হঠকা উঠিল । কিন্তু সে বুঝিতে
পারিল না, মাতা কিরূপে তাহার মনের আতি গোপন অভিশাপের
সংবাদ পাইলেন ; কিরূপে তাহার দুই তিন দিন মাত্র অক্ষুপস্থিতির
মধ্যে তাহার মনোনীতা সুন্দরীর সহিত বিবাহের সম্বন্ধ স্থির
করিয়া ফেলিলেন । এ সকল তথা সে বুঝিতে চেষ্টাও করিল
না ;—সুতরাপায়ী শিশু কি বুঝিতে চেষ্টা করে, কোথা হইতে
সেই সুনিষ্ঠ পীড়নধারা সৃষ্টি হয় ? মাতার স্নেহধারা উপভোগ
করিয়া কৃষ্ণকিশোরও তাহার উৎপত্তির কারণ জানিতে চাছিল
ন । সে কেবল অক্ষুট কণ্ঠে কহিল,—“মা, মা—

মাতা হাসিয়া কহিলেন,—“আবার কি হল ? আবার মা, মা,
করিস্ কেন ?”

কৃষ্ণকিশোর মাতার চরণদ্বয়ের উপর আপন অবনত মস্তক
শুল্ক করিয়া গদগদ কণ্ঠে কহিল,—“মা, মা !”

* * * * *

যথাকালে কৃষ্ণকিশোরের সহিত মোক্ষদার বিবাহ হইয়া গেল ।

চত্বারিংশ পরিচ্ছেদ

উপসংহার ।

দুই বৎসর পরে কৃষ্ণকিশোর ইংরাজি সাহিত্যে এম, এ, পরীক্ষা দিয়া প্রথম স্থান অধিকার করিল। আরও এক বৎসর পরে বি, এল, পরীক্ষায় কৃতকার্য হইয়া যখন সে বাটীতে প্রত্যাগত হইয়া জমীদারীর ভার আপন হস্তে গ্রহণ করিল, তখন তাহার জমীদারী ও গোশালার বার্ষিক আয় প্রায় বিংশতি সহস্র মুদ্রা হইয়াছিল। তথাপি সে আদালতের কার্যের অভিজ্ঞতা লাভ করিবার জন্ত এবং আরও অর্থগণের জন্য বাটী হইতে প্রত্যহ জেলার সহরে আনাগোনা করিয়া ওকালতী কার্যে আরম্ভ করিয়া দিল।

এই সময় কৰ্ত্তীঠাকুরাণীর অনুরোধে, নবীন গৃহস্থ দম্পতীকে অশীর্বাদ করিবার জন্ত গুরুদেব কাশীধাম রুহিতে তাজপুরে আসিলেন।

কৰ্ত্তীঠাকুরাণী তাঁহার চরণ তলে পড়িয়া প্রার্থনা করিলেন, —“আমার কৃষ্ণকিশোর মানুষ হয়েছে, রোজগার কর্তে শিখেছে, নিজের সম্পত্তি নিজে রক্ষা করতে শিখেছে, তার বিয়ে দিয়েছি। এখন সংসারে আমার আর কোনও কায নেই। এখন আপনি অনুমতি করুন, আমি মস্তকমুণ্ডন করে বশির্বাণ করবো।”

গুরুদেব কৃষ্ণকিশোর ও মোক্ষদার অশ্রুভারাক্রান্ত নয়নের দিকে দৃষ্টিপাত করিয়া কহিলেন,—“মা, তোমার সংসারের কাষ শেষ হয়নি। মানুষ ষতদিন বেঁচে থাকে, ততদিন তার কাষ ফুরায় না। এখন দবিজ্ঞ নারায়ণের সেবা করাই তোমার কাষ; তার জন্তে কাশী বা অন্য তীর্থ স্থানে যাওয়ার আবশ্যক হয় না। তা ছাড়া পুত্রক ছেড়ে অন্ত্র থাকবার অধিকার তোমার নেই। ‘আমাদের শাস্ত্রকারেরা বলেছেন,—

“পিত্রা ভর্তা স্তৈর্বাপি নেচ্ছেদ্বিরহমায়াঃ।”

অর্থাৎ জীগণ কখনও পিতা, স্বামী বা পুত্রের সহিত আলাদা হয়ে বাস করেন না। আজকালকার স্ত্রীক্ষিতা স্ত্রীরা আপনার স্বদেশের মহাজ্ঞানী পিতৃগণকে ছুঁ লোক মনে করেন; তাঁরা বলেন যে তাঁদের জন্ম করবার জন্তেই পুরান’ ঋষিরা ছুঁয়া করে ঐ রকম অনুশাসন বাক্য প্রচারিত করেছিলেন। তুমি যেন, মা, তা’ মনে ক’রো না। স্ত্রী ঐশ্বর্য্য বিসর্জন দিয়ে, দারিদ্র্যব্রত অবলম্বন করে’ যারা লোকহিতৈষণায় জীবন বিসর্জন করে গেছেন, তারা ছুঁয়া জানতেন না। তাঁরা নিরাশ্রয়া দুর্বলা নারী-গণকে ডাকাতির হাতে সমর্পণ না করে’, পূজনীয় স্নেহময় পিতার হস্তে, প্রেমময় পতির পবিত্র হস্তে, নয়নানন্দদায়ক নন্দনের ভক্তিময় হস্তে অর্পণ করে গেছেন;—দুর্বলাগণকে নিরাশ্রয়া অসহায়া না করে তাদের আশ্রয়ের ব্যবস্থা করেছিলেন বলে ঋষিদের ছুঁ লোক বলা যায় না। মা, সেই ঋষিদের ব্যবস্থায়

চল্ল তোমার ইহকালের ও পরকালের মঙ্গল হবে। তাই তোমার একাকিনী কাশীবাস করা চলবে না; ছেলের সংসারে ছেলের আশ্রয়েই থাকতে হবে। আর, মস্তকমুণ্ডনের কথা বলছে? চাণক্যের উপদেশটা সকলেই ত জানে, মা।—

“জ্ঞানেন মুক্তির্নতু মুণ্ডনেন”

অর্থাৎ জ্ঞানের দ্বারাই মুক্তিলাভ হয়, মুণ্ডনের দ্বারা হয় না।”

সুতরাং কতীঠাকুরাণীর কাশীবাস বা মস্তকমুণ্ডন কিছুই হইল না।—“আজ্ঞা শুক্রনাং হবিচারণীয়া”—শুক্লগণের আজ্ঞা বিচার না করিয়াই পালন করা উচিত। তিনি গিন্নী মা ঠাকুরণ’ এই মান্য উপাধি গ্রহণ করিয়া বাটীতেই থাকিয়া গেলেন।

* * *

কৃষ্ণকিশোরের মাতার কাশীবাস না ঘটিলেও, ইঞ্জিনিয়ার বাবু কিন্তু কাশীবাসী হইয়াছিলেন। তাজপুরের জমীদার কুলে কন্যার বিবাহ হইলেও, তাঁহার পত্নী শান্তিময়ী একটুও শাস্তিলাভ করিতে পারেন নাই; তিনি কন্যার বস্ত্রালঙ্কার, জামাতার জন্তু প্রেরিত উপঢৌকন, স্বামীর ব্যবহার কিছুই পছন্দ করিতে পারেন নাই। অহরহ ভূস্থিতে জীবন বাপন করিয়া তিনি অসুস্থ হইয়া পড়িলেন। রোগ ক্রমে বৃদ্ধিপ্রাপ্ত হইল। সকল প্রকার চিকিৎসাই বার্থ হইল; অথবা চিকিৎসা তাঁহার পছন্দ মত না হওয়াতে চিকিৎসকগণের দোষ্টা তিনি নিজেই ব্যর্থ করিয়া দিলেন।

কন্যার বিবাহের পাঁচ ছয় বৎসর পরেই তিনি অকালে কাল-
গ্রাসে পতিত হইলেন।—তাঁহার অশান্তির অবসান হইল কি ?
আহা! বিধাতা পরলোকে তাঁহার অশান্তি অপনয়ন করুন;
মৃত্যুর পর, তাহার শান্তিময়ী নাম সার্থক করুন; পত্নীর
মৃত্যুর পর, কলিকাতার বাটী জমাতাকে দান করিয়া, পেশ্বর
লইয়া ইঞ্জিনিয়ার বাবু কাশী ষাইয়া বাস করিলেন।

হুই এক বৎসর বাদে, মোকদ্দা স্বামী ও শশুর সহিত তীর্থভ্রমণে
বাহির হইয়া পিতাকে দেখিয়া আসিয়াছিল। কিন্তু তাঁহার
ভক্তিময় সদানন্দ জীবন দেখিয়া সে আর তাঁহাকে স্বদেশে
কিরাইয়া আনিতে ইচ্ছা করে নাই।

* * *

শ্রীযুক্ত ছোটবাবু মহাশয় সম্বন্ধে হুই এক কথা বলিলেই
আমাদের বক্তব্য শেষ হইয়া যায়; তোমারও নিষ্কৃতি লাভ
কর।

এই ধরনীতলে পাণ্ডাদারগণের সংখ্যা উত্তরাত্তর বৃদ্ধি
প্রাপ্ত হওয়ার, এবং কৃষ্ণকিশোরকে এক একটি মহল বিক্রয় করার
তাঁহার জমীদারীর আর ক্ষীণ হইতে ক্ষীণতর হওয়ার, শ্রীযুক্ত
ছোটবাবু মহাশয় পৃথিবীটাকে আর বসবাসের উপযুক্ত স্থান
মনে করিলেন না; হঠাৎ একদিন হৃদয়োগে আক্রান্ত হইয়া
ভিক্ষুসংসারের নিকট চিরবিদায় গ্রহণ করিলেন।

তাঁহার সাধ্বী সেবারতা পত্নী পতিবিরহ সহ্য করিতে না

পারিয়া, বুঝি পরলোকেও নীরবে তাঁহার পদসেবা করিবার জন্য দিবসত্রয় মধ্যে তাঁহার অনুগামিনী হইলেন ।

মাতাপিতৃহীন রাধাকিশোরের প্রেমের স্বপ্ন ভাঙ্গিয়া গেল। সে চারিদিকে চাফিয়া দেখিল, তাহার সহায় সম্পত্তি সকলই অন্তহিত হইয়াছে ; দেখিল, কনিষ্ঠ ভ্রাতাগণ মূর্ত্তিমান কলহের ছায় তাহার চারিদিকে দাঁড়াইয়া রহিয়াছে ; দেখিল, তাহার প্রেম-ময়ী পত্নী পুত্রকন্যাগণে পরিবৃত্তা হইয়া, বধীমাতার জীবন্ত প্রতিকৃতির ছায়, অনন্ত অভাবের হস্ত বিস্তৃত করিয়া অহরহঃ পূজা প্রার্থনা করিতেছে—

ধনং দেহি, বস্ত্রং দেহি, খাদ্যং দেহি,
দেহি রত্নালঙ্কারং ।

সমাপ্ত

শ্রীযুক্ত মনোমোহন চট্টোপাধ্যায় প্রণীত

অন্যান্য গ্রন্থ

অপরাজিতা (উপন্যাস)		মূল্য ২।
মানদা	ঐ	” ১।০
সুকুমারী	ঐ	” ১।০
পূর্ণিমা	(গল্পগ্রন্থ)	” ১।০
পঞ্চক	ঐ	” ১।০

প্রাপ্তিস্থান—গুরুদাস চট্টোপাধ্যায় এণ্ড সন্স

২০৩।১।১ কর্ণওয়ালিস ষ্ট্রীট

ও

“মানসী প্রেস”—১৪।এ রামতনু বসুর লেন

কলিকাতা

